



O. III








DE  
ACTIONIBVS  
VIRTVTIS  
EX SANCTIS SCRIPTVRIS  
ET PATRIBVS  
Libri Duo.

Auctore *BERNARDINO ROSIGNOLIO Vmetano,*  
*Societatis IESV Theologo.*

CVM PRIVILEGIIS.



VENETIIS, M.DCIII.

---

Apud Ioannem Baptistam Ciottum Senensem.

E D  
Claudius Aquauina, Societatis Iesu  
Præpositus Generalis.

**C**um opus hoc De actionibus Virtutis, a P. Bernardino Rosignolio nostre Societatis Theologo compositum, quatuor eiusdem Societatis Theologi, quibus id commissimus, recognouerint, ac in lucem edi posse probauerint, facultatem concedimus, ut typis mandetur, si ijs, ad quos pertinebit, videbitur. In quorum fidem has manu nostra subscriptas, & sigillo nostro munitas dedimus Romæ. xxi. Decembris. 1602.

Claudius Aq:

**Copia** Gli Eccellentiss. Sig. Capi dell' Illustr. Conf. di X. infrascritti, Hauuta fede dalli Sig. Riformatori del studio di Padoua per relation delli tre a ciò deputati, cioè del Reuerendo Padre Inquisitor del circ. Secretario del Senato Zuanne Marauegia, & di D. Lucio Scarano Lettor publico, che nel Libro intitolato de Actionibus Virtutis, & Sanctis Scripturis, & Patribus, Auctore Bernardino Rosignolio, non si troua cosa contra le leggi, & è degno di stampa, concedeno licentia, che possi esser stampato in questa Città.

Dat. die 16. Martij. 1603.

D. Andrea Minoto

D. Lunardo Mocenigo

D. Zuane da Leze

Capi dell' Illustr.  
Conf. di X.

Illustr. Conf. X. Secret.

Leonardus Orthobonus.





# CLAVDIO AQVAVIVÆ

PRAEPOSITO GENERALI  
SOCIETATIS IESV

BERNARDINVS ROSIGNOLIVS. S.




*Vm tu nauim Societatis, quam pro tua  
prudencia, & fortitudine rectam te-  
nes, Spiritus sancti vt speramus, im-  
pulsu in salutis ac perfectionis portum  
prospero cursu dirigis. Ego bonarum  
actionum, quibus eadem quasi remis  
impellitur, hanc veluti remigij materiam offero, rudem  
quidem, vt mea, sed preciosam, vt arbitror, utpote ex*

*Sacrarum literarum, & Sanctorum Patrum thesauris  
erutam. Erit hac additamentum ad eam perfectionis,  
seu spiritualis navigationis disciplinam, quam tu pro tua  
humanitate non ita multo ante hilari excepisti vultu: erit  
& testis mea in te perpetua observantia, quæ ad Divi-  
num mihi placandum numen tuam in me pietatem vi-  
cissim pronocet, opto.*

*Vale Venetijs Kalendis Quintilis, 1603.*







# INDEX LIBRORVM ET CAPITVM.

## Liber Primus.

In quo post generales Actionis studiosæ proprietates,  
de Theologicarum Virtutum Actionibus  
præcepta traduntur.

- Cap. i. **V**irtus in Actione consistit.
- ij. Qualis esse debeat Virtutis Actio.
- ij. Quæ Actiones Virtutis frequentari debent,  
& quatenus.
- iv. Qua ratione vera Virtutis Actiones a falsis dyjudi-  
candæ sint.
- v. Quam bonam voluntatem ad Virtutis exercitationem  
adferri oporteat.
- vi. Quibus cogitationibus imbuta mens eius esse debeat, qui in  
Actiones Virtutis incumbit.
- vij. Quenam sanctos viros adiuuerint ad mentem in boni  
cogi-

# I N D E X

*cogitationibus occupandam.*

- vij. *Quàm præstet proficienti nullam exercendæ Virtutis oblatam occasionem prætermittere.*
- ix. *A Deo donum exercendæ Virtutis postulandum esse, & quis deinceps ordo seruandus.*
- x. *De Virtutis Fidei Actionibus Internis.*  
*Primum fidei beneficium, & fructus Actionis internæ spiritualis quinque qui ex eo existunt.*
- xi. *Ponuntur alia tria fidei beneficia cum Actionis internæ fructibus spiritualibus, qui ex singulis colliguntur.*
- xij. *Quintum & Sextum fidei beneficium, & ex eis Actiones, utilitatesue.*
- xij. *De Fidei Externis Actionibus.*  
*De Confessione Fidei, & de Fidei Doctrina tradenda rudioribus hominibus, & pueris.*
- xiv. *De Nobilitate Actionis tradendi Doctrinam Christianam, & de difficultatibus incidentibus superandis.*
- xv. *Occasiones exercendæ fidei.*
- xvi. *Indicia firmæ fidei, Actionumque eius exempla nonnulla.*
- xvij. *De Dei timoris Actionibus, occasionibus, Indicijs.*
- xvij. *De Actionibus & exercitatione Spei.*
- xix. *De præcipuis Actionibus, & occasionibus charitatis in Deum.*
- xx. *Amoris in Deum & Christum Dominum exercendi occasiones, Indicia, & exempla.*
- xxi. *Actiones charitatis erga proximum. Occasio eas obeundi fraternæ*

# A N D E X

fraternè corrigendo, atque sublata omni excusatione

recte correctionis ratio.

xxij. Occasionēs Christianæ charitatis in iuuantis in spiritu ex-  
colendisq; hominibus, præsertim in disciplina Chri-  
stiana, & sacris Confessionibus.

xxij. Indicia & exempla Christianæ charitatis in proxi-  
mum.

## Liber Secundus.

In quo de Moraliū Virtutem Actio-  
nibus agitur.

Cap. i.

**D**E Prudentiæ Christianæ & Spiritualis Ac-  
tione potissima.

ij. Occasionēs & exempla prudentiæ in Actioni-  
bus Virtutum charitatis erga Deum, & Orationis.

ij. Occasionēs & exempla prudentiæ in Actionibus chari-  
tatis erga proximum, & fraterna correctione.

iv. Occasionēs & exempla prudentiæ in Actionibus multa-  
rum Virtutum moralium.

v. Indicia Prudentiæ & reliqua exempla quedam.

vi. De Religionis Virtute, eiusq; Actionibus & Occasionibus  
præsertim de Adoratione.

vij. De Deuotionis Actione, Occasionibus, Indicijs.

vij. De Actione & Occasionibus obseruantie præsertim erga,  
Ecclesiasticos patres.

ix. De obedientiæ Actione eiusq; præcipuis Indicijs.

De

# I N D E X

- x. *De Actione Simplicitaris.*
- xi. *Actiones, Occasiones, & Indicia Fortitudinis.*
- xij. *De propria Patientia Actione, eiusque exercitatione.*
- xij. *Actio & Exercitatio Mansuetudinis.*
- xiv. *De Actionibus Humilitatis, earumque continuo usu.*

Libri Secundus

De Virtutibus

De Virtutibus

|    |               |  |    |
|----|---------------|--|----|
| 1  | De Virtutibus |  | 1  |
| 2  | De Virtutibus |  | 2  |
| 3  | De Virtutibus |  | 3  |
| 4  | De Virtutibus |  | 4  |
| 5  | De Virtutibus |  | 5  |
| 6  | De Virtutibus |  | 6  |
| 7  | De Virtutibus |  | 7  |
| 8  | De Virtutibus |  | 8  |
| 9  | De Virtutibus |  | 9  |
| 10 | De Virtutibus |  | 10 |
| 11 | De Virtutibus |  | 11 |
| 12 | De Virtutibus |  | 12 |
| 13 | De Virtutibus |  | 13 |
| 14 | De Virtutibus |  | 14 |
| 15 | De Virtutibus |  | 15 |
| 16 | De Virtutibus |  | 16 |
| 17 | De Virtutibus |  | 17 |
| 18 | De Virtutibus |  | 18 |
| 19 | De Virtutibus |  | 19 |
| 20 | De Virtutibus |  | 20 |
| 21 | De Virtutibus |  | 21 |
| 22 | De Virtutibus |  | 22 |
| 23 | De Virtutibus |  | 23 |
| 24 | De Virtutibus |  | 24 |
| 25 | De Virtutibus |  | 25 |
| 26 | De Virtutibus |  | 26 |
| 27 | De Virtutibus |  | 27 |
| 28 | De Virtutibus |  | 28 |
| 29 | De Virtutibus |  | 29 |
| 30 | De Virtutibus |  | 30 |
| 31 | De Virtutibus |  | 31 |
| 32 | De Virtutibus |  | 32 |
| 33 | De Virtutibus |  | 33 |
| 34 | De Virtutibus |  | 34 |
| 35 | De Virtutibus |  | 35 |
| 36 | De Virtutibus |  | 36 |
| 37 | De Virtutibus |  | 37 |
| 38 | De Virtutibus |  | 38 |
| 39 | De Virtutibus |  | 39 |
| 40 | De Virtutibus |  | 40 |
| 41 | De Virtutibus |  | 41 |
| 42 | De Virtutibus |  | 42 |
| 43 | De Virtutibus |  | 43 |
| 44 | De Virtutibus |  | 44 |
| 45 | De Virtutibus |  | 45 |
| 46 | De Virtutibus |  | 46 |
| 47 | De Virtutibus |  | 47 |
| 48 | De Virtutibus |  | 48 |
| 49 | De Virtutibus |  | 49 |
| 50 | De Virtutibus |  | 50 |



# DE ACTIONIBVS

## VIRTVTIS

### EX SANCTIS SCRIPTVRIS

ET PATRIBVS.

#### LIBER PRIMVS.

In quo post generales Actionis studiosæ proprietates,  
de Theologicarum virtutum Actionibus  
præcepta traduntur.

*Virtus in Actione consistit. Cap. primum.*



T doctrina de Virtutibus ad spiritus profectum vtilior, & ad usum sit accommodatior, necessarium videtur de actionibus earum propriam accuratamq; tractationem instituere. Quæ enim de virtutibus duobus libris in opere de disciplina perfectionis tradita sunt præcepta ex sanctis fratribus eruta, actus earum explicant quidem, non ita tamen enucleatè & pressè, quemadmodum proficiētis studium & utilitas postulat fuerit igitur illa generalis quædam virtutum singularum descriptio, nunc sigillatim actiones ipsæ plenius & subtilius dispiciendæ. Verùm priusquam aggrediar ad virtutis cuiusq; actiones singulas, præmittam quædam, quæ ad rem propositam explicandam faciliorem nobis aditum faciant; & hoc primum. Quàm propriè virtus spectet actionem.

A Duo

Duo quippe sunt Virtutis officia. Vnum est, animam vestire, & ornare ob quam causam Anima sic exornata nominatur in Psalmis Regina assistens a dextris Regis in vestitu deaurato circumdata varietate. & S. Gregorius Nyssenus affirmat, Virtutes esse quasi viuos colores, quibus in nobis natua Dei forma exprimitur, & idem cum Regiam hanc Dei imaginem in homine describit, scepro comparat beatitudinis spem, diademati coronam iustitiæ, amictum vero cultumque purpureum Virtutem esse dicit, qua nihil asserit esse magis Regium. Alterum est, Virtutem Actionis bonæ ac studiosæ fontem esse & parentem. idcirco Virtutes Christi domini præstantissimæ & fecundissimæ in Cantico fluente plenissima appellantur. & sponsa charitas miseratioq; similes esse dicuntur piscinis quæ sunt in Ezebon. Dominus ipse in Evangelio clamat ex fide credetium promanatura flumina virtutum videlicet & donorum Spiritus Sancti, & Sæclicus Ambrosius & S. Augustinus quattuor Cardinales Virtutes expressas esse affirmant quattuor paradisi fluminibus. ob eam certe rationem; quia vt ex fontibus flumina, & ex fluminibus riuos deriuari necesse est, sic ex virtutibus fluere Actiones bonas.

Quamquam verò primum illud Virtutis munus præclarum sit, vt ob id etiam Virtutibus exutam Animam non minus velit S. Hieronymus esse desendam, quàm nobilissimi & locupleuissimi Hierosolymorū templi spoliationem; nihilominus virtus Actionem spectat. nam habitus finis est Actio, & S. Augustino vt omittā philosophos, habitus est id quod agimus, cum opus est.

Psal. 44.

Lib. de officio hominis.  
Cap. 5.

Cap. 4.

Cant. 5.

Cant. 7.

Ioan. 7.  
lib. de paradiiso c. 3  
lib. 2. de Gen. contra Manichæos, ca. 20.

Pro æmio lamentat. Ieremiæ.

lib. de bono coniugali c. 21.

Vir-



Virtus porro habitus est actuosus, siue maius operati-  
uus, cuius vis omnis & laus propterea in Actione con-  
sistit. Quod sanè a Deo sapientissimè institutum est.  
Primū quidem, vt homo qui ad imaginem Dei condi-  
tus est, ipsa virtutis Actione referat Deū qui Actus pu-  
rissimus est, actione ipse sua beatissimus. Deinde vt  
idem actionibus bonis continuatis æternæ felicitatis  
merita continuet, augeatq; semper: non enim corona  
bitur, nisi qui legitimè certauerit. & esto fidelis vsq; ad  
mortem habitu quidem, sed magis actu fidei. nam ad  
habitum non est adhortatio propriè. Deniq; vt Deus  
ipse semper præsto sit nobis, adeoq; præsens in cordi-  
bus nostris. Siquidem quamuis is adsit habentibus gra-  
tiam & virtutes; adest tamen maximè virtutem pietas-  
temq; exercentibus: harum quippe odore allicitur spō-  
sus, qui pascitur inter lilia. hoc est candore & odore  
virtutum delectatur, ait S. Bernardus, pasciturq; profe-  
ctibus nostris. etenim gaudium Dñi fortitudo nostra.

1. Tim. 1.

Apoc. 2.  
2. 1. 1. 1. 1.

Cant. 2.

Ser. in Ca.

71.  
2. Esdræ, 8

Actio autem ex omnibus virtutibus nostris siue su-  
pernaturalibus, siue acquisitis quasi fructus exigitur a  
Deo. propterea enim de fide dicitur, Accedentem ad  
Deum oportet credere. & de spe scriptum est, Spe gau-  
dentes, & Habe fiduciam in Domino ex toto corde  
tuo. de charitate erga Deum, Diliges Dominum Deum  
tuum ex toto corde tuo. de charitate erga proximum,  
Diligamus non verbò neq; lingua, sed opere & verita-  
te. de prudentia, Ambulate per vias prudentiæ, & idem  
de alijs. deniq; Dominus, Negotiamini, dum venio.  
vbi ait S. Ambrosius, Dominus suæ pecuniæ querit vsu-  
ram, vt intelligamus Dominum donorum suorum exer-

Heb. 11.

Rom. 12.

Prou. 3.

Math. 22.

1. Ioan. 3.

Prou. 9.

Luc. 19.

citationem postulare, & bonarum actionum tributum a suis exigere. immo (vt hoc etiam obiter dicamus) cum reprobos æternis supplicijs addicit, non tam illos accusat, quod malè egerint, quàm quod nihil egerint. Esuriui enim, & non dedistis mihi manducare. adeoq; si non aliæ subessent causæ, (vt vtinam non subessent innumeræ) sola omiſsa actio alioquin debita causa etiam esset damnationis & mortis æternæ. quod similiter in parabola de Talentis obseruat Auctor Imperfecti in Mattheum ille enim ait: qui fodit gratiam suam in terrâ, non peccare proponit, sed iustitiam non facere.

Ceterum, non solum Deus Actionem ex virtutibus exigit, sed ipsamet virtus ex seipsa. cuius nimirum natura per se, & vt aiunt, essentialiter ad Actionem dirigitur, vt S. Thomas explicat, & ante ipsum scribunt Patres. nam S. Basiliius virtutem quæ ex Deo est, dicit esse vsum earum Animæ facultatum, quæ boni causa datæ sunt, bona adhibita mente. qui vſus præceptis Domini sit conueniens. & S. Augustinus acriter inuehitur in Iulianum Pelagianum; qui virtutem interdum inſe cundam esse videbatur asserere. Quapropter inquit, dici non potest, quantum te fallat ista opinio, qua dixisti, omnes virtutes affectus esse, per quos aut fructuosè, aut steriliter boni sumus. fieri autem non potest, vt steriliter boni simus. Arbor enim bona bonos fructus facit. absit autem vt Deus bonus a quo securis paratur arboribus non facientibus fructum bonum, excidat, & in ignem mittat arbores bonas. Seneca simul Actio inquit virtuti necessaria est. & ab optimo Poeta dictum est, virtutem otiosam esse similem taci-

turnæ

Math. 25.

3. m. 4.

Math. 25.

1. 1. qu. 55.  
artic. 2.  
Re. fufius  
disp. In-  
ter. 2.

Lib. 4. con-  
tra Iul. in  
cap. 4.

Math. 3.

Ep. 95.

Claudia-  
nus.

turnæ lyræ, aut naui ad profectiōem adornatæ semper in portu consistenti. S. Anselmus deniq; Virtus inquit sine exercitio quasi plumbea lancea est.

Lib. de vi-  
ta Moyfis.

Porro virtuti Actio necessaria est, non solum ob rationes antedictas, similitudinem inquam Dei, meritum nostrum, & Dei præsentiam in nobis, sed multo maxime, quia solis suis actionibus se virtus sustentat, & locupletat. sicut suis deriuationibus fons, suo feruore ignis. Sola inquit S. Gregorius Nyssenus, virtutis Actio nutrit laborem, viresq; auget. & probat exemplo Moïsis, qui ait, cum semel per scalam, in qua Deus innixus erat, vt Iacob dicit, ascendere cœpisset, nunquam stetit, nunquam terminum motus nouit, sed semper de gradu in gradum ascendeat. nec enim deficere vnquam potest altior gradus. & post enuenerata præclara eius facinora, ea; dona, quæ cumulatè in eum contulerat Deus, tot tantisq; inquit sublimationibus elatus, adhuc ardet desiderio, adhuc tanquam famescens & sitiens, tanquam eo carēs quo semper fruebatur, orat vt videat, non vt ipse capere potest, sed vt se habet, qui desideratur. Id verò quod ait, non potest deficere altior gradus, intelligitur primò, vt altior gradus est. gradus enim altioris nō est deficere, sed proficere. Deinde, quia in altiore gradu ea uis est, vt si ipsi uelimus, possimus facile per illū, et Dei opem quæ sēper præsto est & præcipua, resistere temptationibus contrapugnantibus, ac progredi in virtute. in quā sententiā scripta etiā illa sunt: Aquæ multæ non potuerunt extinguere charitatē, neq; creatura alia poterit nos separare a charitate Christi. Consentaneum tandem est actiones auge

Lib. de si-  
militud.  
cap. 194.

Cant. 3.  
Rom. 8.



re virtutes, quòd virtutes (vt diximus) habitus sint, qui vt actionibus gignuntur, sic actionibus conseruantur, corroborantur, crescunt. quod etiam Theologicis virtutibus suo modo conuenire Theologi asserunt. quamuis enim & habitus illarum & incrementa a Deo efficiantur, incrementa certè Deus non efficit, nisi virtutum actionibus anteuerentibus, & præparantibus  
 1. Cor. 3. animum in quo incrementum det Deus.

*Qualis esse debeat virtutis Actio.*

*Cap. II.*



Actionis studiose proprietates multe sunt, præcipuas numerabimus maximèq; ad vsum spectantes.

Actio virtutis actio est humana, loquimur enim hic de hominis virtute. Est autè actio humana quæ ex ratione deliberante proficiscitur. vt idcirco nõ omnis actio hominis humana sit, nõ enim humanã dicimus quãuis hominis sit, actionẽ Animæ vegetatĩs; omnis tamẽ actio humana hominis simul est actio. Vt autem hæc virtutis actio sit, bona sit, oportet, hoc est de re bona, & rectum ob finem. quod idem simul est ac rationem humanam voluntariam esse, & spontè nascentem, ratione præeunte & prudentia per iudiciũ, & imperium, qui eius actus præcipui sunt, moderante. immo eandem rationem Dominam, & Reginam esse omnium humanorum actuum pro vniuscuiusq; ratio-

Gen. 4.

Ad Tit. 3.

ne. cum scriptum sit: Subtus te erit appetitus tuus, & tu dominaberis illius. adeo, vt præesse nos debere etiam operi-

operibus bonis significet Apostolus, vt nimirum ijs ita ratione prudentiaq; superiores simus, vt nullo quantumlibet pio seruire in eorum exercitatione abripiamur a recto. Talem actionem deniq; circumstantię omnes comitentur & muniant; nihil vt desit, quo minus integrā planē perfectaq; sit.

Tria autem sunt quę huiusmodi Actioni Seneca tribuit. Primum est inquit, ut quantum quidq; sit, iudices. Ep. 90. Secundum, vt impetum ad illa capias ordinatum, temperatumq; Tertium, vt inter impetum tuum actionemq; conueniat vt in omnibus istis tibi ipsi consentias. quicquid ex his tribus defuerit, turbat & cetera. Quid enim prodest intus aestimata habere omnia, si sis impetū nimius? Quid prodest impetus repressisse, & habere cupiditates in tua potestate, si in ipsa rerum actione tempora ignores, nescias quando, quidq;, & vbi, & quemadmodum agi debeat? aliud est enim dignitates & precia rerum nosse, aliud articulos, aliud impetus refrēnare, & ad agenda ire, non ruere. Tunc ergo vita sibi concors est, vbi actio non destituit impetum. Impetus ex dignitate rei cuiusq; concipitur, perinde remissus acriorq; prout illa digna est perpeti: hæc Seneca. qui planē exprimit prudentiam, non solum quę passiones sustinet, ne precipitent; sed eam etiam quę actionem ad exitum perducit; ne inchoata flaccescat. utrunq; enim necessarium est; Primum quidem aduersus illos, qui quicquid volunt, uehementer uolunt. Secundum autem aduersus illos qui multa quidem agitant animo, ac uolunt, nihil tamen, aut ualde pauca præstant. illi sunt qui cogitationem quidem ad res agendas adhibent, sed

sed subitam, ac ferè nulla præparatione operosa magna; aggrediuntur negotia, multis actionibus semper implicati: hi contra multa comprehendunt animo, de ijs copiosè disserunt cum audientium etiam admiratione, quæ agenda sunt inquirunt diligenter, acutè dispi-  
ciunt, ad agendum tamen tardi, remissi, minime effica-  
ces; illi rationis fræno coercendi, hi timoris ac consci-  
entiæ stimulis concitandi. neutri uirtute præditi, nisi illi se-  
nilem prudentiam, & hi magnam efficacitatem asci-  
scant, II. Actio virtutis præsertim Christiana, non sem-  
per in semine, aut infans est, sed vegeta, crescensq; quo-  
tidie magis: similis igni illi, què Dominus misit in ter-  
ram, & uoluit uehementer accendi. Nolite inquit Apo-  
stolus, pueri effici sensibus, malitia autem paruuli esto-  
te, sensibus autem perfecti: propterea S. Gregorius cū  
retulisset illud Iob, per singulos gradus meos pronun-  
ciabo illum, omnipotentem inquit Dominum per  
suos gradus pronunciat, qui per incrementa virtutum  
quæ cœpit, ei semper laudem suæ pietatis reddit. & pau-  
lo post: & ascendit super gradus eius, quia nobis profi-  
ciētibus eo amplius nobis exaltatur Dominus. Hortatur  
idcirco S. Hieronymus, crescat cū annis gratia, crescat  
cū ætate iustitia. quod quantia nobis fieri debeat, intelli-  
gitur ex dicto illo S. Gregorij, quo indicat sēire se signū  
diuinæ electionis esse in uirtute progressum facere. Ele-  
ctis inquit, cum foris ætas corporis, intus (si dici liceat)  
crescit ætas uirtutis; Nullus tamen ait idem, qui ad bo-  
num propositum adhuc in mentis teneritudine esse  
conspicitur, despiciatur, quia frumentum Dei ab her-  
ba incipit, ut granum fiat. quare infantes in uirtute fo-  
uendi

Luc. 12.

3. Cor. 14.

Homil. 15  
in Ezech.  
Iob. 31.

Ep. 14.

Lib. 27.  
Mor. c. 12.Homil. 15  
in Ezech.



uendi sunt, ac promouendi, dum Christus formatur in illis. ne sibi relictī de minimo etiam illo Virtutis gradu deiecti retrolabantur: accidatq; illis quod idem de non <sup>3. pa. par. cap. 1. Ad mouit 35.</sup> perseverantibus scripsit, qui bona non consumant, dū proposita non perficiunt, etiam quę fuerunt cępta conuellunt. III. Actio Virtutis feruens esse debet. Accirco Apostolus: Spiritu feruentes ait, Domino seruientes. ac si dicat, quia Domino seruimus, spiritu effervesamus. hic porro feruor si adulta virtute nitatur, nō extraneus ille erit ac peregrinus, qualem S. Petrus vituperat, <sup>1. Pet. 4.</sup> vt inconstantem ac minimē diuturnum, sed solidus ac robustus. mouere autem debent ad hunc feruorē multa, illud in primis quod a S. Thoma traditum est. Quilibet ait Actus charitatis meretur charitatis augmentum: non tamen statim augetur, sed quando aliquis conatur ad huiusmodi augmentum. quanquam in hominibus probis, animisq; Dei gratia bene munitis, sperandum est, non permissurum Deum tantum malum: effecturū potius, vt quando diligentibus Deum omnia cooperā- <sup>Rom. 8.</sup> tur in bonum, Actibus etiā remissis charitatis mereantur eius incrementum: tunc ad futurum; vt S. Thomas <sup>Ibid.</sup> sentit, cum ad illos accesserit vehementior actus. quare in ardentiores actiones incumbēdum, quatenus prudentia docet, & vires suppetunt: remissionibus autē non ex industria, sed cum aliarum occupationum necessitate astricti sumus, ita, vix vt locus sit ad alios virtutis actus attendendi, quā ad hosce exiles, & tennes. non negarim tamen hos ipsos tenues actus interdum etiam sponte eligendos esse: cum nimirum remissi multi ardentem vnum æquant: nec in his sicut in vehementior

ribus excitandis periculum ullum valetudini creatur  
 quem vsum accommodatum esse meditationi docui-  
 mus libro quarto de Disciplina. III. Actionem Virtutis  
 frequentem esse oportet, & vt crescat, ex frequentatis  
 enim actibus augescit habitus, & vt actionibus studio-  
 sis continenter perficiatur homo interior, qui habitibus  
 imbuitur, vt actionibus occupetur. vt superiore, capite  
 explicatum est. Quo igitur crebriores sunt actiones, eo  
 maiora suscipit incrementa perfectio. quod quāquam  
 actionibus externis conuenit; quadrat tamen magis in  
 actiones internas. propterea enim Apostolus Timo-  
 theo pręcipit, exerce te ipsum ad pietatem, nam corpo-  
 ralis exercitatio ad modicum utilis est. quem locum  
 Cassianus exponēs. Afflictio ait, corporalis initia quę-  
 dam profectus, non ipsam perfectionem parit charita-  
 tis. pietas autem quę sine dubio charitas intelligitur, ad  
 omnia utilis est. hęc ille. Idem S. Anselmus, & alij. Ad  
 hanc igitur exercitationem inuitat Apostolus, nō quod  
 externę actiones bonę obeundę non sint; sunt enim  
 ad salutem necessarię; sed quoniam insistendum prius  
 & maximē sit in internis actibus tanquam excellentio-  
 ribus, & à quibus externa perfectio vniuersa proma-  
 nat; in quibus deniq; Deus maximē delectatur. Exterio-  
 ra etenim nostra (ait S. Gregorius) Domino quamlibet  
 parua sufficiunt, cor namq; & non substantiā pēnsat:  
 quod ita verum est, vt nihilo minus Actionibus exter-  
 nis bonis magno sit insudādum studio, si non ob alias  
 causas (quę tamen alię multę sunt) ob perfectionē cer-  
 te ipsarummet actionum internarum. nam vt S. Hiero-  
 nymus obiter hac de re differens ait, Ratio operibus, &

opera

opera ratione indigent, & S. Gregorius cum attulisset dictum Salomonis: *Præpara foris opus tuum, & diligenter exerce agrum tuum, ut post ædifices domum tuam, & quid est inquit, post agri exercitium ad ædificium domus redire, nisi quod plerumq; ex bonis operibus discimus, quantam vitæ munditiâ in cogitatione construamus penè cuncta namq; bona opera ex cogitatione prodeunt. Sed sunt nonnulla cogitationis acumina, quæ ex opere nascuntur. nam sicut ab animo opus sumitur, ita rursus ab opere animus eruditur. Mens quippe diuini amoris exordia capiens imperat bona, quæ fiant, sed postquâ fieri imperata ceperint ipsis suis exercitata actionibus discit, cum imperare bona inchoauerat, quanto minus videbat. Foris ergo ager excolitur, quia plerumque ab exteriori opere videmus quantam subtilitatem rectitudinis in corde reneamus. hæc ille. Et quod is de fructu cognitionis ac scientiæ differit, affirmandum nobis est de accessione incrementi, meriti atq; feruoris, quæ ex actione externa saltem per occasionem redundant, & refluunt in internam. Verum quia magni refert intelligere quomodo, & quatenus frequentari debent studiosæ actiones, in hac re explicanda est nobis aliquantis per immorandum.*

Lib. 10.  
Mor. c. 16.  
Prou. 14.

*Quæ Actiones Virtutis frequentari debent, & quatenus. Cap. III.*



Actiones porrò studiose quæ frequentari possunt, & solent, multe sunt, nec vnius generis, & de nonnullis quid tradiderint Patres,



Intentio  
in Deum.

explicare, magnam vtilitatem proficientibus adfert. Primò igitur loco ponatur Intentio recta, quæ si nõ uirtus per se, actus certè aut sine actu virtutis non est. quam oculum appellat Dominus, oculum nempe cordis, non quod sit actus intellectus, sed cum sit actus voluntatis, qua homo vult finem aliquem, ad quem seipsum, & actiones suas dirigit, eo proficiens tanquam itineris huius oculo, & duce utitur. Vniuersè sic à S.

Lib. 2.

de ser. dñi  
in monte  
uersus fi-  
nem.

Augustino Intentio bona describitur: Hunc talem oculum inquit habet ille, qui finem bonorum operum suorum, ut verè bona opera sint, non in eo constituit, ut hominibus placeat, sed etiam si prouenerit, ut eis placeat, ad eorum salutem potius hæc refert, & ad gloriam Dei, non ad inanem iactantiam suam. Neque propterea boni aliquid ad salutem proximi operatur, ut ex eo compareret ea, quæ huic vitæ transigendæ sunt necessaria: neq; temere animum hominis voluntatemq; contemnit in eo facto, in quo non apparet, quo animo, & voluntate sit factum: & quicquid officiorum exhibet homini, hac intentione exhibet, qua sibi exhiberi vult: id est non ut ab eo aliquid commodi temporalis expectet. Ita erit cor simplex, & mundum in quo quaeritur Deus. hæc ille. S. Bernardus omnes Intentionis partes, & genera sic distinxit. cum enim explicasset Intentionem à sponso in Cantico genis similem affirmari, quòd in ea requiratur res & causa, quid intendas, & propter quid, ex quibus duabus partibus animæ decor vel deformitas iudicatur, addēs genera sex, id totum fiet inquit planius exemplis. <sup>2</sup> Si verbi gratia intendat quis animum inquirendæ Veritati, atq; id solo Veritatis amo-

Genera In-  
tentionis  
sex.

Seru. 40.  
in Cant.

21.

re,

re, nonne is tibi videtur & rem & causam habere honestam, meritoq; sibi vindicare quod dicitur: Pulchræ sunt genæ tuæ sicut turturis, quippe, cum in neutra genarum natus reprehensionis appareat? <sup>b</sup> Quod si minime quidem Veritatis desiderio, sed aut inanis gloriæ, aut alterius qualiscunq; commodi temporalis obtentu in Veritatem intenderit, iam & si vnam genarum videatur habere formosam, non tamen ut arbitror, dubitabis iudicare vel ex parte deformem, cuius alteram faciem causæ turpitudine scedauerit. <sup>c</sup> Si autem uideris hominem nullis honestis studijs intendentem, sed carnis illecebris irretitum, ventri & luxuriæ deditum, quales sunt illi, quorum Deus venter est, & gloria in confusione ipsorum, qui terrena sapiunt, quid? istum non ex utraq; parte scedissimum iudicabis, in cuius utiq; intentione & res & causa reproba inuenitur? Ergo intendere non in Deum, sed in seculum, secularis animæ est, nec ullam prorsus genarum speciosam habentis. Intendere autem quasi in Deum, sed non propter Deum, hypocritæ planè animæ est. cuius & si vna facies decora uidetur, quod ad Deum qualicunq; intentione respiciat: ipsa tamen simulatio omne decorum in ea exterminat, & magis per totum ingerit sceditatem. <sup>d</sup> Si autem vel solum uel maximè ob uitæ præsentis necessaria ad Deum conuerterit intentionem, non quidem sece hypocrisis putidam, pusillanimitatis tamen uitio dicimus suboscram, & minus acceptam. <sup>e</sup> Porro è contrario intendere in aliud quàm in Deum, tamen propter Deum, non ocium Marix, sed Marthæ negotium est. Absit autem ut quæ huiusmodi est, quicquam illa dixit-

„ dixerim habere deforme. non tamen ad perfectum ad  
 „ firmauerim peruenisse decoris, quippe, quæ adhuc so-  
 „ licita est, & turbatur erga plurima: & non potest terre-  
 „ norum vel tenui puluere non respergi. quem tamen  
 „ citò facileq; deterget, vel in hora sanctę dormitionis ca-  
 „ sta intentio, & bonę cōscientiæ interrogatio in Deum  
 f. 6. f. Ergo solum inquirere Deum propter ipsum solum,  
 „ hoc planè est vtranq; bipertitæ intenrionis faciem ha-  
 „ bere pulcherrimā, atq; id proprium & speciale sponsę,  
 „ cui meritò singulari prærogatiua audire conueniat: Pul-  
 „ chræ sunt genæ tuæ sicut turturis. Proficientis propria  
 „ sunt duo posteriora genera, immò perfectorum etiam,  
 „ vix enim purior aut perfectior intentio excogitari po-  
 „ test, quàm quæ hisce generibus continetur. neq; verò  
 „ à negotijs ex charitate susceptis extimescēdum est pro-  
 „ ficienti aut perfecto terreni pulueris periculum. nam  
 „ & has sordes facile eluit charitas, cuius est operire multi-  
 „ tudinem peccatorum, nec perfecto viro deest fa-  
 „ cultas eas facilè præuertendi, vt docuimus libro de  
 „ Perfectis.

Cum igitur Intentionis oculum in vnā Dei glo-  
 1. Cor. 10. riam figendum nobis esse certū sit, præcipit enim Apo-  
 „ stolus, siue manducatis, siue bibitis, siue aliud facitis,  
 Col. 3. omnia in gloriam Dei facite. & omne quodcunq; fa-  
 „ citis in verbo, aut in opere omnia in nomine Domini  
 „ Iesu Christi, gratias agentes Deo & patri per ipsum: de  
 „ eodemq; Patres omnes vnā & mente & voce consen-  
 „ tiant; meritò quæritur quàm sēpe Intentionis actus pro-  
 „ ficienti iterandus sit, aut renouandus, præsertim cum  
 „ ad meritum æternæ gloriæ actiones bonas huiusmodi



intentione formari oportere asserat graues Theologi. Intentio  
bona quo  
modo ite-  
randa.  
Et Respondeo.

Primum. Et si Apostoli verbis quæ producta sunt vis legis ac præcepti sublit, sit tamen huic legi satis, si obeantur bonæ actiones; ex sese etiam si præsentī intē- 1. Distū.  
tione in Deum non dirigantur. sic habet S. Thomas, Ad Col.  
lect 3.  
In Psal.  
146.  
& ante eū S. Augustinus: Cum Deus inquit laudatur de bono opere tuo, opere tuo laudas Deum, sicut cum blasphematur Deus de malo opere tuo, opere tuo blasphemamas Deum, & cum hortatus esset ad varias actiones bonas, eas breuiter colligens sic concludit: Laudas cum agis negotium, laudas cum cibū & potum capis, laudas cum in lecto requiescis, laudas cum dormis. ad illam perfectissimam laudem (nempe Angelorum) exerceamus nos laudatione ista in bonis operibus. explicans idem verba illa: Tota die laudem tuam. Et cuius ait lingua durat meditari tota die laudem Dei? suggero remedium, vnde tota die laudes Deum si vis, quicquid egeris bene age, & laudasti Deum. & hoc ait S. Thomas, est, actiones habitu referri in Deum non actu.

Deinde quod ad meritū sempiternę beatitudinis ad- 2. Dictum  
tinet, vt extra controuersia est, debere hominem vt mereatur, esse in Dei gratia & charitate constitutum; sic cōsentaneum est, & S. Thomę doctrine consonum, oportere eundem nonnunquam actiones suas vniuersę saltem in Deum retulisse. meriti quippe radix est charitas erga Deum. ac vt similiter certum est, hominem qui vt diximus. est gratia & charitate præditus, non necesse habere singulas actiones suas bonas in Dei gloriam referre; sic ad meritum ipsum etiam satius & tutius est, 1. 2. q. 21  
art. 4.  
si

ri. de sep  
re itineri-  
bus Aeter-  
nitatis. ca.  
de 1. Itine-  
re dist. 1.

3. Dictum

Lib. 28.  
Mor. c. 13.

Col. 1. c. 5

si semper, aut quo potest crebrius, eas in Deum dirigat. tum ad scrupulum omnem eximendum ex animo, tū quia ut scribit S. Bonaventura, intentio actualis est perfectior & magis meritoria habituali, quia inquit addit aliquam bonitatem supra habitualem.

Sed propius ad rem nostram accedamus. Proficienti ratio profectus est habenda maximè. ideo is officio suo rectè fungitur, si cuiuslibet Actionis initio secum statuatur, eam diuinæ gloriæ omnino dicare. hoc sanè cōsiliū esse Apostoli Pauli cum ut ante diximus, hac de re monita scribit Corinthiis & Colosēsis, nemo negat. & S. Gregorius: Vigilanti inquit cura, per cuncta opera intentio nobis nostra pensanda est, ut nil temporale in his quæ agit, appetat, totam se in æternitatis soliditate figat, ne si extra fundamentum actionis nostræ fabrica ponitur, terra dehiscere soluiatur. & postea: Bases vnicuiusque sunt animæ intentiones suæ. Nam si cut fabrica columnis, columnæ autem basibus innituntur; ita vita nostra in virtutibus, virtutes yero in intima intentione subsistunt. Cassianus autem eandem normam & adhuc seueriorem præscribit in hunc modum. Hac itaq; nobis destinatione proposita, (scilicet secundum æternam vitam cordis puritate) semper actus nostri & cogitationes ad eam obtinendam rectissimè diriguntur. Quæ si oculis nostris iugiter statuta non fuerit, non solum cunctos labores nostros varios pariter atq; instabiles reddens, incassum eos ac sine vilo emolumento compellet effundi, sed etiam cogitationes omnes diuersas sibi que contrarias suscitabit. Quæ porro emolumenta ex hac cōtinuata aut sæpe repetita intētio

ne in Deum oriantur, non est huius loci enumerare omnia. illa non omitam quæ S. Bernardus attigit cum hac de re suo more præclarissimè disserit. Da mihi ait, animam nihil amantem præter Deum, & quod propter Deum amandum est: cui vivere Christus non tantum sit, sed & diu iam fuerit: cui studij & otij sit, providere Deum in conspectu suo semper: cui sollicitè ambulare cum domino Deo suo, non dico magna, sed una voluntas sit, & facultas non desit: da inquam talem animam, & ego non nego dignam sponsi cura, maiestatis respectu, dominantis favore, sollicitudine gubernantis. & si uoluerit gloriari, non erit insipiens. tantum ut qui gloriatur, in Domino gloriatur. Explicat paulo post aduentum patris & filij in huiusmodi animam cum admiranda illa copia donorum cælestium spiritualiumq; diuitiarum: quibus destitui necesse est illos, quos in rebus omnibus continuandę purę intentionis in Deum par sollicitudo non stimulat, aut par Dei gratia non accendit. Sed de hac re postea nonnulla.

Seru. 69.  
in Cant.

1. Cor. 13.

Nunc quod ad intentionem in Deum frequetandã quod quærebamus, spectat, sit hæc Clausula. Ad spiritus profectũ maximè pertinet, ad singulas actiones, quas ex virtute inimus, nouam asserre intentionem diuinę gloriæ. Si verò actio diuturna sit, eiusdem studij proficiendi est, in ipso actionis cursu eandem renouare intencionem, ac demum in actionis exitu Deo à quo est omne bonum, gratias agere. hoc est sine dubio Patrũ placitum, in primis S. Gregorij, qui (vt retulimus secundo libro de Disciplina,) propterea initia, progressus & fines Actionum nostrarum obseruari præcipit, quod in

4. Dist.

Li. 1. Mor.  
cap. 18.



ijs maximè Intentioni rectæ insidias struere diabolus consuevit.

Mortifica-  
tio sui.

Post Intentionem discutienda nobis est Actio per-  
necessaria Proficienti, quæ Mortificatio aut Abnegatio  
est. hanc enim primam obimus cum manum mittimus  
ad aratrum, hac media insistimus, & procurramus in virtu-  
te. hæc finis & terminus est nostrarum omnium in pie-  
tate concertationum: immò & vitæ ipsius, quæ ut ait

Iob. 7.

Iob non nisi militia est super terram. Hanc à nobis  
frequentari oportere significat dominus cum apud S.

Luc. 9.

Lucam dicit: Si quis vult venire post me, abneget se-  
metipsum, & tollat crucem suam quotidie, & sequa-

Matth. 10.

tur me. quem locum S. Hieronymus scribens in Mat-  
thæum, sic intelligit; ne putemus ardorem fidei posse  
sufficere, semper crux portanda est, ut semper nos Chri-  
stum amare doceamur. portatur autem semper crux  
per continuam mortificationem, ad eum modum quo  
de S. Luca Ecclesia canit, qui crucis mortificatione iugi-  
ter in suo corpore pro tui nominis honore portauit.

Gal. 5.

Perpetuitatem hanc ut significet Apostolus, similem  
facit crucifixioni. Qui Christi sunt, carnem suam cru-  
cifixerunt cum uitijs & concupiscentijs. quam etiam

Eph. 4. ca.  
34. & 35.

similitudinem prosequitur Cassianus, tanquam inter  
Ægyptios monachos trita suo tempore, & tyronibus

Ser. 13. de  
verbis A-  
postoli.

ipsis insinuari solitam. Ad idem spectat illa S. Augu-  
stini uox. Hoc est opus vestrum in hac uita, actiones  
carnis spiritu mortificare quotidie, affligere, minuere,  
frenare, interimere. Hæc est actio nostra. Hæc est mi-  
litia nostra, quam etiam alibi bellum intestinum nomi-  
nat. Inter multas autem, duas ex eodem S. Augusti-



no huius rei rationes colligimus. prior est Virtutis peregrinitas; etsi enim insita nobis natura sunt virtutum semina; primò non omnium: nam supernaturalium non; ideo enim sunt supernaturales, quia naturam longè superant. deinde cognata magis proculdubio sunt naturæ deprauatæ primi parentis culpa vitia, quàm virtutes. quare perpetuò pugnādū est animo in domādīs ita vitijs, vt aliquando in eius possessionem veniat Virtus. Porro ipsa Virtus ait S. Augustinus, quæ non est inter prima naturæ, quoniam eis postea doctrina interueniente superuenit ( quod multo maxime in virtutes infusas quadret, oportet ) cum sibi bonorum culmen vindicet humanorum, quid hic agit nisi perpetua bella cum vitijs, nec exterioribus, sed interioribus, nec alienis, sed planè nostris & proprijs, & maximè illa, quæ Græcè σωφροσύνη, dicitur, Latine temperantia nominatur, qua carnales frœnantur libidines, ne in quæq; flagitia mentem consentientē trahant. quod etiam post ostendit S. Pater de alijs virtutibus. Posterior ratio est: quia vitiorum tāta est multitudo & vis, vt vno auulso; aut ex parte compresso, non deficiat alterum. quare animo in perpetua manendum vigilia, luctandumq; cum vitijs semper. Calca mortuum (inquit S. Augustinus), transi ad viuum, à mortificatō nempe vitio ad mortificandum. Calca iacentem, conslige cū resistente; mortua est enim vna delectatio, sed viuut altera. Quod si dicas quantuncunq; cōtinuus acerq; sit conflictus cum vitijs, ea tamen expugnari nunquam, quòd viuat sēper in nobis membrorum lex, quam vocat Apostolus, fomesq; peccati, ac concupiscentia, quæ nos continen

Lib. 59. de ciuit. Dei cap. 4.

De verbis Apostoli ibid.

Rom. 7.

ter vexat accolaphizat. Primum quidem dico, multa vitia vt actionibus malis progignuntur, sic actionibus contrarijs bonis extinguuntur. Deinde alia si non radicatus conuelluntur, quòd maneat concupiscentia semper, certè minuuntur & extenuantur ita, vt vix, ac ne vix quidem noceant. Continua instantia ait S. Anselmus, si non delentur, minuuntur.

Lib. de Si-  
militudi-  
nibus, ca.

110.  
ibid.

Victicis huius mortificationis indicium adfert S. Augustinus. Iam non delectat, mortificatum est. Item: Deum non consentis, mortificas. cum coeperit omnino non delectare, mortificasti.

Ergo inquis ita continenter pugnandum est, vt à pugna desistamus numquam? Respondeo.

Primum.

Primum, Dubium nullum est. dum somni tempus est, vigilandum nobis non esse ad pugnam aduersus vitia. possumus nihilominus habitibus vigilando par-  
tis ita composito animo decumbere, vt tunc etiam titillationibus sensus, & vitiorum illecebris phantasiam commouentibus interdum resistamus. quod sibi acci-

An ani-  
musetiam  
in somno  
bene occu-  
pari pos-  
sit.

Lib. 10. cò-  
fess. ca. 30.  
Homil. in  
martyrem  
Iulianam.

dille S. Augustinus est auctor. & quotidiana experien-  
tia compertum est. Aliquid amplius asserit S. Basilus. Somni inquit ipsi pietatis exercendę meditationes quę  
dam sint. quę enim nobis sopore depressis ac solutis  
occurrant obuersanturue imaginationes, consiterunt  
nescio quo pacto plurimum contingere ceteri extremus  
quidam tenor susurri lenis, aut soni editi, idq; ex curis,  
quas tecum agitaueris interdum tantisper enim dum  
viuitur, cuiusmodi fuerint studia, exercitationesue no-  
strę, istiusmodi necesse sit in somnia se dormientibus  
nobis ingerant. Hęc ille. Ego id consilij do, non tam  
nobis

nobis laborandum esse, vt bonas cogitationes in somnis animo versemus, quam vt ijs uigilantes simulq; pietatis exercitationibus operam demus assiduè & serio. illud enim huius consequens est, & si id non cito, nec semper consequatur, non tam nos angat, quæ nam inter dormiendum virtutis reliquæ moueantur in animis, quàm quas virtutis cogitationes uigilando suscipiamus, & quàm utiliter in virtutis palæstra ipsi uersemur interdium.

Secundò. certum etiam est, teneri nos lege Dei nostros vitiosos affectus, carnemq; coercendi, quotiescunque ea tentatione nos pulsant, quæ cum mortalis peccati periculo probabili, & magis si certo, coniuncta sit. hoc est enim, si facta carnis mortificaueritis, uiuetis. & si secundum carnem uixeritis, moriemini. & mortificate membra uestra quæ sunt super terram. Huiusmodi autem tentatio experimento potius, & opportuno magistri spiritualis consilio cognoscitur, quàm doctrina. quo tempore monent docti uiri, necesse non esse, quamuis utile, actione contrariæ uirtutis uitio præfenti repugnare. Sat esse, si consensus tentationi nullo modo præbeatur, ac ideo hoc utpotè illius generis quæ negantia præcepta dicuntur, ligat nos ut aiunt, semper, & pro semper. & hoc ipsum mortificari est. nam si non consentis, ait S. Augustinus, mortificas.

Ad extremum, extra grauium tentationum pericula utilissimum est, et ad uirtutes, perfectionemq; consequendam apprimè necessarium, vt quæcunque sese offert ad passionem uitiosam debellandas. & seipsū planè peruincendū occasio, ea auide arripiatur. id maxime clarū

Secundū.

Rom. 8.

Colos. 3.

Caiet. in  
Sum. verb.  
Contritio.Ser. 13. de  
verb. Ap.  
Tertium.

&amp; te-



& testatum est ex Scripturis, & Patribus: ego confirmo  
*In Psal. 17.* in præsentia sensu mystico quidem Davidis, ad rem no-  
*In Psal. eundem.* stram tamen à Sancto Augustino accommodato. Per-  
 sequar inimicos meos, ait Propheta, & comprehendā  
 illos. Augustinus: Persequar affectus carnales meos,  
 nec ab eis comprehendar, sed comprehendam illos, ut  
 absumantur. Et non conuertar, donec deficiant. &  
 ab ista intentione non conuertar ad quietem, donec  
 deficiant, qui obstrepunt mihi. confringam illos, nec  
 poterunt stare. confringam illos, nec durabunt aduer-  
 sum me. cadent subtus pedes meos. Deiectis illis præ-  
 ponam amores, quibus ambulo in æternum. Et præ-  
 cinxisti me virtute ad bellum. & constrinxisti fluentia  
 desideria carnis meæ uirtute, ne in tali pugna præpedi-  
 rer. Hæc ille. Ex quibus etiam perspicuum est, adesse  
 Dei gratiam sic dūcantibus, illam ipsam, quam in si-  
 mili pugna sibi pollicetur Apostolus. Infelix ego ho-  
 mo, quis me liberabit de corpore mortis huius? Gratia  
 Dei per Iesum Christum Dominum nostrum. Hic ni-  
 hil de penitentia, reliquarumq; actionum, quæ ad uē-  
 xandum corpus suscipiuntur, frequentatione dicitur,  
 quòd de ea tractatum iam sit primo & secundo libro  
 de Disciplina.  
*Oratio. quatenus frequēda.* Tentationi nullum medicamentum præsto magis  
 est quàm mortificatio & oratio, ut suo loco dictum est.  
 quare postquam de mortificatione, de oratione fre-  
 quentanda agendum nunc est. Habet enim id propriā  
 dubitationem. quia scriptum est: Oportet semper ora-  
 re, & non deficere. Latissimè autem hic orationis nomi-  
 ne utimur, ut complectitur & Dei perpetuam memo-  
 riam,



riam, de qua David: Prouidebam Dominum in conspectu meo semper. & celestem cum Deo eiusq; domesticis sanctis Angelis & hominibus familiaritatem, prout Apostolus scribit: Conuersatio nostra in celis est. Psal. 15.  
 & voluptatem deniq; ex præsentia Dei in viri iusti animum suauissimè vt solet illabentis. quam itidem David commemorat: Latètur in te omnes, qui sperant in te, in æternum exultabunt, & habitabis in eis. hoc est ut alij vertunt, te in eis habitante, lætis vocibus perpetuò perstreperent. in his enim omnibus Scriptura sacra non frequentationem modò, sed continuationem & perpetuitatem quandam apertè designat. Phil. 3.

Et quidem de orationis frequenti vsu quid sentiendum sit, facilè Theologi expediunt.

Aiunt primò obligari nos orandi lege, cum imminet nobis grauis aliqua tentatio; qua vt eripiamur, diuina ope sit opus. Similiter, cum opus arduum & periculi plenum aggressuri sumus. Deniq; quandocunq; cōparamus nos quia sic oportet vitandi aut propulsandi peccati causa, ad Dei gratiam recipiendā; Legatur P. Va Disp. 6. q. 2. P. 3.  
 lètia in tertio suæ Theologiæ Tomo. Aiunt deinde, certos homines quales sunt Ecclesiastici & Religiosi, statis horis ab Ecclesia aut instituto præscriptis, statutas preces ac ceremonias, ritusque religiosos Deo ac superis persolvere ex lege debere. nec his de capitibus esse cōtrouerſiam ullam. Aiunt tertio, quanquam varia est apud Sacros scriptores interpretatio sententiæ Domini: Oportet semper orare; clarissimè tamen ac simplicissimè sic exponi. Cum petimus aliquid à Domino, si nō statim consequimur quod postulamus, animum ne abijcia-

abijciamus, perseueremus potius etiam cum labore  
 Quæ sit  
 apud Pa-  
 tres oratio  
 perpetua.  
 1. Thef. 5.  
 Rom. 12.  
 12. qu. 83.  
 artic. 14.  
 Col. 1. ca.  
 17.  
 querendo & pulsando, hoc est enim Græcis illud, non  
 deficere, id est labori non succumbere. donec saltem  
 propter importunitatem annuat optatis Deus. ad quā  
 regulam explicanda & illa sunt: Sine intermissione ora  
 te. Orationi instantes. Legatur etiam S. Thomas.

Difficilius explicatu est, quid sit apud Patres oratio  
 perpetua. Siquidem Cassianus non solum orationem  
 perpetuam probat, sed ad eam monachum instituit. sic  
 enim habet: Ideo frequens lectio, & iugis adhibetur me  
 ditatio Scripturarum, ut exinde nobis spiritalis memo  
 riæ tribuatur occasio. iccirco decantatio crebra Psal  
 morum, ut assidua nobis exinde compunctio mini  
 stretur. iccirco vigiliarum omnium, ieiuniorumq; sedu  
 litas, ut extenuata mens, non terrena sapiat, sed cele  
 stia meditetur. Et alio loco: Ad perpetuam Dei memo  
 riam possidendam erit hæc inseparabiliter propõsita  
 formula pietatis. Deus in adiutorium meum inten  
 de. Domine ad adiuuandum me festina. idq; inculcat  
 adeo, ut tandem addat. Hunc versiculum meditati  
 tibi somnus obrepat, donec incessabili eius exercita  
 tione formatus, etiam per soporem eum decantare cõ  
 suecas. Climacus etiam sic breuius: Ille tranquillus,  
 qui carnem ab omni labe purgauit: mentem uerò su  
 per omnem creaturam eleuans, illi subijcit sensus, atq;  
 vultui Dei animam sistens, supra virium suarum mo  
 dum in illum se semper extendit. Sed huius sententiæ  
 ac doctrinæ parens est S. Basilius, qui inter cetera ait, no  
 bis mentis habitu cõmigrandum in alium ueluti mun  
 dum, quia scriptum sit: Conuersatio nostra in celis est.

Hæc

Hæc planè constat perfectionis studioſis à patribus tradi; in quem tamen numerum conijcit omnes Chriſtianos S. Baſilius. Quoniam vero perfectio in eo potiffimū poſita eſt, vt Deo animus hominis hæreat, arctiffimeq; copuletur non ſolum habitu, ſed magis actu, intellectus nimirum & voluntatis actionibus; iccirco patres vtranq; animi facultatem informant, & inſtruunt ad proximā cum Deo coniunctionem, quā poſſunt accuratè. Poſtquam enim S. Baſilius multa de mortificatione affectionum, memorię quoq; ipſius expiatione, alijsq; præparationibus diſſeruiſſet, addit: His præſtitis, omni cuſtodiā Cor cuſtodiendum; neq; patiēdum, vt aſſidua de Deo cogitatio ex animis noſtris unquam elabatur, neue eorum, quæ mirabiliter ab eo acta ſunt memoria contaminetur per inutiles, & euanidas cogitationes; contraq; illud agendum aſſiduè, vt ex perpetua ac puriſſima recordatione, impreſſam in animis noſtris piam de Deo cogitationem velut indelebile aliquod ſignum circumferamus; ſiquidem hæc eſt ratio, per quam acquiri erga Deum charitas conſuevit. Poſt alia adiungit, vt Dei perpetua memoria conſeruetur, in Deum aſſiduè in rebus omnibus intentionem eſſe dirigēdam. Hæc ille. Ad vtranq; prædictarum actionum quantum maximè fieri poteſt continuandā, nihil aptius Patres exiſtimarunt, quā orationem; eamq; ſi non perpetuam, certè frequentiffimam, & frequentatam potius quā perpetuam, quòd perpetua eſſe non poſſet, frequens crebraq; eſſe poſſet. Sic habet S. Auguſtinus. Dicuntur fratres in Ægypto crebras quidem habere orationes, ſed eas tamen breuiſſimas, & raptim

Ser. de abdicat.

Ibid.

Ep. 121.  
cap. 10.

D quodam-



quodammodo iaculatas; ne illa vigilanter crecta quæ oranti plurimum necessaria est, per productiores moras euanescat, atq; hebetetur intentio. Cassianus de ijs *Lib. 2. ca. 10.* Ægyptijs scribens: Vtilius inquit censent, breues quidem orationes, sed creberrimas fieri; illud quidem, vt frequentius Dominum deprecantes iugiter eidem coherere possimus: hoc verò, vt insidiantis diaboli iacula quæ infligere nobis tunc precipuè cum oramus, insistit, succincta breuitate vitemus. Sanctissimus P. Benedictus præscribens orandi formam: Non in multiloquio ait, sed in puritate cordis & compunctione lachrymarum nos exaudiri sciamus. Et ideo brevis debet esse & pura oratio; nisi forte ex affectu inspiratione diuinæ gratiæ protendatur.

*Col. 10. cap. 6.*

Ceterum Cassianus & alij non obscurè significant præcepta illa de perpetua Dei commemoratione, & ad eū precatione data fuisse ijs maximè qui ab omni actuo sæ vitæ occupatione longè positi toti sunt in contemplationis studijs. Quod si ijs ipsis propriè precationem perpetuam nec concedunt, & suadent frequentem; quis non intelligit, eos qui in actione præterea uersantur, multò magis ad frequentem orationem, ad perpetuam nullo modo inuitandos esse, & informandos? Et sanè S. Bernardus postquàm retulisset debere nos exemplo Christi orationis tempore etiam corpore secedere: Ceterum ait, sola indicitur tibi mentis & corporis solitudo; solus es si non communia cogites, si non affectes præsentia; solus es in quantacunq; hominum uerferis frequentia: tantum caue alienæ conuersationis esse aut curiosus explorator, aut temerarius iudex. Sic ille.

*Ser. 40. in Caut.*



le. Crebrò igitur ij etiam qui negotijs implicâtur, Deû  
vti præsentem intueantur, ad eius gloriâ actiones suas  
dirigant, ad eum crebrò suspirent, cum frequenter &  
quoad possunt frequentius, & si non nisi raptim rogēt,  
obsecrent, obtestentur, gratias deniq; agant illi; sicq;  
ab eiusmodi cum Deo consuetudine quàm minimè  
fieri potest sese distrahi patiantur.

Porro orationis longius proferendæ rationem non  
alia Patres metiuntur regula, quàm interno eoq; diui-  
nitus immisso feruore deuotionis. Sic S. Benedictus <sup>Ep. 121.  
cap. 10.</sup> vti nunc dicebamus; sic S. Augustinus his verbis: Ac-  
per hoc etiam ipsi (nempe Ægyptij) satis ostendunt,  
hanc intentionem sicut non est obtundenda, si perdu-  
rare non potest, ita si perdurauerit, non citò esse rum-  
pendam. Absit enim ab oratione multa locutio, sed  
non desit multa precatio, si feruens perseverat inten-  
tio. Explicat S. Thomas: Vniuscuiusq; rei quantitas  
debet esse proportionata fini; sicut quantitas potionis  
sanitati. Vnde & conueniens est, vt oratio tantum du-  
ret, quantum est vtile ad excitandum interioris deside-  
rij feruorem; Cum verò hanc mensuram excedit, ita  
quod sine tædio durare non possit, nõ est vlterius pro-  
tendenda. Hæc S. Thomas. Is autem feruor non sem-  
per industria nostra excitatur, sed à Deo viris bonis ple-  
rumq; immittitur; hoc est enim spiritum postulare pro  
nobis gemitibus inenarrabilibus. Quare cum adest, est  
magnopere fouendus, cum abest, humiliter & ardentè  
accerendus Hæc est S. Bernardo dignatio & præsentia <sup>Serm. in  
Cant. 74.  
& 54.</sup> Verbi; hæc per antonomasiam gratia, quam tanto pe-  
re absentem expectendam, præsentem arctissimè com-

Lib.3. Cō  
fcl. ca.21.

Lib.2. qq.  
ad Simpli  
cianum.  
quest. 4.

plectendam prædicat. Hæc S. Augustino puri cordis vi  
tales; delicia; hæc præguſtatio futuræ beatitudinis Huic  
idem tantum tribuit, vt repente cum ex Deo adest, nos  
cum ſequi iubeat, ad eiusq; ductum omnes vires ani  
mi applicare. Sic enim ſcribit Simpliciano: Cum autem  
non quæritur, ſed inferitur appetitus orandi, hoc eſt, cū  
aliquid repente venit in mentem, quo ſupplicandi mo  
ueatur affectus gemitibus inenarrabilibus, quocunq;  
modo inuenerit hominem, non eſt vtiq; differenda  
Oratio, vt quæramus, quò ſedeamus, aut vbi ſtemus;  
aut vbi proſternamur; gignit enim ſibi mentis inten  
tio ſolitudinem, & ſæpè etiam obliuiſcitur ſe vel ad  
quam celi partem, vel in qua poſitione corporis mem  
bra illud tempus inuenerit. Hæc ille. hæc deniq; eſt in  
terna Dei vocatio, qua animam ſibi deſponſam ducit  
in ſolitudinem cordis, vt ibi loquatur ad Cor eius. Hac  
cum ſe pulſari intelligunt viri ſancti, quales fuerunt  
prædicti Patres, & præterea alij quàmplurimi, inter quos  
excelluit S. Ephren Syrus, ſtatim vocantem Dominū  
attendentes, eius inſtinctum ſtudioſiſſimè ſequeban  
tur, paulisper etiam ſi opus eſſet, à turbis ſecedentes, ita  
tamen, vt quod iam haberent, ſecedendo tenerent. Sic  
conſueuerat Thomas ille Kempenſis egregius conten  
plator: date veniam fratres aiebat, nescio quīs me præ  
ſtolatur in cella; in quam cum eſſet ingreſſus, iucundo  
perfuſus horrore, aſſiſtēs Domino, aut adeius myſticos  
pedes venerabundus accidens, ſic ordiebatur. Loquere  
Domine, quia audit ſeruus tuus.

Demum vt res tota concludatur, quando occupatis  
etiam viris vtilis admodum eſt frequens, iaculatrix ſal  
tem

tem oratio; ad eius habitum comparandum incumbere debet perfectionis studiosus; Quod multis rationibus consequetur; vna illa potissima, & cui tanquam radici nititur tota creberrimę orationis huius industria, si diebus singulis statim horis sese sacrę meditationi rerum diuinarum, vitę præsertim ac mōdis Christi Domini, serio constanterq; tradiderit. Scit inquit S. Bernardus, quicumq; sensum Christi habet, quantum pietati Christianę expediat, quantum Christi seruum, & seruū redemptionis Christi deceat, & vtile ei sit, vna saltem aliqua diei hora passionis & redemptionis ipsius attentè recolere beneficia, ad fruendum suauiter in consciētia, & recondendum fideliter in memoria, quod est spiritaliter manducare corpus Christi, & bibere eius sanguinem, in memoriā eius, qui omnibus in se credentibus præcepit dicens: Hoc facite in meam commemorationem. Hęc ille. Hęc meditatio est principium perseverantis deuotionis, hęc quasi seminarium diurnarū orationum, hęc deniq; actionum omnium bonarum ac seruoris ipsius non solum seges, sed regula est quotidiana atq; continua; ea siquidem vt idem S. Pater alibi tradit, bibitur vinum lætificans cor hominis, vinum spiritus quod inebriat, & carnalium voluptatum infundit obliuionem, humectat interiora arentis cōscientię, escas bonorum actuum digerit, & deducit per quędam animę membra, fidem roborans, spem confortans, vegetans ordinansq; charitatem, & impinguans mores. Hęc ille. Quę vt ita sint, vberem nihilominus materiam præbent huiusmodi orationibus opera ipsa, quę quisq; ex vocationis suę instituto interdium tractat. Legatur

Ep. ad Fratres de Mōte Dei

Serm. 18.  
in Cant.



Reg. fusi- gatur S. Basilius, qui id ut cetera egregiè docet.

us disp.  
cap. 37.

Setm. 47.  
in Cant.

1. Cor. 9.

Vitanda  
nimia re-

Ac ne nimis longum faciam Virtutum species per-  
currendo, expeditis ijs quę ad Actiones uirtutis præci-  
puas, eas inquam quę duces sunt & comites aliarum  
omniũ, pertinere uisã sunt, de reliquis Virtutum Actio-  
nibus breuiter sic statuendum uidetur; eas nempe quo  
crebrius possumus frequentare nos oportere: tum, ut  
alia nunc omittam, quia Virtus, ut ante diximus, quasi  
hospes domi nostrę cum sit, hisce repetitis officijs uelu-  
ti quibusdam retinaculis religanda est, ne dilabatur, aut  
euanescat: tum, quia nisi crescat Virtus, ferè decrescit;  
crescit autem iteratis actionibus. Vtranq; rationem at-  
tigit S. Bernardus. Cũ enim attulisset ex Cãtico tribus  
locis florem illum mysticum reperiri, in campo, in hor-  
to, in thalamo; in campo quidem & in horto oriri flo-  
rem, in thalamo autem redolere quidem, sed iacere de-  
iectum tanquam illatum, non innatum, addit, propte-  
rea & necesse est sanè reparare frequenter, & semper re-  
centiores apponere flores, quod diu odorem suum mi-  
nimè retineant, nec decorem. Quod si (ut alio sermo-  
ne præfatus sum) lectulus respersus floribus, conscientia  
est bonis referta operibus, vides certè vt similitudo ser-  
uetur, nequaquam sufficere semel uel secundò operari  
quod bonũ est, nisi incessanter addas noua prioribus,  
quatenus seminans in benedictionibus, de benedictio-  
nibus & metas; alioquin iacet, & marcet flos boni ope-  
ris, atq; in breui omnis ex eo & nitor exterminatur &  
vigor, si non alijs atq; alijs superiectis pietatis actibus  
reparetur. Hęc ille.

Hęc deniq; quę de bonarum actionum exercitatio-  
ne



ne præscribunt Patres, sic in usum deducenda sunt à flexione mē-  
 proficiente, ut quanquam is sese, actionesq; suas dum tis.  
 eas obit, circumspicere omnino debeat, ut rectè fiant,  
 non ita tamen in ijs recognoscendis dum agit, immo-  
 rari debet, ut in singulis exquisitus quàm par est discu-  
 tiendis uersandisq; hæreat; tum, quia ut ait S. Grego-  
 rius: si diu mens rebus discussis inuoluitur, peruenire Li. 3. Mor.  
 ad indiscussa præpeditur; tum, quia dum cogitationem cap. 11.  
 in actionem eiusq; circumstantias diutius figit, scrupu-  
 lis irretitus, dum se ab eis expedit, Virtutum studia inte-  
 rim cogitur intermittere; quæ tentatio diaboli maxi-  
 ma est, in eum finem excitata, ut quemadmodum S.  
 Gregorius loquitur, quem superare non potest, saltem Lib. 31.  
 occupare conetur; efficiatq; tandem, ut prorsus à nobis Mor. c. 29.  
 lissima, omniumq; utilissima uirtutis exercitatione defi-  
 ciat. Quare magno animo ad rem tantam aggredi nos  
 oportet, ope nimirum Dei præsentem animatos ac robo-  
 ratos, cogitandumq; subinde dum actiones bonas ini-  
 mus, seruire nos illi, ac militare, cuius spiritus suavis  
 est, & qui in primis spirituum ponderator est, nouitque  
 figmentum nostrum; illiq; nos abundè facturos satis,  
 si quæ eius instinctu & munere ad eiusmet gloriam in-  
 choauimus, prudenter quidem & circumspicte, animo-  
 sè tamen & fortiter ad finem usq; prosequemur.

Sed & alter scopulus declinandus simul est; ut non  
 ita frequentemus actus uirtutis internos, ut sibi succe-  
 dentibus mentis cogitationibus, affectionibusq; volū-  
 tatis, simus continenter in perpetua quadam continua  
 taq; cōiugatione cogitationū actionumq; (Actuationē  
 nunc vocant) id enim quanquam optimum sit, si alicui  
 diuini-

Fugienda  
 Actuatio.

diuinitus detur, paucorum tamen est, & patriæ potius quàm viæ; in qua uanitati creatura subiecta est non uolens, & in qua dum detinemur peregrinantes à domino, si non alterna requies procuranda, suum certè tempus ponendum in ijs operibus, quæ institutam continuationem illam interrompant; qualis est somnus, cibus, munera vitæ actiuosq; & mixtæ uocationis denique officia multa, quæ sine culpa ab homine prætermitti, cum illa porrò semper coherente nec unquam intercisâ cogitationum serie, actionumue nexu nisi cū incuriæ culpa obiri possunt; præterquàm quòd hinc etiam magnum certumq; periculum corporis valetudini præsertim capitis ac cerebri creat Satanas, vt ita nos tandè extabefactos aut victos tædio, ex uirtutis palæstra extrudat; quare magna prudentia Virtutis iter dirigendum est; ac semper ante mentis oculos habenda illa duo: ad frænandum vehementiorem copulandarum actionum currendiq; cupiditatem, Ne quid nimis; ad seriò voluntatem concitandam ad officium, Age quod agis. Suum deinde tempus Actionibus examinandis dabitur, sed certum, & statis horis, atq; ab ipsis de quibus nunc agimus, actibus separatum; hocque illud est quod S. Gregorius scribit, post uirtutis sensum, intentionem cordis dirigere, & omne quod agitur stricta retractationis discussione mundare.

1. Mor. ca.  
35.

*Qua Ratione verae Virtutis Actiones à falsis  
dijudicanda sint. Cap. 4.*

**F**alsas fictasq; Virtutes ac proinde ijs similes Virtutis Actiones interdum reperiri, & scriptura & vsus ipse satis superq; demonstrant. Religionem & obedientiam simulauit Saul coram populo & Samuele. Absalon humanitatem, charitatem, iustitiæ zelum erga Israelitas, qui Patris tribunal adirent. ut nihil dicam de ipsiusmet Dauid in Vriam Ethæum e mentita beneuolentia. Innocentiam & diuinę glorię studium insolens Phariseus ille, in proximè adstantem & contritum Publicanum contumeliosus: Iudas pieratem, Simon Magus etiam fidem. Deniq; Dæmon ipse, quid aliud facit cum se trās figurat in Angelum lucis, quàm simulare virtutem. Sanctosq; viros? & Hypocritis quid est aliud quàm flagitij larua, Virtutis fucus? Contra, verè Israelitas, & in quibus dolus non est, laudat Dominus in Nathanaele. & Apostolus hortatur ad sanctitatem veritatis, hoc est ad veram sanctitatem, ad succingendos lumbos in veritate, vera nimirum castitate coërcendos, falsos fratres nempè simulatores accusat, & charitatem fundat in fide non ficta, affirmatq; aliquos ex occasione, quærendo quæ sua sunt, Christum annuciare, ex veritate & studio diuinæ gloriæ amplificandæ, alios.

• Vtile ergo fuerit, veræ Virtutis indicia explicare, vt agnita diligatur, colaturq;, ijsdemq; deprehensa quæ falsa est, repudietur.

I. i. r. Mor.  
cap. 35.

cap. 36.

Ac primum obseruandum est ex S. Gregorio, Virtutum sensus, hoc est pondera, & quanti quæq; sit Virtutis Actio ac qualis, melius preces quàm discussiones inueniunt. nam ea quæ perscrutari in nobismetipsis plenius nitimur, sæpè verius orando, quàm inuestigando penetramus; cum enim mens per quandam compunctionis machinam ad alta sustollitur, omne quod ei de seipsa occurrerit, sub seipsa dijudicando certius contemplatur. & paulo post; Sed hæc inquit agere nesciunt, nisi hi, qui priusquam cogitationes ad opus prodeant; internos suos motus sollicitè circūspicientes frēnant. Hæc cauere nesciunt; nisi hi qui virili custodia munire mentem nouerunt. Quare ex S. Gregorio duas diiudicandæ Virtutis Actiones rationes habemus, orationem & mortificationem. oratione quippe circūspecta (de qua loquitur S. Gregorius) illuminat Deus tenebras nostras, & gressus dirigit; quæ sine dubio causa est, cur plerunq; viri illiterati, sed pii, valde perspicuè magis & plura de virtutum officijs ac momentis intelligant, harumq; rerum meliores arbitri iudicesue sint, quàm viri alioquin lōgè doctiores, nec ita probi aut mortificationi dediti. nam dum exercitatione Virtutis consuefcit quis, non eo trahi, quo eum rapit cupiditas, sed frēnare potius ac comprimere prauas animi affectiones, necesse est, vt expertus probet, quid sit esse in sua potestate, seq; ipsum planè pervincere, quod est in maximum Virtutis officium. idq; multo magis, cum ad mortificationem accedit pia ac frequens consuetudo cum Deo, à quo tāquam à fonte deriuatur lux vera; hominiqu; ad seipsum dispiciendum maximè necessaria: quanquam ista duo



ista duo nec planè satis sunt ad iudicandam Virtutem. Propterea & illud ex S. Augustino animaduertendum est, in Actione virtutis præcipuam habendam esse rationem Intentionis boni. quod consonum est doctrinæ Domini de cordis oculo illustrando, ut Actionis corpus totum elucescat. Noueris ait, non officijs, sed finibus à vitijs discernendas esse Virtutes. officium est autem, quod faciendum est: finis verò propter quod faciendum est. Cum itaque facit homo aliquid, ubi peccare non videtur, si non propter hoc facit, propter quod facere debet, peccare conuincitur & paulo post. Quales Virtutes Epicurus induxit uoluptatis ancillas, quæ omnino quicquid facerent, propter illam uel adipiscendam facerent, vel tenendam. Absit autem ut Virtutes verè cuiquam seruiant, nisi illi uel propter illum cui dicimus: Deus virtutum conuerte nos. Proinde Virtutes quæ carnalibus delectationibus vel commodis & emolumentis temporalibus seruiunt, verè prorsus esse non possunt. Quæ autem nulli rei seruire volunt, nec ipsæ verè sunt. Verè quippe Virtutes Deo seruiunt in hominibus, à quo donantur hominibus. Hęc ille. Hęc porrò Intentio Deo seruiendi quāquā præcipua pars est Actionis studiose, adiunctam tamen habeat oportet materiam bonam, ut S. Augustinus ponit, & præterea circumstantias omnes, quibus Actio humana bona completur. est enim omnium consensu comprobata S. Dionysij sententia, Bonum ex integra causa.

His ita constitutis, his potissimum Indicijs discernitur à falsa Virtus uera, cuiusq; Actio.

Lib. 4 cō-  
tra Iulia-  
num ca. 3.  
circamed.

Matth. 6.

1. 2. 3. 4. 5.

Phil. 7. 8.

Primum Indicium. Verę Virtutis Actio illa est, quę homo conformatur ad uoluntatem, exempla, dicta, factaue D. N. Iesu Christi: quę ille nobis ut imitemur proposuit. Nam Christus Dominus non solum maximarum Virtutum omnium ornamentis excultus fuit, sed etiam factus nobis à Deo Virtutum omnium perfectissimum exemplar: immò Virtus ipsa atque perfectio: ideo omnis Actionis rectę norma & mensura. Mē-  
 Apoc. 11. sūtra hominis quę est Angeli dicitur in Apocalypsi, quod Glossa Christo accommodat tanquam Ecclesię militantis, & triumphantis mensurę. & in Cantico Salomonis, quo l. co editio vulgata habet, Recti diligunt te, Septuaginta Interpretes legunt, Rectitudo. hoc est  
 Cant. 1. Christus, ait S. Gregorius Nyssenus Certè Christus à David disciplina nominatur, ibi: Apprehendite disciplinam, & ab Zacharia perpendiculum extendetur super  
 Ibid. Hierusalem, hoc est Christus. Quin ipsemet se mūdi lucem, & viam, veritatem, & vitam nominat. & auctor est  
 Psal. 2. Zachar. 1. Io. 8. 14. Clemens Alexandrinus, à S. Petro Apostolorum principe appellari solitum legem, & rationem, quam ille regiam & animatam prædicat. Hanc diuini huius exemplaris rationem ita dilatandam putauit S. Augustinus, ut usque ad Angelos uim eius, & potestatem extulerit? Consultum inquit est diuina prouidentia mortalibus, quorum temporalis vita in rebus orientibus & occidentibus occupata tenebatur, ut eadem ipsa Dei Sapientia ad unitatem personę suę homine assumpto, in quo temporaliter nasceretur, uiueret, moreretur, resurgeret: congrua salutis nostrę dicendo & faciendo, patiendo & sustinendo, fieret & deorsum hominibus exemplo  
 Lib. 1. de  
 consensu  
 Euangelistarum,  
 cap. 35.

plo redeundi, & eis qui sursum sunt Angelis exemplum manendi. Hæc S. Augustinus.

Quoniam verò & si omnes, maxime tamen propriæ & natiuæ Christi Domini Virtutes sunt Charitas, & Humilitas, illa demum Virtus uera est, quæ charitatem & humilitatem redolet, quæ hominem ad uitam ipsam pro Dei gloria & animarum salute si opus sit, profundendam, ad rerum humanarum altissimum contemptum vsq; ad Crucis Christi ignominiam & probrum amplectendum inuitet & trahat. quare Christianæ virtutis cultor zelo diuinæ gloriæ & salutis hominum feruet, nec solum longius quam par est, aura populari prouehitur, sed occultat ipse potius sese, amans, ut ille ait nesciri, sola conscientia & Deo teste contentus, nisi diuinæ gloriæ studium aliud imperet.

Alterum Indiciū est Sanctorum Virorum imitationis, in ijs in quibus imitationis propriè, non admirationis solum exempla edidere. Iccirco enim S. Paulus

proouocat ad fidem Sanctorum veteris testamenti; quorum propterea integrum catalogum texit, eorum simul virtutes alias commemorans, imitandasq; proponens. S. Petrus ad obedientiam Saræ, ad iustitiam Leth. S. Iacobus ad sufferentiam Iob, ad Elię orandi rationem & studium. Huc spectabant uerba Tobie: Filij Sanctorum sumus, & Helię, neq; enim melior sum quam patres mei. Dominus ipse: si inquit filij Abrahę estis, opera Abrahę facite. & Apostolus: Mementote prepositorum vestrorum, qui uobis locuti sunt Verbum Dei, quorum intuentes exitum conuersationis, imitamini fidem; quæ causa est, cur Ecclesia dies festos Sanctorum hominum

Heb. 11.

1. Pet. 3.

2. Pet. 2.

Iacob. 5.

Tob. 2.

3. Reg. 19.  
Io. 8.

Heb. 13.

& in-



& instituerit, & agat. Verum nos, omnes quidem imitari oportet, præcipuè uerò ad sequenda vestigia Sanctorum noui testamenti vocati sumus, quod ij perfectissimam Virtutis Ideam Christum actionibus suis & moribus quàm proximè exprimere conati sunt. Imitatores inquit Apostolus, mei estote, sicut & ego Christi, quæ sicut in seipso referebat ipse, sic ad eum alios etiam conformare omninò nitebatur; quare eam ueræ Virtutis actionem Patres asserunt, quæ formam habeat similitudinemq; perfectam sanctitatis Apostolorum, virorum quæ Apostolicorum: quales tam multos sæculis omnibus aluit Ecclesia Catholica vniuersa. id affirmat Casianus, sed plenè explicat S. Gregorius: qui sic priim scribit: Electorum mens quanto magis superne luci inhaeret, tanto subtilius quomodo Virtutes à uitij discernere debeat, uidet. post addit: Ad similitudinem nummulariorum actiones humanas examinandas, in duobus præsertim, sit ne aurum, an quid auro simile quod habetur in manibus; aurum quippè Virtutis purum est, si puritate sanctæ intentionis collustratur. cuius item nummus ille imaginem gerat; & addit Intentionis qualitas si approbatur, impressæ mox formula querenda est, si à probatis monetarijs, idest ab antiquis Patribus ducitur; & ab eorum vitæ similitudine nullo errore uitiat. hincq; concludit, zelum iustitiæ quem profitentur persecutores proborum hominum, Virtutem nullo modo esse. quomodo enim ait à monetæ figura nō discrepant, qui ab omni pietate iustorum iustos persequendo discordant? Hanc rationem dijudicandarum mortalium Actiones plerasq; secuti sunt in Ecclesia Christi-

Col. 2.

cap. 4.

Lib. 33.

Mor. c. 37.



Christiana Maiores nostri, sceleris condemnantes instituta, mores, facinora quædam, quæ alioquin probitatis & perfectionis specimen præferre uidebantur; ut Origenis præ castitatis amore præcipitatum sui castrationem; Euagrii Pontici passionum mortificationem & sensus alacritatē, quæ nihil differret ab Stoica ~~et ab alijs~~ Priscillianistarum abstinētiā, Nonatianorum seuēram puritatem; Pauperum Lugdunensium rerum omnium abdicationem; & alia complura similia; quæ quæquā speciem Virtutis haberent; quia tamen longè aberrant ab antiqua Apostolicaq; sanctitate, multis erroribus maximisq; uitijs implicabantur. Ob eandem causam; mores nimirum antiquos, Patrumq; Sanctorum studia neglecta, castigat acriter S. Hieronymus quosdam sui temporis homines, qui se piscatorum discipulos asserentes, scientiam etiam scripturarum contemnebant, solamq; crassam rusticitatem pro sanctitate habebant; quasi inquit, iccirco sancti, si nihil scierint. quos uinam non imitentur aliqui nostri temporis homines Catholici, ut certè faciunt in Germania Anabaptistæ hæretici, qui studio sanctorum scriptorum posthabito, una vulgarium Bibliorum lectione contenti, transuersi suis quibusdam commentationibus acti, formam quidem externæ modestiæ & pietatis repræsentant, uerā tamen pietatem, & Matrem Ecclesiam abnegantes, uitam viuunt innumeris erroribus plenam; non aliam ob causam magis, quam quia quod semel placuit, adhuc placet, de trita Maiorum uia deflexisse. Hac aurea trutina, sanctorum scilicet Patrum exemplis, probat Ecclesia nouarum doctrinarum, si quæ adferuntur mo-

Ep. 102.  
ad Marcel

menta, noua item uiuendi instituta, nouos mores, uisa ipsa, & reuelationes hominibus factas: se demum ab omni suspicionis errore liberam tutamq; fore existimans, si eos rebus in omnibus in consilium adhibuerit, quibus optimorum consiliorum sanctissimæq; uiuendi rationis auctorem fuisse Spiritum Sanctum non dubitat; & quibus in primis dux tanti itineris vnus Christus fuerit, cuius doctrinam uitamq; Patres summo consensu secuti sunt; cum illo vnice concordarunt; In Pl. 87. illiq; intimè hæserunt tanquam (vt S. Augustinus, loquitur) voci præmissæ concinens chorus.

Quod si quæ in sanctis uiris ut olim accidit, etiam nunc deprehendantur noua facinora, quæ Spiritus sancti quidem instinctu, sed singulari & proprio edita sint; hoc ipsum Magistra ac Mater Ecclesia eadem examina tum statera nobis ut admirandum minimè tamen imitandum proponit, exempla non desunt; sed res est per se perspicua.

Lib. 2.  
Mor. c. 33. Tertium Indicium est Prudentia; Nisi inquit S. Gregorius Virtutes reliquæ sapientiæ epulis repletæ, ea quæ appetunt, prudenter agant, Virtutes esse nequaquam possunt. Hanc appellat Cassianus & alij discretionem; Col. 21.  
cap. 4. cui tantum tribuendum censet, vt affirmet eam in virtutis exercitatione esse lucernam illam Euangelicam, Sôlem, quem Apostolus deprecatur ne occidat super iracundiam, Salomoni gubernationem uite; consilium, sapientiam: eidem Apostolo solidum cibum, ipsi deniq; Eph. 4.  
Prou. 11.  
& 31.  
Sap. 24. se Verbo Dei comparandam, quandoquidem de eo scribitur: Discretor cogitationum, & intentionum cordis; Heb. 5.  
Heb. 4. ex quibus & ex S. Antonij, & aliorum Patrum sententia

tia concludit, manifestissimè declaratur sine discretione nullam vel perfici, vel stare posse Virtutem; id quod adeo verum est, ut etiam virtutibus Theologicis suo modo conueniat, & nos alio loco docuimus.

Quartum Indiciu[m] est societas ac colligatio reliquarum Virtutum omnium; non quippe verè humilis quispiam est, qui patiens, mitis; temperans, alijsq; similiter virtutibus præditus non sit neq; enim scribit S. Gregorius, vnaquæq; verè Virtus est, si mixta alijs Virtutibus non est. Vnde rectè ad Moysen dicitur Sume tibi aromata, & stactem, & onycham, galbanum quoq; boni odoris, & thus lucidissimum; faciesq; thymiana compositum opere vnguentarij mixtum diligenter & puru[m]. Thymiana quippe ex aromatibus compositum facimus, cum in altari boni operis virtutum multiplicitate redolemus. Quod inixtum & purum sit, quia quanto Virtus Virtuti iungitur, tanto incensum boni operis syncerius exhibetur. Hec ille. Atq; hæc dicta sufficiant de natura, & proprietatibus Actionis bonæ. Nunc ex quibusnam quasi principijs ac fontibus emanet eadem, breuiter exponendum est; ijs enim perspectis, simul intelligitur, quid nobis præstandum sit, ut ea quoad a nobis pendant, quàm commodissimè virtutis exercitationem iuuent, promoueant, perficiant.

Lib. 1.  
Mor. c. 33.

Exod. 30.



*Quam bonam Voluntatem ad Virtutis exercitatio-  
nem adferri oporteat. Cap. V.*



V.ctor Virtutis Christus Dominus, & ut su-  
prà ostendimus, absolutissimum simul  
Virtutis exemplar, cum primùm Orbi  
nouis Sol illuxit, e Cœlis Angelos aduo-  
cavit ad iucundissimū Diuinū hymnum concinen-  
dum: Gloria in altissimis Deo, & in terra Pax homini-  
bus bonæ voluntatis; vt intelligeremus, (quod signifi-  
cat S. Hieronymus) Christum pacem adferre homini-  
bus Virtutis studiosis; hos namq; bonæ voluntatis  
homines appellat. Virtus enim quamuis donum Dei  
sit, exercetur tamē ab homine non nisi opera bonæ vo-  
luntatis. Quare S. Bernardus sic habet: Quid est Vir-  
tus? filia rationis, sed magis Gratiæ. Vis enim quæ-  
dam est ex natura; vt autem Virtus sit, habet ex gratia.  
Vis est ex iudicio approbantis rationis; Virtus autem  
ex appetitu illuminantis voluntatis; denique non est  
aliud virtus quàm ad iudiciū rationis vsus liberæ vo-  
luntatis. Bona enim voluntas in animo est origo om-  
nium bonorum, & omnium Mater Virtutum. Hęc ille.

Quare ad excolendam Virtutem adferre in primis  
oportet voluntatem bonam. Voluntatem quidem,  
quia Virtutis actio libera est, quare Virtus inquit S. Ba-  
silii, perficitur ex voluntate, non ex necessitate libera  
enim non esset, si non esset voluntaria idq; à Deo ic-  
circo institutum est, quia ut scribit S. Augustinus, tales  
seruos suos Deus meliores esse iudicauit, si ei seruirent  
libe-

Luc. 2.

Ep. 19. ad  
Theodo-  
zum.

Ep. ad fra-  
tres de  
Mōte Dei.

Homil.  
quod De-  
us non sit au-  
ctor malo-  
rum.  
Lib. de ve-  
ra relig.  
cap. 14.



liberaliter; quod nullo modo fieri posset, si non voluntate, sed necessitate seruirent. Bonam verò, quia Virtus maximum hominis bonum est, bonam igitur necesse est radicem habeat, quæ secundum Dei gratiam alia non est, quam bona Voluntas. Atq; in hac bonitate tantum est momenti, ut si opera defint, quod ea intercedant impedimenta, quæ non possint à nobis superari, ita sibi satisfactum putet, uelitq; optimus parens Deus, ac si omnia Virtutis officia prolixè cumulatèq; prestarentur, si enim ait Apostolus: Voluntas prompta est, accepta 1. Cor. 8. est, secundum id quod habet, non secundum id quod non habet, ut propterea S. Hieronymus de Apostolis Ep. 35. ad Exuperantiam. scribens, dicat: Nemo Apostolis pauperior fuit, & nemo tantum pro Domino dereliquit. Christus quippe pro animi uoluntate omnia in acceptum refert. Idem etiam audet aliquid amplius, exponens enim illud: Omni habenti dabitur, & abundabit. Potest inquit, & sic intelligi; ei qui fidem habet, & bonam in Domino uoluntatem, etiamsi quid minus ut homo, in opere habuerit, dabitur à bono iudice. Qui autem fidem non habuerit, etiam ceteras virtutes quas videbatur naturaliter habere, perdet; quæ causa est, cur infideles alioquin non malè educati, & alicuius ad uirtutem indolis, fidei præsidio destituti, progressu temporis in immania scelera, scædamq; barbariem qualis inter Christianos nulla facile reperitur, præcipientes ruant.

Sed Theologi qui more suo rem hanc accuratè contemplati sunt, cur ad Virtutis exercitationem bona uoluntas in primis requiratur, hac ratione confirmant. Primum inquit S. Thomas, Mouens in uiribus animæ ad 1. 2. q. 17. ar. 1.

q. 9. ar. 1.

S. 2. Q. 4.

S. 2. Q. 4.  
S. 2. Q. 4.

S. 2. Q. 4.

S. 2. Q. 4.  
S. 2. Q. 4.

exercitium actus est voluntas. rationem supra reddiderat sic; Finis voluntatis est bonum in communi, sub quo continentur omnia bona particularia aliarum potentiarum; ideo voluntas mouet alias potentias ad actus suos. Quod si obieciat S. Thomæ, ab intellectu etiam voluntatem moueri, respondet: cum ergo secundum Mouens non moueat nisi in virtute primi Mouentis, sequitur, quod hoc ipsum, quod Ratio mouet imperando, sit et ex virtute voluntatis. Hæc S. Thomas. ut propterea dubitandum non sit, quin eorum quæ hō nestant actionem conficiunt, ac complent, magnam partem parens effectrixq; sit bona voluntas: quanquā enim præcurrit mens, multaq; præstat, longè tamen princeps est ipsa voluntas; apprehendit, iudicat ipsum finem & bonum mens, & id vt bonum obiecit voluntati, sed hic nulla adhuc Virtus; appetit bonum voluntas, & ecce tibi Virtutis initium, & conceptionem. Rursum, idem bonum recognoscitur à ratione acquiri posse, nec hic Virtus; sic cognitum intendit & optat illud voluntas, & illico quasi grandescit. Virtutis fœtus in utero voluntatis, ac ne sequatur abortus, eadem utpote dux, aciem reliquā instruit uniuersam; imperat meti, ut rationes boni cōsequēdi disquirat, disquisitās di, iudicet, adferat in medium ad finem adipiscendum opportuniorem: hanc cum probat, & eligit voluntas, ceterisq; facultatibus omnibus executionem indicit, ecce tibi aureum Virtutis partum, ut perspicuum planè sit, quantas vires habeat voluntas; ad tantam tobolem progignendam, quantamq; illi supernaturali Dei lumine auxilioq; sit opus ad fugandās mentis tenebras, ad ob-

sistentes

sistentes appetitus motiones reprimendas, ad seipsam concitandam & peruincendam, ad externas quasq; difficultates arcendas, deniq; ad tantam tam multorum actuum molem comparandam, & sustinendam, sed de Dei concursu postea; Nunc Virtutis, vt a nobis est, naturam explicamus. Ex his porro quæ hætenus dicta sunt hæc conficiuntur.

Primum. Bonam voluntatem hoc est hoc ipsum quod est Virtutem à nobis esse, quæ parte à nobis est; Donum Dei esse permagnum. Est hoc sanctorum omnium placitum, & ex Sacris literis erutum; in quibus scribitur: Sine me nihil potestis facere; & Deum operari velle & perficere; sed egregiè id Vgo de S. Victore: Inter omnia Dei dona quæ ad salutem hominis spectare videntur, primum & principale bonum voluntas hominis bona esse cognoscitur, per quam imago similitudinis Dei in nobis reparatur. Primum est, quia à bona voluntate bonum omne inchoatur. Principale est, quoniam à bona voluntate nihil hominibus vtilius datur. Quicquid homo facit, bonum esse non potest, nisi à bona voluntate procedat. Sine bona voluntate omninò saluari quispiam non potest. Cōcludit tandem: Voluntas tamē bona non est, si non operatur quod potest. Quam clausulam libenter adiicimus, quod ita & nos bonam voluntatem commendamus, vt nolimus quicquam de bonis operibus esse detractum, quæ & opportuna maxime sunt ad virtutis incrementa, & simpliciter sunt ad salutem necessaria.

Secundum est. Quanquam interdum necesse sit Virtutum actiones intermittere, quia ut ait S. Gregorius,

Io. 15.  
Phil. 2.  
Lib. 3. de  
anima si-  
ue de In-  
teriore do-  
mo cap. 2.

Lib. 18.  
Mor. c. 12.

in



in exercitatione aliquando virtus, cū per discretionem intermittitur, reseruatur, ut tantò post vitia ualenter feriat, quanto à percussione interim prudenter cessat; voluntas bona tamen intermittenda nunquam est, quin saltem habitu ipso ac firma animi deliberatione retineatur. tum, quia si intermittitur, habitus mutatur; mutari autem non potest, nisi sese conuertat ad uitium; tum, quia si uoluntas bona constans est, & perseverans, instaurandæ actionis seges est; si quando (ut accidit) ea quacunque ex causa cessat, siue, quia impeditur, siue etiam quia refrigescit, tum deniq; quia bona uoluntas uti donum Dei est, sic si verè bona est, Deo gratissima est & (ut ait S. Augustinus) sola sufficit, si adsit. intellige, cum cetera nulla tua culpa desunt.

Lib. 50.  
Hom. h. 8.

Lib. 15.  
Mor. c. 9.

Lib. 29.  
Mor. c. 15.

Tertium est. Ita seruescere debet bonæ voluntatis propositum in proficiente, ut boni sui & diuinæ gloriæ desiderandæ nullus sit finis; plusq; (ut ait S. Gregorius) studeat agere, quàm sit ei Dominus iubere dignatus; ea tamen lege, ut si quod uotis optat, re minimè possit assequi, in una Dei voluntate libens acquiescat; si quidè, (ut idè S. Doctor alibi scribit) plerunque uirtutes dum plusquàm necesse est, exuberant, exhalant. Vnde & electorum suorum Dominus vel ante tempus desideria renuit; uel rursus in tempore ultra mensuram profectus premit, ne si antequàm debent, aut plusquam debent, proficiant, per profectus sui magnitudinem, in elationis defectum cadant; & hoc esse ait, quod Dominus se prius Patrem pluiæ asserit, hoc est bonorum desideriorum ac uoluntatum, post uerò dicit de utero suo glaciem exire, hoc est frigus mortificationis; quo bona  
etiam



etiam desideria ob nostrum bonum maius retardat,  
ac differt.

Indicia bonæ voluntatis duplicia sunt; Interna, & externa. Interna illa sunt, quæ in ea Ezechielis verba ubi erat impetus spiritus, illuc gradiebantur, numerat S. Gregorius: & ut contraria carnis stimulis Impetus cum Propheta nominat; & sanè Impetus sunt, quia uehementia desideria, qualia plena voluntas edere solet, ac etiam foras emittere. Sic autem scribit: In electis & reprobis diuersi sunt impetus. In electis uidelicet impetus spiritus, in reprobis impetus carnis. Impetus quippe carnis ad odium, ad elationem, ad immunditiam, ad rapinam, ad exteriorem gloriam, ad crudelitatem, ad perfidiam, ad desperationem, ad iram, ad iurgia, ad uoluptates animi impellit. Impetus verò spiritus ad charitatem, ad humilitatem, ad continentiam, ad largitatem misericordiae, ad interiorem profectum, ad pietatis opera, ad æternorum fidem, ad spem sequentis gaudij, ad patientiam, ad pacem, ad considerationem uitæ immortalis, ad lachrymas mentem pertrahit. Vnde necesse est, ut magna semper cura cogitare debeamus, in omne quod agimus, qui nos impetus ducat. Hæc S. Gregorius. Accedant ad hæc duo illa S. Bernardi: Ego inquit, ut interior oculus uerè simplex sit, duo illi arbitror necessaria, charitatem in intentione, & in electione ueritatem; & infra. Est qui bonum & libenter agit, & prudenter intelligit. Istius re uera oculum non immerito simplicem dixerim, utpotè cui neutrum horum desit, nec zelus scilicet bonus, nec scientia.

Ezech. 1.  
Homil. 8.  
in Ezech.

Lib. de  
præcepto  
& dilpès.

Externa porro bonæ voluntatis Indicia numerantur

Cant. 7.  
Citat. San.  
Bon. de 7.  
Itiner. ca.  
l. d. 3. nā in  
quattuor  
editis ho-  
mil. Orig.  
& in duab.  
à S. Hiero.  
versis non  
inuenio.

tur ab Origene in Verba Cantici Canticorum: Quàm pulchri sunt gressus tui in calcaneo (sic ille legit) filia principis. Si inquit, in operibus quæ agis, laudem humanam uitas, si sobriè exultas, si primò te corripias, si alijs benignitatē exhibeas, si patientiam in aduersis ostēdas.

*Quibus cogitationibus imbuta mens eius esse de-  
beat qui in Actiones Virtutis incum-  
bit.* Caput VI.



Voniam uerò ad rectè agendum Voluntatem iuuat mens, illiq; notitiæ ac scientiæ facem præferre solet, quàm bene instructam mentem ad Virtutis exercitationem comparare opus sit, est hoc loco explicandum. Et quidem quibus eam cogitationibus spoliata esse oporteat suo loco expositum est; Nunc quibusnam eadem imbui debeat, persequamur; idq; eorum hominum gratia, qui in uirtute processerint, ac si non doctrina, studio certè & ingenio ualeant: nam alijs uiris bonis, sed alioquin idiotis, aut nec feracis nec acris ingenij, sat est, si intentionem dirigant ad eam normam, quam supra tradidimus, mortificationem suo tempore subinde cōtra passionem exsuscitent, & abigendis prauis & inutilibus cogitationibus inuigilent ad suę uocationis munera pro diuinę gratiæ mensura simpliciter intenti. Quod idem dicendum uideretur de quibusdam adolescentibus, alijsq; quibusdam hominibus, qui certo uocationis genere adhuc adstricti sunt nullo.

Ceterum, reliqui sunt duo hominum status. Prior est

est eorum, qui mundani uocatione sua sunt, e uirtute tamen ac Dei legibus uiuunt, ac uiuere decernunt. Posterior eorum, qui mundo aut omninò aut aliqua ex parte renunciantes, perfectiorem uiuendi regulam assecuti, Deo ex illius præscripto hoc est consilijs Euangelicis nobiliter seruiunt. quales sunt Ecclesiastici omnes ac religiosi, nonnulli etiam adhuc seculares sed perfectionis peramanentes.

Cogitationes præterea non prauæ nec inutiles; aliæ sunt nec bonæ sed indifferentes, ut quæ suscipiuntur de negotijs aut negotiationibus, de artificijs opificum, de agricolarum, militum, Iurisconsultorum, Medicorum, cuiusq; deniq; generis hominum muneribus proprijs. Aliæ bonæ sūt, ut de actuosæ aut mixtæ uitæ operibus, quæ uocamus misericordiæ, tam spiritualibus, quam corporalibus, virtutum item, quæ ad salutem necessariæ sunt, siue internis siue externis vsibus. Aliæ denique meliores & optimæ, ut quæ habentur de Consiliorum Euangelicorum officijs, contemplatione Dei; amore item Dei ac proximi perfecto, Diuinæ gloriæ propagandæ, salutisq; animarum studio, & similibus.

Mundanis hominibus quanquam necesse est cogitare de mundanis officijs, quia scriptum est: Qui cum uxore est, sollicitus est, quæ sunt mundi; & quæ nupta est, cogitat quæ sunt mundi; Consultissimum tamen est, si cogitationes huiusmodi indifferentes studeant in bonas conuertere; ad unam Dei gloriam primum, deinde ad iustitiæ cui addicti sunt bonum, mentis oculos candidè dirigentes, sic enim ex luculenta terræ vena prodit preciosissimum aurum meriti æternæ uitæ: & lauadibili in-



dustria materia ex se libera in Virtutis deditionem redigitur; atq; hoc est primum præceptum quod huius generis hominibus proponit Apostolus; quibus adiungi possunt ex eodem alia sex siue præcepta, siue monita.

Primum.

1. Tim. 6.

Ibid.

Secundū.

Ibid.

Tertium.

1. Tim. 5.

Quartum.

Heb. 12.

1. Cor. 7.

Ibid.

Quintū.

Sextum.

Ibid.

Primum est, ut præcaueant diligenter duas tentationes, Avaritiæ unam: Nam qui uolunt ait, diuites fieri, incidunt in tentationem & laqueum diaboli; & desideria multa inutilia, & nociua, quæ mergunt hominem in interitum & perditionem; Alteram superbiæ: Diuitibus huius seculi præcipe, non sublimè sapere, neque sperare in incerto diuitiarum; siquidem propterea auaritiam uocat idolorum seruitutem, quòd ea spes quæ in solo Deo ponenda est, collocatur quasi in altero Deo, in pecuniæ tacitis pollicitationibus & adiumentis. Secundum est benignitatis in alios: Sperate inquit in Deo uiuor, qui præstat abundè ad fruendum, bene agere, diuites fieri in bonis operibus, faciliè tribuere, communicare, thesaurizare sibi fundamentum bonum in futurum, ut apprehendant veram vitam. Tertium est familiæ curatione sedula: Si quis suorum maximè domesticorum curam non habet, fidem negauit, & est infideli deterior. Quartum est, honestus matrimonij vsus; iccirco enim uocat thorum Christianorum immaculatum; & interimissionem aliquam eius suadet orationis gratia, saltem ad templum. Quintum est constantia in uocatione: Vnusquisque in quâ uocatione uocatus est, in ea permaneat, & postea: Vnusquisq; in quo uocatus est fratres, in hoc permaneat apud Deum. Sextum est, mundi contemptus, & animum seuocatum habere à rebus mundanis, à uitæq; voluptatibus: Tempus ait breue est, reliquum



est, ut & qui habent uxores, tanquam non habentes sint, & qui flent, tanquam non flentes, & qui gaudent, tanquam non gaudentes, & qui emunt tanquam non possidentes, & qui vtuntur hoc mundo tanquam non vtantur, præterit enim figura huius mundi. Et quoniam mysterijs perfectionis initiatos vult suo modo etiam seculares, postquam illos hortatus est prolixè ad actiones virtutum internas externasque, erigit ad altiora cogitata sapientiæ secretioris ac nobilissimæ cum Deo cōsuetudinis. Verbum Christi habitet in uobis abundanter, (assiduè videlicet recogitatum) in omni sapientia, docentes, & commonentes uosmetipsos. Psalmis, Hymnis, & Canticis spiritualibus, in gratia cantantes in cordibus uestris Deo. Quare debent etiam ij qui mūdo uocationis lege adstricti sunt, ea quæ mox dicturi sumus in spiritu prouectoribus, ad suos etiam vsus opportunè transferre, & æmulari (vt idem Apostolus monet) charismata meliora. Col. 2.

Ij igitur qui seridè perfectioni operam nauant, siue spontè, siue instituti quod sequuntur, legibus, tum ante dicta omnia accuratius obeunda sunt, tum multò adhuc maiora præstanda, vt mentem adornent ad omnem Virutis exercitationem. 1. Cor. 12.

In primis autem illud, ut sese abducant à cogitationibus secularibus; Nemo enim (ait Apostolus) militans Deo, implicat se negotijs secularibus. Implicat, inquit, ita ut ijs irretitus impediatur, quo minus uacare ac placere possit Deo, cui se probauit, & dedit. Locum hūc sæpius tractat S. Gregorius ex quo duobus cogitationum generibus sese munire proficientem debere in-

telligimus, si quando quidpiam negotij secularis retractandum sit. Prima cogitatio est de dæmonis occulta fraude, quam scilicet struit, dum specie boni repetendam seculi curâ aliquam persuadet. Hæc ait blandiens suggerit, seorsum verò in eisdem rebus quas retinere admonet, ante retinentis oculos delectationes pestiferas decipiens apponit, quatenus seductum cor ad blandimenta exteriora pertrahat, & intima perfectionis vota perterrat. Altera cogitatio est, quando quidem sæpe numero ad huiusmodi curas reditur consanguineorum & amicorum gratia, easdem ipsas curas aditum aperire viamq; sternere ad refricandum ac redintegrandum illum carnis amorem, cui ut Deo placeremus adeo alacriter nuncium remisramus. Solerti ergo curâ ait, providendum est, ne carnis gratia surrepat, atque à recto itinere cordis gressum deflectat, nec vim superni amoris impediatur, & surgentem mentem superimposito pondere deorsum primat.

Alterum studium proficientium est, ad eas cogitationes consultò ac seriò animum intendere, quæ propriissimæ sint vocationis suæ; & has quidem parere debent res illæ, quibus lege uocationis danda opera est, ordine prius certo distributis temporibus ad vnamquamq; accommodatis. Quo loco non necesse est, de huiusmodi dispositione præcepta tradere, neq; enim id facile est tam multis varijsq; omnis generis Christianis institutis, nec admodum utile, cum accuratè ordinata iam sint Ecclesiastica officia, disciplinæ religiosæ munera, certi etiam agendi, & feriandi dies, & horæ ad usum uniuscuiusque uitæ hominum generis; Et sunt omnibus

Lib. 31.  
Mor. c. 21.

Lib. 7.  
Mor. c. 18.

omnibus in promptu egregia huius rei documenta apud Christianos Historicos, sacrosq; scriptores. Habent Episcopi quo exemplo suas occupationes distribuunt in ea viuendi ratione quam institutam primum ac deinceps continuè retentam ab sanctissimo Ambrosio scribit S. Augustinus. Habent qui curam animarum gerant, siue iure, siue spontè, quid scire & sequi debeant in eo munere ex rebus scriptis à S. Gregorio in vniuerso suo Pastoralis, & in plerisq; sui Registri Epistolis. Sunt in manibus religiosi ordinibus Constitutiones ac regulæ instituti quod præferuntur, quibus si quid addendum sit, non desunt illis quorum imitentur actiones, præsertim apud sanctam Basilium in Constitutionibus & Regulis apud S. Augustinum de moribus Ecclesiæ, & apud Cassianum in omnibus eius libris, maximè uerò quod ad rem præsentem facit in Tertio institutionum. Patent etiam laicis perfectionis amantibus historiæ sanctorum virorum sui ordinis innumerabilium, quales sunt pleriq; omnes antiquiores Martyres & Virgines, milites Imperatoribus ac Regibus in Ecclesiam tyrannis militantes, coniuges etiam liberis operam dantes, ut SS. Ludouicus, Leopoldus, Stephanus & alij, è quibus tanquàm è fontibus hauriant qui uolunt exempla virtutum, & domesticæ disciplinæ.

Quare vobis in hoc tam laborandum non est, quàm in explicando, qua ratione qui ijs rebus operam dare coguntur, quæ ex sese animum seuocant à diuinis & spiritualibus cogitationibus, siue illæ indifferentes sint, siue etiam bonæ, se in medijs occupationibus colligant, ac Deum in rebus etiam à Deo alienis inueniant. Quod

quàm

Lib. 6. Cō  
fess. cap. 3.

Præfertim  
Ep. 46.  
lib. 4.

Lib. 1. cap.  
31. & 32.  
cap. 2. 3. &  
sequentibus.



quàm difficile factu sit, ostendit & quidem sub pontificatus pondere gemens S. Gregorius Papa, qui propterea aliorum sanctorum virorum orationes ad Deum postulat, vicissim ipse pro illis Dominum rogaturus, quia inquit: Dum nos vobis per orationis opem cōiungimus, quasi ambulantes per lubricum, vicissim nobis manum tenemus, fitq; ex magna prouisione charitatis, ut eò singulorum robustius charitas perfigatur; quo in alterum alter innititur. Hæc ille.

Porro ut quærat homo Deum, ac huic inquisitioni diligenter insistant, antiquissimum Dei consilium est, ne dicam iussio; Sic enim prædicat S. Paulus coram Atheniensibus. Fecitque ait, ex uno omne genus hominum inhabitare super vniuersam faciem terræ, definiens statuta tempora, & terminos habitationis eorum, quærere Deum, si fortè attrectent eum, aut inueniant, quia non longe est ab unoquoq; nostrum in ipso enim vivimus, mouemur, & sumus. Ad hoc ipsum per Prophetam hortatur: Quærite dominum dum inueniri potest, quærite faciem eius semper. Hoc se præstare Dauid indicat, cum ait: Prouidebam Dominum in conspectu meo semper.

Dei autem in rebus & actionibus omnibus inueniendi duplex ratio est apud SS. Patres. Prior ab ipso Domino accepta, cui familiare fuit ex quibuscumque rebus occasionem captare de rebus diuinis agendi; ut cū Philosophatur cum scæmina samaritana ad puteum Iacob de cælestibus aquis, in conuiuium de pane, aut cibo non pereunte, cum piscatore de capiendis hominibus; Quod etiam antiquissimum fuisse Apostolis nemo dubitat,

Lib. 1. Re  
gill. Ep. 24

Act. 17.

Is. 55.

Psal. 104.  
Psal. 15.

Rationes  
inueniendi  
Deum duæ.

Io. 4.  
Io. 6.  
Luc. 5.  
Matth. 4.



birat, qui Apostolorum Acta repetit, aut qui intelligit  
 eos toto conatu id studuisse, quandiu cum hominibus  
 salutis hominum causa agerent, omnibus omnia fieri,  
 ut omnes Christo lucrifacerent. Et quidem rei huius  
 proferri ex Patribus exempla multa possent, sufficet ta-  
 men, ne longum faciamus, vnus S. Basilus, qui quomo-  
 do id fieri soleat docet in hunc modum: Accumbens  
 mensæ ora; esitans panem largitori gratiam rependito;  
 suffulciens firmansq; infirmas corporis vires; eius fac-  
 memineris, qui hoc te dono impertiuir ad inferendam  
 cordi tuo lætitiā, & ad multiplicium infirmitatum  
 non mediocre solamen; nullā tibi est sumendi edulij  
 necessitas: caue te prætereāt eius memoria cuius libera-  
 li beneficio uentrem explesti; tunica indueris? gratias  
 agito benigno datori; amicitis pallio? fac in te augeſcat  
 intentior erga Deum charitas, qui integumenta gratui-  
 tō largitus est hyemi æstatiq; accommoda, ut vita con-  
 ſeruetur, & obuēlerur turpitudō; Tibi ne dies expletus  
 abijt illi referto gratiam, qui Solem quidem nobis nihil  
 tale commeritis indulſit in Diuinę operationis ministe-  
 rium; ignem uerō contulit illuſtrandę nocti; & ut ſer-  
 uiat reliquis uitę commoditatibus. Ipsa rursus nox alias  
 ad orationem ſuggerere poſſit, conciliareque occaſiō-  
 nes; Etenim, ſi quando in Cælum ſuſpexeris, cum in  
 eximiam ſyderum pulchritudinem oculorum aciem  
 deſixeris preſſius; horum viſibilium ſupplica Domi-  
 no vniuerſorum longè optimo artifice, procide Deo,  
 & cole eum, qui cuncta hæc in ſapientia condidit; Vbi  
 omnigenum animinatum naturam in ſonitum reſolutā,  
 ac depreſſam perſpexeris, ſupplex procidens adorā rur-  
 ſus

Homil. in  
 Mart. Iuli-  
 ani.

.2. pag. 11

213 21

sus cum, qui nos nec cogitantes, aut certè inuitos indulgentia soporis à continenti laborum assiduitate relaxat, perq; exiguæ quietis refocillationem uigorem addit corpori, viresq; instaurat, ipsam tibi dispertitor noctem, in somnum & orationem. Et paulo post: Si quæ nos adorientnr rerum apprimè tristium afflictiones, dicamus: Bonũ mihi quia humiliasti me. Dicamus: Quia non sunt condignæ passiones huius temporis ad futuram gloriam quæ reuelabitur in nobis. Si quando splendidior ac lætior arridet ratio, ac institutum uitæ, illam de promamus Dauidis vocem: Quid retribuam Domino, pro omnibus quæ retribuit mihi. Numerat deinde S. Pater Dei beneficia vniuersa collata nobis liberalissimè, creationem ex nihilo, inuenta artium, adiumenta vitæ, alimenta è terræ visceribus, ministerium omnium animantium, imbres, Solem, cultum agrorum, pratorũ pulchritudinem, perfugia montium, annium fluuios, fontium riuos, mare ad negotia, opes è fodinis, omniũ rerum creatarum copiosam amcenitatem, & munimentum. Quid plura? Deus ipse Verbum caro factum propter hominum salutem, in terris visus est, & cum hominibus conuersatus est, ingratis beneficentissimus, inter seruos libertatis assessor, Sol iustitiæ in medijs tenebris; venit ad Crucem Cruci non obnoxius, ad mortem vita, lux ad tenebras inferorũ, ad mortuos resurrectio, adoptionis spiritus dilargitor, coronæ sponsor. Quid retribuemus Domino, pro omnibus quæ retribuit nobis? Hæc ex S. Basilio. Ex quo perspicuum est, quàm non difficile fuerit sanctis viris ex oblatis occasionibus quibuscunq; sese in Deum erigere in finitis propè rationibus,

tionibus, quando ex creatis rebus omnibus, ex omnibus diuinis beneficijs, quorum vnumquodq; sibi consentaneam cogitationem & motionem in animum hominis illico ac obijcitur, inijcit, vnum eundemq; gratiarum actionis affectum in seipso perpetuò concitauit Basilius. Quod fieri à nobis potest circa eadem ipsa Dei munera omnia alijs similiter cogitationibus & affectibus prout libuerit exsuscitatis, aut compunctionis, quod fuerimus eorum immemores, quod ijs usi adeò peruersè semper: aut odij nostrimet, quod cum omnia Deo seruiant, nos ulissima mancipia tantis bonis etiam cumulati, ab eius cultu insolenter ac proteruè recesserimus: aut timoris, ne culpa nostra tantis alijs quando bonis exuti, eorum in numero simus, quibus dicitur: Noluit benedictione, & elongabitur ab ea: aut deniq; amoris in Deum benignissimum Dominum, ac Parentem optimum, qui nihil non molitur, experitur, tentat, efficit, vt quacumq; demum ratione id fieri possit, nos sibi subiectos, deditos ac planè deuinctos, non seruos emptitios & inutiles quales reuera sumus, sed charissimos & amantissimos filios reddat.

Atq; ut res creatæ ad Deum interdum excitant hominis animum ad prædictas rationes, sic contrà eadem hunc ipsum interdum abalienant, & ad mundi contemptum prouocant. exemplum adfero ex eodem S. Basilio alio loco. Rosa hic inquit, spinis est coniuncta, externa gratia molestiam tegens, & tanquam non aperta nos voce contestans, ac dicens: Quæ iucunda vobis sunt, o homines, tristibus permixta sunt; Nam verè in humanis bonis ita comparatum est, vt nullum eorum

Homil. de  
Paradiiso.



syncerum sit, sed confestim lætitiæ & hilaritati conglutinetur inæstitia, coniugio viduitas, puerorum educationi cura & sollicitudo, fecunditati aborsus, vitæ splendori ignominia, prosperis successibus dispendia, delictijs satietas, sanitati infirmitas, florida quidem est rosa, sed mihi tristitiam infligit: nam quotiescunq; florem hunc video, peccati mei admoneor, propter quod terra ut spinas ac tribulos proferret, condemnata est. Et hic quidem vernorum florum gratia in manibus nostris marcescit; in Paradiso verò splendor non est momentaneus, sed constantem habet iucunditatem, gratiosum & amabilem aspectum, nunquā desitutum oblectamentum, insatiabilem fragrantiam, & colorum elegantiam refulgentem; & multa alia quæ in hanc sententiam elegantissimè subijcit

Ac ne quis existimet, exercitationem hanc eorum esse propriam solum, qui sese à turba, negotijsq; secer-  
nantes, contemplationi rerum diuinarum, ac Deo vac-  
cant, non autem hominum in rebus domesticis occu-  
patorum; aio primum mundanis etiam hominibus hu-  
iusmodi industriam vtilissimam esse ad retegendos &  
præcauendos laqueos in quorum medio eos transire  
Ecclef. 9. Salomon scribit iucundissimam ad leuandas sæculi mo-  
lestias tam multas, continuas, magnas; addo etiam illis  
magis necessariam, quàm Religiosis, quòd his plura  
suppetant spiritus adiumenta, vel ex vno sacrorum pa-  
rietur aspectu, quàm mundanis ex rebus, quas præ  
oculis habent omnibus, quæ plerumq; sunt maximæ  
peccandi illecebræ, potius quàm Virtutis incitamenta.  
Sed vtut sit, pono exemplum hominis secularis, iuncti  
coniugio,



coniugio, Patrisfamilias, Principis, iam tum florentis ætatis, in administrandis prouincijs occupati; Is agros & syluas oberrans venationis gratia, feras insectans, & prædam ex auibz agens, admirabundus meditabatur sapientiam Dei, qui hominum generi feras & aues ad rapinam comparatas parere docuerat, etiam cum vinculis solutæ in cælum vsq; subuolant; Laudabat Deum, qui homini tantum tribuerit honoris, vt eius imperio aues & vinculorum, & pristinæ libertatis immemores sibilis fictisq; clamoribus obediant. Pugnantes autem cum spectaret in aëre, illa mentem eius subibat cogitatio; talem videri Dæmonis pugnam, cum priorum animos ex insidijs aggreditur. pudebat autem illum maximæ in Deum ingratitude, quod ab eo tantis ornatus beneficijs, illi tamen uocanti minimè responderet. minusq; pareret, cum videbat feram auem, carniuorâ, modicæ escæ gratia, agreste ingenium exuere, mansuetam reddi, accitam voce hominis aduolare, adhæc pati velari oculos, quibus nihil in vita charius. Easdem capiebat vtilitates ex canum venatione, illas præsertim, sibi in posterum Deo appellanti dicto audientem fore omninò oportere; quandoquidem videret quotidie canē animal famelicum, & in feram actum rabie, prædam tamen iussu illico relinquere, vt hominis imperio obsequatur; patienter Dei amantissimi verbera cum calamitates immittit, sustinenda, cum ex percussione inflatum dolorem adeo toleranter canem ferre quotidie cerneret, & si quaslibet catenas subit canis Domini gratia, cur diuinorum præceptorum vinculis se indies adstringi magis non ipse velle deberet? Is fuit Franciscus

etiam maximus est, ascendentem; ex plantula, frondis, floris, fructus vnus aspectu, ex vermiculi alicuius aut bestiolæ consideratione, suprà cælos attollentem se, & ad ea quæ à sensibus remota sunt penetrantem. Et post: Atq; hoc familiare nostris optabat esse, vt Deum in rebus omnibus præsentem cernerent. In hac ipsa exercitatione totus semper fuit S. Augustinus. Exempla plura produximus ex libris Confessionum eius, in libro de perfectis; & adhuc alia ex alijs eius scriptis ferè omnibus hauriri possunt, ex quibus intelligitur, quàm illi cordi fuerit etià cū de grauissimis fidei nostræ mysterijs loquitur, ex rebus hisce in Deum assurgere, & illi quantum in ipso fuit diutius adhærere. Hic eius exordia, & quasi infantiam in hac re omittendam non putavi, vt qui summa eius attingere non possumus, in imis saltem consistamus; & qui tantæ disciplinæ fastigium suspicimus, atque appetimus, prius quæ sint eius fundamenta discamus. Hac igitur de re S. Augustinus adhuc iuuenis egit in duobus Soliloquiorum libris, in c. 13. & 14.

quorum primo statuit sex quasi gradus ac elementa exercitationis huius, exemplo aliquorum posito, qui cum uehementer expetant videre solem, illius fulgore ita eorum imbecilles oculi ferantur, vt eo non viso, sepe in tenebras cum delectatione redeant. His inquit periculosum est velle ostendere, quod adhuc videre non valent. Quare exercendi sunt prius, & eorum amor vtiliter differendus, atque nutriendus est.

Primò enim quædam illis demonstranda sunt quæ Primum.  
non per se lucent, sed per lucem videri possunt, vt vestis, aut paries, aut aliquid horum.

Deinde

Secundū.  
Tertium.  
Quartum.  
Quintū.  
Sextum.

Deinde quod non per se quidem, sed tamen per illam lucem pulchrius effulgeat, ut aurum argentum, nec tamen radiatum ut oculos lædat.

Tunc fortasse terrenus iste ignis modeste demonstrandus est. Deinde sydera. Deinde Luna. Deinde Auroræ fulgor, & albescentis cæli nitor, in quibus seu citius, seu tardius, siue pertotum ordinem, siue quibusdam contemptis, pro sua quisque valetudine assuescens sine trepidatione & cum magna voluptate Solem videbit. Hæc S. Augustinus. Quis hic non expectet ex Augustino intelligere quinam sint illi totidem scientiæ gradus, quos ad hanc similitudinem constituturum velle videtur ad cognoscendum Deum? Is tamen ibi ne verbum quidem de his gradibus amplius; quin Rationi quam secum in eo dialogo colloquentem facit, etiam, atque etiam vrgenti ut eos explicet, sic respondet: Vnum est quod tibi possum præcipere, nihil plus noui; penitus esse ista sensibilia fugienda: cauendumque magnoperè dum hoc corpus agimus, ne quo eorum visco pennæ nostræ impediatur, quibus integris perfectisque opus est, ut ad illam lucem ab his tenebris eualemus. quæ se ne ostendere quidem dignatur in hac cauea inclusis, nisi tales fuerint, ut ista vel effracta, vel dissoluta, possint in auras suas euadere. Porro ex his quæ antè tradiderat, haud erit difficile cognoscere quid senserit S. Augustinus de his gradibus sex; Sunt enim illi iidem, quos S. Basilii & Cassiani ad perfectam & Euangelicam Renuntiationem necessarios esse docuerunt.

Primus.  
Secundus.

Primus est, exuere omnem diuitiarum affectum.  
Secundus est, Honori mūdano oīnō nūciū remittere.

Ter-



Tertius est, Aspernari ex animo omnes carnis voluptates, etiam honestas, utpotè vxorias, reliquasque omnes corporis delicias usq; ad ipsas in cibo, potu, balneis, & similibus captari solitas illecebras. Tertius.

Quartus est, reijcere amicorum humana solatia, qua tenus animum auocant à veræ sapientiæ studijs; multo magis consanguineorum affinium, reliquasq; omnes rerum quarumlibet terrenarum curas. Quartus.

Quintus est, ipsum vitæ huius mortalis quæ nihil natura charius habet, amorem deponere. Quintus.

Sextus est, corporis doloribus etiam acerbissimis & intolerabilibus animo superiorem esse, illosq; fortiter sustinere ac respuere cum cruciant corpus. Sextus.

Ac nec tunc quidem sic se habentibus animis statim sese obijcit Dei lux, nam quando hæc Dei cognitio benignissimi Domini donum est, cum vult ille miseretur, & vbi vult spirat, nouit ait illa pulchritudo, quando se ostendat. Ipsa enim etiam medici fungitur munere, meliusq; intelligit, qui sint sani, quàm iidem ipsi, qui sanantur. Nos autem quantum emerferimus, videmur nobis videre, quantum autem merfi eramus, & quo progressi fueramus, nec cogitare, nec sentire permittimur, & in comparatione grauioris morbi sanos esse nos credimus. Hæc ibi.

Ne tamen in hac re animum despondeamus, & minus quàm par est, Diuinæ prouidentiae confidamus, quando sex istis officijs illud agimus, vt abdicatis rebus terrenis omnibus, etiam nos ipsos radicitus abnegetur, (quæ à quibusdam perfecta expropriatio nominatur,) docet S. Augustinus, summū præparationis ad Deum



Deum uti hic possumus contuendum, esse, Deo se penitus committere, ad illius voluntatem, suam, seq; totum accommodare, ab eiusq; nutu pendere, nihilq; velle aliud, quàm quod ille nos velle uoluerit. Quæ conformitas cum Deo, magnus diuini amoris gradus est, ut alibi docuimus. Sic igitur idem concludit: Constanter Deo crede, eiq; te totum cõmitte, quantum potes. Noli esse uelle quasi proprius, & in tua potestate, sed eius clementissimi & .utilissimi domini te seruum esse profiteri. Ita enim se ad te subleuare non desinet, nihilq; tibi euenire permittet, nisi quod tibi profit, etiam si nescias.

Quæcunq; autem diuinæ cognitionis lux exoriatur in animis nostris, quandiu corporibus includuntur quasi carceribus, pretiosissima quidem est, & maximum Dei beneficium, rebus mortalibus omnibus meritò anteponendum, exigua tamen est & imperfecta; ut propterea mysticè à Iob S. Gregorio auctore appelletur susurrium.

Li. 5. Mor.  
cap. 20.

Immo, quia eadem in animis hominum emicat, ita, ut eos ipsos interdum, & ut plurimum fortassis lateat, quibus adest, ac propterea ab Iob etiam furtiuè suscipi dicatur, non desunt qui optrent intelligere, quibus se ipsa prodat, quibusq; à nobis deprehendatur indicijs; Ac ut tandem planè constaret rem hanc in Virtutum exercitatione constanti, seria, accurataq; positam esse potius, quàm in alia quapiam mentis industria, acieue ingenij, Diuinitus factum est, ut quibus uehiculis diuina lux aut uox animum subit, idem Pater exponeret, ut eadem nobis esse possint eius præsentis indicia. Sic enim habet:

Ibid.

habet. Quasi furtiue suscepit aures mea uenas susurrij eius. Susurrium quippe occulti verbi est hæc ipsa locutio aspirationis internæ; Venæ autem susurrij dicuntur causarum origines, quibus hæc ipsa aspiratio ad mentem ducitur. Quasi enim venas susurrij sui aperit, cum nobis Deus latenter insinuat, quibus modis ad nostræ intelligentiæ aurem venit. Aliquando enim nos amore, aliquando terrore compungit; aliquando præsentia quàm nulla sint ostendit, & ad æterna diligenda desiderium erigit; aliquando prius æterna indicat, vt post temporalia vilescant; aliquando nostra nobis mala aperit, & ad nos vsque vt alienis etiã malis condoleamus extendit; aliquando mala aliena nostris obtutibus obijcit, & compunctos mirabiliter à nostra prauitate nos corrigit. Venas itaque Diuini susurrij furtiue audire, est occultos Diuinæ aspirationis modos tenuiter & latenter cognoscere. Addit postremo idem. Nunc Diuinum susurrium tot ad nos venas habet, quot creatis operibus ipsa Diuinitas præsidet; Dum enim quæ sunt cuncta creata cernimus in Creatoris admirationem subleuamur: Nam sicut aqua leniter fluens rimata per venas quæritur, vt augeatur, tantoq; se latius fundit, quanto venas apertiores inuenit, ita nos dum studiosè Diuinitatis notitiam ex creaturæ eius consideratione colligimus, quasi susurrij ad nos uenas illius aperimus, quia per hoc quod factum cernimus, virtutem creatoris admiramur, & per ea quæ sunt in publico; illud ad nos emanat, quod latet in occulto. Quasi enim per quendam ad nos sonitum erumpit, dum considerata nobis sua opera ostendit, in quo se-

metipsum utcunque indicat, dū quàm sit incomprehensibilis manifestat. Hæc ille. Quæ quanquam obscura, opportuna tamen sunt ad nos ipsos excutiendos & concitandos, ad mentem excolendam, & animum virtutibus informandum; Hæc enim se mutuo iuuant; mens à rebus externis creatisue abstracta, virtutis exercitationem roborat, & hæc eadem mentem ad Dei lucem contemplandam acuit & accendit. Occultatur inquit S. Gregorius afflata Diuinitus mens vt audiat, & audit ut occultetur: quia & subtracta à visibilibus, inuisibilia conspicit, & repleta inuisibilibus, uisibilia perfectè contemnit. Sed de contéplatione in libro de perfectis alia dicta sunt. Hæc ad rem propositā nūc sint satis.

*Quænam sanctos viros adiuerint ad mentem in bonis cogitationibus occupandam.*

*Cap. VII.*

**N**on paruam habet vtilitatem intelligere, quibus rationibus usi sint sancti, vt vel exrenata, uel habitu ipso assiduus penè commentationibus bonis, aut cogitationibus destinerentur; id nunc explicandum; prius tamen illud quòd sine culpa omitti non potest, ad prædictam tractationem adiungendum est.

Cogitatio  
de Christo  
quoquam  
fuerit Sancti  
familiaris.

Rationi querendi Deum in rebus omnibus affinis est illa, quam secuti sunt sancti quique Christianæ perfectionis sectatores, Christum Dominum in rebus omnibus inueniendi. Princeps & exemplar exercitationis huius sanctus Paulus; nihil is animo concipiebat

bat nisi Christum, aut sine Christo nihil. Nihil existi-  
maui me scire inter uos, nisi Iesum Christum, & hunc  
crucifixum. Nil magis sonabat inter loquendum aut  
prædicandum, quàm Christum. Nos autem prædica-  
mus Christum crucifixum. Christo item crucifixo ui-  
tam conformatam ducebat Christo confixus sum cruci.  
uiuēbat in Christo, & Christus in Paulo. Viuo autē  
iam non ego, uiuit uerò in me Christus. Denique Pau-  
lo Christus uniuerso mundo potior, quippe Paulus  
omnia ut stercora arbitrat, ut Christum lucrificiat,  
Christus eius lux, desiderium, amor, merces laborum,  
corona certaminum. Cupio ait dissolui, & esse cum Chri-  
sto. legatur Homilia S. Io. Chrysostomi 2. de laudibus  
S. Pauli. In talem hominum numerum ascribendus  
est S. Bernardus, qui enumeratis & in unum quasi fa-  
sciculum cōiectis passionibus & doloribus Christi uni-  
uersis; & ego ait fratres, hunc mihi fasciculum ab ine-  
unte conuersione mea colligare curaui; memoriam  
abundantiæ suauitatis horum eructabo quoad uixero;  
in æternum non obliuiscar miserationes istas Hæc me  
ditari dixi sapientiam. Hæc me erigunt in aduersis, in  
prosperis reprimunt. Hæc inter læta tristiaque uitæ præ-  
sentis uia regia incedenti, tutum præbent utrobique  
ducatum. Et alibi: Verbum caro factum est, & habita-  
uit in nobis. Habitat planè per fidem in cordibus no-  
stris, habitat in memoria nostra, habitat in cogitatio-  
ne; quia usque ad ipsam descendit imaginationem. In-  
comprehensibilis erat, inaccessibilis, inuisibilis, & inex-  
cogitabilis: Nunc uerò comprehendere uoluit, uideri uo-  
luit, cogitari uoluit; quod quam illi facile, familiare

1. Cor. 1.  
& 2.

Gal. 2.

Philip. 3.

Serm. in  
Cant. 43.Serm. In  
Natiuitate  
B. Mariz.



ac proprium fuerit, adhuc magis intelliget, qui vitæ  
 Cap. 1. eius librum tertium euoluerit.

In Vita S.  
 Francisci,  
 cap. 3.

Sed instar miraculi nobis est in hac re S. Franciscus;  
 ex multis quæ de eo scribit S. Bonauentura pauca deli-  
 bo. Franciscum inquit pietas totum transformabat in  
 Christum; Animas peccatorum deplorabat, quod san-  
 guine Christi essent redemptæ; Prædicatores Verbi ma-  
 ximè venerabatur, quod semen fratri suo, idest Chri-  
 sto resuscitarent; Benedicebat illos, qui ita loqui di-  
 didissent, vt verbis suis alios ad Christi amorem induce-  
 rent. Si quid penuriæ aut defectus (extra culpæ crimē  
 intellige) in aliquo cerneret, pij cordis dulcedine rege-  
 rebat in Christum; Aiebat socijs: Dum pauperem vi-  
 des o frater, speculum tibi proponitur Christi. Ipse-  
 que in pauperibus omnibus Christi effigiem contem-  
 plabatur. Animalcula quælibet ex pietate fratres & so-  
 rores appellans, ea viscerosius amplexabatur, quæ Chri-  
 sti māsuetudinem referunt; Redemit interdum agnos,  
 qui ducebantur ad mortem, illius memor agni mitissi-  
 mi, qui ad occisionem duci voluit pro peccatoribus re-  
 dimendis; Sui agniculum in quo Christum infantem  
 recognoscebat necanti crudeliter, maledixit, & mortua  
 est; Nomen Iesus cum exprimeret, vel audiret, iubi-  
 lo quodam repletus interius, totus videbatur exterius  
 alterari ac si mellifluus sapor gustum, vel harmoniacus  
 sonus, ipsius immutasset auditum.

Cap. 10.

Cap. 13.

Tandem concludit S. Bonauentura; Cum Seraphi-  
 cis desideriorum ardoribus sursum ageretur in Deum,  
 & compassiua dulcedine transformaretur in eum, qui  
 ex charitate nimia voluit crucifigi, apparuit illi inter

alas Seraphin effigies hominis crucifixi; obstupui t, mixtumque in ærore gaudium cor eius intrauit; intellexit tandem se per mentis incendium totum in Christi crucifixi similitudinem transformandum.

Christi exempla ac personam ut in actionibus nostris quasi præ oculis habere studeamus, suadet B. P. Ignatius sæpè.

In Exer.  
Reg. 5.  
de tempe-  
rando vic-  
tu; & in eò  
templatio  
ne Regi.

Sed ponamus iam Rationes eas, quibus in piè utriusque cogitandi consuetudinem sanctos venisse, verò similis est.

Prima est Vñ bene cogitandi; is enim cum ad bonam voluntatem accedit, nihil est tam durum, quod non molliat, nihil tam difficile, quod non expediat; cernitur id in commentationibus locorum vel difficiliorum, qui in tractationes Disciplinarum non raro incidunt; quibus tamen assiduitate assuescimus; Cauenda maximè quam suprà reiecimus superstitiosa ac pertinax actionis cogitationisue recognitio, siue in eà reflexio; tum, ob allatas rationes; tum, quia (ut S. Gregorius scribit) dum quis plus iusto vigilantem se in actione exhibet, ipsa sua inquietudine rebus subditis peius nocet, id est, rebus, quas habet præ manibus. Contra verò non ideo contemnenda, aut omittenda est hæc exercitatio, quòd siue rei ipsius, siue ingenij vitio, quæ hauriuntur cogitationes interdum, initio præsertim exiles sint, & fortè etiam ad speciem inutiles: nam & nemo repentè fit summus, & spirituales diuitiæ sicut & terrenæ ex parvis initijs magna incrementa sumunt.

1. Ratio.

Cauenda  
reflexò ni-  
mia.

Li. 1. Mor.  
cap. 35.

Qui ait S. Basilius diligenter ex unaquaque re fructum decerpunt, ijs perinde ac magnis fluminibus mul-

De utilitate  
capienda  
ex libris  
profanis.

tæ ex omni parte accessiones fieri consueuerunt; nam modicum modico apponere (iuxta Hesiodi sententiã) non magis ad argenti augmentum, quàm ad cuiusque alterius scientiæ aut Virtutis amplitudinem valere existimandum est. Sed in huiusmodi rebus nihil est quod proficienti maiorem præstet securitatem, quam sapiens spiritualis Patris consilium, cui propterea non solum tyrones (vt latè docet Cassianus) omnes cogitationes suas syncerè accito aperire iubebantur ab antiquis Patribus; sed S. Gregorius cum alicubi de proficientibus differens, docuisset quosdam ex eis grauiter lapsos esse, quod per fiduciam sanctitatis postposito meliorum iudicio, seipsos essent secuti; alio loco & proficientes & penè dixerim perfectos ita institutos esse vult, vt cogitationes inter contemplandum etiam Diuinitus immixtas Patribus dijudicandas proponant. Quod inquit profectò & nos agimus, si cum in sancta conuersatione proficimus, cum fecundis iam mentibus spiritualium gaudiorum fructum proferimus, ad Prælatorum nostrorum examen ducimus omne, quod in nobis ex superna contemplatione generatur.

2. Ratio. Secunda Ratio est, Meditatio rerum Diuinarum accuratè & piè suo tempore obita; siquidem ex meditatione ignis, vt ait Dauid; ex igne splendor; Certè fructum talis meditationis prædicat sponsa, cum ait: Exultabimus, & lætabimur in te, memores vberum tuorum.

Ibidem. Dum recolit (inquit S. Gregorius,) quanta charitate Christus eam dilexerit, qui sanguine suo eam moriens in Cruce redemit, & quotidie eam in sinu matris Ecclesiæ eiusdem sanguinis lacte nutrit; Ex quo intelligimus;

Lib. 4. cap.  
9. & 37. &  
col. 2. c. 11.  
Libr. 33.  
Mor. c. 23.

Lib. 1. in  
1. Reg. c. 1.  
in fine.

2. Ratio.

Psal. 38.

Cantic. 1.

Ibidem.

mus, materiam sanctissimæ ac saluberrimæ huius commemorationis esse Deum & Christum, eius amorem, beneficia eius vitæ, passionis, mortis, deniq; amoris illius pignora, fontes maximorum bonorum quæ in Ecclesiæ filios deriuantur, Sacramenta Euangelica, Eucharistiæ præsertim. Hæc qui attentè contemplantur aliquo temporis spatio, non possunt non inde capere magnos fructus, & quasi reliquias cogitationum sanctarum, quas animo deinde recurrentes subinde versent, diemq; festum agant Domino. Dicant hoc non tam docti, quam experti.

Tertia Ratio est Sacra lectio, cui tantopere addictos 3. Ratio.  
fuisse legimus Sanctos Patres, reliquosq; omnes perfectionis sectatores. De S. Marcella scribit S. Hieronymus. Epist. 16.  
ad Principiam.  
Psalm. 158.  
Psalm. 1. Diuinarum scripturarum ardor erat incredibilis, semperq; cantabat: In corde meo abscondi eloquia tua, vt nõ peccè tibi. & illud de perfecto viro: Et in lege Domini voluntas eius, & in lege eius meditabitur die ac nocte. Ad Paulinum autem scribens, postquam summam quandam totius vtriusq; testamenti confecisset, Epist. 103  
mira breuitate & sapientia Inter hæc inquit, viuere, ista meditari, nil aliud nosse, nil quærere, non ne tibi videtur iam hic in terris regni cælestis habitaculum? Quod dicit S. Hieronymus de Scripturis Sacris, intelligi, similiter debet de sanctorum monumentis, quæ sanè ad pietatem edificant, & ad omnem rectè agendi viuendique disciplinam informant.

Sed aptissima maximèque idonea ad animum bonis affectionibus locupletandum est quarta Ratio, quam 4. Ratio.  
in concinendis aut recitandis Psalmis posuerunt Maiores



Colof. 3. res nostri, quam propterea commendat Apostolus, & Ecclesia iam inde ab initio instituit, semperq; ad hæc usq; tempora retentam, amplificauit, & exornauit magis; hac enim quasi esca propria adhamati, trahimur honesta voluptate ad honesta studia, & cogitata. Sed

Homil. in  
Psalm. 1.

rem declarat egregiè vt solet S. Basilus: Nam quando inquit: Spiritus sanctus vidit nos ægrè persuaderi ad profectum Virtutis, ac per hoc ad incundam vitæ rectitudinem, per hoc lentescere, quod toti ad consecrandā voluptatem propenderemus, quid fecit? nimirum, Scripturæ suæ dogmatis mistum insperfit concinnam istam numerorum modulationem, ut auribus delinitis meli eo vocum concentu, clam (veluti aliud agentes) sineremus in animos nostros irrepere eloquiorum vtilitatē; idq; pro more sapiētis Medici, qui pharmacum oblaturus auersanti calicem, oras calicis prelinat melle. In hoc sanè excogitati sunt concentus illi Psalmorum concinni, vt qui per ætatem adhuc pueri sunt, aut morum maturitate nondum incanuerunt, dum in speciem concinunt, ac modulantur, re uera animas erudiant suas.

5. Ratio.

Ratio examinandæ  
Conscientiæ.

Quinta Ratio est, Conscientiæ examen; De quo alibi nonnulla suo à me scripta sunt loco, alia adhuc tamē hic adscribo, quod res utilissima, & haud scio an ulla ad bonas cogitationes nutriendas magis efficax. Neq; verò cum examen Conscientiæ nomino, rem dico nouam, aut recens inuentam; Quanquam enim B. P. Ignatius eam examinis formulam non sine Diurno instinctu excogitarit. & ediderit, quæ nunc teritur manibus omnium, res est tamen antiquissima, Philosophis ipsis non incognita. Legatur apud Poëtam Epigramma illud:

Ep. 32.

lud: Vir bonus & sapiens; & apud Senecam aliquot Epi-  
 stolæ, illa præsertim in qua Sestium quotidie ad dici ex-  
 tremum se discutientem inducit; Quod hodie malum  
 tuum sanasti? cui uitio obstisti? qua parte melior es?  
 Obseruatu tamen est facile, gentiles Philosophos vix  
 scrutatos esse animi reconditas affectiones, uersatos po-  
 tius in disquirendis externis actionibus, & quæ specta-  
 rēt alios; Ex Scripturis res est testatior. Et quidem di-  
 scussionem hanc exquisitam, eorumque cognitionē,  
 quæ intus sunt in animo, donum Dei esse. Quoniam Psal. 17.  
 ait David: Tu illuminas lucernam meam Domine,  
 Deus meus illumina tenebras meas, idest, ignorantia  
 cordis, scribit S. Hieronymus. Hoc idem donum col-  
 latum Diuinitus uiris sanctis, qualis fuit Iob: Verebar Iob. 9.  
 enim ait, omnia opera mea. David: Et meditatus sum Psal. 76.  
 nocte cum corde meo, & exercitabar, scopebam spi-  
 ritum meum; Rimabar, legunt alij. Ezechias: Reco- Isa. 38.  
 gitabo tibi omnes annos meos. Christus Dominus Matth. 25.  
 eandem exercitationem insinuat, cum percurrit seriem  
 actionum, quas in extremo Iudicio statera minimè du-  
 bia examinaturus est. Et præterea quæ innuit in qui- Matth. 22.  
 busdam Parabolis, cum de verbo otioso reddendam  
 esse rationem affirmat in die Iudicij. Apertè S. Pau- 1. Cor. 6.  
 lus: Tentate uosmetipsos si estis in fide. Et adhuc a-  
 pertius: Probet autem seipsum homo, & sic de pane 1. Cor. 11.  
 illo edat. Idem & in usum deduxerunt Patres, & tra-  
 diderunt. S. Basilus, S. Augustinus, S. Bernardus. Sed Ser. de In-  
 præclarè S. Crysostrmus. Atque ut B. P. Ignatius præ stitutione  
 scribit ordinandum esse examen à commemoratione Monacho.  
 Diuinorum beneficiorum, etiam singulorum, & pec- S. August.  
10. lib. Cō  
scfs. & Hō  
mil. 24. li.

ro. homi-  
liarum.  
S. Bernar.  
In Câtica.  
Ser. 55. 68  
& ad frat.  
de Monte.

Homil. 37  
in Acta.

catorum quæ nos aduersus Deum commiserimus; sic  
itidem planè S. Pater. Et duorum istorum operum di-  
ligens faciamus examen, quid nos quidem peccaueri-  
rimus in Deum, & quid boni ille nobis fecerit, ita &  
grati erimus, & omnia effundemus. At nullus hæc co-  
gitat. Sed quemadmodum de peccatis loquimur, es-  
se nos peccatores, peccata non in specie memoran-  
tes, & exquirentes; ita & de beneficijs Dei, quod bene-  
fecerit nobis Deus, dicentes, non speciatim illa exami-  
namus, non dicimus ubi, & quanta, & in quo tempo-  
re. In posterum igitur magnam faciamus diligentiam;  
nam si quis etiam vetera repetere potest, magnum in-  
uenturus est thesaurum, si omnia diligenter conside-  
ret. Quoniam verò tunc diligenter peccata perpendi-  
mus, cum non ea solum indagamus, sed penetramus,  
ad eorum vsque causas, & exordia, exuimusque actio-  
nem per se malam, ea boni specie quam interdum præ-  
sefert, ad id simul hortatur alibi nos S. Chrysostomus,  
iubetque, quod etiâ faciunt S. Bernardus, & S. Augusti-  
nus, vt in animo nostro ipsi cōtra nos ipsos statuamus  
tribunal menti nostræ, tanquam iudici, coram quo si-  
stamus actiones nostras, eas excutiamus, nos quasi mē-  
tis apparitores, accusemus ipsi, castigemus acerbissi-  
mè, ubi fuerint per sententiam condemnatæ. Vide-  
mus ait, quod si quis hostium in Ciuitate aliqua capi-  
tur, quasi explorator iudicatur. Igitur peregrinorum  
eiectionem faciamus, imò non solum peregrinorum,  
sed etiam hostium, si quem uiderimus, tradamus Prin-  
cipi, menti inquam cogitationem illam, quæ barbara  
quidem est, sed ciuili veste induta. Multa apud nos co-  
gitatio-



gitationes tales sunt, natura quidem inimicæ, amicæ  
autem nullo vellere: sicut Persæ tiara sublata, & gla-  
dijs peculiaribus, quos anaxirides vocant, & calciamē-  
tis barbaricis dimissis, alieno in habitu regionem no-  
stram ingrediuntur, & rasi in corpore, & familiari lin-  
gua loquentes, habitu bellum occultant; si autem tor-  
menta statim adhibueris, eum qui latet deprehendes;  
ita & hic examina sæpius talem cogitationem, & statim  
videbis barbaricum sensum. Reliqua legi possunt  
apud eundem. Porro & ex his, & ex ijs quæ in eandē  
sententiam scripta sunt apud Patres, quanquam ex ver-  
bis Domini certum est, unum esse fontem omnium  
malarum cogitationum, nempe Cor, quia ex corde Matth. 15.  
exeunt malæ cogitationes; nihilominus intelligimus  
ex duobus capitibus earum vitium omne profluere; Duoinitia  
malarū co-  
gitationū.  
Vnum est intentio deprauata, vt cum inanis gloriæ stu-  
dio, aut vtilitatis alicuius, voluptatisue terrenæ gratia  
mouemur ad aliquid agendum. Alterum est, cum fons  
ipse cogitationum Mens corruptus est deprauata ali-  
qua affectione; Ex quo existunt Vndecim genera pra-  
uarum cogitationum; Minimè omnium malæ, quam-  
uis malæ sint, sunt Otiosæ; tum Inanes & Fuitiles, ex  
Animi leuitate ortæ; deinde Obscænæ & turpes, ex  
Carnis incitamento ac pruritu; Temerariæ ex Suspi-  
cione & imprudentia; ex Odio, quæ offensas & dissidia  
struunt, aut in ista feruntur; ex Iracundia uesanæ, effra-  
natæ, furiosæ; ex Superbia, Arrogantes, insolentes,  
gloriosæ, ex nimia cupiditate res alienas peruestigan-  
di, & suimet negligentia Curiosæ. ex Libidine dominā-  
di, Ambitiosæ, ex Maleuolentia & Superbia simul in-



uidiosæ, impiæ, & nefariæ in Deum Diuosque; ex Ani-  
mi deiectione merore immoderato furori iuncto. Co-  
gitationibus respondent Verba & Actiones totidem  
generum; quæ omnia sicut & omissiones in conscien-  
tiæ examiné acuté speculari, & acriter vindicare debet  
proficiēs; ac quicquid vitiosū in eis deprehēderit & cor-  
ruptū, intēto ad cōtrarias cogitationes & virtutes ani-  
mo, pura, incorrupta, cōstantiq; cōsuetudine emēdare.  
Extremum istud sit. Curandum enīxē pro ficienti,  
vt Cogitationes, quas animo versat, quoad eius fieri  
possit, bonæ sint, & vtilēs. Ad quam rem fortem ma-  
gnūque animum itidem adferat oportet, in primisq;  
patientissimum suimet, illarūque ineptiarū, quæ  
se subinde in mentem bene occupatam uel inuitam, &  
renitentem intrudunt, utq; cum se peccasse cogitatio-  
ne cognoscit, pænitere debet, atque corrigere; sic nī  
hil propterea de diligētia hac atque sollicitudine remit-  
tere ullo modo debet, sed se sensim suauiterq; vtilissi-  
mæ huic exercitationi assuefacere, quoniam Virtus in  
infirmitate perficitur. Atq; hoc ipsum monet S. Gre-  
gorius, in rebus hisce si quis alius, apprimē vniceque  
versatus. Sæpē ait cum Diabolus præparatam mentē  
ad tolerantiam videt, quid ab ea maximē diligatur, ex-  
quirat, & ibi scandali laqueos inserit, ut quo magis res  
quæque diligitur, eo per eam facilius patientia turbe-  
tur; Et quidem electorū corda ad se semper sollicitē re-  
deunt, & semetipsa grauiter vel pro leui motu exces-  
sionis affligunt, & dum mota discunt, quomodo sta-  
re debuerint, aliquando melius concussa, solidantur.  
Huic monito parendum, standumque semper; quan-  
diu

diu non impingitur in scopulum illum Actuationis, Vitanda  
Actuatio.  
quem supra in hac exercitatione omninò præcauendū  
diximus, denuoque repetimus. Hactenusque expli-  
cata sunt duo virtutis initia, Bona Voluntas, & Recta  
Cogitatio; alia duo supersunt, quæ nunc breuiter de-  
scribam, sunt autem Occasio, & Oratio.

*Quàm præstet proficienti nullam exercende Virtutis  
oblatam occasionem prætermittere.*

Cap. VIII.

**A** Pud Salomonem scriptum est: Da occasio Proli. 9.  
nem Sapienti, & addetur ei Sapientia.  
Quam sententiam S. Basilii cum de Vir Cōst. Mo-  
nast. c. 17.  
tutibus præcepta tradit, de earum usu, &  
exercitatione intelligendam existimat. Et sanè plerū-  
que si non semper accidit, languere Virtutis usum;  
propterea, quòd vel non habetur, uel non accipitur,  
vel etiam respuitur eam excitandi occasio; nec foras  
prodire Virtutem quantumlibet actuosam, quia Vo-  
luntas hominis Virtutem non exsuscitat tunc, cum præ-  
sens adest id, quod eam ad actum si non allicit, aut tra-  
hit, inuitat certè, & se promptum & opportunum præ-  
bet ad eam in aciem perducendam. Id porrò est quæ-  
libet res creata, quæ sese nobis dum uigilamus, & men-  
tis nostræ sumus, quacunque ratione vel in otio, uel  
in negotio obijcit. Nihil est enim in creatis rebus,  
quod si nos diligenter attendamus, non ut ita dicam  
contenta uoce clamet id, quòd meditaturo Vgo de S.  
Victore: Accipe, Redde, Fuge. Accipe beneficium,  
Redde

Lib. 1. de  
Arca Noe  
in Prole-  
go.

Redde debitum, fuge supplicium. Hoc est in summa, teipsum excita & exerce ad omnem Virtutis actionem, & normam. Has voces edunt Cæli, Terræ, Mariæ; Cæli Sydera, Terræ viscera, reliqua Elementa & ex his conflata corpora superi, inferi, animantes, homines, Angeli, Dæmones, omnia deniq; quæ Deus non sunt, Deum tamen prædicant, ad eiusq; laudem & gratitudinem prouocant; Sed excitant præterea ad obedientiam; Præceptum enim posuit, & non præteribit. Excitant ad mundi contemptum, quia Cælum & terra transibunt. Excitant deniq; ad odium peccati, & Dei cultum, hoc est ad omnium vitiorum detestationem, & omnem Vir-

*Pfal.* 118. tutem colendam; siquidem scriptum est: Quoniam omnia seruiunt tibi.

Sed quoniam hæc remotiora videri possunt, veniendum ad ea, quæ nos propius attingunt; Minus enim est, quàm amanter cōsuluerit vtilitatibus nostris, quas prouiderit ac parauerit opportunitates exercendæ virtutis Diuina prouidentia, dummodo ij simus, qui eis vt oportet, vtamur. Hæc sunt capita duo; Res prosperæ; Res aduersæ; & tam hæ, quàm illæ, maxima ad Virtutem inuitamenta. In prosperis numeramus externa bona, Diuitias, at diuitijs mercamur cælum, facimusque nobis amicos de mammona iniquitatis; Honores, cauendum, ne similes illi simus, qui cum in honore esset, non intellexit. Et ecce tibi timorem sanctum Humilitatis comitem. Potestaté dominandi; at, Potentes potenter tormēta patientur; &, Sciens quia & illorum & vester Dominus est in Cælis. Nobilitatem, atqui hæc non facit Dei filios: nam hi non ex sanguinibus, neq; ex uolunta-

te car-



te carnis, sed ex Deo nati sunt; & hæc ipsa Nobilitas nobilioris virtutis occasio est. Minimè quidem ait S. Bernardus Deus est acceptor personarum, nescio tamen, quo pacto Virtus in nobili plus placet, an fortè, quia plus claret. Bona corporis, vt est sanitas, integritas, pulchritudo, robur, at, Glorificate, & portate Deum in corpore vestro. Nescitis quia tēplum Dei estis? &, Omnis caro scēnum; &, Caro concupiscit aduersus spiritum. Ad Soph. Epist. 113.

Nec in sinu fouendus est hostis, ita, vt sanitas corporis sit animæ detrimentum, & pulchritudo carnis, deformitas spiritus; sed mortificanda membra nostra quæ sunt super terram, & castigandum corpus, ne reprobi efficiamur. Amicos, Consanguineos, at, præ illis Deus, & instar omnium Deus; &, Maledictus homo, qui confidit in homine, & ponit carnem brachium suum, & à Domino recedit Cor eius; &, Inimici hominis domestici eius. 1. Cor. 6.  
1. Cor. 9.  
Isa. 40.  
Ad Gal. 5.

succedant simul res ex sententia, eueniat quicquid agitur ad illam normam & voluntatem, qua rebus agēdis omnibus præfabantur antiqui, bonum, faustum, felix, fortunatumq; Vxor ex animi sententiâ, Serui ad nutū parati, Filij probi & multi; res familiaris ampla, lites, inimicitia nullæ, felicia omnia domi, foris, in Ciuitate, in agris, quid? Beatum dixerunt populum cui hæc sunt; at, Ier. 17.

Beatus populus ait Dauid, cuius Dominus Deus eius. Dederit Deus felicitatem hanc, at cur? ut industria tua simul cum eius gratia, tibi Virtutem det, & quo tibi tuæ res magis faustè ac prosperè eueniunt, eo tu Vir tutibus ditior ac felicior euadas. Quamquam, quæ tandem est hæc felicitas? Vnius diei, ne dicam momenti, breuis, fugax, caduca, incerta, & nisi sit materia Virtutis, Matth. 10.  
Psal. 143.



ris, planè inutilis ad æternam veramq; felicitatem; Hoc tamen inter te & calamitosum seu inopem hominem differre faciens, quod inter tot terrena commoda, hoc est, inter tam multa ac magna Virtutis impedimenta, si Virtuti das operam, magis emicat Virtus tua, utpotè, ab omni suspitione necessitatis ac simulationis immunis, indicat te tibi vim attulisse, quippè, qui valeas te ipsum sequi, nec velis, possis impune multis cupiditatibus tuis seruire, frangas illas tamen, ac vincas; Quod

Homil. 7.  
lib. 50. ho-  
mil.

Lib. 1. So-  
liloq. c. 11.

Ecccl. 31.

Ioan. 3.

Io. 16.

Rom. 8.

Lucæ. 11.

S. Augustino magnæ virtutis argumentum est. Habete (inquebat diuitibus) facultatem, & ibi laudabo domitâ iniquitatem. Et alio loco: Non quæro quid negatum non delectet, sed quid delectet oblatum. Aliud est exhausta pestis, aliud consopita; Quare Virtutis adultæ indicium est, posse facere mala (ut ait Salomon) & nō facere, potuisse transgredi, nec esse transgressum. De Spiritualibus beneficijs quid dicam? incipio percurrere aliqua, & quidem ab Dei amore, quo nullum maius ex-  
tat Dei beneficium erga homines. Sic Deus dilexit mū-  
dum, vt filium suum vnigenitum daret. Cur? vt omnis  
qui credit in eum, non pereat. Ecce Fidem Christus in  
carne de mundo triumphauit. Cur? Confidite, ego vici  
mundum. Ecce Spem. Christus Iesus, qui & mortuus  
est, immò qui & resurrexit, qui est ad dexteram Dei, qui  
etiam interpellat pro nobis. Quis ergo nos separabit à  
Charitate Christi? Ecce Charitatem. Eandem ipsam cha-  
ritatem & gratiam largitur Christus hominibus, & qua  
si cælestem ignem mittit in terras, vt ipse loquitur. Cur?  
ut ardeat: crescat nimirum indies magis bonis actioni-  
bus, veluti flabello ventilatus & auctus. Dona deniq;

sua

sua vniuersa tanquam talenta distribuit hominibus; vt bonarum actionum negotiatione, meritorum nostrorum thesaurus amplificetur. Vniuersa Christi Vita, prædicatio, miracula, labores, itinera, quò spectabant? què finem propositum habebant? illū in primis, vt ut quem Io. 13. admodum ego feci, ita & uos faciat. Sacramēta Nouę legis, gratiæ Diuinę clarissimę officinę, ac locupletissima promptuaria, quò diriguntur? eo nempe, ut peccatis mortui, iustitię viuamus. Cur uocat & cū mittit Deus operarios in vineam suā? nisi quia nō patitur quenquā in Ecclesia sua otiosē viuere? Illustrat mentem Deus, vt nos doceat facere volūtatem suam; reuocat à peccatis, vt ultra non seruiamus peccato; imperat vt se sequamur, ut abnegemus nos ipsos, tollamusque crucem nostram. quotidie; replet in bonis desideria nostra, ut renouetur vt Aquila iuuentus nostra; Denique Gratiā, Virtutes, dona immittit Deus in animam hominis, sed reddenda iubet quę sunt Dei Deo; reddimus autem habitus cum exercemur, & quasi iterū ab eo accipimus actus, quos non nisi eius Diuina siue naturali, siue supernaturali ope obimus; Hinc enim est illud; Quid retribuam Domino? Calicem salutaris accipiam; & nomen Domini inuocabo. Et breuiter summa præceptionum Christi Actio est. Videte, Vigilate, Orate. Psal. 115. Hęc cū recurrunt in mentē, quod ad euitandum ingrati animi uitium sæpè fieri debet; vix aliud secū inuehunt, quam exercendę alicuius Virtutis occasionem. Mart. 13.

Accedendum iam est ad res aduersas. Et primum occurrunt illa: Cum occideret eos quærebant eum, & reueriebantur, & diluculo veniebant ad eum. Et clama-

Res aduer  
se Dei be  
neficia vir  
tutis occa  
sio.  
Psal. 77.

L uerunt

uerunt ad Dominum cum tribularentur. Id porro improbi etiam faciunt, quales hic erant de quibus loquitur David. At quid iusti? Illustria sunt exempla, Iob, David, Ezechia, Tobia, Iudith, Esther, Susanna, & aliorum; Immo eo perfectionis amore peruehuntur etiam, ut calamitates Virtutis gratia desiderent. Electus inquit S. Gregorius, tentari se aduersitatibus post Virtutes desiderat, ne peius ex Virtutum confidentia cadat: si enim seruari se melius per tentationem non cognosceret, ne quaquã Psalimista diceret: Proba me Domine, & tenta me. Bene ergo nunc dicitur: Si dormiero, dicam, quando confurgam? Et rursum: Expectabo uesperam, quia & in peccati somno lumen iustitiæ queritur; & cum virtutum prospera mentem eleuant, adiutrix aduersitas desideratur. Et paulo post: Vir sanctus uesperam expectat, quia cum exerceri hunc tribulatione necesse est, ipsa ei fit aduersitas prospera. Hæc illi. Ob eandem causam Patres afflictiones tam bonis quàm malis diuinitus inflictas, beneficia dicenda esse contendunt. Sic S. Augustinus: Beneficia hæc sunt Diuina, non verbera; nec ut noceant Diuinitus irrogantur, quæ ad hoc ueniunt, ut hominibus paterna beneuolentia consulant. Ego inquit, quos amo, arguo, & castigo. Et iterum: Fili mi, ne neglexeris disciplinam, neque defeceris, cum ab eo argueris, quem enim diligit Deus, corripit, flagellat autem omnem filium, quem recipit; Timeat quem Deus corrigere non vult in seculo, quia eum supplicio destinauit post seculum. Quantas igitur opportunitates exercende Virtutis suppeditant res aduersæ? vium etiam dixerim adferre, ad eum modum, quo dictum est in Parabola

Euan-



Euangelica: Compelle eos intrare; quem enim non al-  
 licit humana felicitas, trahit plerumq; certè, & vrget ca-  
 lamitas. In promptu sunt exempla pauperum, agrorū,  
 exulū, orbatorum filijs, progenie, uitæ commodis,  
 gloria, dignitate, officijs, principum, parentum, gratia,  
 muneribus, hæreditate, amicorum studijs, obsequijs  
 seruorum, & quidem adempta spe recuperandæ liberta-  
 tis, de gradu deiectorum, infortunatorum, & similium:  
 Quæ omnes calamitates, si sana mente iudices, non  
 tam ut existimantur vulgò, sunt formidanda ut mala,  
 quàm cum adsunt, fortiter toleranda, ut magnarum  
 Virtutum occasiones & semina. De utilitate capiendâ  
 ab inimicis, librum scripsit Plutarchus. S. Augustinus De Ver-  
 verò sic ait ad rem nostram: Si non haberemus inimi- bis Domi-  
 cos, non essent pro quibus oraremus ex præcepto ni Sermon.  
 Domini nostri, dicentis: Diligite inimicos vestros, & 53.  
 orate pro ijs, qui uos oderunt. Vnde probamus, vnde Matth. 5.  
 cor nostrū interrogamus, vtrum hoc facere valeamus,  
 si nullum inimicum, nullum reprehensorem, nullum  
 detractorem, nullum maledicum experiremur? Videtis  
 ergo, quia & mali necessarij sunt bonis? Hæc illæ. Sed  
 dicam amplius. Naturæ prauitas, vitia ipsa, sunt si sapi- Vitiâ oc-  
 mus, Virtutum occasio; Et quidem de prauis animæ mo casio Vir-  
 tibus scribens S. Bernardus, ait: Medium vitiorum vir- tutis.  
 tus tenet, ac proinde sedula eget non solum putatio- In Cant.  
 ne, sed & circuncisione, alioquin uerendum, ne circum Sermon. 58.  
 quaq; à lambentibus, uel potius à rodentibus uitijs illa  
 dum nescit, paulatim elangueat. aut si supercreuerint,  
 suffocetur. Vnum in tanto discrimine consilium est, ob  
 seruare diligenter, & mox ut renascentium capita appa-  
 rebunt,



rebuñt, prompta seueritate succidere; Non potest Virtus cum vitijs pariter crescere, ergò, vt illa vigeant, ista crescere non sinantur. Hæc ille.

Lib. de vera Relig.  
cap. 32.

De vitijs autem sic habet S. Augustinus: Quid est autem unde homo commoneri non possit ad Virtutes capeßendas, quando de ipsis vitijs potest? Quid enim appetit Curiositas, nisi cognitionem? quæ certa esse non potest nisi rerum eternarum, & eodem modo semper habentium? Quid appetit Superbia, nisi potentiam, quæ refertur ad agendi facilitatem, quam non inuenit nisi anima perfecta, & Deo subdita, & ad eius regnũ summa charitate conuersa? Quid appetit voluptas corporis, nisi quietem, quæ non est, nisi ubi nulla est indigentia, & nulla corruptio. Cauendi sunt ergò inferiores inferi, vbi nulla potest esse commemoratio Veritatis. Quare festinemus, & ambulemus cum dies præsto est, ne nos tenebræ comprehendant.

Peccata occasio virtutis.

Rom. 8.

March. 18.

Sed & audeo dicere, Peccata ipsa sunt etiam Virtutis occasio De Venialibus quidem culpis dubitandum non est: Nam diligentibus Deum, omnia cooperantur in bonum, ergo etiam culpæ veniales. De mortalibus autem, de quibus maior dubitatio esse posse videtur, quid dicam aliud, quàm quod dicit Dominus: Gaudium est in Cælo super uno peccatore pœnitentiam agente, quàm suprà nonaginta nouem iustis, qui non indigent pœnitentia; nimirum, quoniam peccatum quod qui commisit, agnoscit, occasio illi est, vt eò magis pœniteat quod peccarit, eoq; maiore charitatis in Deum ardore efferuescat, quo se grauius peccasse, ac sceleratius tam bono parenti iniuriam fecisse intelligit.

Extre-

Extremum ergo sit; maximum momentum Virtutis tam acquirendæ quàm adaugendæ, positum esse in arripienda auidè occasione quæ Virtutis exercendæ vndecunq; sese offerat, & magnam curam ponendam in huiusmodi occasione non solum amplectenda cum uenit obuiam, sed peruestiganda etiam cum occultior est, vt ferè est tyronibus & in exercitatis, & in eadem accersenda & attrahenda cum occurrit inuita.

*A Deo donum exercendæ Virtutis postulandum esse, & quis deinceps ordo seruandus. Cap. I X.*

**V**irtutem esse Dei donum, & à Deo Diuina liberalitate in Animam hominis infundi alibi explicatum à nobis est. Hic tamen denuo attingendum est, ut simul intelligamus, non solum Virtutis habitum ex Deo esse, sed etiam suo modo Virtutis actionem, idq; duas e b causas; tum quia efficitur ab hominis facultate, quæ Dei opus est, sicut & totius hominis constitutio; tum, quia actio ipsa Virtutis, ita partus hominis est, vt simul Dei opus sit: Sufficientia enim nostra ex Deo est, ait Apostolus, cum loquitur de nostris actionibus. Et Dominus similiter de actionibus disserens: Sine me ait, nihil potestis facere. Et, Nemo potest venire ad me, nisi Pater qui misit me, traxerit eum. Trahit autem, affectibus, & actionibus Pater. Atq; hinc est, ut actiones eadem & nostræ sint, & Deo nihilo minus acceptæ referantur; immò ipsismet nominibus Virtutum & actionum nostrarum appelletur Deus, Vt Patientia mea; Exultatio mea; Fortitudo

2. Cor. 3.

Io. 15.

Ioan. 6.

Psal. 117

*Pfal.* 29. tudo mea; Virtus salutis meæ; & similibus. Deniq; in illa  
*Ibid.* Psalms Verba: Domine in Volūtate tua præstitisti deco-  
 ri meo Virtutem, S. Basilius ostendit, non solum Virtu-  
 tes, sed vsum Virtutum ex Deo, tanquam bonorum  
 omnium fonte in nos deriuari; Vt decor Animæ acce-  
 dat, ait, & simul potestas, aut facultas, ea quæ necessaria  
 sunt perficiens, Diuina est opus gratia; Hunc autem de  
 corem in Virtute positum esse, postea docet. Aliquid

*Lib. 6. in 1.* amplius insinuat S. Gregorius: Tantæ nimirum curæ  
*Reg. c. 16.* Deo esse Virtutum thesaurum (intellige non habituum  
*c. suo 3.* solum, sed actionum simul, & maximè internarum) ut  
*versus me* eum in animis Electorum quasi defossum, obruat, ne  
*dium.* fortè ad hominum notitiam prolatus, in periculum ve-  
 niat. Sic enim scribit: Magnæ quidem Electorum Virtu-  
 tes quasi thesauri omnipotentis Dei ferè semper in oc-  
 culto sunt: More etenim timoratorum diuitum omni-  
 potens Deus facit: quia ne Virtutum thesauros perdat,  
 hos, & in electis mentibus collocat, & ipsas mentes per  
 secretum cælat. Post explicat id propriè etiam de actio-  
 nibus Virtutis, quatenus insunt in animo.

Quod si obijciat quis, Virtutes etiam acquiri nostris  
 actibus, & ab aliquibus Philosophis quibus subscribit  
*Lib. 19. de* S. Augustinus traditū esse, Virtutē doceri & disci disci-  
*Ciuitate* plina magistra; id nos nō negamus, immò adfirmamus,  
*Dei, ca. 1.* pleraq; morales Virtutes meritò propterea dici acqui-  
 sitas, sed illud ipsū sine aliqua Dei ope non accidit, & hic  
 in primis agitur de actionū bonarū exercitatione Dei  
 supernaturali ope adornata & instructa. Hæc nec in-  
 choatur, nec absolvitur, sine Diuinæ gratiæ ac liberali-  
*Psal. 31.* tatis auxilio, tam illustrationis in mēte, propterea enim  
 scri-



scriptum est: Instruam te in via hac qua gradieris, & firmabo super te oculos meos: quàm auxilij, firmamenti, roboris, atq; feruoris in uoluntate & appetitu; Hinc sūt enim illa: Beatus vir cuius est auxilium tuum abs te, ascē  
Psal. 83.  
 siones in corde suo disposuit; &, statuit suprà petram  
Psal. 39.  
 pedes meos, & direxit gressus meos, &, Viam mandato  
Psal. 118.  
 rum tuorum cucurri, cum dilatasti Cor meum. Voluit igitur Deus auctor esse bonarum actionum hominis, supernaturalium præsertim, ad hunc modum.

Sed & alia ratione Deus boni nostri parens est. Accet quippe ipse peccandi occasiones & illecebras, quæ si adessent, ruerent plerumq; homines in flagitia ipsa, quæ detestantur. Sic S. Augustinus: Hic multa commisit, & multorum debitor factus est; Ille gubernante  
Homil. 23  
Lib. 50.  
Homiliat.  
 Deo pauca cōmisit; cui deputat ille quod dimisit, huic & iste deputat quod non commisit; Adulter non fuit in illa tua vita præterita plena ignorantia, hoc tibi dicit Deus tuus; Regebam te mihi, seruabam te mihi, ut adulterium non commiteres; suafor defuit, & ut suafor deesset, ego feci; adfuit suafor non defuit locus, non defuit tempus; ut non consentiret, ego terui. Agnosce ergo gratiam eius, cui debes & quod non admisisti; Mihi debet iste, quod factum est, & dimissum uidisti; mihi debes & tu, quod non admisisti. Nullum enim est peccatum quod fecit homo, quod non possit facere alter homo, si desit rector, à quo factus est homo. Hæc ille.

Accedit ad prædictas duas, Tertia quædam mirabilior Ratio, qua benignissimus Deus nostrarum Actionum bonarum auctor esse uoluit; ipse enim est, qui  
 cam

Philip. 2.  
Lib. 1. qq.  
ad Simpli-  
cian. q. 2.

Ibid.

Rom. 9.

eam quam diximus uirtuti necessariam, efficit bonam uoluntatem nostram; Operatur inquit Apostolus, in nobis uelle; Ad quem locum sic S. Augustinus: Vbi inquit, satis ostendit, etiam ipsam bonam uoluntatem in nobis operante Deo fieri. Sed adhuc maiorem admirationem facit modus, quem sequitur Deus in adiuuanda uoluntate, ut uelit, agatque quod agit ex Virtute, & Dei ipsius uoluntate. Quod præclare ac doctè S. Augustinus explicauit: An fortè inquit, illi qui hoc modo uocati non consentiunt, possent alio modo uocati accommodare fidei uoluntatem, ut & illud verum sit: Multi uocati; pauci verò electi, ut quamuis multi uno modo uocati sint, tamen quia non omnes uno modo affecti sunt, illi soli sequantur uocationem, qui ei capiendæ reperiuntur idonei; & illud non minus verum sit; Ilgitur non uolentis, neq; currentis, sed misercntis est Dei, qui hoc modo uocauit, quomodo aptum erat eis qui secuti sunt uocationem; aptum inquam, ut post subiungit, ut mouerentur, & intelligerent, & sequerentur. Hi sunt funiculi Adam; hæc sunt vincula Charitatis, quibus hominem ad se trahit Deus; ita scilicet accommodatè ad naturam & captum obijciens intellectui bonum, ita attemperatè ad temporis, omniumq; aliarum circumstantiarum opportunitatem, ad uoluntatis ipsius propensionem, commodum, uoluptatè, ut ea libentissimè quidem, omninò tamen bonum suum complectatur; hincq; pro uirtutum uarietate diuersis quasi seminibus grauidatus hominis Animus, fundat deinceps & pariat, Dei semper ope iuuante, earundem Virtutum præclaras actiones, quæ fortè inter alias causa est,

est, cur Deus adiutor dicatur à Dauid, sed in opportuni-  
 tatibus. Vult igitur homo bonū, & quidē liberē, quia li-  
 bertate prędictus, Deo tamen luce sua ac gratiæ suæ mu-  
 nere hominē pręueniente, in firmā voluntatem robo-  
 rante, alliciente, excitante, suis quasi manibus sustentā-  
 te, ac dirigente, usq; dum illud attingat; In quam sentē-  
 tiam sic alibi scriptum est ab eodem S. Augustino: No-  
 strum est velle (hoc est, actio nostra est, nos enim ipsi  
 sumus, qui volumus) sed voluntas ipsa & admonetur,  
 ut surgat, & sanatur, vt valeat, & dilatatur, vt capiat,  
 & impletur, vt habeat. Et alibi: Deus etiam bonas volū-  
 tatis intus operatur. Perspicuum est igitur, Virtutem,  
 exercitationem eius, & ipsam exercendi opportunita-  
 tem, Dei munera esse, & ab illo summis precibus flagi-  
 tanda. Emitte lucem tuam, & veritatem tuam, rogabat  
 Dauid. Et alibi: Tempus beneplaciti Deus, in multitu-  
 dine misericordiæ tuæ exaudi me. Sed ad hæc omnia à  
 Deo postulanda nulla magis apposita precatio, quàm  
 illa: Bonitatem, & disciplinam, & scientiam doce me.  
 hoc. n. versu idemmet S. Augustinus auctor est, conti-  
 neri perfectionē viuendi, & quotquot spiritaliū habet  
 multitudo Virtutum. Pari ergo nobis est contentione  
 certandum ad virtutem comparandam, hinc Industria,  
 inde Oratione; Industria quidē adeo constanti ac uehe-  
 mēti, ac si à nobis nostra pēderet Virtus. Oratione au-  
 tem ad Deum, adeo religiosa ac continuata, ac si non  
 aliundē tantum bonum in nos deriuandum esset, ut ve-  
 rē non est; Quæ perpetua doctrina Patrum est, præser-  
 tim S. Basilij, & S. Augustini. Atque hic finem facio eo-  
 rum quæ ante quam de singulis actio nibus Virtutum



Arist. 7.  
Ethic.  
Initio.  
S. Tho. 3.  
par. q. 7. ar.  
2. ad 2. &  
1. 2. q. 68.  
ar. 1. ad 1.  
& 2. 2. q.  
159. art. 2.  
ad 1.

dicēda uidebantur de actione studiosa vniuersē, si duo prius ad scripsero, quæ ad ordinem sequentis Tractationis maximè pertinent; Vnum est, quandoquidem ex Philosophis acceperunt confirmaruntque Theologi, duo esse genera Virtutum, Communes, & Heroicas, illas inesse posse omnibus, has proprias esse Virorum Diuinorū, aut Heroū; Quanquā (vt S. Thomas loquitur) non nisi secundum modum perfectiorem Heroicæ à communibus Virtutibus differant, in quantum scilicet quisq; est dispositus ad bonum quodam altiori modo, quàm communiter omnibus competat, nempe, ut moueatur à Deo per dona Spiritus sancti; Nobis hic agendum esse de vtrifq; Communibus scilicet, & Heroicis quoad Dominus dederit, & rationibus allatis, & exemplis. Alterum est, ordinem quem secuturi sumus, generatim præscribi posse hunc, vt Primo loco quid de Virtutis cuiusq; actibus Scripturæ tradant, deinde quid Patres ac Theologi, D. Thomas præsertim suis lucubrationibus de iisdem explicarint, adferamus. Secundo loco indicemus occasiones cuiusq; Virtutis exercendæ; ac postremo adductis exemplis rem uti poterimus, confirmemus. Actus autem cum nomino, non ita angustè & pressè vt Theologi solent, accipio, si quidem de internis & externis, de elicitis quos vocant, & imperatis, differendum nobis est, simulq; de quibusdam quæ circumstant, comitantur, & consequuntur, siue actus, siue circumstantiæ sint siue propriè ad vnā, siue ad aliā Virtutem pertineant, ut enim hæc usu non separantur vt plurimum, sic nec tractatione quæ tota referatur ad usum, secernenda videntur.

*De Virtutis Fidei Actionibus Internis Primum Fidei beneficium, & fructus Actionis Internæ spiritualis quinq; , qui ex eo existunt.*

*Caput*

*X.*

**I**ngredimur uiam à Christo Dño primū patet facti laboribus, & exēplis, strata autē pretiosissimis sudoris ac sāguinis sui gemmis, quā secuti Apostoli, ac deinceps Sancti Viri, nobis trita reliquerunt, ut eā & ipsi ingressi Virtutum Christianarū actibus, quasi passibus ad perfectionē tandē perueniremus; Viam planē regiam ac Diuinā, sed iniuria nostra obseptam, multis magnisq; ad progrediendum difficultatibus, non aliam ni fallor, ob causam magis, quā quod qui frequentatis Virtutum actionibus eam nobis apertam ac facilem retinere debuimus, ab ea si non ad scelera atq; desidiam ad alias certē terrenas & inanes occupationes ita declinauimus, ut in eandem redire sit perdifficile, ijs præsertim, qui præterea quæ sint Virtutis cuiusq; actiones, per quas eundum est ad Virtutem, vix intelligunt, aut minimè cogitant. Horum intelligentiæ, ac memoriæ ut possum succurrere nunc conor; Deus optimus ac liberalissimus excitet ac roboret voluntatem. Incipio à Virtutibus Theologicis: & primum à fide. Cuius diuina in hominem beneficia innumera sunt, & maxima, præcipua.

Primum Fidei beneficium est supernaturalis & ideo nobilissima & in hoc genere perfectissima cognitio Dei: Ob quam causam in Scripturis nominatur Fides

Primum  
Fidei be-  
neficium.

Io. 14.

1. Thefs. 1.

Heb. 6.

Catechesi

5.

Lib. 4. de

Ciu. c. 20.

1. p. q. 1.

art. 7.

nonnunquam, & quidem sæpè non præcisè, sed cū adiunctione, in Deum, vel ad Deum, vel Dei. Creditis in Deum. Fides vestra, quæ est ad Deum. Non rursus iacentes fundamentum ab operibus mortuis, & fidei, quæ est ad Deum. & à sanctis Patribus similiter describitur. S. Cyrillus Hierosolymitanus: Fides ait de Deo speculatur, Deum intuetur. Et clarissimè S. Augustinus: Fidei primum & maximum officium est, vt in verum credatur Deum. Et S. Thomas: Fides est de Deo. Dei autem nomine intelligi volunt Deum, non solum vt vnus est, quod natura duce deprehenditur, sed multò magis Deum, vt Vnus est Natura, & Personis Trinus: Pater, & Filius, & Spiritus sanctus. id quod nulla ratione vllius creatæ naturæ vi ac ingenio inuestigari unquam potuit. Christi præterea Filij Dei hominis facti mysterium, hoc est aduentus eius in mundum, Incarnationem & ortum ex Virgine, Vitam, prædicationem, Euangelium, miracula, passionem, mortem crucis, Resurrectionem, Regnum, & gloriam, potestatem uniuersam, instituta, Leges, consilia, Ascensionem in cælos, triumphum de inimicis Mûdo, Morte, Diabolo, inferis omnibus, extremum Iudicium: omnia denique quæ Sacra Scriptura, traditione, Ecclesiæ constitutionibus, Fidei in Deum nomine cōtinèri asserunt, eo quod si querpiam ex his Deus non sunt, à Deo tamen sunt, & ad Deū referuntur tanquā ad finem. Quocirca inquit S. Cyrillus qui meretur fide illuminari, & mundi terminos circuit, & ante mundi huius consumationem iudicium iam videt, & promissionum retributionem.

Catechesi

5.

Hoc



Hoc unum beneficium si diligenter ut par est, per-  
 pēdatur, bonarum actionum ingentem materiam pro-  
 ficienti prēbet. Ac primum contemplationis ipsius Dei  
 & attributorum eius. Exemplum in promptu sit huius  
 ipsius beneficii, cognitionis uidelicet per fidem Diuini-  
 tatis acquisite consideratio, hoc enim unum infinite Dei  
 bonitatis liberalitatis ac misericordiae in humanum ge-  
 nus apertissimum & maximum argumentum est. Qua-  
 le enim est hoc beneficium? magnum & nihilominus  
 omnibus commune; nisi obsistat aliquis; necessarium  
 & paratum, gratuitum & pretiosum. Breuiter explico  
 sic. Magnum est, quoniam cognitionem dat magnam  
 de rebus magnis; Deo, Christo, Mundo, Angelis, Ho-  
 minibus; cognitionem inquam naturae viribus superio-  
 rem, planē caelestem. Commune quia ab hoc beneficio  
 excludit nullum Deus, qui vult omnes homines saluos  
 facere, & illuminat omnem hominem venientem in  
 hunc mundum adeo, ut infantibus ipsis etiam ante nu-  
 tricis lac, habitum fidei per baptismum instillet. Neces-  
 sarium, quia accedentem ad Deum oportet credere. Et  
 qui non crediderit, condemnabitur. Paratum tamē,  
 quia dat omnibus affluenter, & nō impropert, adeo,  
 ut affirmant graues Theologi homini in syluis vel in-  
 ter barbaros exulanti, ni ipse deprauatae vitae suae ratio-  
 nibus impediatur, sed ex Naturae lege bene viuatur, quan-  
 quam id nequit sine Diuino auxilio, quod tamen om-  
 nibus Dei prompta liberalitate praesto est, non defutu-  
 rum Deum, sed illustraturum gratiae suae munere, uel  
 misso Angelo, aut homine quopiam. Similiter Abacuc,  
 vel peculiari & domestico instinctu. Hoc nimirum esse,  
 quod

Fructus  
 primi fi-  
 dei bene-  
 ficij.  
 Primus.

1. Zim. 1.

Io. 1.

Heb. 11.

Ma. ci ult.

Iacob 1.

In cap. 3. quod insinuat S. Hieronymus, Dei sermo cui nihil sur-  
 Ep. ad Ga latas. dum est, ad eas magis loquitur aures, de quibus ait in  
 Lucæ 8. Euangelio, Qui habet aures audiendi audiat. Gratuitum.  
 Eph. 2. Fides enim Domum Dei est, ut Apostolus prædicat, nec gratuitum quacunque ratione, sed illa in primis  
 Rom. 11. qua idem Apostolus ait, gratiam gratis datam, alioquin non fore gratiam, fides similiter gratis à Deo immittitur in animum nullis hominis antecedentibus promeritis; qui namq; dixit de tenebris lucem splendescere, ipse illuxit in cordibus nostris; quia sicut ex nihilo lucem produxit Deus, sic nullis hominis meritis homini fidem infundit. Pretiosum, quia fides est (ut Scribit S. Paulus) substantia sperandarum rerum, hoc est ut exponunt Patres fundamentum omnium bonorum supernaturalium, ipsius etiam æternæ beatitudinis. Ergo hoc ipsum Dei munus, (Fides est cognitio supernaturalis Dei,) si piè accurateq; recogitetur, reconditiorem adhuc diuinæ bonitatis cognitionem parit. In hoc vno tantæ adeoq; præclaræ cognitionis fundamento nituntur quasi in proprijs radicibus omnes non solum Theologorum doctrinæ, sanctorumq; Patrum dicta, Ecclesiæ matris sanctiones & Leges, ipsa humanarum disciplinarum omniū dogmata ad hanc normam emendata prorsus & aucta, sed quod nobis qui affectum informamus, potius est, Considerationes omnes sanctæ ac piè obitæ de Deo, de mundi creatione, de homine, eiusq; statu, ac fine, de Diuina providentiâ, de Christo Domino, eiusq; Vita, moribus, operibus, passione, & morte, legibus, institutis, de Beatissima L. ci matre, Angelis, ac Sanctis, de Ecclesiâ, de Christi Vicario, de Sacramentis, Sacrificio  
 Missæ,

Missæ, nouissimis quattuor, Sacris Scripturis vniuersis, traditionibus Apostolicis, & alijs. Ad hanc ipsam considerandi rationem spectant omnia quæ de Christianis Moribus, & officijs disputantur, quibus aut parantur virtutes, aut impugnantur vicia: propterea enim Apostolus cum numerasset pleraq; nefaria flagitia, addit, & si quid aliud sanæ doctrinæ aduersatur, quæ est secundum Euangelium gloriæ beati Dei. Immò cogitationes ipsæ de perfectionis statu deligendo, de Christi Domini perfecta imitatione, hac eadem consideratione ac cognitione fundantur. Et hæ cogitationes inquit S. Augustinus, sunt quantum existimo, aurum, argentum, lapides pretiosi, nempe illi de quibus Apostolus scripsit: si quis superedificat super fundamentum hoc aurū, argentum, lapides pretiosos. Atque hic est primus fructus huius fidei beneficij, quod Dei rerumque Diuinarum cognitionem reconditam esse diximus.

1. Tim. 1.

Lib. de fide & operibus, c. 16  
1. Cor. 3.

Secundus.

Thren. 3.

Q. 11. ad Hedibā.

In epi. ad Col. 1.

Alter fructus est, Scopus ac finis eiusdem ipsius cognitionis, qui duplex est. Vnus vitæ contemplatricis proprius, cum Deum contemplamur, ut in contemplatione & amore eius sistamus. Bonus est enim Dominus ut ait Propheta, animæ quærenti illum. Alter est cum cognitionem de Deo rebusq; Diuinis habitam dirigimus ad agendū, & ut S. Hieronymus loquitur, ad animæ emolumenta conuertimus. Adfert S. Ambrosius loquens de hac ipsa Dei bonitate de beneficij quod tractamus origine exemplum in hæc verba: Intelligent quanta sit potentia maiestatis Dei in patientia, ut longa expectatione sustineat humanum genus, quod irreuerentia sua non solum negligit Creatorem, verum persequitur



sequitur amantes cum: ut & ipsi patientes sint, ut supportent probra, & maledicta infidelium, uel si illata fuerit pressura, expectantes iudicium Dei, nec dubitantes de eo, magis autem gaudentes in promissa vita cum gratiarum actionibus Deo. Hæc tibi. Deniq; ex eiusdem Patris sententia hoc ipsum est quod Apostolus Colossensibus scribit: Non cessamus pro uobis orantes, & postulantes, ut impleamini agnitione voluntatis eius in omni sapientia, & intellectu spirituali, ut ambuletis dignè, Deo per omnia placentes: in omni opere bono fructificantes: & crescentes in scientia Dei ( Ecce tibi beneficium cognitionis maioris ex fidei fonte manantis ) in omni virtute confortati secundum potentiam claritatis eius, in omni patientia & longanimitate, cum gaudio, gratias agentes Deo & Patri, qui dignos nos fecit in partem sortis sanctorum in lumine. Ecce scopum cognitionis, & secundum eiusdem beneficij fructum.

Tertius.

Tertius fructus est Cultus Dei, qui Latrìa dicitur, quo Deo tanquam summo rerum omnium Domino, perfectissimo, ac quo nihil perfectius, melius, honoratius, Diuinius aut esse, aut excogitari potest, qualem deniq; nobis proponunt Sacræ literæ, & fides ipsa contemplatur, cum honorem habemus, quem possumus maximum, ac ex animo nos ipsos totos intus subijcimus illi, seruitutem arctissimam perpetuamq; seruituri. Quem certè cultum non aliundè haurimus, quàm ex cognitione Dei quam fides præbet, hoc est enim: Ego sum Dominus Deus tuus. Non habebis Deos alienos coram me. Et illud: Dominum Deum tuum adorabis, & illi soli seruiēs. Et ideo Lactantius doctè scripsit, hanc

Exod. 24.

Deuter. 6.

sapien-

sapientiam antecedere debuissē Religioni, quamvis  
vni altera sit coniuncta. Non potest ait, neq; Religio à  
sapientia separari, neque sapientia à Religione secerni;  
quia idem Deus & intelligi debet, quod est sapientia, &  
honorari, quod est Religio. Sed sapientia præcedit, Re-  
ligio sequitur, & fortasse vtraque simul iuncta est illa,  
quam aliqui sapientiam nominant, & Græcis est  
quam S. Augustinus negat vno Latino nomine expri-  
mi posse, ac ideo duobus explicandam, scilicet, Dei cul-  
tus. De utraq; multa sunt in Sacris literis exempla, præ-  
sertim in Psalmis. vt exempli causa Iubilate Deo om-  
nis terra, Psalmū dicite nomini eius, date gloriam laudi  
eius. Et, Venite exultemus domino, iubilemus Deo sa-  
lutari nostro. Et, Cantate Domino canticū nouum, can-  
tate Domino omnis terra, Dominus regnavit, exultet  
terra, lætentur insulæ multæ, & alia.

Lib. 4.  
Instit. c. 4.

Lib. 14. de  
Trinit. c. 1.

Psal. 65.

Psal. 94.

Pf. 95. 96.

Quartus fructus est Oratio. Orationem cum dico, Quartus.  
intelligo & illam, quæ petendo contendit obtinere; &  
illam quæ hominis gratum in Deum animum ostendit,  
gratias agendo; & illam quæ per sanctos maximè uerò  
per Christum Dominum obsecrat, & si quæ sunt aliæ  
Christianæ orationis partes; harum enim omnium fides  
caput est. Sic ex Apostolo S. Augustinus. Si fides defi-  
cit, Oratio perit. Quis enim orat, qui non credit? Vnde  
& beatus Apostolus cum ad orandum hortaretur, ait:  
Omnis quicumq; inuocauerit nomen Domini, saluus  
erit. Et vt ostenderet fidem fontem esse orationis, nec  
posse ire riuum, vbi caput aquæ siccaretur, adiunxit, at-  
que ait: Quomodo autem inuocabunt, in quem non  
crediderunt? Ergo ut oremus, credamus. Hæc ille. Quo

Serm. 36.  
de Verbis  
Domini.

Rom. 10.

loco omitti & illud non debet, in oratione ad Deum si non principem locum tenet fides, certè à primo proximum; non enim solum fons est orationis, sed si sit uegeta & acris, in ea magna vis est ad impetrandum quòd

Iacob. 1.

Marci 9.

Lib. de fi-  
de & ope-  
ribus.  
cap. 21.

rogatur, posita. Postulet autem in fide, nihil hæsitans, scribit S. Iacobus, & Dominus: Si potes credere, omnia possibilia sunt credenti. Adeò, ut idem S. Augustinus affirmare videatur, tantarum virium apud Deum fidem esse, ut quasi vim adferat Cælis; ut inde impetratione euocet charitatem ipsam; sic enim scribit: Hæc est fides de qua dicitur, Regnum cælorum intra uos est. Hanc diripiunt (Hoc est uehementer excitât, & torquent, ut in actum prodeat) qui vim faciunt credendo, impetrandò spiritum charitatis, ubi est plenitudo Legis. Et paulo post: Reatus præuicationis, quem sola Lex, id est Litera sine spiritu faciebat iubendo, credendo soluitur, & violètia fidei spiritus sanctus impetratur, per quem diffusa charitate in cordibus nostris, Lex non timore pœnæ, sed iustitiæ amore completur. Hæc ille.

Quintus.  
Io. 17.

Ephes. 1.

Col. 2.

Philip. 3.

Quintus fructus est Christi Domini Cognitio. Hæc est enim vita æterna, ut cognoscant te solum verum Deum, & quem misisti Iesum Christum. Hanc Apostolus optat Ephesijs: Ut sciatis, quæ sit supereminens magnitudo virtutis eius in nos, quam operatus est in Christo. Hanc Colossensibus. Instructi in Charitate, in omnes diuitias plenitudinis intellectus, in agnitionem mysterij Dei Patris, & Christi Iesu, in quo sunt omnes thesauri sapientiæ & scientiæ Vel absconditi. Hanc præponit Regnis & sedibus & mundo uniuerso. Sic. n. scribit: Quæ mihi fuerunt lucra, hæc arbitratus sum, propter Chri-



Christum detrimenta. Veruntamen existimo omnia detrimentum esse propter eminentem scientiam Iesu Christi Domini mei, propter quem omnia detrimentū feci, & arbitror ut stercora, vt Christum lucrifaciam. Hanc prædicabat, hanc uitæ moribus profitebatur, hæc vnicum ei solatium, hæc corona, hæc triumphus, hanc sonant in singulis periodis ac penè incisis eius Epistolę illis uocibus Christi, Iesu, Domini, in Domino, in Christo, in Iesu. Et auctor est Elias Cretensis, cum ille nominat Crucem, quod tam sæpè facit, semper intelligi uelle fidem in Christum crucifixum. Ab hac de Christo Domino Diuina cognitione ut perfectam putat S. Ambrosius Mundi conuersionem, & diuitiarum contemptū, sic deriuasse simul dicamus nos, Virginitatem, Cœnobita, Eremos, Martyria tam varia, tam multa, tam grauiataque admiranda ubiq; terrarum, omnis ætatis, sexus, generis, conditionis, viuendi normam, Dei communissimam maximamq; notitiam, Idololatriæ extinctionē, addo etiam Miracula, quæ ut maiora facturos qui in eum crederent, quàm ipse Dominus edidisset, prædixit, sic, re ipsa vt facerent, postea amplissimè præstitit. Hęc de primo fidei beneficio, & fructibus spiritualibus quinque exco-

existentibus. Nunc  
reliqua beneficia profequenda.

In. orat. 3.  
de filio  
Greg. Nazianz.

Tract. in  
Psalm. 40.

*Ponuntur alia tria fidei beneficia cum Actionis interna fructibus spiritualibus, qui ex singulis colliguntur. Cap. XI.*

Secundū  
fidei bene-  
ficiū.



2. Petri 1.

Hebr. 11.

Alterum fidei beneficium est, quo intellectum hominis rebus à se propositis equè assentiri facit, ac si eas oculis cerneret, & multo magis. Habemus inquit S. Petrus, firmiorem Propheticum sermonem, cui bene facitis attendentes. Firmiorem autem appellat rebus ipsis à se vis & auditis in Monte sancto transfigurationis Domini tempore. Ac propterea fides ab Apostolo argumentum non apparentium nominatur. *τὸ ἀφανές*, hoc est argumentum, quo intellectus conuictus redditur, & fidei habitu quasi catena constrictus captiuus Deo efficitur, Vis hæc mentem adeo fortiter religandi, & de rebus quas debet credere certam reddendi, ita propria fidei est, vt par ei nulla in disciplinis humanis reperiri possit, quod vnde illi accidat, post dicendum. Hanc magnum Dei donum esse nemo non intelligit.

Fructus se-  
cūdi fidei  
beneficij.  
Primus.

Rom. 8.

Porro quantam vtilitatem adfert homini hæc vna uis Diuinitus vt ita dicam, illata menti: illam certè maximam, & qua nulla nec antiquis temporibus, nec hisce nostris recentioribus optabilior aut illustrior accidere potuit Ecclesiæ Christi. Fortitudo nempe admiranda, & inaudita alacritas quælibet tormenta quamuis immanissima, quoslibet cruciatus etiam acerbissimos, omne deniq; ignominiosæ mortis genus pro Christo subeundi. Certus sum, inquit Apostolus, quia neq; mors, neque vita,

vita, poterit nos separare à Charitate Christi. Vnde nam certus? ex fidei firmitate, quæ in Paulo inerat, ut scribit S. Hieronymus. Infinitum esset exempla alacritatis huius ex hac fidei firmitate profecta recensere scribendo. Tertullianus, Arius inquit Antoninus, cum persequeretur instanter in Asia fideles, omnes illius Ciuitatis Christiani ante tribunalia eius se manu facta obtulerunt. Nicephorus, Diocletiani tempore cum Natalis dies Christi festus adesset, viginti millia Christianorum in templo à Tyranno conclusa, igni conflagrare maluerunt, quàm tantillum à Christianæ fidei stabilitate discedere. Hæc stabilitas alacrisq; fidei professio secundum Christi & Apostolorum sanguinem, mundum ad Christum adduxit, fundauit, propagauit, exornauit Ecclesiam. Hac conuicti Philosophi potius quàm rationibus argumentisue, manus Christo dederunt, inter quos Iustinus Philosophus & postea martyr, nobilissimum locum tenet, non alia ratiocinatione ad Christum conuersus, vt ipse testatur, quàm ea, quam post explicauit Lactantius his verbis: Cum ab ortu solis vsq; ad occasum Lex Diuina suscepta sit, & omnis sexus, omnis ætas, & gens, & regio, vnitis ac paribus animis Deo seruiant, eadem sit ubique patientia, idem contemptus mortis, intelligere debuerant aliquid in ea esse rationis, quod nõ sine causa vsq; ad mortem defendebatur: aliquid fundamenti ac soliditatis, quod eam Religionem non tantum iniurijs ac vexatione nõ soluat, sed augeat semper, & faciat firmiorẽ. Et hic est fructus vnus beneficij fidei secundũ.

Alter fructus est, studium conseruandi fidem sinceram, integram, qualem Christus & Apostoli tradiderunt, camq;

In c. 1. ep.  
ad Gala-  
tas.

Ad Scapu-  
lam.

Lib. 7. c. 6.

Apolog. 1.

Li. 5. c. 13.

Secundus.



eamq; sacram tectam ab omni periculo & labe hæreticorum, ab omni nota, & colore non suo, qui illi eiusq; decretis undecunq; allini posset, tueri, ac pro eius integritatis defensione quodlibet capitis etiam discrimen subire. Vis scire inquit S. Hieronymus, quantus sit ardor bene credentium? audi Apostolum: Et si nos, aut Angelus de Cælo aliter euangelizauerit uobis, anathema sit. Atq; hæc est causa, cur ne syllabam quidem aut iota vnum concesserint unquam Hæreticis Catholicæ Ecclesiæ Patres, cum ipsis Imperatoribus & Regibus pacis interpretibus de sententijs aut uerbis fidei uel leuissimè mutandis tractatum est, quidlibet potius sustinuerint, exilia, ignominias, cruciatus, mortem. Exempla sint verbum (Consubstantialiale) proximè post Constantini Magni obitum, immò ipso etiam viuente, per tot secula adeo constanter retentum, acriterq; propugnatum, ne vel vna literula in eo variaretur. Verbum item Transubstantiatio, ob eandem causam posterioribus, nostrisque temporibus tam studiosè conseruatum, & inter sacrationa Diuinaq; relatum aduersus impios Sacramentarios. Nempe fides vt Tertullianus est auctor, Virgo est integerrima, talisq; nobis à Christo tradita, quam vt stuprare conantur hæretici, sic Catholicos eam omninò in corruptam castè tueri, necesse est.

Libro de  
Prescript.

Tertius.

Libr. 10.  
cap. 21.

Tertius fructus est, auersari consuetudinem hæreticorum, horrere conspectum; quod quàm in more positum apud antiquos Christianos, quam illis id sollemne fuerit, uel ex vno Samosatenum exemplo apud Nicephorum intelligi potest. Vbi inquit: Qui Arii factionis erant, pastoribus ex Ecclesijs omnibus expulsis, Samosata

mosata quôq; pro Eusebio (hic vir planè Apostolicus erat) Eunomium quendam adduxerunt; nemo hominū omnium, uel pauper, uel locuples, uel iuuenis, uel senex, atq; ut simpliciter dicam, nemo prorsus, ita ut in moribus est, Ecclesiam est ingressus; Ipse verò solus in Episcopalibus adibus versatus est, neminem cum respiciente, aut conueniente, cum aliquin vir humanus esset, & modestus. Addit post: Cum ille in publicum balneum venisset, & lauisset, Samosateni ciues aquas eius piaculum hæresis contraxisse existimantes, per cuniculos eas emiserunt, atque alijs immixtis lauarunt, quare coactus iste discedere, successorem habuit Lucium similiter Arianum; quantum autem ciuium odium in hunc etiam fuerit, inde liquebit. Pueri pila in foro ludebant, accidit, ut eo mula vectus transiret Lucius, ac pila per eius mulæ pedes volueretur, pueri vlulatum ingentem edidere, ac piaculo pilâ repletam esse opinari, igne lustrarunt, sicq; ludum repetiuerunt, puerile id quidem, sed argumentum ramen odij Diuitatis illius aduersus eos qui fidei doctrinam deprauauerant. Hæc ex Nicephoro. Possunt & plura, & antiquiora adhuc huius rei exempla produci, sed ad institutum nostrum hæc satis sunt. Itaq; ex secundo beneficio fidei hi tres fructus habentur.

Tertium fidei beneficiū est secundi ratio: Curenim ita nos certos de rebus fidei subiectis fides facit? nimirum, quia Dei reuelantis, & qui mentiri non potest, auctoritate nititur. Quod intelligimus, ait S. Augustinus, debemus rationi, quod credimus, auctoritati; auctoritas autem hæc Diuina est. Sic Apostolus: Notum vobis facio

Tertium  
fidei Be-  
neficium.

Lib. de vi-  
lra. credē  
di c. 11.

Galat. 1.

facio Euangelium, quod euangelizatum est à me, quia non est secundum hominem, neq; enim ab homine accepi illud, neq; didici, sed per reuelationem Iesu Christi. Propterea vocat idem fidem Dei sapientiam.

1. Cor. 2.

Fructus  
tertij be-  
neficii fi-  
dei.  
Primus.

Hoc porro beneficium est magnorum fructuum seminarium. Primò enim hinc existit magna animi submissio erga Deum, magna itē simplicitas in habenda fide ijs omnibus quæ diuinitus nobis credenda proponuntur. Laudat Apostolus Thessalonicenses, quia (scribit illis), cum accepissetis à nobis Verbum auditus Dei, accepistis illud, non vt verbum hominum, sed vt verè

Secundus. est Verbum Dei. Deinde ex eadem submissione nascitur robur mentis aduersus naturalem hominis curiositatem; ut quid enim inquiramus, cur ita credimus, aut rei quæ creditur, quæ sit ratio, si ita dixit non Pythagoras, aut alius quispiam sapiens huius seculi, sed ipse Dominus, ipsissima Veritas? Hoc quippe est illud apud

1. Cor. 1.

Li. de præ-  
scriptioni-  
bus.

Apostolum: Quod stultum est Dei, sapientius est hominibus, & quod infirmum est Dei, fortius est hominibus. quod enim Deus dicit, superat omnem humanam sapientiam, vincit omnem rationis humanæ vim. Ob quam causam scripsit Tertullianus. Nobis curiositate opus non est post Christum Iesum, nec inquisitione post Euangelium. Cum credimus, nihil consideramus ultra credere, hoc enim prius credimus, non esse quod ultra credere debeamus. Et paulo post: Cedat curiositas fidei, cedat gloria (humanæ scilicet sapientiæ ac rationis) saluti. Ad hæc humilitas hæc & simplicitas auget in credentis animo fidem & intelligētiam: nam scriptū est: Nisi credideritis non intelligetis. Et vicissim hæc

Tertius.

Isa. 7.  
Secundum

ipsa



ipsa fides humilitate adultior facta, adauget humilitatem. Quo plus inquit S. Basilius, in fide proficimus, eo magis nostram cognoscimus ignorantiam. Sed hoc beneficium in primis se homo obligatum putet Deo, ut illum sicuti cognoscit, sic cognoscat quotidie magis, cognitum colat ex animo, illiq; quanta maxima potest religione, pietate, atq; constantia perpetuò seruiat; Deus enim qui Deus est, quia bonorum nostrorum non indiget, qui perdit nihil etiam si mundus vniuersus perditus scelere & Dei ignoratione ruat, præ inexplicabili & infinira sua bonitate, sicut quasi amantissimus Pater, hominem ad imaginem suam procreauit; sic se illi ducem & magistrum præbuit ad se, uoluntatem suam, uiamq; ad æternam felicitatem perdiscendam. Hac Dei tanta dignatione quid admirabilius, quid quod hominem Deo deuinciat magis? Propter nostram fidem ait S. Ambrosius apertò Cælo Spiritus ad Christum, Pater ad Filium, Vox descendit ad Verbum. Ipso Deo inquit S. Augustinus, mentem intrinsecus nostram firmante, atque illuminante. Sed quid Patres quærimus? ipsemet in Psalmo sic de se loquitur: Lingua mea calamus scribe, ve lociter scribētis. In momento. n. fidē mēti instillat, & in eā tāquā in tabula Dininorū mysteriorū arcana sua ipse manu describit, suaq; luce collustrat, ad illuminationē (ut ait Apostolus) scientiæ claritatis Dei, in facie Christi Iesu. 2. Cor. 4.  
 Hæc Lux est, quæ in Mundum venit, quæ maximis in scitiæ nostræ tenebris depulsis, hominem cæli ciuibus similem fecit; Deo proximum, quia discipulum. Est ait Dominus scriptum in Prophetis; Erunt omnes de cibus Dei. Omnis qui audiuit à Patre, & didicit, venit ad me.

Septima  
 ginta in-  
 terp. vbi  
 vulgata  
 habet now  
 permane-  
 bitis.  
 Orōne de  
 vera fide.  
 Quartus.

Ser. 2. 15

Lib. con-  
 tra Epist.  
 fundamē.  
 cap. 14.  
 Psal. 44.

Isa. 14.

Io. 6.

Ad Scapulam. me. Meritò ergo Tertullianus, Magistrum neminem habemus nisi solum Deum. Hac se oblectet disciplina Christianus, in hoc Diuino fidei Gymnasio se diu noctuq; exerceat, & erit sine dubio tanquam lignum secus decursus aquarum, quod fructum suum dabit in tempore suo. Et hæc sint quattuor tertij huius beneficij emolumenta.

Maximam esse auctoritatem Dei, Deumq; vera & certa dicere, nemo sanæ mentis dubitat. Sed ne addubitari vnquam posset, Deum non esse illum, qui fidem largitur, & per fidem mentem hominis illustrat, Quartum beneficium contulit homini Deus, fidelissimum scilicet ac firmissimum interpretem consilij sui, Ecclesiam Catholicam locupletatam Sacris libris, Traditionibus Apostolorum, Decretis Summorum Pontificum ac Conciliorum, cui præfecit primum & summum caput in terris, Vicarium suum. Primò Petrum, & deinceps successores Petri Summos Romanos Pontifices, quibus, & toti Ecclesiæ pollicitus est Christus ipse, se futurum cum illis usq; ad consumationem seculi, nec vnquam absuturum Spiritum sanctum suum, qui eos doceret omnem veritatem. Hæc igitur Ecclesia in Christi fundamento fundata & nixa, nec errat, nec errare potest, quia nec fallitur, nec falli aut fallere potest, quia cæregit Deus. Hæc est quæ nobis Diuinam auctoritatem proponit, explicat, & ut ita dicam fide pro Deo iubet. Celebris illa uox & S. Augustino digna: Euangelio non crederem, nisi me Catholicæ Ecclesiæ moueret auctoritas, Ecclesiæ inquam, in qua à summo eius capite Christi Vicario ea deriuatur auctoritas, sicut vnguentum quod

Quartum  
fidei be-  
neficium.

Math. vi.

Lib. contra  
Epistolam  
fundam.  
cap. 5.

quod descendit in barbam Aaron, hoc est in alios Pastores & Doctores, ad usq; oram ultimam vestimenti, quæ reliqua sunt omnia membra Catholicæ Ecclesiæ. Ne lōgum faciam quæ hinc oriuntur spirituales utilitates, ac nostra veluti debita sic breuiter numero. Prima est, Obedientia erga Ecclesiam. Nam si Ecclesiam inquit Dominus, non audierit, sit tibi sicut Ethnicus & Publicanus. Secunda est, Reuerentia & amor; quam enim tantopere dilexit Christus, ut se pro ea tradiderit, ac sanguinem suum fuderit, eam sine dubio à nobis & amari & coli vult. Tertia est, studium eam amplificandi; quod quidem Christianis omnibus inesse debet, ijs tamen præcipuè, qui alijs ex legibus præsumt, & Ecclesiam promunere administrant, etiam si magna sint obeunda pericula, graues ferendi labores, uita ipsa pro Ecclesiæ libertate, & gloria, pro animarum salute sit in apertum discrimen adducenda. Adimpleo ea quæ desunt (ait Apostolus) passionum Christi in carne mea, pro corpore eius, quod est Ecclesia. Et Dominus: Bonus pastor animam suam dat pro ouibus suis. Et ego aiebat S. Thomas Cantuariensis; & quid simile ante ipsum S. Ambrosius, pro Ecclesia Dei mori paratus sum.

Quarta in ijs quæ ad fidem moresq; spectant, Ecclesiæ eiusque capitis iudicio omninò stare, potius quàm suo, aut cuiusquam alterius uel alioquin sapientissimi hominis, aut etiam Academiæ, sectæue cuiuscunq; ut sapiens Architectus (ait Apostolus) fundamentum posui. & S. Augustinus scribit ad edificandum Cornelium Centurionem, missum fuisse Architectum Apostolum Petrum nimirum, ut hinc etiam intelligamus, quem-

Fructus  
Quarti fi-  
dei bene-  
ficij.

Prima vi-  
litat.  
Matt. 18.

Secunda.

Tertia.

Col. 11

Io. 10.

In Vita.  
Lib. 5. ep.  
32. oratio  
ne in Au-  
xentium.  
Quarta.

1. Cor 3.

Lib. de  
Prædesti-  
Sanctorū.  
cap 7.



admodum non solum baiuli & operarij, sed nec etiam his peritiores decempedæ ac fabri, in ijs quæ ad operis structuram dirigendam, & perficiendam pertinent, aduersus architecti voluntatem & sensum ne hiscere. qui denique audeat sic Christianis hominibus etiam doctis & prudentibus, in Christi Vicarij ac Ecclesiæ decretis, sententijs, sensibus, planè omninò, & còstanter acquiescendum. Sed non potest hoc loco prætermitti sine culpa **Quintum** debitum Quintum, quod Ecclesiæ debemus pro sua virili parte quisque in ea vocatione, in qua in Domino vocatus est. Id porro est, ita vnumquenq; vitæ suæ rationes instituere, ita piè sanctèq; viuere, vt sanctæ vitæ moribus & exemplis maximè verò Christianæ perfectionis studio, ij qui Christiani iam sunt, ad proficiendum in dies magis concitentur, & qui nondum sunt, alliciantur, vt sint; isq; sensus est S. Augustini, quem ille sic explicat, facta sunt igitur miracula (ad auctoritatem Ecclesiæ) opportunissimè, ut his multitudine credentium cògregata, atq; propagata, in ipsos mores utilis conuerteretur auctoritas. Mores autem quilibet tantum valent ad obtinendas hominum mentes, vt etiam quæ in his praua sunt, quod ferè superantibus libidinibus euenit, improbare citius, & detestari, quam deserere aut mutare possimus. Numerat deinde S. Doctor sex morum Genera ac exempla adeo singularia, & illustria, ut vnũquodq; instar ingentis miraculi immò multorum prodigiorum esse posse uideatur, habereq; vnũquodque eorum si rectè perpendatur ad animas conuertendas momentum maius, quàm multa simul miracula. **Primum**, Parum ne ait, consultum rebus humanis arbitra-

ris,

Lib. de vi  
lit. creden  
di, cap. 16.  
& 17.

ris, quod nihil terrenum, nihil igneum, nihil denique quod corporis sensus attingit, pro Deo colendum esse, ad quem solo intellectu ambiendum est, non pauci doctissimi disputant; sed imperitum etiam vulgus mariū, fœminarumq; in tam multis diuersisq; gentibus & credit, & prædicat. Secundum, Quod continentia vsq; ad tenuissimum uictum panis & aquæ; & non quotidiana solum, sed etiam per contextos plures dies perpetua ieiunia. Tertium, Quod castitas vsq; ad coniugij prolisq; contemptum. Quartum, Quod patientia usq; ad cruces flammæq; neglectas. Quintum, Quod liberalitas vsq; ad patrimonia distributa pauperibus. Sextum, Quod denique totius huius mundi aspernatio vsq; ad desiderium mortis intenditur. Pauci (concludit S. Augustinus) hoc faciunt, pauciores bene prudenterq; faciunt, sed populi probant, populi audiunt, populi fauent. Diligunt postremo populi. Populi suam imbecillitatem quod ista non possunt, nec sine prouectu mentis in Deum, nec sine quibusdam scintillis virtutis accufant. Sed pergendum iam est ad reliqua quæ supersunt fidei beneficia, eorumque emolumenta spiritus commemoranda.

Secundū.

Tertium.

Quartum.

Quintū.

Sextum.

*Quintum, & sextum fidei beneficium, & ex eis actiones utilitatesque. Cap. XII.*



Vanquam quæ posuimus hætenus fidei beneficia, magna & insignia sunt, plenè tamen hominem Deo minime subiectum reddunt, nisi Deus nouo cumulo adaugens

Quintum  
fidei be-  
neficium.

gens superiora beneficia, moueat præterea eius voluntatem, ut ea sic concitata, mentem hominis ad assentiendum rebus ijs, quæ fide proponuntur, efficaciter flectat. Cû enim cognitio quam menti fidei habitus impertit, clara non sit, quamuis certissima, obscura potius, & in ænigmate (ut loquitur S. Paulus) non cogitur mēs fidei articulis eum assensum præbere, quem dat rebus per se notis & manifestis; ideo necessaria est extranea vis aliqua, qua ad consentiendum fidei rebus, omninò cogatur. Hæc vis est hominis voluntas à Deo excitata, & quasi manu capta. Quo loco considerata est diligenter ad spiritua-

lem profectum admiranda Dei prouidentia & charitas, qua regit hominem, ad seq., hoc est, ad summum hominis bonum, gradatim, & suauissimè deducit. Primò enim, quia mens ad credendum nō inducitur nisi adiuuetur, & impellatur à voluntate, informat Deus per seipsum uoluntatem habitu certo in hunc finem in eam immisso, qui vel adhuc caret nomine, quod Dei proprium sit beneficia sua in nobis collocare potius quàm nominare, ac venditare nobis: aut est uirtus Charitatis, ut interdum affirmat S. Thomas, intellige in viro iusto, non autem in fideli peccatore; vel est alia quædam uirtus quæ studiositas dicitur, quæ intellectum impellit, ut studiositas moralis ad ea cognoscenda, quæ nosse expedit secundum rectam rationem, ut infusa studiositas ad ea intelligenda, aut credenda, quæ pertinent ad hominis finem supernaturalem. Quæ sententia est P. Valentia. Deinde cum credendi actus ab intellectu eliciendus est, idem optimus adiutor Deus, præsto est nouo & supernaturali auxilio suo, quo excitata uoluntas



luntas intellectum afficit, mouetq; ad actum. Hæc in quodam Concilio à Patribus appellatur inspiratio Spiritus sancti, corrigens voluntatem ab infidelitate ad fidem. Sed ad hæc omnia permira in nos dignatio Dei, qui cum auctoritatis suæ pondere obruere & obtundere hominem iure suo posset, ac sola suæ uoluntatis significatione, solo illo verbo (Ipse dixit) totum humanum genus fidei legibus obligare, maluit se humano capui accommodare, humanis sed veris ratiocinationibus eo hominem perducere, ut si quæ fides tradit, non perspicuè ratio hominis intueatur, perspicuè tamen intelligat, ac profiteatur, fatendum esse, ea, quæ fide traduntur, maximè esse consentanea rationi, ac sic Christianam fidem omni leuitate ac temeritate carere, instructam autem esse recondita quadam Diuinaq; prudentia. Ex porro ratiocinationes à Theologis plures recensentur, ex varijs, sed certissimis, testatissimis, grauissimisque principijs certa ratione deductæ. Sat est hoc loco hæc ipsa principia breuissimè percurrere. Hæc sunt: Conditio eorum qui fidem olim receperunt, Constantia Martyrum, Mirifica ac repentina mutatio vitæ ac morum, eorum qui fidei mysterijs initiabantur, Ratio fidei propagandæ per Apostolos indoctos, incriminos, ignobiles, Miracula, Testimonia aduersarijorum, aut nõ Christianorum, Prædictio fidei apud Prophetas, Clades oppugnantium fidem, Sanctitas Christianæ doctrinæ, Ordo, Vis in afficiendis ac liberandis animis quacumq; ægritudine laborantibus, Antiquitas Sacrorum librorum, Christi persona tanto antè tempore adumbrata, explicatè prænunciata, expressa, Efficacitas sermonum Christi,

Correiff.  
Arausica.  
no Can. 5

Lib. de Di-  
uinis no-  
minib. c. 7

Christi, Christi præstantia, & dignitas. Hæc sic afficiunt uel audita uel cogitata, ut (quod aliud etiam veritatis fidei argumentum est) animum hominis (ut S. Dionysius scripsit) quasi extra se rapiant. Et ecce tibi quam multiplex in vno beneficio beneficium.

Fructus  
quinti fi-  
dei bene-  
ficij.

Cui sanè par animæ utilitas, id est magna & multa respondet, si nos ij simus, qui ad eam beneficij recordationem referre didicerimus.

Primus.

Quid enim habitus ille aut carens nomine, aut certè studiositas & charitas, à nobis exigit aliud, quàm, ut quando eo formatur uoluntas, ut mentem applicet ad res Diuinas fide cognoscendas, ad hoc ipsum nos animo afficiamur, in ijs vel cogitandis, vel ediscendis versemur continenter, unica sit voluptas libros Sacros uoluerè, noctu diuq; se qui vestigia antiquissimorū ac sanctissimorum quoruncunq; Patrū ac Theologorum, qui eos semper in manibus cum haberent, verè dicere poterant quod S. Augustinus scripsit; In omni copia Sanctarum Scripturarum, exercemur obscuris, pascimur apertis. Hoc indicium est Diuinæ prædestinationis,

De verbis  
Domini  
serm. 11.

Io. 7.

Io. 6.

Heb. 5.

Eph. 6.

& Dei amoris in nos: nam, qui ex Deo est, verba Dei audit. Et, qui audiuit, & didicit, venit ad me. Hoc animum recreat, erigitq; à rebus terrenis ad Deum; iccirco enim solido cibo comparatur ab Apostolo. Hoc roborat aduersus tentationes; est enim Verbum Dei gladius spiritus, quo is carnem edomat, sternit diabolus, iugulat vitia. Quare, qui huiusmodi cogitationibus ac studijs occupantur, & sunt omni uirtutum genere cōspicui, & alios uerbis ad uirtutes inflammant, non enim dicunt Apostoli, non possumus, quæ audiui-  
& ui-

Act. 4.

& vidimus, non loqui. Illa autem Voluntati Diuinitus <sup>Fructus</sup>  
 iniecta vis ac motio, qua Deus eam suscitatur, & sustentatur, <sup>quinti fi-</sup>  
 vt intellectum vrgeat ad credendum, nonne exigit pre- <sup>dei bene-</sup>  
 ter magnam animi gratitudinē, promptitudinem etiā <sup>ficij.</sup>  
 singularem ad ea omnia libenter complectenda quæ <sup>Secundus.</sup>  
 Deus vult, ac iubet? sanè illa motio principium est om-  
 nium bonorum, quibus deinde Deus adeo cumulatē  
 animam hominis complere solet, principium inquam  
 nostræ Vocationis ad Christum, initium restituendi ac  
 restaurandi perditam animam, primus Dei in animam  
 ingressus, quo deinceps per fidem in captiuitatem reda- <sup>2. Cor. 10.</sup>  
 cto intellectu in obsequium Christi, per alias etiam vir-  
 tutes in eius possessionem planè ueniat; idq; gratuito,  
 nullisq; nostris antecedentibus meritis. Hęc tantæ libe-  
 ralitatis promptitudo aduersus hominē, quo alio pro-  
 prius compensari potest, quàm prompta voluntate, pa-  
 ratissimaq; ad omnia quæ Deus iusserit, dixerit, insinua-  
 uerit, fortiter alacriterq; obcunda? quàm studiosè exci-  
 piendo quæ ille intus in animo dictat, docet, monet; li-  
 bentissimè sequendo quocunq; ducit, ac trahit? Siqui-  
 dem (quod nouum est Dei beneficium, ut nostram no-  
 bis integram libertatem seruet) ita mouet Deus homi-  
 nis uoluntatem, vt reniti possit homo Deo; quod tam  
 multis olim accidit Christo & Apostolis predicantibus,  
 & infinita miracula patrantibus, ac vtinam non etiam  
 hoc tempore, qui reipsa Deo vocanti resistunt, aut ni-  
 hil respondendum putant; scriptum est enim: Non om- <sup>Rom. 10.</sup>  
 nes obediunt Euangelio. Isaias enim dicit: Dominè,  
 quis credidit auditui nostro? & ibidem: Ad Israel autem  
 dicit: Tota die expandi manus meas ad populum non



Psal. 4.

Act. 7.

Reg. bre.

C. 24.

Ephes. 4.

Tertius.

credentem, & contradicentem mihi. Cum ergo nos nō in horum numero haecenus simus, nec Dei gratia vocationem eius simus aspernati, diligentissimè curandum est, ne nostro vicio nos illis coequemus; quod facimus, cum Deum intus loquentem non audimus, aut si audimus, non ascultamus, nec nos illi ita molles flexibilesq; paramus, ut quo velit, intorqueat, quod crimen in Scripturis durities & grauitas Cordis nominatur. & (quod grauius est) resistere Spiritui Sancto. Et, ne arbitremur hoc peccatum ab illis committi solum, qui grauius peccant, peccata etiam venialia, quales sunt plerunq; huiusmodi repugnantia in spiritualibus viris, sunt illa auctore S. Basilio & alijs, quæ ab Apostolo dicuntur contristare Spiritum Sanctum.

At quid petit ab hominē infinita & inexplicabilis dignatio Diuinæ bonitatis ac sapientiæ? quæ ita se nobis attemperauit, ut quanquam ea, quæ credimus, non perspicuè nobis cernenda proponat, credimus enim quæ non videmus: ijs tamen nos ratiocinationibus instruit, ut perspicuè intelligamus, nos nec imprudenter credere, & verissimas certissimasq; res fide cōprehendere. Illud certè saltem, ut (si dicere fas est) cum Deo humanitate certemus, nec nos ab eo officio vinci sinamus. Sed quando ille ita in nos benignus est, adeoq; se nobis accommodat, ut quo magis nobis satisfactum sit, rationes etiam tam multas, tam præclaras proferat, quibus nos ipsos, nostramq; fidem consolemur, eas seponamus, ac recondamus in aliorum gratiam & beneficium, cum est opus, nos toti simus, toti acquiescamus in vnius Dei Auctoritatis pondere, & credere velimus,

non

non alia ratione magis, quàm quia DEVS DICIT,  
& Deum dicere testatur Ecclesia. Sic se in fide gesserunt  
alijs Viri perfecti; sic etiam nunc, qui eorum in virtu-  
tis studio sectantur uestigia, laudant rationes, ijs utun-  
tur ad fidei probabilitatem (cum res exigit) persuaden-  
dam alijs, ipsi vno Dei nutu contenti, nil quærunt, nil sa-  
piunt amplius. Et laudo fidem inquit Tertullianus, quæ Lib. de  
ante credit observandum, quàm didicit. Quod licet ita Corona  
sit, non ideo non studendum intelligentiæ Sacrarum militis.  
Scripturarum, rerumq; quæ fidei doctrina continen-  
tur, sed firmiter credendam prius, ut post intelligamus.  
Nec illa dicuntur, ut scientia contemnatur, sed vt ordo  
seruetur nec scientia præcedat, sed sequatur Fidem. S.  
Augustinus: Intellige ait, vt credas Verbum meum, cre- De verbis  
de, ut intelligas verbum Dei. Et hi sint fructus Quinti Apostoli  
fidei beneficij. serm. 19.

Sextum fidei beneficium sunt eius innumeri & præ- Sextum  
clari effectus, propter quos fides à S. Chrysostomo dici Fidei be-  
tur bonorum mater, medicina salutis, à S. Prospero, bo neficium.  
næ voluntatis, & iuste actionis genitrix, & S. Ambro- Hoin. 32.  
sio nihil esse in homine pretiosius, à S. Cyrillo oculus in Ioan.  
illuminans conscientiam, intelligentiam faciens, scutum Lib. 1. de  
incorporeum aduersus hostem inuisibilem. quod accio-  
pit ex Apostolo, signaculum iusticiæ & adoptionis. Quæ vocatio-  
causa est cur Apostolus illi tribuat initium iustificatio- ne gētū.  
nis, cum ait: Arbitramur iustificari hominem per fidē cap. 8.  
Immo Hebræis scribens, quam plurimis ac luculentissi Sermon. 8. in  
mis exemplis confirmat vim & efficacitatem fidei in Psal. 118.  
rebus omnibus ab antiquis Patribus sanctè & præclare Cateche-  
gestis; quod eorum scilicet radix & mater extiterit, ad- si 5.  
ducitq; Rom. 4.  
Hebr. 11.

Abac. 1.

ducitq; illud ex Abacuc: Iustus ex fide uiuit; ut intelligamus ob hanc eandem rationem spirituales vitam uniuersam censerī posse effectum fidei.

Serm. 10.  
de verbis  
Apostoli.

Ad certum ordinem reuocantur effectus fidei duplici ratione. Prima est S. Augustini, qui sic numerat. Fides peccatores homines saluat, cæcos illuminat, infirmos curat, cathecumenos baptizat, fideles instituit, penitentes reparat, iustos augmentat, Martyres coronat, Virgines, Viduas, ac Coniuges casto pudore conseruat, Clericos ordinat, Sacerdotes consecrat, Regnis cælestibus præparat, in æterna hæreditate cum Angelis sanctis communicat. Hæc S. Augustinus. Quæ non ideo fidei tribuuntur, quod hæc sola fides aut præstet aut efficiat, sed quoniam pleraque omnia inchoat fides, comitatur, imperat, nec ulla ex his actionibus sine aliqua fidei actione exercetur, quod post, cum de occasione fidei agemus, ostendendum est.

2. 2. q. 7.  
ar. 1. & 2.

Altera ratio est S. Thomæ. Hic fidei duos propriè effectus adscribit. Timorem, & Puritatem Cordis. Timorem inquam nō tam filiorum, quam seruorum, qui supplicij metu abstrahuntur à malis. Hunc incutit fides propositis exemplis Diuinæ seueritatis aduersus prauos Angelos, Hominem, Dei mandatum non curantē in terrestri Paradiso. Aquarum generalem illuionem, totiusq; mundi naufragium, cum sexcentis alijs similibus documentis, quæ in Scripturis habentur, in primis autem excitat hunc timorem fides, adducendo peccatores in cogitationes Mortis, Iudicij, & Inferni. Cordis autem puritas tribuitur fidei, quia primum dicitur à S. Petro: Fide purificans Corda eorum. Deinde, quia (ut ait

ad. 15.

S. Tho-



S. Thomas) creatura rationalis dignior est omnibus temporalibus & corporalibus creaturis, & ideo impura red-  
ditur, ex hoc, quod temporalibus se subijcit per amo-  
rem, à qua quidem impuritate purificatur per contra-  
rium motum, dum scilicet tendit in id, quod est suprà  
se, scilicet in Deum: in quo quidem motu, primum prin-  
cipium est fides, & ideo primum principium purifi-  
cationis Cordis, est fides, qua purificatur impuri-  
tas erroris, quæ si, perficiatur per charitatem for-  
matam, perfectam purificationem causat. Hæc S.  
Thomas.

2. 2. q. 7.  
art. 2.

Quo loco illud non videtur omittendum, in habitu  
fidei in Christum, siue fidei Christianæ, esse ueluti pro-  
prietatem, propensionem quandam, qua fertur suo  
nutu ac pondere in habitum charitatis, eam appetens  
ut imperfectum, suam perfectionem, formam, pulchri-  
tudinem; id quod ex antedictis S. Thomæ Verbis, & ex  
ijs quæ scribit de Charitate ut est forma fidei, facile col-  
ligitur. Certè S. Augustini hic est sensus, cum scribit, fi-  
dem Christi, esse fidem gratiæ, & violentia fidei impe-  
trari Spiritum Sanctum, & Spiritum Charitatis. Ex qui-  
bus duo colliguntur, Primum est, Fidem non solum esse  
principium puritatis Cordis, sed puritatem iure suo pe-  
tere quodammodo, sicut & charitatem. Alterum est,  
vim fidei facere peccatores, & quasi violenter eam op-  
primere, cum ut Apostolus loquitur, Veritatem Dei in  
iniustitia detinent; neq; sicuti cognoscunt Deum, ita  
glorificant bonis vitæ actionibus. Et hæc dicta sint de  
sexto Fidei beneficio, eiusq; utilitatibus, atque adeo de  
Internis fidei Actionibus, quæ ex beneficijs hisce sex ha-  
ctenus

2. 2. q. 4.  
art. 3.

Lib. de fi-  
de & ope-  
rib. c. 16.  
& 17.

Rom. 1.

atenus commemoratis quasi fructus existunt. Nunc de externis eiusdem fidei Actionibus dicendum.

*De Fidei Externis Actionibus.*

*De confessione fidei, & de fidei doctrina tradenda rudioribus hominibus & pueris.*

*Caput XIII.*



Xternæ fidei Actiones numerantur hæ. Fidem confiteri, tradere doctrinam fidei.

Rom. 10.

Psal. 115.

Lib. de fide & sym-  
bolo c. 1.

2. 2. q. 3.  
art. 2.

De confessione fidei celebris est Apostoli sententia: Corde creditur ad iustitiã, ore autem confessio fit ad salutem. & David: Credidi, propter quod locutus sum. S. Augustinus: A præsentis seculo maligno salui fieri non possumus, nisi & nos ad salutem proximorum nitentes, ore etiam profiteamur fidem quam corde gestamus. S. Thomas: Confessio Fidei est præceptum adfirmatiuum, & obligat pro loco & tempore, & secundum alias circumstantias, secundum quas oportet actum humanum limitari ad hoc; quod sit actus Virtutis. Confiteri igitur fidem, est necessariũ, quando per dimissionem huius confessionis subtraheretur honor debitus Deo, & etiam utilitas proximis impendenda: puta, si aliquis interrogatus de fide, taceret, & ex hoc crederetur, uel quod non haberet fidem; uel quod fides non esset uera; uel alij per eius taciturnitatem auerterentur à fide. In huiusmodi casibus confessio fidei est de necessitate salutis. Hæc S. Thomas. Hoc præceptum habetur in Euangelio: Omnis qui me confessus fuerit

Matth. 10.

fuerit coram hominibus, confitebor & ego eum corā  
 Patre meo, qui in cælis est: Qui autem negauerit me  
 coram hominibus, negabo & ego eum coram Patre  
 meo. Hic diutius immorari, ad eum pertinet, qui de  
 conscientię officijs disputat. Nostrium est illud obserua  
 re, vt sancti quique præsertim Martyres cum res postu  
 lauit, huic Domini præcepto prompto pleneque parue  
 runt, sic multi ex illis perfectionis consilia secuti, se  
 se Tyrannis extra necessitatis, occasiones prodiderunt,  
 consideratè tamen, sine ulla temeritatis nota, & ut pro  
 bavit euentus, Domino vires suppeditante, & ad faci  
 nus præclarum incitante: & cum fuga, muneribus, of  
 ficijs, armis, salutis suæ faciliè & sine ullius scandali sce  
 le ac suspitione consulere, seque è uitæ discrimine nul  
 lo negotio eripere possent, maluerunt tamen perfectio  
 nis & Christi amore, vinciri se, torqueri, cruciari, ac si li  
 cuisset, mille mortes oppetere; omnia denique dam  
 na corporis ferre silentio, quàm vel minimum verbum  
 defensionis causa interponere; quod fecisse Thebæorū  
 copiosissimam legionem Maximiani & Diocletiani im  
 perio in finibus Sedunorum Duce Mauritio, indicauit  
 S. Eucherius, & expressit Gerson. Idque à nobis de a  
 lijs propè innumerabilibus Martyribus affirmari po  
 test, qui exemplo Christi obmutescerent coram tondē  
 tibus & sectoribus, sicut oues ad occisionem duci uo  
 luerunt, præter quàm, quod cum aduerteret, silentium  
 ipsum martyrio impedimento esse, tunc enim non so  
 lum iussi non tacebant, sed Diuini amoris ardore, &  
 martyrij desiderio inflammati, libertate dicendi acerbis  
 etiam reprehensionibus adhibitis, aduersarios ad sui

Hom. de  
 SS. The  
 bæis.

In Ep. ad  
 quandam  
 Cartusia  
 num.



perniciem concitabant, Sed de M artyrio suo loco dicemus. De fidei confessione h ec nunc sufficiant.

Altera actio externa fidei est, tradere fid  alijs. H ec non tam videtur propria fidei actio, qu am aliarum Virtutum, vt Iustiti , in ijs, qui curam habent animarum; aut Charitatis, in ijs qui id spont  faciunt. At (ut dixi sup ) hic res non tam Theologic , qu am apposit  ad usum explicantur: & certum est, explicationem fidei cum tractatione de fide sine iniuria cuiusque posse c iungi. Nec ab re nostra est, quod vir ille doctissimus de omnibus Virtutibus moralibus dixit, id nos Virtutibus Theologicis accommodare. In omni Virtute inquit, inest cura qu dam quasi foras spectans, aliosque appetens atque complectens. Quod deinceps etiam cum de alijs Virtutibus agetur, pr estabitur   nobis, & ne quis miretur, monemus hoc loco. Fides ergo foras etiam spectat, nempe, lux est, vim suam long  lateque diffundens. Et S. Thomas auctor est, donum scienti  quod inter gratis data ponitur ab Apostolo, esse circa credenda, per quod homo non solum sciat quid credi debeat, sed etiam scit fidem manifestare, & alios ad credendum inducere, & contradictores convincere. Et quanquam non omnes fideles fide Christi imbuti, ad alios instituendos sint idonei; multi tamen sunt, qui id possunt, & ver  etiam uolunt, & si nolint, inducendi s nt vt uelint. Sunt hor  duo genera; Aliqui enim huic muneri operam dare debent ex officij sui & uocationis legibus, ut Pastores, & Religiosi, qui saluti aliorum vacant. His dicitur, ut possit exhortari in doctrina sana, & eos qui contradicunt arguere. Alij sunt, qui ad

Ciceroli.  
3. de finib.

2. 2. q. 9.  
art. 1.  
1  Cor. 12.

Ad Tit. 1.

id

id propriè non sunt vocati, idonei tñ sunt quippe, quibus fides maior inſit quàm in idiotis & vulgaribus quibusq; hominibus; ſiquidẽ quibuſdã adauget fidẽ Deus, quales illi erãt quos laudat Apoſtolus ſupercreſcentis fidei; certè vt ampliore illà luce non ſeipſos ſolum, ſed alios etiam erudiant; nriſq; dicitur illud: Parati ſemper ſatisfactionem reddere omni poſcenti vos de ea, quæ in vobis eſt fide. Quamquam uerò fidei doctrina concionibus traditur populo; hic tamen de concione nobis ſermo non eſt, ſed de alia humiliore institutionis ratione, qua fide imbiuntur rudes & pueri, non tam domi, quod fieri etiam debet à parëtibus & maioribus, quàm foris, uel in plateis, compitis, & agris, vel in Eccleſia, tunc cum in uſum deducitur illud planè Euangelicum dictum, pauperes Euangelizantur. Concione vberiora ac ſolidiora cibaria præbentur auditoribus, vixq; in ea de elementis ſermonis Dei fieri poteſt mentio; hac verò plebeia institutione ipſa rudimenta tractãtur, & pueris ac rudibus ab Inſtitutore quaſi à nutrice cibus durior ſi quis eſt, molitur prius, & extenuatur; ſicq; manſus in ora eorum inſertur, quod Apoſtolo lac eſt. Et propterea hæc ipſa Inſtitutio à S. Cyrillo paruulorum in Chriſto lactea introductio nominatur.

2. Cor. 10.  
2. Theſ. 1.

1. Petri 1.

Matth. 11.

1. Cor. 3.

Præfat. in  
Cateche-  
ſes.

Porro humilioris huius Institutionis duo ſunt genera. Vñum eſt altè petito principio inchoare à primi parentis lapſu, totiuſq; humani generis inde conſecuta calamitate, & exilio. Deinde cõtinuata ſerie Veteris Teſtamẽti, explicare qua ratione Deus quamuis hominum ſcelera ſeuereſſimis ſupplicijs iuſtiſſimè vindicaret; cum iratus eſſet, miſericordiæ tamen recordatus,

Q ſignificare

Rom. 1.

Libro de  
Catechi-  
zandis ru-  
dibus.

Hist. de  
Barlaam,  
& Iosaph.  
c. 7. 8. 9.  
& 19.

significare initio cœperit, se nostris malis remedium al-  
laturum; ac sæpius eadem repetita pollicitatione per Pa-  
tres, & Prophetas, tandem ubi venit plenitudo tempo-  
ris, miserit filium suum qui factus est ei ex semine Da-  
uid secundum carnem; Verbum inquam Diuinum car-  
nem factum, redemptorem humani generis, propitia-  
torem pro peccatis nostris, qui hominem ab exilio in  
cælestem patriam per crucis lignum & mortem suis hu-  
meris reportaret, sicq; Euāgelizare auditoribus Iesum,  
hoc est eius ortum ex Virgine, Vitam, prædicationem,  
miracula, instituta, leges, consilia, passionem, mortem,  
resurrectionem reliquumq; eius triumphum. Descende-  
re ad declaranda Ecclesiæ primordia, propagationem  
per Apostolos, & alios, obita pro Christo certamina, re-  
portatas victorias, ingressum hominis in Ecclesiam, &  
in adoptionem filiorum Dei per Baptismum, per reli-  
qua Sacramenta progressum; ac demum; doctrinam fi-  
dei ad salutem necessariam, vniuersamq; Christianā di-  
sciplinam, clarè, & explicatè tradere. Hanc sequebantur  
antiqui, Patres in catechizandis hominibus, qui adulti ad  
fidem accederent. Sic scribit S. Augustinus, qui huius  
ipsius institutionis præclarum padigma proponit. Idem  
factitasse Barlaam in pulcherrimo illo catechismo quo  
Iosaphat regium adolescentem Christiana doctrina in-  
format, auctor est S. Damascenus. Hoc ipsum cum  
eiusdem generis hominibus par est etiam hoc tempo-  
re fieri, & re ipsa fit in utraq; India & Iaponia à nostris  
Catechistis.

Secundum catechizandi genus est simplicius, & bre-  
uius, plenum tamen & dilucidum ad rudiorum homi-  
num



num ac puerorum captum accommodatum. Hoc qui vtuntur, Doctrinæ Christianæ capita ordine & magna breuitate comprehensa, Catechismi libello ediscenda suis auditoribus primum dant; post, dum eadem memoriter recitant, humaniter attendunt, eos post inter se committunt, ac mutuis interrogationibus & responsionibus concertantes, excitant, laudant diligētes, præmiis donant, & quod caput est, singula ita particulatim declarant & sensim, itaq; mansa in aures ingerunt, vt capiunt semper aliquid, retineantq; auditores etiam maxime hebetes ac rudes, semperq; seipsis minus ignari domum abeant. Hæc actio nobilissima est, quamuis specie vilis. Id nunc breuiter explico.

*De Nobilitate Actionis tradendi Christianam doctrinam, & de difficultatibus incidentibus superandis. Cap. XIII.*

**D**Octrinam Christi tradere populo non est superiore loco concionatorum more, sed familiariter, & ad magnam vtilitatem auditum, ad speciem nullam Doctoris, opus Ioan. 6. sine dubio Dei est; tum, quia hoc est opus Dei ut in illū credatis, vt ait Dominus; ad fidei autem intelligentiā & fructum pertinet hæc institutio; tum, quoniam actio est magnæ humilitatis illius qui Christi amore ad eam se demittit, & multæ charitatis erga proximum, cui ad salutem necessaria est fides in Deum & Dominum nostrum explicata; nec plerunq; aliam huiusce explicationis occasionem vllam habere solet. Atq; ut nihil dica-

Lib. 4.  
Reg. 2.

Psal. 2.

Prou. 1.

1. Cor. 3.

1. Thef. 1.

mus de Prophetis, qui palam & ubiq; ad Deum eiusque mandata cognoscenda homines inuitabant, quiq; scholas etiam institutionis suæ aperuerunt multas illis, quos in Sacris historijs Helisæi præsertim & Helietem pboribus legimus appellari filios Prophetarum, Christus ipse ad quid se dicit constitutum à patre super Sion montem sanctum eius, nisi ad prædicandum præceptum eius, & disciplinam? cuius sunt illa verba: Vsq; quo paruuli diligitis infantiam, & stulti ea quæ sibi sunt noxia cupient, & imprudentes odibunt scientiam, nisi illius sapientiæ Diuinæ, quæ carnem induta, foris prædicat, in plateis dat uocem suam, in capite turbarum clamat. Et quis accuratius plebeculam, ac idiotas quosq; conuocauit, erudiuit ubiq; locorum, in templo, in plateis, in porticibus, in vicis, in priuatis domibus, in montibus, in agris, & planis, in littore maris, in nauiculis? quis sæpius ac frequentius, quis maiore demissione, charitate, patientia, ita aut aliquando comprimeretur à turbis, quam Christus Dominus factus homo? & is pauperes quam charos habuit? paruulos an poterat maiore comitate & gratia excipere? Tanti magistri secuti sunt uestigia Apostoli, quorum vnus, (hoc itidem reliqui) Lac inquit potum dedi vobis, non escam, nõdum enim poteratis. Omnia omnibus factus sum; tanquam si nutrix foueat filios suos, sine dubio docendo. Concionari Episcopo potum est, & quidem proprium & præcipuum munus: at simul cathechizare, teste S. Augitino & S. Cyrillo Alexandrino, quorum etiam alter librum disciplinæ huius à se diligentissime conscriptum inscribit de cathechizandis rudibus; alter Institutionem paruulorum edidit.

dit. Catecheses extemporaneas appellat suos libros S. Cyrillus Hierosolymitanus, in quibus explicandis sedulo uersabatur. Et extant multorum Patrum Græcorum & Latinorum explicationes apertæ, simplices, nullo ornatu, magna facilitate, nimirum, ut agnoscas esse rudium & idiotarum catecheses. Hoc ipsum præstabant olim presbyteri & Diaconi, ut S. Agustinus idem affirmat. Nec ab eo subtraxissent se duo Ecclesiæ lumina S. Hieronymus, & S. Gregorius Papa, S. Hieronymus sic scribit ad Lætam de seipso. Ipse, si Paulam miseris, & magistrum me, & nutritium spondeo, gestabo humeris, balbutientia senex uerba formabo, multo gloriosior mundi Philosopho, qui non Regem Macedonum, Babylonio perituro veneno, sed ancillam & sponsam Christi erudiam, regnis cælestibus offerendâ.

Epist. 7.

De Sancto autem Papa Gregorio narrat Ioannes Diaconus; Scholam cantorum constituit, quæ hæcenus eisdem institutionibus in sancta Romana Ecclesia modularatur, eiq; cum nonnullis prædijs duo habitacula scilicet alterum sub gradibus Basilicæ Beati Petri Apostoli, alterum verò sub Lateranensis Patriarchij domibus fabricauit: ubi usq; hodie lectus eius, in quo recubans modulabatur, & flagellum ipsius, quo pueris minabatur, ueneratione cum authentico Antiphonario reueruatur.

Lib. 2. Vita. S. Gregorij c. 6

Hæc ille. Qui & post dixit: eundem omnis ætatis, sexus & cõditionis cohortibus, quæ post illud uoluntariè ad stationes confluebant, tanquam ducem militiæ cælestis arma spiritualia Verbi Diuini suggerere solitum; quod extra concionem interdum fieri oportuit, propter angustias Ecclesiarum, in quibus stationes habebantur. Idem

Cap. 9

præsti-



præstitum esse ab alijs posterioribus temporibus, & qui dem grauissimis viris, qualis fuit Gerson Cancellarius, multi etiam nostri temporis Episcopi, nobiles viri, & matronæ, superfluum est hic commemorare. Religio nostra professione sollempni dedicat se, suosq; huic muneri; nulla ferè iam est in Italia Vrbs celebris, in quam Episcopi hanc disciplinam non induxerint; quod etiam in oppidis & vicis plerisque quibus paulo diligentiores Parochi præsumt, fructuosissimè fieri cernimus.

Prima difficultas.

Sed incidūt interdum difficultates, quæ vsum Actionis huius impediunt, ac fructum minuunt; quas vt superet catechista magnoperè illi inuigilandum. Auditores enim nonnunquam partem aliquam Doctrinæ huius ediscunt, alias negligunt, nec pergunt, vt ceperant. Hi cogendi ab Episcopis, à parentibus, alliciendi precibus, hortationibus, monendi in primis vt intelligant, se, si non absoluant, penè inchoasse frustra, & Doctrinæ Christianæ partes ita connexas esse & colligatas, ut minimè ab sese distrahi possint. Aedificium quoddam esse intelligas Catechesim, inquit S. Cyrillus, ac nisi ordine vinculis cōstringamus structuram, ne quid laxum & hians reperiat, debile fiet ædificium: sed est operæ pretium, lapidi lapidem apponi, & angulum angulo cōiungi, atq; superfluis abscissis, perfectas ædes efficere. Ad eundem modum adferimus tibi tanquam lapides cognitionis, audire oportet de Deo viuentē, audire opus est de Christo, audire necesse est de resurrectione, & alia multa ex ordine dicēda; si uel vnum ex his non perceperis, etiam si primorum & secundorum memineris, ædificator quidem benè edificat, tu verò debile ac flu-

Catech. præfatione.

xum

xnm habebis ædificium. Hæcille.

Sed pergit auditor, at non afficitur; Omnia tunc inquit S. Augustinus, sermone tentanda sunt, quæ ad eū excitandum, & tanquam de latebris eruendum possint valere: nam & timor nimius atque impediens declarationem iudicii eius, blanda exhortatione pellendus est, & insinuando fraternam societatem, uerecundia temperanda: & interrogatione quærendum, vtrum intelligat, & danda fiducia, ut si quid ei contradicendum uideatur, liberè proferat. Quærendum etiam de illo, utrū hæc aliquando iam audierit, & fortassis ea tanquam nota, & peruulgata non moucant, & agendum pro eius responsione, ut aut planius & enodatius loquamur, aut opinionem contrariam refellamus, aut ea, quæ illi nota sunt, non explicemus latius, sed breuiter complacemus.

Secunda  
Difficultas,  
De Carechizand.  
rud. c. 13.

Atqui nō afficitur, quia hebes est auditor. S. Augustinus. Quod si nimis tardus est, & ab omni tali suauitate absurdus & auersus, misericorditer sufferendus est, breuiterque decursis ceteris, ea que maximè necessaria sunt, de vnitæte Catholica, de tentationibus, de Christiana cōuersatione propter futurum iudicium terribiliter inculcanda sunt, magisque pro illo ad Deum, quàm illi de Deo multa dicenda.

Tertias  
Difficultas.

At est fatigatus audiendo. S. Augustinus: Renouare oportet eius animum, dicendo aliquid honesta hilaritate conditum, & aptum rei, quæ agitur, uel valde mirandum, & stupendum, uel etiam dolendum, atque plangendum, & magis de ipso, ut propria cura punctus cui gilet: quod tamen non offendat eius uerecundiam aspe-

Quarta  
Difficultas.

asperitate aliqua, sed potius familiaritate cōciliet. Hæc S. Augustinus. Et fortassis huiusmodi est illud quod S. Cyrillus adfert ad auditorem perinouendum: Perseueres ait, etiam si illo sermone Catecheses producatur; arma accipis contra aduersarias potestates, aduersus hæreticos, & Iudæos, & Samaritanos, & Ethnicos, multos habes hostes, multa tela accipe; cum multis hasta concurris, opus est ergo discere quò transigas.

Quinta  
Difficul-  
tas.

Ib. c. 10.

1. Cor. 5.

Sed maior illa difficultas, cum tædet laboris Doctorem, cum qui aliàs magna animi alacritate humilem hanc & charitatis plenam functionem suscipiebat, nūc lentior est, & frigidior, siue diuturnitate, & paruo ut ipse putat fructu, siue alia aliqua tétatione ab officio hoc Christianissimo fastidio & satietate abalienatus. & huic malo adfert remedium S. Augustinus. Cogitemus inquit, quid nobis prærogatum sit ab illo, qui demonstraui nobis exemplum, ut sequamur vestigia eius. Quantum enim differat articulata uox nostra ab intelligentiæ nostræ uiuacitate, longè differentior mortalitas carnis ab æqualitate Dei. Et tamen cum in eadem forma esset, semetipsum exinaniuit, formam serui accipiens, & c. usque ad mortem crucis. Quam ob causam, nisi quia factus est infirmis infirmus, ut infirmos lucrificaret? Audi eius imitatore alibi etiam dicentem: Siue mente excedimus, Deo, siue sobrij sumus, uobis; Caritas enim Christi compellit nos, iudicantes hoc, quia unus pro omnibus mortuus est. Quomodo enim paratus esset impendi pro animabus eorum, si eum pigeret inclinari ad aures eorum? Hinc ergo factus est paruulus in medio eorum, tanquam nutrix fouēs filios suos.

Num



Num enim delectat nisi amor inuitet, mutilata & decurtata verba immurmurare? & tamen optant homines habere infantes, quibus id exhibeant. Et suavius est matri, minuta mansa inspuere paruulo filio, quam ipsam mandere, ac deuorare grandiora. Non ergo recedat de pectore etiam cogitatio gallinæ illius, quæ languidulis plumis teneros fœtus operit, & susurrantes pullos contracta uoce aduocat, cuius blandas alas refugientes superbi, præda fiunt alitibus: Si enim intellectus delectat in penetratibus syncerissimis, hoc etiam intelligere delectet, quomodo charitas, quanto officiosius descendit in infima, tanto robustius recurrit in intima per bonam conscientiam, nihil quærendo ab eis, ad quos descendit, præter eorum sempiternam salutem. Hæc S. Augustinus.

Deniq; res Christo est magnis precibus commendanda ipsius enim est & cogere plebem, puerosque ad audiendum, & sustentare Doctores, fastidioq; utrosq; leuare. Extat dulcissimus Hymnus Clementis Alexandri ni, qui huius exercitationis sicut & magister eius Origenes, & alij eiusdem Gymnasij alumni, principes fuerunt in Ægypti Ecclesijs; cuius est hoc initium.

*Frenum pullorum indocilium,*

*Penna volucrum non errantium,*

*Verus clauus infantium,*

*Pastor agnorum regalium,*

*Tuos simplices*

*Pueros congrega*

*Ad sancte laudandum,*

R

*Syncere*

*Sincerè canendum,**Ore innoxio**Christum puerorum Ducem.*

Ex quibus verbis intelligitur etiam, hunc doctissimum virum ( quod & de Gersonè dicitur ) ita sese pueris insinuassee, ac miscuisse docendo, ac si vnus ex illis esset. Id quod S. Augustinus etiam persuadet, scribit enim: Si vsitata & paruulis congruentia sæpè repetere fastidimus, congruamus eis per fraternum, paternum, maternumq; amorem, & copulatis cordi eorum, etiam nobis noua videbuntur; tantum enim valet animi compatientis affectus, vt cum illi afficiuntur nobis loquentibus, & nos illis discentibus, habitemus in inuicem; atque ita & illi quæ audiunt, quasi loquantur in nobis, & nos in illis discamus quodammodo quæ docemus. Hæc & plura multo sanctus Pater.

*Occasiones exercende fidei. Cap. XV.*

Occasiones fidei actionum exercendarum variæ sunt, & multiplices; aliæ faciles, aliæ difficiles, aliæ necessariae, aliæ propè necessariae, deniq; aliæ internæ, aliæ externæ. Ex singulis quomodo exercitationis huius fructus percipi possit, breuiter ostendo. Faciles appello occasiones, quas non opus sit diu expectare, aut etiam captare labore & industria, quod præsentès iam sint, modo agnoscantur. Id exemplis ostendo. Actio fidei præcipua est, ut S. Augustinus tradit, & nos explicauimus in tertio fructu primi fidei beneficii, subiugare animam Deo. Hanc Christianus quisque, certè quisque paulo melior obit

obit ſepiſſimè, modo in id animum vel parum deſig-  
 ret; ne impè, quoties in mentem venit Deus fide cog-  
 nitus, quem ut Chriſtianus colit, quoties eius ſcueritas,  
 miſericordia, minæ, beneficia, exempla ſcripta, audita,  
 quoties pungitur conſcientia peccatorum recordatio-  
 ne, quoties timore Mortis, Iudicij, Inferni, Dei ipſius, ſe  
 à peccato retrahi ſentit; quoties cogitat de aliquo Chri-  
 ſtianæ religionis officio peracto aut peragendo, cum  
 recurrit in animum ſe Chriſtianum eſſe, & in ſanctiſſi-  
 mæ Trinitatis nomine baptizatum, ac tali nomine in  
 Baptiſmo donatum, cum religioſè genuſcēdit, cum piè  
 tollit in cælum oculos, cum admouet manus pectori,  
 cum ſignum ſibi crucis imprimit, cum Deum inuocat,  
 quod ſexcenties facit, cum veneratur imagines Dei, &  
 Chriſti Domini, cum Deum Dominum vocat, cum  
 Symbolum recitat, cum ſe, aut alios vt Chriſtianos ap-  
 pellat, cum per Deum, Chriſtum, Euangelium, Baptiſ-  
 mum, Euchariftiam, Cōſcientiam, Animam ſuam, Vir-  
 ginem Deiparam, Sanctos Angelos, Beatas animas, ſa-  
 cram profeſſionem, & ordinem aliquid adfirmat, ne-  
 gat, iurat. Audeo dicere, impios etiam Chriſtianos ho-  
 mines cum cruciantur & exeduntur conſcientia ſcele-  
 rum, id habere maximè à fide, cum itidem blaſphemāt,  
 in fide eſſe, fideq; eos abuti peſſimè; nec enim quia cre-  
 dunt nefarij ſunt ac blaſphemi, ſed quia quem credunt  
 omnia poſſe, ad eorum libidinem facere nolle, quæ poſ-  
 ſet, ſeſe ipſi non poſſunt. Vt vel hinc intelligamus,  
 quàm verum ſit quod S. Petrus dixit, fidei lucernam in  
 caliginoſo etiam loco lucere. Lucere inquam pijs ad  
 meritum, impijs ad ſubſidium. Et quam non difficile



fit, fidei actum efficere. modo uelimus, cum facimus, facere, hoc est credere Deo, qui uera dicit, & quia dicit, credere, ad idq; studio assuescere.

Aliud exemplum profero facilitatis eiusdem ex Sacramentorum Ecclesiæ usu; Et ne percurram omnia, In Io.c.3. consideretur Baptismus, de quo sic scribit Beda: Spiritualis generatio tota inuisibiliter agitur, nam videtur quidem qui baptizatur in fontem descendere, videtur aquis intingi, videtur de aquis ascendere; quid autem in illo lauacrum regenerationis egerit, minime potest videri; sola autem fidelium pietas nouit, quia peccator in fontem descendit, sed purificatus ascendit, sola hoc Ecclesia Mater, quæ generat, nouit; ceterum oculis insipientium videtur talis exire de fonte, qualis intrauit, totumq; ludus esse quod agitur. Hæc Beda. Ergo cum Baptismo conficiendo assistimus, aut honoris causa, aut quod susceptoris & administri muneribus fungimur, quid facimus? aliquid aliud certè quàm spectare quod corporis oculis videndum obijcitur, nec hoc minus Ethnicus faceret, nempe, fide intelligimus mysterium spiritualis regenerationis, Christi sanguinis merita, similitudinem mortis eius, sepulture, resurrectionis, peccatorum remissionem, gratiæ Dei, virtutum, ac donorum eius in animam aduentum, adoptionem filiorum Dei; fidei. ergo Actio est illa functio vniuersa; quàm bone Deus, quàm multi, quàm sæpè exercent, & quàm pauci cogitant? quod tamè ut actio fidei plena sit, opus esset.

In huiusmodi igitur actionibus vel ad punctum temporis ad id animus intendatur, & intelligetur quàm faciles se præbeant occasiones multæ, actionem fidei sua  
forma

forma colorandi, & conformandi, credendo nimirum, at non solum, sed simul, quia Deus huius veritatis locupletissimus est auctor. Addo ad hæc, talem fidei Actionem maximè decere ministros & susceptores Baptismi paruulorum, quod hi actu fidei careant, & in Ecclesia parentumq; fide baptizentur; Ecclesiam referunt ministri, parètum vice ad sunt susceptores; sicq; mater Ecclesia suam infantibus ( ut S. Bernardus ait ) fidem impertit. At quàm indignum est, in ea functione fidem dormire, cuius ipsa dux est, & quasi pro præde sponsione facit? quid simile dici potest de Actionibus fidei neglectis in sacrificio Missæ & Eucharistiæ vsu, quæ tamè vt nemo ignorat, maxima sunt fidei nostræ Sacramenta, & illæ hac occasione nullo negotio obiri possunt.

Ser. 66.  
super Cā-  
tica.

Aliæ sunt occasiones difficiliores, quod non sint in promptu, egeant tq; mentis aliqua commentatione, & hæc sunt ex quibus capiuntur. Ante alia pleraq; omnia, quæ Sacris literis continentur, siue sint historiæ, siue Dei laudes, siue vaticinia, siue viuendi præcepta, siue deniq; dogmata fidei, historiæ præsertim, cum vel memorantur, vel audiuntur, vel leguntur, sunt vt materia; sic fidei occasio ijs, qui nullo non sunt ingenio, & in spiritu progrediuntur. Ad hunc modum S. Augustinus suos instituebat auditores, vt ex popularibus concionibus illius perspicuum est; Exempli gratia, ne contemnerent pauperes & calamitosos homines, quod ij plerunque infelicitè decedant; præ diuitibus ac nobilibus; quorum interdum fortunata mors, & pompa funeris celebris esse solet; Adducit ex Euangelio historiam Epulonis & Iazari; ponit illis ante oculos vtrunq; diuitem illum

Serm. 24.  
de Verbis  
Domini.

Lucæ 16.

illū purpura & bisso indutū, & quotidianis epulis saginatu, pauperē verò humi iacentem ante ianuā diuitis, esurientem, & de mensa eius micās requirentem, vlceribus plenum, à canibus linctum: contigit mori pauperem hunc, & auferri ab Angelis in sinum Abrahæ: Mortuus est autem & diues, & sepultus est in inferno. De duobus dicite mihi quis est benè mortuus, & quis malè mortuus? Nolite oculos interrogare, ad cor redite, si oculos interrogatis, optimè mortuus est diues, si magistrum vestrum interiorem requiritis, pessimè mortuus est; è contra, attendite illum pauperem, sed nolite oculis, nam errabitis. Fides attendat, cor videat, constituite illum ante oculos vestros iacentem in terra, vlcerosum, cum talem illum reuocatis ante oculos vestros, continuò expuitis, faciem auertitis; cordis oculis videte. Mortuus est, & oblatuſ est ab Angelis in sinum Abrahæ. Cōcludit. Attendite pauperes, facite bona opera. Quod facitis, quantum bonum sit, nondum videtis, quia & rusticanus quando seminat, segetem non videt, sed terræ credit. Tu Deo quare non credis? Hæc ibi.

Ad hanc normam alia paradigmata construi & fingi possunt: quorum materia sint non solum res Sacris libris contentæ, sed humana omnia quæ in actionem & consuetudinem hominum cadunt, & ab hominibus magni æstimantur; qualia sunt illa tria, ex quibus quasi  
 1. Ioan. 3. elementis conflatum esse mundum humanum S. Ioannes asserit; Honores, Diuitiæ, Voluptates; circa quæ fides dupliciter versari solet; vel adhibitis similitudinibus & parabolis, quod sæpè faciebat Dominus, vt cum quas diuitias & voluptates humano scilicet sensu existi-  
 manus,



mamus, fides Christo Domino auctore, appellare iubet  
vepres & spinas; quæ nos lucra, & honorabilia, fides a-  
pud Apostolum existimat detrimēta & stercora: Huius  
generis parabolas multas egregiè scribit S. Damascē-  
nus in Historia Barlaam. Vel simpliciter & absq; tro-  
pis humanorum bonorum naturam ac vires uti fidē  
concipienda sunt, hoc est uti re vera sunt, non uti vi-  
dentur, explicando, ut diuitiæ hic nullæ, nulli hono-  
res, nulla voluptas, omnia hic vanitas, nihil soli-  
dum, diuturnum nihil; homo ipse animalium cetero-  
rum Rex, terræ Dominus, in imagine pertransit, eius  
consilia incerta, conatus irriti, labores inutiles, inania  
studia; quæ quidem ex parte à Philosophis etiam dicun-  
tur, sed sine fide, splendidè magis, quàm solidè; & mirū  
est, quantum momentum sit ad omnem rerum huma-  
narum despicientiam hæc ipsa non ratione solum, sed  
fide Diuina comprehensa serio meditari. Philosophia  
vnum aut alterum ad relinquēdas diuitias adduxit, ad  
nuncium mundo remittendum nullum. Fides, Euange-  
lica præsertim, infinitos, omnis ætatis, sexus, generis, cō-  
ditionis; idemque quotidie fieri oculis ipsis cernimus.  
Quare Solitudines, Eremitæ, Cænobia, Collegia Religio-  
rum, Virginū Monasteria, sunt quidem fidei soboles,  
sed simul Actionum fidei stimuli & incitamenta; Id at-  
tingit libro de moribus Ecclesiæ S. Augustinus. Mate-  
ria similiter huius generis est hominis status, animæ im-  
mortalitas, ad quam stabiliendam Philosophia sine fi-  
de imbecillis; Deus supernaturalis hominis finis, quod  
nec somniauit Philosophia, beatitudo ultima, vltimum  
supplicium, de quibus nihil Philosophia, nisi poéticas  
nugas.

nugas. Hęc cum memoramus, animam scilicet non mori, Deum finem esse nostrum, non habere nos hic manentem Ciuitatem, in cęlis esse felicitatem ac beatam vitam, quam nec oculus vidit, nec auris audiui, t quid aliud velimus, nolimus, quàm fidem exercemus? Pariter cum testamenta condimus, legamus aliqua ad pias causas, cum de sepulchro statuimus, funeris & exequiarum sumptus prefinimus, paramus cum nos ad mortem, cum pro mortuis oramus, aut penas vltro luimus, quid aliud versamus animo, quàm res ita cum fide complicatas, vix vt eas sine aliqua fidei actione expedire possimus?

Ad easdem hasce occasiones pertinet vniuersę Christi Domini Vitę ac passionis meditatio; in hac enim fides faciem præfert. Vnico ex S. Augustino exemplo res erit perspectior, est autem de pulchritudine spōsi Christi in passione. Sic ait: Sponsus est ille, quo nihil pulchrius, qui quasi fœdus apparuit inter manus persequētium; de quo Esaias; Et vidimus eum, & non habebat speciem, neque decorem; Ergo sponsus noster fœdus est? absit. Quomodo enim illum Virgines amarent, quę in terra maritos non quęsierunt? Ergo persequentibus fœdus apparuit, & nisi eum fœdum putarent, non insilirent, non flagellis cederent, non spinis coronarent, non sputis inhonestarent; sed quia fœdus illis apparebat, fecerunt illi ista. At cur? nō .n. habebāt oculos, vnde Christus pulcher videretur. Qualibus oculis Christus pulcher apparuit? Quales oculos querebat ipse Christus quando dicebat Philippo: Tanto tempore vobiscum sum, & non me vidistis? isti oculi mundandi sunt,

In Ps. 127.

Isa. 59.

Io. 14.

sunt, ut possint videre illam lucem: & leuiter tamen per  
 stricti splendore, accenduntur amore, ut sanari velint,  
 & fiant illuminati: nā vt noueritis, quia pulcher est Chri-  
 stus qui amatur, audite Prophetam: Speciosus forma Psal. 44.  
 præ filiis hominum; Omnes homines superat illius pul-  
 chritudo. Quam rem amamus in Christo? membra cru-  
 cifixæ, latus perforatum, an charitatem? quando audi-  
 mus quia passus est pro nobis, quid amamus? charitas  
 amator. In alium item Psalmum adducit primum idē In Ps. 44.  
 Paternitulum. In Intellectu canticum pro Dilecto. &  
 ait: Nam Dilectus ille visus est à persecutoribus suis, sed  
 non in intellectu, si enim cognouissent, nunquam Do-  
 minum gloriæ crucifixissent. Ad hunc intellectum  
 oculos alios quærebat ipse, cum diceret: Qui me vi- Io. 14.  
 det, videt & Patrē. Hæc S. Augustinus. Idē dicendum à  
 nobis de alijs Christi Domini personæ mysterijs; hæc  
 enim omnia si transfigurationem vnam excipias, (nec  
 hic loquimur de miraculis aut prædicatione) quam spe-  
 ciem exhibent oculis corporis? nullam plane: At oculis  
 fidei optatissimam, iucundissimam, maximam. Fide hu-  
 militatem Christi nascentis in stabulo, eiusq; præsepis  
 incunabula exosculamur, admiramur subiectionem &  
 obscuritatem annorum triginta, suspicimus paupertate-  
 tem, & mendicitatem, eius itineribus, laboribus, vigi-  
 lijs, sudoribus, ieiunijs, doctrina. miraculis obstupesci-  
 mus, ingemiscimus commemoratione molestiæ, dolo-  
 rum, cruciatuum, tormentorum, & mortis eius; ipsam  
 Crucis Christi ignominiam & probrum optamus, am-  
 plectimur, & cum sanctissimis quibusq; Christi discipu-  
 lis thesauris Ægyptiorum & mundi totius bonis potio



*Ibidem.* ra existimamus Christi impropria. Quare fides est, quæ nos in Christi cellaria introducit, illa præsertim, quam informat Charitas; ob id enim ait S. Augustinus, quod si hi fidei oculi tanto Christi splendore perstringuntur, accenduntur amore, ut sanari velint, & fiant illuminati. Et hæc de fidei occasionibus paulò difficilibus; quamquam & hæc exercitatis faciles.

*Lucæ. 10.* Necessariæ occasiones sunt, quas præbent illa in quibus ad perfectam Euangelij normam uix uersari potest quis, quin fidem exerceat. Huius generis est obedientia Euangelica; de qua Dominus: Qui uos audit, me audit. Ad hanc regulam obedire nemo potest homini, quin in homine Deum contèpletur. Hæc contemplatio à fide est. Eleemolyna similiter ex Christi præscripto ita fieri debet pauperi, ac si Christo fieret. Quod .n. vni ex minimis meis inquit, fecistis, mihi fecistis. Opera misericordiae Christianorum propria Christo ipsi consecrantur, oportet, ut ab eo recognoscantur in iudicij extremo die. Hospes eram & collegistis me. Adeo, ut ob hanc causam liberè Patres sic hortentur: Ad mensas uestras Christum suscipite; Præbete modo peregrino Christo hospitium; & quid mirum, cum ipsemet Christus cuidam dixerit; Ceteris diebus me in membris meis, hæsterno autem die me in memetipso suscepisti: Et S. Martino: Martinus adhuc Catechumenus hac me veste contextit. Hæc omnia igitur fides dirigit. Qui Sacramenta Baptismi præsertim & Pœnitentiæ suscipit ad ea fide inducitur; ea dum administrantur, nos submisit ac religiosè gerimus, quia fide intelligimus Deum præsentem nobis nostra scelera condonantem. Plures simul  
spi-

spiritualem amicitiam iungimus iunctis animis corporibusq; , quod fides tradat: Vbi sunt duo vel tres congregati in nomine meo, ibi sum in medio eorum. Calamitatibus afflicti, suspiramus ad Deum, quia scriptum est: Cum ipso sum in tribulatione. Necessariæ occasiones fidei sunt etiam illæ, quas habemus cum vel Diuina lege, vel conscientia ipsa stimulante, ad actum fidei edē dum impellimur. Christianorum hominum filij qui Baptizantur infantes, habitum fidei Diuinitus accipiunt, actum nec exercent, nec exercere possunt, quod usurationis destituantur; hunc igitur cum attingunt, si non statim, suo certē tempore fidei actione Deum intueri, ad eumq; vt finem & bonum suum se conuertere, recte rationi ac Diuinæ Legi maximē consentaneum esse Theologi docent. Et S. Gregorius hoc etiam Christianorum genus, cum dixisset simile esse buxo propter ætatem humile, & viriditate fidei solum, non fructu vestitum, infirmitate eiusdem ætatis impeditum, addit: sicut & reliquos Christianismi ordines à Deo iuberi verbis Isaïæ, ut videat, & sciat, & recogitet, & intelligat pariter. Id docti omnes profitentur in scholis, sed pauci publicē populo tradunt; Officium in primis Parentum est, Magistrorum, & Confessariorum ad quos confessionis gratia puerulos adducere saltem hanc ob utilitatem, seu potius necessitatem consultiſſimum est. Occasio itidē necessaria est cū fides publicē profitenda est ex formula Concilij Tridentini certis temporibus, locis, hominibus. Cum enim ea professio iureiurādo, & Deo teste cōfirmetur, nemo non uidet ad eā actionem integrē san-  
 Quæq; obeundam, non sufficere externam illam cetero-

Matth. 18.

Psal. 90.

Hom. 2. in  
Euangel.

Isa. 41.

niam, sed requiri præterea interiorem fidem & religionem. Multò magis necessaria occasio censeretur fidei interioris eius confitendę necessitas, & uis exterior, cum ea à Tyrannis ut abnegetur fides, infertur; aut incidit casus aliquis ex his quos suprà D. Thoma auctore dictum est eiusmodi confessionem necessariò postulare.

Propè necessariae sunt illæ potissimum occasiones, quas adferunt nobis tentationes aut propinquæ, aut remotæ fidem si non abnegandi, conturbandi certè, & infirmandi. tum enim quibusdam placet, Lege Dei cogi nos ad actum fidei tentationi contrarium fortiter exercendum; quod nec ipse ausim negare: quoniam tamen potest etiam tentationis impetus & declinari & eludi alijs cuiusq; generis cogitationibus, idq; sufficiat ad fidem sanctam rectam conseruandam, appellentur in præsentia huiusmodi occasiones propè necessariae. Propinquæ huius generis occasiones sunt. quas plerumque Diabolus immittit in animum, ut quietam mētem si non deiciat, commoueat, perturbetq; ; quibus illico resistendum, & prompto ac uehementi in Deum ac Christum Dominum fidei actu uis ea repellenda, hoc est enim: Beatus qui tenuerit, ac alliserit paruulos suos ad petram. Quod si perseueret tentatio repetenda tandiu est contraria fides, quandiu illa debilitata frangatur. Idem præstandum, cum tentationis occasionem dant impij uel homines, uel libri; nisi quod hic præterea ab his tanquam ab animæ hostibus & pestibus proterius est recedendum; ne, ut cum Tertulliano loquamur fides Virgo nobis à Christo tradita, & rursus ab Apostolo Christo desponsa ab hereticis constupretur.

Psal. 136.

De præ-  
scriptioni-  
bus.

Et



Et quia nec locus postulat, nec institutum, ut hic plura de dignoscendis hæreticis, disseram & legi possunt hac de re egregiè apud alios scripta, id solum dixerim, illos Patribus hæreticos esse, qui doctrinis nouis in Ecclesiâ inuehendis student; Et dignum Tertulliano dictum illud est: Qui estis vos? Vnde aut quando venistis? & sensus S. Augustini præclarus: Tene me in Ecclesia Catholica ab ipsa Sede Petri Apostoli, cui pascendas oues suas Dominus commendauit, usq; ad præsentem Episcopum successio Sacerdotum. Et ille alius: Sponsa petit à sponso, ut dicat, ubi cubet, ubi pascat in meridie. Quid significat meridies? Magnum feruorem magnūque splendore; ergo notum fac mihi, qui sint sapientes tui, spiritu feruentes, doctrina fulgentes Remotæ autem huius generis occasiones fidei sunt, conuictus, & cum infidelibus cōsuetudo, vel in eadem domo, quod periculosum est, vel in eadem Ciuitate, non quidem in rebus fidei, sed in alijs; qua in occasione nulli dubium est, quin Christianus bonis in Christum Dominum fidei cogitationibus sese armare ac communire debeat; indeq; ad uerum Deum fide & religione colendum sese excitare. Sic monebat Iudeos in Babylonē abductos Propheta. Visa ait turba, dicite in cordibus uestris: Te oportet adorari Domine. Angelus enim meus uobiscum est: ipse autem exquiram animas uestras.

Libr. de præscript. contra hæreticos.

In Psalmo cōtra partē Donati, uersus medius. De Verbis Domini Ser. 50. Cant. 1.

Baruc. 6.

Occasiones internæ fidei multæ sunt & crebræ. Quid est aliud recognoscere animā hominis à Deo creari, corporiq; immitti, quam fide cōcipere Deum creatorem? Quid est hominem factum esse ad imaginem & similitudinem Dei, nisi confiteri in vnus animi triplici facultate

tate Deum vnum & trinum? Peccatum cur intelligitur esse id quod est, nēpe, res in seipsa scēdissima, inquinatissima, pessima; qua Deo nihil execratius, nihil iniuriosius, proximo inimicissimum, ac pestilentissimum documentum, peccatori ipsi effera uis ac tyrannis, immanitas barbara, extrema perniciēs, animæ perditor? nisi, quia id fides tradit: id clamat sanguis Christi adeo copiosè pro peccatorum humanorum expiatione profusus? Gratia Dei in animis iustis tamquam sol Angelorū oculis ac cælis ipsis emicans, tam multarum Virtutum & donorum Diuinorum ornatus quo ijdem admirabiliter collustrantur, quid sunt aliud, quàm Christianæ fidei opes ac thesauri? Eandem fidem animo non dormitanti obijciunt, ac inculcant tam multa magnaq; Diuina subsidia, quæ intro Deus in animos hominum subinde submittit: lumina nimirum, motiones cordis varix, sed opportuna, & appositæ. De quibus Apostolus:

1. Cor. 5. Siue mente excedimus, Deo, Charitas Christi urget  
 Rom. 8. nos. Qui spiritu Dei aguntur, hi sunt filij Dei. ipse spiritus postulat pro nobis gemitibus inenarrabilibus, per  
 2. Cor. 1. exhortationem qua exhortamur & ipsi à Deo, & similia multa. Huc spectant Daudica illa: Prouidebam Dominum in conspectu meo semper quoniam à dextris est mihi, ne commouear. Audiam, quid loquatur in me  
 Psal. 84. Dominus Deus. In me sunt Deus vota tua. Nec dubitandum est, quin Deus hoc ipsum si non semper, interdum saltem expectet ab homine, quem inuisit, & mouet, nimirum recognosci se ac coli, non solum gratiarum, sed fidei etiam religiosi actionibus. Et sanè Daud cum de excessu suo ac de Diuinis fauoribus loquens, se

ad agendas gratias comparat: Quid retribuam Domino, pro omnibus, quæ retribuit mihi? præmittit actionē fidei qua tāquam aditum sibi aperit ad reliqua: Credidi propter quod locutus sum. Immo auctor est S. Gregorius, sanctam mentem prius liquefactam sponsi præsentis amore, post eius absentis desiderio afflictam, prædicatorū verba, hoc est, fidei doctrinam in Scripturis Divinis suscipere, & eis quandiu à Christo exulat, eiusdē quem quærebat amore intendere. Et hoc est illud Apostoli: Per consolationem Scripturarum.

*Psalm. 115.  
Cap. 5. in  
Cantica.*

*Rom. 15.*

Restant pauca de Externis occasionibus fidei. Hæ accipiendę sunt à rebus, quæ extra nos sunt, & in sensus nostros cadunt; ab vnoqueque pro ingenij facultate, & exercitatione. Terra fidei actionum æquē (ut ita dixerim) seminarium est, ac herbarum, & stirpium; in eius centro carcer est reproborum, & æterni incendij inextinguibilis fornax. Prope est purgatorius ignis, quo expiantur iustorum hominum animæ ad tempus. Est & tertium receptaculum puerorum sine Baptismo decedentium. Eius superficies sedes est hominum in ea à Deo collocatorum, ut prædicaui in Areopago S. Paulus, ut quærant Deum si fortè attrectent eum, quia non longè est ab vnoquoque nostrum. At ex tanta mortalium multitudine quàm pauci eum agnoscunt? ex his qui agnoscunt, quàm pauci colunt, quàm pauci auscultant? horum plerosque cum præcipites in infernum rueret Dei filius intueretur, misericordia motus, humanam carnem induit, in terris visus est, & cū hominibus conuersatus est; ac in ea quam suscepit carne, quid non dixit, egit, tentavit, quid non pertulit ad usque mortem, & probrum

*Act. 17.*



probrum Crucis, ut hominem ad æternam salutem institueret, ut redimeret à seruitute Dæmonis & inferni, ut Ecclesiam, hoc est suam Rēpublicam ordinatissimā, sanctissimam, pulcherrimam constitueret, atque formaret: quam per Apostolos longè lateq; propagatam per vniuersum terrarū orbē disseminauit, hodieq; in Indijs vtrisque disseminat. Hæc ipsa Ecclesia Christi Domini instituta, & placita, Ecclesię Ritus, cæremonię, leges, officia, magistratus, iudicia, sacramenta, doctrina, doctrinā tradendi ratio, disciplina, quicquid deniq; boni in Ecclesia est, quicquid etiam mali in eam inuehunt mali homines, quicquid aduersus eam miscent, & moliuntur. Hæretici, Infideles, Turcæ, aliaq; innumera ac infinita huiusmodi exempla, quàm uaria, multiplex, ampla, copiosaq; materia sunt fidei, cum in hunc finem paulò attentius considerantur? Ridebant olim antiqui Philosophi nonnulli, cum in homines incurrebant, stomachabantur alij, & plorabant, sed uanè ac ridiculè prorsus, nihil minus intelligentes quàm cur riderent, plorarentue; Christianis simul ridenda ac deploranda hominum in Christum verè credentium malitiā ac amentia est; qui cum tam facilè bene viuendo vitam beatissimam per Christi gratiam assequi possint, malint malè viuendo laboriosèq; vitia sectando, tanta cum difficultate pessimè perire, gratisq; nec nisi ut suas voluntates expleant, supplicia mercari sempiterna; Hoc si volumus, assidue habemus ante oculos, ut si non aliud, nostram certè semisepultam fidem sulcitemus. Conuertantur etiam oculi ad pauperes istos pannosos, oblitos, circumforaneos, quorum in horas audimus gemitus, aspectibus occur-

occurrimus: hi quid magis clamant quàm fidem? homines vt stipem largiatur per Deum, per superos omnes, per singulos, per fortunam eorum, parentum etiam vita functorum, per Christi merita, per passionem, & crucem, & mortem, per amorem Dei in primis compellât, implorant, obtestantur; vt flectant homines, mouent totum cælum, & mysteria fidei omnia; & nos istis clamoribus indormimus ita, vt nec forte stipem demus illis, certè vix fidem exercemus nobis. Iam verò Basilicæ Christianæ Deo Diuisq; sacratæ, campanarum turres, erecta Crucis trophæa in fastigijs Ecclesiarum, in summis ædium sacrarum culminibus, in plateis, in collibus ac summis montibus, Simulachra, tabulæ, picturæ sacræ tam multæ ac variæ ubique locorum, an non sunt omnia nostræ fidei indicia testatissima? Audio Infidelem ad Christum conuerti; Hæreticum redire ad Ecclesiam; Gentes in remotissimas penetrare quotidie felicius Euangelium Christi; Cerno ipse Infideles, Hæreticos, Apostatas, Schismaticos, simulque intelligo, me non mihi dimissum, ne ruerem in errorem, gaudeo; gratias Deo ago, & si volo, ac cur nolim? fidem meam etiam excito. Benedic anima mea Dominum

Psal. 102.

Hebr. 5.

T refert

refert de quibusdam sine dubio Christianis, eos habere sensus exercitatos; hos qui habent, nullo negotio fidem è Cælis ipsis euocant: Cæli enim enarrant gloriam Dei, & opera manuum eius annunciat firmamentum. Ergo ad Cæli conspectum gloriam Dei, potestatemque eius prædicant. Vident Solem, aiunt statim: In Sole posuit tabernaculum suum. Lunam, stellasque, illud venit in mentem: Erunt signa in Sole, Luna, & Stellis. Stel-  
 lę cadent de Cælo: Virtutes cælorum commouebuntur. Intelligunt illud Apostoli: Non habemus hic Ciuitatem manentem, sed futuram inquirimus. Et, Conuersatio nostra in Cælis est, vnde & Saluatorem expectamus Dominum nostrum Iesum Christum. Spectant nubes, recolunt illud: Et Nubes lucida obumbravit. Et, Nubes suscepit eum ab oculis eorum: Quem & nubes nobis restituet: Videbitis filium hominis venientem in nube cum potestate magna, & maiestate. Aues vident per aëra volantes, occurrit illud: Quis dabit mihi pennas sicut columbæ, & volabo, & requiescam?  
 Vel certè illud: Volucres cæli Diaboli, principes tenebrarum harum, & mundi huius crassi ac tenebricosi Rectores. Et his similia multa. Ac de occasionibus Fidei dictum est satis.



*Indicia firmæ fidei, Actionumq; eius exempla  
nonnulla. Cap. XVI.*

**E**st hoc loco aduertendum, nos hic nō agere de fide, quam appellant, miraculorum; quamquam enim operatio Virtutum quæ ab Apostolo in numero gratiarum gratis datarum ponitur, sit effectrix miraculorum, quæ à Deo ac sanctis hominibus patrantur, solent tamen miracula in fidem etiam tamquam in causam referri. Si habuero inquit Apostolus, omnem fidem, ita ut montes transferam, &c. nimirum, quia ut S. Thomas scribit, ordinantur illa ad fidei confirmationem, & procedunt ex Dei omnipotentia, cui fides innititur. Deniq; vi fidei exprimuntur, & foras prodeunt; nihil tamē est, quam ob rē hic huius fidei exempla ponamus: tūm, quod & Sacræ literæ, & Historiæ Ecclesiasticæ omnes his plenissimæ sunt; tūm, quod ad Virtutis exercitationem quam vnā spē etamus, illius generis exempla non multum faciunt; tūm postremò, quia (ut obseruauit S. Chrysostomus) Christus Dominus, tāquam minimam fidei partem posuit montes transferre: comparauit enim grano sinapis, quod est minimum. Si habueritis fidem sicut granum sinapis, dicetis monti huic, transi, & transibit. Tractemus igitur de ea fide, de qua hactenus, & ad eius vsum quæramus exempla, designemus indicia.

Primū fidei perfectę indicium est simplicitas, & omnis disquisitionis ac curiositatis abdicatio. Hac Duce fide præstitit obedientiam Abraham pater omnium

1. Cor. 13.

2. 2. q. 178.  
art. 2. ad 5.Hom. 32.  
in 1. ad  
Corinth.

Matth. 17.

Primum  
Indiciū.

Rom. 4.  
Num. 20.

3. Reg. 13.

Matth. 2.

Hom. 8. in  
Matth.

Homil. in  
Psal. 115.  
Psal. 36.

credentium dictus ab Apostolo. Hac caruit Moyſes ad aquas contradictionis, grauitèr propterea caſtigatus à Deo; ſicut & ille Propheta Betel, qui auctor fuit alteri Prophete Diuinum præceptum interpretandi, potius quàm curadi. Non immoror in his, & multis alijs quæ in Scriptura paſſim occurrunt. Vnum illud præmittendum non eſt, quod Magi Chriſtum infantem venerati, reliquerunt nobis. Scribitur enim de his: Et reſponſo accepto in ſomnis, ne redirent ad Herodem. per aliam viam reuerſi ſunt in regionem ſuam. Conſidera ait S. Chryſoſtomus hoc loco, Magorum fidem, qui in nulum hinc ſcandalum commouentur, ſed ad cuncta acta obedièntes permanent atque flexibiles, nihilq; omninò turbantur, neq; ſecum diſputant dicentes: Si magnum quiddam eſſet hic puer, & potentia aliquid obtineret, nobis adoratoribus eius quid opus eſſet fuga; occultuſq; diſceſſus? cur enim qui palam & liberè venimus, nec tanti populi fragorem, nec Tyranni furorem pauentes, quaſi exules quorſdam ac fugitiuos Angelus ciuitate propellit? Verum nihil omninò tale vel ore proferunt, vel mente concipiunt. Hoc eſt enim fidei inſigne, vt abſq; controuerſia vlla obediant imperanti; nec vllam rationem expoſcant imperij. Hæc ille. Eandem ſententiam habet idem in illa verba Pſalmi: Credidi propter quod locutus ſum. Et in illa: Mei autè penè moti ſunt pedes, penè effuſi ſunt greſſus mei, quia zelaui ſuper iniquos, pacem peccatorum videns. Et ac ſi à duobus Vatibus hæc dicerentur, ait de poſtiori. Vide quantum ſit periculum res fidei permittere humanis rationibus, non fidei, ſi iſ ſuiſſet in fide firmus

mus & constans; non hæc fuisset locutus; non fuisset perturbatus; non commoti essent pedes eius, non essent propemodum effusi gressus eius. Sed non ita ille, scilicet ille prior, sed stans supra petram non tumultuabatur, non turbabatur, prædicabat constanter: Credidi propter quod locutus sum. Ego dixi in excessu meo. Hic fidei splendor rursus apparet, quod ne magnitudo quidem calamitatis eum præcipitem dederit in desperationem. Eiusmodi enim res est fides; est quædam sacra anchora, quæ undiq; sustentat mentem, quæ ei adhæret. Et nunc maximè ostenditur, quando in maxima rerum difficultate ei persuadet, qui illa est præditus, ut bonam spem expectet, expulsa turba ratiocinationum. Hæc ibi. Quæ non iccirco scripta sunt, quod ea quæ fides docet, rationi consentanea non sint, (sunt enim maximè,) sed quoniam cum suprâ rationem sint, satius sit ea simpliciter uti proponuntur amplecti & credere, quàm eorum causas superflua commentatione nostris ratiocinationibus aut subijcere, aut dimetiri velle. Ceterum Pastores & Doctores, quorum est alios instituere siue fideles siue infideles, rationes illas quibus nostræ fidei probabilitatè probent alijs, præptissimas habeant, oportet, ut parati sint omni poscenti rationem reddere eius, quæ in ipsis nobisq; est fidei.

Alterum Indiciu fidei est, Diuinas reuelationes si fieri possit, præ fidei amore sponte reiicere, etiam oblatas & præsentès; non quod illæ contemnendæ sint, quamuis examinandæ diligenter, sed quod tum iudicet homo præferendam fidem obscuram euidenti notitiæ, malitq; potius quàm naturali sciendi cupiditati satisfacere,

Secundum  
Indiciu.



tisfacere, seipsum in ea mentis voluntaria deditio-  
 qua iam se per fidem Deo deuotum, continere semper.  
 Exempla duo adfero. Primum est Alfonsi primi Lusita-  
 niæ Regis sanctissimi; hic cum in castris esset aduersus  
 innumeram multitudinem Saracenorum, audiuit a vi-  
 ro Religioso, & sexaginta lex annorum, probatæ soli-  
 tudinis, Dominum nostrum Iesum Christum certa qua-  
 dam hora postridie sese in eius conspectum daturum,  
 ab eoq; auditurum ipsum de Victoria ac posteritate sua  
 gratissima nuncia, præsto tantum esset; cum vocaretur;  
 paruit Rex, & quæ secuta sunt, ipse postea sic  
 manu sua scripsit: Egressus extra castra. vidi à parte dex-  
 tera versus Orientem micantem radium, & paulatim  
 splendor crescebat in maius, & dum oculos ad illam  
 partem efficaciter pono, ecce in ipso radio clariori sole,  
 signum Crucis aspicio, & Iesum Christum in eo crucifi-  
 xum, & ex una, & ex altera parte multitudinem iuuenū  
 candidissimorum quos sanctos Angelos esse credo;  
 quam visionem dum video, deposito ensē & scuto, &  
 depositis vestibus & calciamentis, pronus in terram me  
 projicio, lachrymisq; abundè missis, cæpi rogare pro cō-  
 fortatione meorum vassallorum: dixiq; nihil turbatus:  
 Quid tu ad me Domine? credenti enim fidem vis auge-  
 re? melius est ut te videant infideles, & credant, quàm ego,  
 qui à fonte Baptismatis te Deum verum, filium Virgi-  
 nis & patris eterni agnouī, & agnosco. Erat autem  
 Crux miræ magnitudinis & eleuata à terra quasi decem  
 cubitos. Dominus suauis uocis sono quam indignæ au-  
 res meæ susceperunt, dixit mihi: Non ut fidem tuam  
 augerem, hoc modo apparui tibi, sed ut roborarem cor  
 tuum

tuum in hoc conflictu, & initia regni tui suprâ firmam petram stabilirem; Confide Alfonso, nō solum hoc certamen uinces, sed & omnia alia, in quibus contra inimicos Crucis pugnaueris. Hæc tibi. Quæ felicissimo exitu confirmata sunt omnia; scripta sunt autem anno Domini millesimo centesimo quinquagesimo secundo, tertio Kal. Nouembris, & adhuc in celeberrimo monasterio Cisterciensium à S. Bernardo instituto, & ab ipso Alfonso Rege liberalissimè fundato. (Monasterium de Alcobaz dicitur.) asseruatur Diploma Regium, sigillo Regis, Episcoporum & Principum Regni præclare obsignatum. Ex qua historia illud perspicuum est, Christum Dominum quamuis ad erigendum ac roborandum Regis animum ab eo uideri uoluit oculis corporis, probasse tamen pietatem ac fidem eius, oblectatum que ea Regis uoluntate, quâ ut fidem, in natua sua obscuritate seruaret, ipso se Christi aspectu priuare paratus erat.

Alterum exemplum est Vgonis Lincolnienſis Episcopi sanctissimi, qui ante trecentos annos Virtutibus pastoralibus ornatissimus apud Anglos floruit. De eo sic Surius ex antiquo scriptore. In Villa quadam Sacerdos erat vitæ valde dissolutæ, quem hoc ordine Diuina bonitas ad pœnitentiam vocauit; Celebrans ille Missarum sollemnia, manibus cœpit indignis Regem tractare maiestatis; cumq; ad illum venisset locum ubi hostia frangenda erat, sanguis protinus emanauit; territus ille, vitam mutauit in melius; cunctisq; audire uolentibus, factum publicauit; Accidit autem Beatum Vgonem per eam villam iter facere, sacerdotemq; accersitum,

Tomo 6.

tum, non propter miraculum, sed ob vitæ sanctitatem, de quibusdam spiritualis vitæ studijs interrogare; Tanta enim poenitentiae austeritate pristinam vitam iam correxerat, ut sanctum eum fama cunctis proclamaret; cumq; sancto Episcopo narrasset prodigium, quod ipsi acciderat, hortatus est eum, ut cruorem ipsum tanquam veritatis testem inspiceret, sed penitus non acquieuit; quin immò famulis suis idem suggerentibus, ita fertur respondisse: Habeant ipsi signa infidelitatis suæ, nobis autem qui verè credimus sub speciebus Sacramentalibus Verum Corpus & sanguinem Christi contineri, signa quid proderunt? Quosdam etiam abire velentes ut viderent, durius obiurgabat, quod non deuotione sed curiositate id facerent, siquidem scriptum nouerat: Beati qui non viderunt, & crediderunt Hæc ibi.

Ioa. 20.

Tertium  
Indiciū.

Galat 5.

Lib. 1. Re  
cognitio.

Tertium Indiciū affine est superiori. Cum quis ita se in fide confirmatū sentit, ac stabilem, ut vix sibi videatur posse se vnquam ab ea vlla ratione dimoueri; quod fortassis donum est Spiritus sancti, inter eius fructus ab Apostolo recensitum fidei nomine. Hoc donatum fuisse S. Clementem, cum S. Petrum de Christo disserentem audiret, intelligitur ex his quæ scribit ipsemet ad hunc modum: Deo gratias ago inquit, qui ut optaui institutus sum; ac certò scias (Petre) fieri non posse, ut dubitem de his quæ ex te audiui de Christo Propheta, etiā si tu ipse aliter doceres, & me in aliam fidem transferre conareris; Hoc enim mihi certum est, cum qui doctrinā hanc de uero Propheta acceperit, non posse de hac ueritate ultra dubitare. Ad hæc Petrus: Gratias ago Deo, & pro salute tua, & pro quiete mea; ualde enim delector, quia



quia intellexisse te uideo, quanta sit Christianæ Virtutis magnitudo; & in eo, quod ais, ne si ego ipse cupiam, quod ab sit, possim te transuertere in aliam fidem. Hęc ibi Hac de firmitate accipienda sunt uerba illa S. Pauli: Sed licet nos, aut Angelus de Cælo, Euangelizet uobis, Galat. 1. præterquàm quod Euangelizauimus uobis, Anathema sit. Hac excelluerunt Martyres omnes, illi præsertim, qui non solum tormentis, sed nec blanditijs, nec quoruncunq; bonorum terrenorum certa spe ac pollicitatione adduci vnquam potuerunt, vt tantillum de fidei integritate ac seueritate saltem simulando, remitterēt.

Quartum Indiciū sunt Aëtionē illę, quarum quidem originem fidem esse non cernimus oculis, ipsas tamen naturę nostrę uiribus ita superiores esse intuemur, ut non nisi à supernaturali virtute fidei profectas esse, certò intelligamus. Exempla sint primū in Martyribus illis, de quibus narrat Eusebius, & alij, Antonini Veri temporibus, cum accepissent, aut etiam uidisset aliquos è Christianis Confessoribus imbecillitate animi, ac fidei, à Christo defecisse, ita affectos fuisse mœrore, vix vt præ tristitia illa dolores quos in cruciatibus maximos perferebant, sentirent; nec ait Aymo, gratum illis erat iter ad Dominum, si pars membrorum suorum de Ecclesia rapta à Diabolo diriperetur. Sed sit hęc mœroris ex fidei fonte manantis historia. Adfero patientiæ & lætitiæ ex eodem deductum exemplum, quod etiam nunc plerunque accidit in hominibus perfectionis studiosis, cum repentiē amicis charisque hominibus destituntur; sat erit reficere memoriā obitus S. Malachię apud S. Bernardum; quem ubi descripsit, sic-

Quartum  
Indiciū.

Euf. b. lib.  
5. hystor.  
c. 2. & 3.  
Niceph.  
li. 4. c. 16.  
17. & 18.  
Aymo lib.  
5. c. 2. & 3.

In Vita  
Malach.

ait: Non est mutatus vultu Malachias, sed ipse mutauit omnes; mirum in modum gemitus & luctus omnium subito conuiescit, mutatur in gaudium in æror, planctum cantus excludit, Effertur, feruntur in Cælum voces, infertur Oratorio Abbatū humeris, Vicit fides, triumphat affectus, res in suum deuenit statum, cuncta geruntur ex ordine, cuncta ex ratione procedunt; & reuera quid rationis habet immoderatus plangere Malachiam, quasi non sit pretiosa mors eius, quasi non sit somnis magis quàm mors, quasi non sit mortis portus, & porta vitæ? Ego ne fleam, qui fletum euasit? ille tripudiat, ille triumphat, ille introductus in domum Domini sui, & ego eum plangam? Cupio mihi hæc, non illi inuideo. Hæc S. Bernardus. Cum quo verè dicimus: Vicit fides, quodcumq; eius qui nos afficit siue in æror, siue lætitia, Deus ipsa causa est.

Quintum  
Iudiciū.

Accedat Quintum Indiciū fidei. Cum facilè, & ad rem ex his quæ fide cognoscimus, conficimus id, quod ad præsentem animæ vtilitatem necessarium, aut opportunum est. Huius in omni genere sunt exempla varia ac multa, & ex capite de fidei occasiōibus aliqua peti possunt. Hic occurrit illud de S. Martino ex Sulpitio. Quodam die præmissa præ se, & circumtectus ipse luce purpurea, quo facilius claritate assumpti fulgoris illuderet, veste etiam regia indutus, diademate ex gemmis auroque redimitus, calceis auro illitis, sereno ore, læta facie, ut nihil minus quàm Diabolus putaretur, oranti in cellula astitit. Cumq; Martinus primo aspectu eius fuisset hebetatus, diu multumq; ambo silentium tenuerunt: tum prior Diabolus: Agnosce inquit Martine,

In Vita S.  
Martini,  
cap. 36.

ne, quem cernis, Christus ego sum; descensurus ad terram, prius me tibi manifestare uolui. Ad hæc cum Martinus taceret, nec quicquam responsi referret, iterare ausus est Diabolus professionis audaciam: Martine, quid dubitas credere, cum uides? Christus ego sum. Tum ille reuelante sibi Spiritu ut intelligeret Diabolum esse, nõ Dominum: Non se inquit Dominus Iesus purpuratum & diademate renitentem venturum esse prædixit: Ego Christum nisi in eo habitu formaq; qua passus est, nisi Crucis stigmata præferentem uenisse non credam. Ad hanc ille uocem statim ut sumus euannit; cellulamque tanto foetore compleuit, ut indubia indicia relinqueret, Diabolum se fuisse. In narratione hac Sulpitij palæ est, S. Martinum adiutum quidem Diuinitus fuisse ad laruam Diabolo detrahendam, ea tamen potissimum ratiocinatione, quam fides Euangeliumq; dictauerant, illudq; in primis quod est in Actis Apostolicis: Sic ueniet quemadmodum uidistis eum euntem in Cælum, & quod Dominus ipse prædixit: Tunc parebit signum filij hominis in Cælo. Innumera exempla alia ex Sacris literis & historijs produci possunt, sed non est necesse; & quisque paulo exercitator in actionibus uirtutis, in se ipso quotidie experitur, quid, quantumue in tentationum præsertim periculis aduersus quosque spirituales hostes hominis, ex suscitata fides ualeat. Sed quoniam perfecta fides ratiocinationes uti diximus, præ simplicitatis fidei studio repudiat, nimirum, quia una Dei dicentis auctoritate satis se firmam tutamque reputat, quæret fortasse quispiam, unde cõstet nobis id quod credimus Dei auctoritate dictatum esse. Et Re-

Act. 1.

Math. 24.



Lib. de v-  
nitate Ec-  
clesiæ.

spondetur breuiter id quod etiam ante significatum est, constare id nobis unius Romanæ ac Catholicæ Ecclesiæ testimonio, ab uno enim Romano Pontifice, tanquam vero legitimoque S. Petri successore, postulandum & expectandum, ut confirmet fratres; quandoquidem fidei Cathedram nunquam defecturæ accepit à Christo; Illudq; S. Cypriani dictum animo perpetuò infigendum. Primatus Petro datur, ut vna Christi Ecclesia, & vna cathedra monstretur. Terminus igitur disquisitionum ac ratiocinationum nostrarum in fidei dogmatibus sit vna Petra Petri, Romana inquam Sedes, ad quam scrupuli cogitationum omnes, omnesq; maiores aduersus fidem tentationum machinæ, fortiter allidantur, & confringantur. Ad hanc eandem normam discernantur, & dirigantur reuelationes, si quæ nobis nec optantibus, nec cogitantibus aliquando acciderint, eaq; demum admittantur, quas Ecclesia probarit, reijciantur quas illa reiecerit. Qua de re cum spiritualibus viris, & quibus Sanctæ Ecclesiæ sensus sit planè notus ac perspectus, agendū est, eorumq; iudicio standum, quando u ex ipsa Petri Cathedra si ita res postulet, quid tenendum sit, constitutum intelligatur.

Hac de re plura scripsi  
in Tertio libro de  
Disciplina,  
aliqua adhuc dicturus post,  
cum de Prudentiā di-  
sputabitur. Hæc  
de fide.

*De Dei Timoris Actionibus, Occasionibus,  
Indicijs. Cap. XVII.*

**F**ide nasci timorem Dei, colligit S. Thomas ex illis; S. Iacobi verbis: Dæmones credunt, & contremiscunt. S. Basilii ex eo, quod fides Dei iustitiam, & iudiciorum eius momenta consideranda proponit. Idcirco S. Augustinus: Cœpit aliquis credere diem iudicii, si cœpit credere, cœpit & timere. Quare consentaneum est, ad ea quæ dicta sunt de Actionibus fidei, aliquid addere de Actione Timoris. Quamvis enim propriè Timor Virtus non sit, Virtutis tamen effectus, & via ad Virtutem est, præter quàm quod donum est simul Spiritus sancti.

2. 2. q. 7.  
art. 1.  
Iacobi. 2.  
Regul.  
breu.  
Inter. 20.  
In Epist.  
Io. tract. 9.

Timoris igitur de quo agimus gradus & Actiones aptè distinguit S. Augustinus. Ex cuius verbis natura etiam & vis Timoris haurietur. Dignamini ait aduerte-  
re. Aliqui propterea tantum timent, ne aliquid mali in terra patiantur, ne illis ægrotudo accadat, ne damnum, ne orbitas, ne alicuius amissio chari, ne exilium, ne damnatio, ne carcer, ne aliqua tribulatio, propterea timent, & tremunt. Hæc ille. Hic primus est gradus Timoris Dei. Nec est iste timor ille mundanus, quem malum esse affirmant Theologi, propterea quod per illum homo innititur mundo tanquam fini, ac Deo posthabito, quidlibet facit, ne mundi mala incurrat; hunc enim arceat à nobis Christus, cū ait: Ne terreamini ab his, qui occidunt corpus. Hunc non solum non amplectendū, sed formidandum maximè suadet S. Nazianzenus. Ni-

In Pl. 127.

S. Thom.  
2. 2. q. 19.  
ar. 3.

Lucæ 12.

Oratione  
Prima de  
Pace.

hil

hil perinde timendum est, quàm ne quid magis quàm Deum timeamus. Quànquam autem is qui damna ab S. Augustino numerata extimescit, mundanus videtur, mundanus tamen omninò non est, cum ea extimescit, ne Deum offenda, aut certè ne peccet. Et quædam censetur attritionis species, quàmuis infima à peccatis quæpiã velle prorsus animũ cohibere timore huius modi malòrum, quæ non dubitat à Deo ad vliscenda peccata peccatoribus infligi. Est igitur timor hic de quo S. Augustinus loquitur, primus gradus timoris seruilis. Propterea enim addit: Adhuc timor iste non est castus. Sequitur secundus in hæc verba: Adhuc audi: Alius nõ in hac terra pati timet, sed gehennam timet, vnde terruit te Dominus. Audistis cum Euangelium legeretur: Vbi vermis eorum non morietur, & ignis eorum non extinguetur. Audiunt hæc homines, & quia verè futura sunt impijs, timent, & continent se à peccatis, habent timorem, & per timorem continent se à peccato, timent quidem, sed non amant iustitiam. Et hic est alter gradus seruilis timoris. Hoc autem quod ait sed nõ amant iustitiam, intelligitur eos non induci in odium peccati amore iustitiæ. Proinde sequitur S. Augustinus: Cum autem per timorem continent se à peccato, fit consuetudo iustitiæ, & incipit quod durum erat, amari, & dulcescit Deus, & iam incipit homo iuste vivere propterea, non quia timet pœnas, sed quia amat æternitatem. Exclusus est ergo timor à charitate, sed successit timor castus, secundum quem debemus intelligere: Beati omnes, qui timent Dominum, qui ambulant in vijs eius. Hic etiam timor Sanctorum appellatur,



& timor filiorum Dei: Castus autem, quod sit similis timori Sponsæ aduersus honestissimum & amantissimum coniugem.

Mal. 1.  
Psal. 18.

Effectus timoris Domini multi sunt. Primus est ad

Primus effectus.

cuere intellectum ad Dei iudicia, iustitiamq; considerandam, ex quo fit, vt simul attendat diligenter homo sibi ipsi, penitusq; se penetret, peccataq; etiam minima accuratè inquirat, ac deprehēdat: hoc est enim illud

Psal. 110.

tam sæpè repetitum in Sacris literis: Initium sapientiæ timor Domini. Et illud apud Salomonem: Qui timet

Prou. 1.9.

Dominum, nihil negligit. Vt enim (ait Climacus) solis radius domum per foramen ingressus, cuncta quæ in ea sunt illuminat, ita & timor Domini, si fuerit in anima, cuncta ei peccata sua etiam minutissima ostendit.

Eccl. 1.  
Eccl. 7.  
Gradu secundus.

Alter effectus timoris est, vitæ antea pœnitentia, & retractatio. Si iniquitates obseruaueris Domine, Domine quis sustinebit, dicebat Dauid, hoc timorē vtiliter percussus. Et, Delicta quis intelligit? ab occultis meis munda me. Deniq; Qui timet Deum conuertetur ad cor suum. Et, Timor Domini expellit peccatum.

Secundus effectus.  
Psal. 129.

Tertius effectus est, fuga peccati, ac propositum ab eo sese quàm longissimè abalienandi. hoc est enim illud: Time Deum, & recede à malo; Est enim timor Dei perpetuus iustitiæ comes; ideo qui sine timore est, non poterit iustificari. Et Beda in illa verba S. Luca: Sine con-

Psal. 18.  
Eccl. 2.7.

scitus & timoratus ait: Difficile iustitia sine timore custoditur: quo iustus Deum, quanto ardentius diligit, tanto solertius offendere cauet; estq; hæc ratio & gradus

Eccl. 1.  
Tertius effectus.

ex timore serui ad timorem castum, cum ut ait S. Gregorius, perfecta compunctio formidinis, tradit animu

Prou. 3.  
Eccl. 1.  
Lucæ 2.

com-

Lib 3. Dia  
log. c. 34.

**Quartus Effectus.** compunctioni dilectionis. Quartus timoris effectus est, fortitudo aduersus tentationes quæ hominem ad peccatum reuocant; is autem non tam ex vi naturæ; timoris existit; quàm ex singulari ope Diuinæ maiestatis, quæ sustinet ne labantur, homines timore sui occupatos. Sic Salomôn: Timenti Dominum non occurrent mala, sed in tentatione Deus illum conseruabit, & liberabit à malis. Et, Oculi Domini super timentes eum, protector potentia, firmamentum virtutis, regimen ardoris, & ymbraculum meridiani, deprecatio offensionis, & adiutorium casus exaltans animam, & illuminans oculos, dans sanitatem, & vitam, & benedictionem.

**Psal. 118.** Hoc ipsum illud est quod precatur Dauid: Cõfige timore tuo carnes meas; hoc enim confixa iaculo caro, reliqua; passionum turba, quæ tentationum seges est, languescit, & deficit, ac spiritui magnam molestiam exhibere desistit. Quintus effectus est, sancta sollicitudo rectè ambulandi (ut Propheta loquitur) cum Deo; eius unam voluntatem in rebus omnibus tanquam vitæ curriculum Cynosuram contemplando. Si quidem (ait Salomôn) Qui timent Dominum, inquirent quæ placita sũt ei, præparabunt corda sua, & in conspectu illius sanctificabunt animas suas. Hi sunt effectus actionesue proximè ex Dei timore manantes. Nunc de occasione excitandi timoris, pauca.

**Prima Occasio.**

Occasiones comouèdi timoris Dei in nobis, sũt subita & improvisa mortes. Nostris temporibus ante pedes Alfonsi Ferrariæ Ducis mortuus concidit nobilis Dynasta Papæ Dux ait: & hæc me Monachũ, aut Iesuitã, nõ faciẽt. Timoris similiter occasiones sunt tonitrua, tẽpestates,

tes,

tes, fulmina. Scribit Beda de S. Ceadda Episcopo hæc: Lib. 3. Hi-  
 Si repente flatus uenti maior assurgeret, continuò mi- stor. An-  
 sericordiam Domini inuocabat, & eam generi huma- gli. c. 29.  
 no propitiari rogabat; si autem violentior aura insisteret, procidebat in faciem, atq; obnixius orationi incubebat; at si procella fortior aut nimbus perurgeret, uel & coruscatio, & tonitrua terras & aëra terrent. tunc ueniens ad Ecclesiam sollicitus, orationibus ac Psalmis, donec serenitas aëris rediret, fixa mente vacabat; Cumq; in interrogaretur à suis, quare hoc faceret, respondebat, non legistis: quia intonuit de Cælo Dominus, & altissimi Psal. 17.  
 mus dedit vocem suam? Misit sagittas suas, & dissipauit eos? fulgura multiplicauit, & conturbauit eos? Mouet enim aëra Dominus, ventos excitat, iaculatur fulgura, de cælo intonat, ut terrigenas ad timendum se suscitet, ut corda eorum in memoriam futuri Iudicij reuocet, ut superbiam eorum dissipet, & conturbet audaciam, reduceto ad mentem in tremendo illo tempore, quando ipse cælis ac terris ardentibus uenturus est in nubibus, cum potestate magna ac maiestate, ad iudicandos uiuos & mortuos; propter quod oportet nos admonitioni eius cælesti, debito cum timore & amore respondere, ut quoties aëre commoto manum ad feriendum quasi minitans crexerit, nec adhuc tamen percutit, mox eius imploremus misericordiam, & discussis penetralibus cordis nostri, atque expurgatis vitiorum rudibus, solliciti ne unquam percuti mereamur, agamus. Hæc Beda Blondus  
 Quid fecisset S. Episcopus, si uidisset Anastasium Im- lib. penul.  
 peratorem hæreticum, aut etiam Tullum Hostilium Decadis.  
 Romanorū Regem fulmine ictos, cum tota domo con- Valerius  
lib. 9. cap.  
12.



flagrare? tactas de Cælo nō modo cedes, sed vicos ipsos, sylvas, vrbes integras inextinguibili incendio consumi, aut terræ motu atque hiatu interdum absorberi? Et quis neget hæc à Deo fieri ad timorem incutiendum hominibus, cum ipsemet Deus legis antiquæ promulgationem non fecerit, nisi in magnis tonitruis, conuulsionibus, tenebricosis exhalationibus, ut (inquit  
 Exod. 20. Moyses populo) terror illius esset in vobis, & non peccaretis? Et in Euangelio nonne legimus cum prodigia in cælis, in terris, in mari fient, deniq; terroresq; de cælo ardescere homines debere præ timore, & expectatione  
 Act. 9. eorum, quæ supernenient uniuerso orbi? S. Paulus certè Christi fulgore ne dicam an fulgure prostratus in terrâ, ac cæcitate percussus, in semet redijt tremens, & Christo se dedit. Et, cum repentina morte sublati sunt mortui Ananias & Saphira, ad vnâ Apostoli Petri vocem, scribit S. Lucas: Et factus est timor magnus in vniuersa Ecclesia, & in omnes, qui audierunt hæc. Ergo communes ac priuatæ calamitates incitamenta timoris sunt. Quid facient eæ quæ nos & attingunt, & vrgent angustius? Sanè in Scripturis infustum prognosticon  
 Ier. 5. est: Percussisti eos, & non doluerunt, attriuisi eos, & reuerunt accipere disciplinam. Cum igitur angimur animis, cruciamur corporibus, cum vexantur fortune, cū ardent tecta, diripiuntur oppida, vastantur provinciæ fame, cede, bello, flammis, peste; nec solum cum iam ad sunt hæc, sed etiam cum adhuc impendent, instant, appropinquant; nil aliud prorsus prædicant, nil clamant aliud, quàm; Timete cum, qui postquàm occiderit corpus, habet potestatem animam mittere in gehennam,  
 Luc. 12. ita

ita dico uobis, hunc timete.

Occasiones timoris Dei sunt ipsimet principes et se-  
 culares, qui cum imperio & potestate Rempublicam ad-  
 ministrant: Nam Principes ait Apostolus, non timori  
 boni operis, sed mali. Sunt igitur timori, Ipsimet fasces,  
 eorum satellites, & lictores, quid aliud ostentant, quid  
 petunt nisi timorem? Non enim (ait idem) sine causa  
 gladium portat: Dei enim minister est, uindex in ira, ei,  
 qui malum agit. Miserabilis ille aspectus. cum reos condem-  
 natos cernimus ex vinculis, excarceribus, vel ad gra-  
 uiora rapi supplicia, uel ad eandem & cruorem extrahi; cum cru-  
 ces, tormenta carnificum, cruciamenta membrorum, mortes, ca-  
 dauera proiecta videmus. Tetrum & detestabile nunciu,  
 viros innocentes in latronum ac piratarum manus inci-  
 disse, inhumaniter accipi, spoliari, lacerari, necari; hec ta-  
 men & his similia sexcenta cernuntur, & audiuntur uti-  
 liter, si nobis sint Dei timoris monumenta. Sed quid est  
 opus extrinsecus expectare timoris occasiones: intus in  
 nobis est conscientia antea actae vitae nostrae, ac tantorum  
 scelerum quanta nos ipsi aduersus Deum commisisse  
 recordamur. Hac, quoties ista in mentem ueniunt, non so-  
 lum timorem sed sollicitudines, & horrores facit; nec si  
 velimus, ea vult a nobis recedere, quando nec etiam  
 apud inferos syndere sis vermibus extinguitur, ut eo sem-  
 per ad maximum cruciatum exedantur illorum animi,  
 qui dum hic viuerent, eo ad Dei tam salutarem timorem  
 uti neglexerunt. Quia ipsa timoris parens Christiana  
 fides, qua imbutae sunt Christianorum mentes, quam  
 materiam huic timori non suppeditat. Statutum est (ait  
 Apostolus) omnibus hominibus semel mori; post hoc

Tertia Oc-  
casio.

Rom. 13.

Quarta  
Occasio.

Quinta  
Occasio.

Hebr. 9.

- Iob. 21. autem iudicium? Item: Ducunt in bonis dies suos, & in puncto ad inferna descendunt. In inferno autem
- Iob. 10. ignis æternus, & nullus ordo, sed sempiternus horror inhabitat; ex eoq; nulla exundi spes, quia in inferno nulla redemptio. Hæc quia certissima & testatissima sunt, cum recurrunt in animum, nisi stipites & planè plumbei simus, timorem sine dubio cient; recurrunt autem sæpè, si attendimus, & sæpiùs si non desit uel parua industria. Sed fortasse hæc ad timorem seruilem pro
- Sexta Oc uocant, Christus igitur uocet ad timorem filiorum, quã  
caso. do ipse ait: Venite filij audite me, timorem Domini docebo vos. Vocat autem factis. Dedit eis potestatem fi-  
Psal 33. lios Dei fieri, c b idq; Verbum Caro factum est. Vocat
- Ioan. 1. Gloriam patris prædicando; Pater manifestauit nomen tuum hominibus. Vocat fundendo sanguinem, mor-
- Ioan. 17. tem Crucis subeundo; Cum inimici essemus, reconciliati sumus Deo per mortem Filij eius. Vocat denique
- Rom. 5. Regnum Cælorum, hoc est ipsummet patrimonium suum, hæreditatemq; Patris nobiscum se communicaturum pollicens. Venite benedicti Patris mei, possidete regnum, quod vobis paratum est. Sed eo in primis stimulo ad timorem hunc concitat, cum verbis quidem sed magis adhuc exemplo ad vigilias, ad labores, ad corporis cruciatus & mortem pro Dei gloria suscipiendã.
- Rom. 8. instruit, ut si compatimur, & cõglorificemur; & præsertim dum illa subinde commemorat; Non est discipulus suprà magistrum. Et, Si in viridi ligno hoc faciunt, in arido quid fiet? Hæc de occasione. Nunc Indicia ponamus aliqua, præsertim casti timoris.
- Lucæ 6. Primum Indicium ex S. Augustino, qui cum ante  
Lucæ 23. dixisset



dixisset hoc esse discrimen inter fœminam castam timē In Ps. 127.  
 tem virum, & adulteram, quod illa timet, ne discedat  
 vir, hæc ne veniat: & si sit absens, illa, ne tardet, hæc, ne  
 veniat: Addit, Absens est sponsus noster, interroga cō-  
 scientiam tuam; Vis ut ueniat, an adhuc vis, ut tardet?  
 Qui dicunt, utinam veniat, multum amant; & si dicatur  
 illis, tardabit, timent, ne tardet, quia timor castus est. Ca-  
 stus ergo timor hoc habet, uenit de amore.

Secundum Indiciū ex eodem S. Augustino, qui sic Secundū  
Indiciū.  
Ibidem.  
 pergīt: In quo est castus? Iam interrogo uos aliquid,  
 quod uosmetipfos interrogetis; Si Deus ueniens voce  
 propria loqueretur nobis, & diceret homini, peccāre  
 vis? pecca; fac quicquid te delectat; quicquid amaueris  
 in terra tuum fiat; cui fueris iratus, intereat: quē rapere  
 uolueris, rapiatur: quem cedere, cædatur: quem damna-  
 re, damnetur: quem possidere, possideas; Nemo tibi re-  
 sistat, nemo tibi dicat, quid facis? nemo noli facere  
 quod uelis, nemo quare fecisti? abundant tibi omnia  
 ista terrena, quæ concupisti, & uiue in illis non usq; ad  
 tempus, sed semper, faciem tantum meam nunquam  
 videbis. Fratres mei vnde ingemuistis? nisi quia iam na-  
 tus est timor castus permanens in seculum seculi? Qua-  
 re percussum est cor uestrum? si diceret Deus faciem  
 meam nunquam videbis. Ecce omni ista felicitate ter-  
 rena abundabis, circumfluent te bona ista temporalia,  
 non illa amittis, non deseris, quid uis amplius? flieret qui-  
 dem & generet timor castus, & diceret, immò tollan-  
 tur omnia, & faciem tuam videam; exclamaret de Psal- Psal. 79.  
 mo: Deus virtutum conuerte nos, & ostende faciem  
 tuam, & salui erimus. Et, Vnam petij à Domino. Vide  
 quo-

*Psal. 16.* quomodo ardeat timor iste castus, timor uerus, timor syncerus. Vnam petij à Domino, hanc requirā. Quid? vt inhabitem in domo Domini, per omnes dies vitæ meæ. Hæc S. Augustinus.

*Tertium Indiciū.* Tertium Indiciū, dignissimumq; viro proficiente & perfecto (non enim in vsum deducendum est, nisi ab ijs qui iam didicerint in acie fortiter stare aduersus

*Lib. de similitudinibus, cap. 190.* propriam animi imbecillitatem) adfertur à S. Anselmo his verbis: Si hinc peccati pudorem, & illinc cernerem Inferni horrorem, & necessariò vni illorum haberem immergi, prius me in infernum mergerem, quàm peccatum in me immitterem. Et quod magis mireris: Mallem ait, purus à peccato & innocens gehennam intrare, quàm peccati sorde pollutus Cælorum regna tenere, cum constet solos malos in inferno torqueri, & solos bonos in cælesti beatitudine foueri. Hoc indicium est maximè proprium timoris casti, cuius uti diximus, est peccatum expellere, ea ratione maximè, quòd non solum animum inducit in propositum ac firmam voluntatem illud cauendi, sed sua sollicitudine ac stimulis efficit etiam, ut caueat.

*Quartum Indiciū.* Quartum Indiciū est magna contentio ut Christū initemur cum spe quidem magna, eo quo tendimus cum Dei gratia perueniendi, sed non sine pari cura ac sollicitudine. Egregiè id tractat S. Chrysostomus exemplo Apostoli Pauli: Si quo modo occurrā ad resurrectionem, quæ est ex mortuis. Adeo enim ait, magnum erat, vt neq; asseuerare ausus fuerit, sed tantum inquit; Si quo modo credidi in ipsum, & eius resurrectionem. Præterea, propter ipsum patior, nec tamen adhuc possumus

*Serm. 11.  
in Ep. ad  
Philip.  
Philip. 3.*

sumus omninò confidere ut resurgamus. Quam hoc loco resurrectionem dicit? nimirum eam, quæ ad ipsum ducit Christum. Dixi me credere in eum, & virtuti resurrectionis eius, & socium me esse passionum suarum, configuratumq; me esse morti eius, ueruntamen post hæc omnia nondum penitus confido. Quod alibi dixit: Qui se existimat stare, videat, ne cadat. Et rursus: Timeo, ne fortè cum alijs prædicauerim, ipse reprobus efficiar; non quod iam acceperim, &c. Quid est iam acceperim? Brauium inquit. Quod si qui tanta perpeffus fuerat, qui vexabatur, qui mortificationem habebat, nondum de resurrectione illa fidenti & securo animo erat, quid tandem dicemus nos? Quid est, si comprehendam? quod antea dixerat: Si occurram in resurrectionem, quæ est ex mortuis; si comprehendam inquit, ac teneam ipsius resurrectionem, id est, si tanta pati potuero, si ipsum imitari potuero, si conformis ipsi fieri, quemadmodum multa passus est Christus, sputis fœdatus est, virgis cæsus, ac demum mortem subiit. Hoc studium est, per hæc omnia opus est ad illius resurrectionem uos peruenire omnia certamina perferentes. Sequor autem si quomodo comprehendam. Ad huc mihi vita in certamine versatur, adhuc à meta longè absum, adhuc à brauijs disto, adhuc curro, adhuc sequor; & non dixit curro, sed sequor: ac meritò. Nam qui apud Græcos dicitur *ἑωκον*, id est qui sectatur, nostris quantam contentionem in sectando adhibeat, neminem intuetur; omnes quicumq; cursum illius interrumpunt, magno impetu propellit; & mentem & oculos, & vires, & animam, & corpus contrahit, solum Brauium

2. Cor. 10.

1. Cor. 9.  
Philip. 3.



uium spectans, præterea nihil. Quod si Paulus tantus scetator, ac tanta passus, adhuc inquit: Si quomodo comprehendam; quid dicemus nos? Hæc ibi.

Quintum  
Indiciū.

Lib. 2. de  
doctrina  
Christiana,  
cap. 7.

Indiciū Quintum Timoris Dei sit, de nobis ipsis cogitare, sentireq; valdè humiliter, ac demissè, optareq; ardentè Dei voluntatem in rebus nostris omnibus agnoscere, illiq; constanter obtemperare. Sic habet S. Augustinus: Ante omnia opus est Dei timore conuerti ad cognoscendam eius uoluntatem, si quid nobis appetendum, fugiendumq; præcipiat; Timor autem iste cogitationem de nostra mortalitate, & de futura morte necesse est incutiat, & quasi clauatis carnibus omnes superbiæ motus ligno Crucis affigat.

*De Actionibus, & exercitatione Spei.*

*Caput XVIII.*

Prima  
Spei Act.

Tit. 1.

1. Io. 1.

1. Tim. 4.

1. Ioan. 2.



Prima & maxime propria Spei, quæ Theologica Virtus, est Actio est, certissima expectatio æternæ vitæ. In spem vitæ æternæ ait Apostolus, quam promissit, qui non mentitur Deus, ante tempora secularia. Hæc est enim repromissio (scribit S. Ioannes) quam pollicitus est nobis, uitam æternam. Est autem hæc ipsa beatitudo nostra, quæ nihil est aliud, quàm ipse Deus à nobis uidentis, amandus, fruendus, sicuti est. Idcirco ait: Speramus in Deum uiuum. Et cum apparuerit, similes ei erimus, quia videbimus eum sicuti est, & omnis qui habet hanc spem, sanctificat se, sicut & ille sanctus est. Est autem certissima hæc expectatio, quia fide nititur, & promissioni

missioni eius, qui non mentitur, Deus. Quæ iccirco re-  
 promissio nominatur in Scripturis, ut quamuis vna fa-  
 cta sufficiat, sæpius tamen repetita, nos promissi maxi-  
 mè certos reddat. Eleganter explicat S. Thomas huius <sup>2. 2. q. 17.</sup>  
 nobilissimæ Actionis rationem. Non enim inquit, mi- <sup>art. 2.</sup>  
 nus aliquid à Deo sperandum est, quàm sit ipse, cum  
 non sit minor eius bonitas, per quam bona creature  
 communicat, quàm eius essentia. Ideoq. proprium &  
 principale obiectû Spei est Beatitudo æterna Hæc ille.  
 Hic est ille bonorum finis tantoperè quæsitus à philo-  
 sophis, nunquam tamen inuentus. Hoc est illud extre-  
 mum, & vltimum, quò sunt omnia nostra consilia fa-  
 ctaq; referenda. Hoc illud summum, quod in rebus ex-  
 petendis sequamur oportet. Hoc vnum tandem ali-  
 quâdo non adipisci, est extremum malorum omnium,  
 nobis omni contentione, omnibus ut aiunt, uelis remis-  
 que fugiendum. Hanc actionem sequitur magna animi  
 lætitia, quòd tanto bono, quantum est æterna vita, ac  
 Deus ipse, quasi iam præsentē spe fruamur certa. Ideo  
 enim Apostolus: Spe gaudentes. Et, Spe salui facti su- <sup>Rom. 12.</sup>  
 mus. Et, Gloriamur in spe gloriæ filiorum Dei. Hinc il- <sup>Rom. 8.</sup>  
 la sanctorum desideria: Hei mihi, quia incolatus meus <sup>Rom. 5.</sup>  
 prolongatus est. Et desiderium habens dissolui, & esse <sup>Psalm. 119.</sup>  
 cum Christo. Amen veni Domine Iesu. sanè sapiens S. <sup>Philip. 1.</sup>  
 Augustini affectio illa; Tanta est pulchritudo iustitiæ, <sup>Apoc. ult.</sup>  
 tanta iucunditas lucis æternæ, hoc est incommutabilis <sup>Lib. 3. de</sup>  
 veritatis atq; sapientiæ, vt etiam si non liceret amplius <sup>libero ar-</sup>  
 in ea manere, quàm vnius diei mora, propter hoc solû <sup>bit. c. ult.</sup>  
 innummerabiles anni huius vitæ pleni delicijs accir-  
 cumfluentia temporalium bonorum rectè meritoque

contemnerentur. Non enim falso aut paruo affectu dictum est. Quoniam melior est dies vnus in atrijs tuis, super millia. Deniq; S. Paulus Spem vocat ancoram animæ tutam & firmam incedentem usq; ad interiora velaminis.

Secunda  
Spei Act.

Altera Spei Actio est sperare, certòq; qui sperat, sibi polliceri de Deo promittente, si illi ut debet respondeat, totum illud ac singulare Diuinę liberalitatis beneficium & auxilium, quod necessarium est homini ad æternam vitam consequendam; non enim vult Deus nos Diuinam, immò & nostram beatitudinem expectare, nec appetere ea sine quibus Beatitudo ipsa obtineri nequit; aut illam sperare non speratis ijs quorum ademptione beata uita adipiscenda est. Hæc sunt Remissio peccatorum, Dei gratia & amicitia, Virtutes & dona omnia, quibus expletur, & cumulatur status viri boni & perfecti Christiani, & vno nomine Sanctificatio dici potest: de qua Apostolus: Nunc verò liberati à peccato, serui autem facti Deo, habetis fructum uestrum in Sanctificatione, finem verò vitam æternam. Id autem totum maximè speramus, quia Christus Dominus Mediator Dei & hominum, & vera propitiatio pro peccatis nostris, factus nobis à Deo iustitia, Sanctificatio & Redemptio, sanguine suo meruit ut id speraremus, & assequeremur. Per quem (ait Apostolus) & habemus accessum per fidem in gratiam istam, in qua stamus, & gloriamur in Spe gloriæ filiorum Dei; vnde etiam ortū habet firmitas Spei, Nam ut ait argutè Gulielmus Parisiensis: In Dei Logica nullum argumentum validius ad bene Syllogizandū, atq; probandum, quàm mors vni  
geniti

Rom. 6.

Rom. 5.

Lib. de  
moribus  
cap. 3.



geniti filij Dei, nullum ad destruendam hæsitacionem  
adeò efficax aut ualidum, cum non solum inferatur, sed  
etiam conferatur securitas de omnibus Dei beneficijs  
per huiusmodi medium. Hæc ille. Atq; hæc est causa  
cur ab Apostolo non solum mediator nominetur Chri-  
stus, sed Spes nostra. Ad hoc idem caput referuntur au-  
xilia Dei, quibus nobis in calamitate positis opitulatur;  
iccirco tam sæpè Dauid in Deo spem suam omnem col-  
locatam vult. Spes mea ab vberibus matris meæ. Spes  
mea in Deo est. Quoniam tu es Domine spes mea. Bea-  
tus vir cuius est nomen Domini spes eius, & non re-  
spexit in vanitates, & in insanas falsas. similiter Aposto-  
lus, & alij nempe fideiussionem eius habebant. Cum  
ipso sum in tribulatione eripiam eum. Et testatum est  
illud Apostoli, quod tribulatio patientiam operatur, pa-  
tientia probationem, probatio uerò Spem.

1. Tim. 2.  
1. Tim. 1.  
Col. 1.

Psal. 21.  
Psal. 64.  
Psal. 9.  
Psal. 36.

Psal. 90.

Rom. 5.

Tertia Spei Actio, est in Angelorum sanctorumque  
hominum, qui uel apud Deum in summa illa felicitate  
viuunt, vel adhuc nobiscum in terris superstites sunt,  
amore beneuolentia & orationibus stabilis fiducia:  
Beatissimæ Virginis Deiq; matris in primis. Quāquam  
enim Spes quæ Theologica Virtus est, hac fiducia non  
eget, eam tamen non adimit, immodò admittit tanquam  
affinem, & administram; neque nos ea nitimur, aut uti-  
mur, nisi quatenus ea Diuinæ Spei atque adeo Diuinæ  
providentiæ famulatur; quod nisi verum esset, ut quid  
apud Tobiam Angeli Tobiae ac Sarræ vota precesq; Do-  
mino offerunt? ut quid in Apocalypsi ascendunt sicut  
fumus aromatu orationes sanctorum ante Deum? ut quid  
Iob, aut Eliphaz apud Iob iubet conuerti ad aliquem

Tertia  
Spei Act.

Tob. 3. &  
12.  
Apoc. 5.  
& 8.

Iob. 5.

1. Reg. 7. sanctorū? Israelitæ rogant Samuelē ut non cesset pro illis orare? Apostolus se tam sæpè commendat Christianorum populorum orationibus? quare orationes sanctorum, non sunt in Deum iniuriæ, sed Diuinæ providentiæ seruiunt; nec nos à Dei cura subtrahimus, cum à Dei amicis opem petimus, sed committimus, ac per amicos & familiares eius ad ipsum nobis aditum patefacimus, ac munimus; nec male speramus aut imprudenter, si ut Diuinę uoluntati obsequamur, sanctorumque apud Deum gratiam prædicemus, ad sanctorum orationes confugimus, ad Beatissimam Virginem præsertim, quę iccirco ab Ecclesia & Sanctis Patribus secundum Deū unica Spes nostra est, & nominatur. Atq; hæ sunt præcipuè nostrę Spei Actiones. Ad quas accedunt aliæ his consentaneæ, & quæ à Sanctis Patribus ponderantur; eas hic breuiter adscribo.

Quarta  
Spei Act.

Quarta igitur Actio Spei est, patientia in tribulationibus, ut nunc ex Apostolo proferebamus; at non quæcunq; patientia, sed perfecta ueteris hominis mortificatio, qua nos ipsos Deo nos uexationibus exercenti, planè subijcimus, ac propter spem futurę beatitudinis in eius uoluntate patientissimè acquiescimus. S. Augustinus cum docuisset hominis ingenio uarijs artibus domari Camelos, Elephantes, Equos, Leones, Aspidēs ipsos, sic scribit: Imago Dei domat feram, & non domat Deus imaginem suam? In illo spes est, ei nos subdamur, & misericordiam precemur; In illo spem nostrā ponamus, & donec domemur, & perdomemur, id est perficiamur, domitorem feramus, plerunq; enim profert domitor noster etiam flagella; si enim tu ad domanda

Ser. 4. de  
verbo Do  
mini.

manda iumenta tua, profers uirgam, Deus non proferrat ad domanda iumenta sua, quæ sumus nos, qui de iumentis suis faciet filios suos? Domas equum tuum tu, & quid daturus es equo tuo, cum te cœperit portare? At domito tibi Deus hæreditatem seruat, quod est ipse Deus, & ad tempus mortuum resuscitat te, carnem tuam vsq; ad numerum capillorum reddet tibi, & constituet te cum Angelis in æternum, ubi iam non indigeas domari, sed tantum à pijsimo possideri; erit enim tum Deus omnia in omnibus; nec erit ulla infelicitas, quæ nos exerceat, sed felicitas sola quæ pascat. Ipse autem pastor noster, Deus noster est, Ipse potus noster, Deus noster, Honor noster, Deus noster, Diuitiæ nostræ, Deus noster, quæcunq; hic uaria queris, ipse tibi unus omnia erit. Ad hanc spem homo domatur. Hæc S. Augustinus. Et hoc est quod tam sæpè ponitur in Scripturis, præsertim apud S. Paulum: Si compatimur, Rom. 8. & conregnabimus. Non sunt condignæ passionibus huius tēporis ad futuram gloriā, quæ reuelabitur in nobis. Et, Momētaneū & leue tribulationis nostræ supra mo- 2. Cor. 4. dū æternū gloriæ pōdus operatur in nobis. Et idē alibi.

Quinta Spei Actio, est contemptio rerum humanarum, & omnium illorum bonorum, quæ uidentur quidem mundanis hominibus bona, re vera tamen speciē tantum habent bonorum, adeò sunt fluxa, incerta, caduca. Idem S. Augustinus, cum ad Parabolam illam De Verbo Domini. ser. 29. Euangelicam, in qua mentio fit panis, piscis, & oui, explicasset panem Charitatem, pisce Fidem intelligi, comparandam ouo Spem, ait: Spes enim nondum peruenit ad rem. Et ouum est aliquid, sed nondum est pul-  
lus.



lus. Quadrupedes ergo pariunt filios, aues autem spem  
 filiorum. Spes ergò nos adhuc hortatur, vt præsentia cõ-  
 temnamus, futura expectemus, ea quæ retrò sunt obli-  
 uiscentes cum Apostolo in anteriora extendamur. Sic  
 Philip. 3. enim dicit: Vnum autem quæ retrò oblitus, in ea, quæ  
 antè sunt extentus, secundum intentionem sequor ad  
 palmam supernæ Vocationis Dei, in Christo Iesu. Ni-  
 hil ergò tam inimicum Spei, quam retrò respicere, id  
 est, in eis rebus, quæ præterlabuntur, & transeunt spem  
 ponere: sed in his, quæ nondum datæ sunt, sed dandæ,  
 quandocunq;, & quæ nunquam transibunt, non spera-  
 re. Retro respexit vxor Loth, & ubi respexit, ibi reman-  
 sit; in salem conuersa est, ut prudentes condiret exem-  
 plo. Quo tuo scorpionum time; vide, quia de cauda percu-  
 tit, quam retrò habet; non ergo scorpium perimat ouum  
 tuum, mundus iste spem tuam, ut ita dicam veneno cõ-  
 trario quo retrario. Hæc & plura alia cum S. Augusti-  
 nus præclare dixisset aduersus mundanos homines, qui  
 nec sperant ipsi cælestes diuitias, nec alios sperare si-  
 nunt, vt doceat, qua ratione eam nos depellamus tenta-  
 tionem, Spemq; nostram stabiliamus, addit. Nos ouum  
 nostrum sub alis illius gallinæ ponamus, quæ clamat in  
 Matth. 23. Euangelio: Hierusalem Hierusalem, quoties volui, &c.  
 Illa gallina Diuina Sapientia est, sed assumpsit carnem,  
 vt pullis congrueret. Videte gallinam hispidam plumis,  
 demissis alis, voce fracta, & quassa, & lassa, & languida  
 congruere pullis suis. Ouum ergo nostrum id est spem  
 nostram sub alis illius gallinæ ponamus. Animaduerti-  
 tis fortè, quomodo gallina concidat scorpionem. Vti-  
 nam ergo & istos blasphemantes, in terra reptantes, de  
 cauernis

cauernis prodeuntes, & malè pungentes, illa gallina cōcidat, & deuoret, in corpus suum traijciat, & in ouum vertat. Hæc ibi. Similia apud alios Sanctos Patres legimus, præsertim apud S. Chrysostomum, qui quodam loco sic habet: Spes catena aurea est & firma, qua de cælo propensa subducimus animas nostras, quæ breui sursum in illud summum fastigium eos, qui ipsam fortiter manibus seruant, euehit, & seruat supra fluctus præsentis vitæ omnium longè periculosissimos. Auctor etiam Imperfecti, vocat Spem pretiosiores terrenis rebus omnibus, & uitam iucundiores omni fruitione carnali. Excelluit tamen S. Augustinus in prædicatione Spei, ac ideò ex illo adhuc alia colligenda.

Lib. de reparatione lapsi ad Theod.

Hom. xi. in Matth.

Sexta Spei Actio abdicatis terrenis bonis propter cælestium spem, seipsum prorsus abnegatum Deo consecrare ac deuouere, propter æternam uitam. Sic S. Augustinus. Amemus vitam æternam, & ex eo nouerimus, quantum pro vita æterna laborare debeamus, cum videmus homines amatores præsentis vitæ ac finiendæ, sic pro illa laborare, vt cum venerit metus mortis, quicquid possunt, faciant, non vt auferant, sed vt differant mortem. Et paulo post. Et si prudentes dicuntur, qui omnibus modis agunt, vt differant mortem, & viuant paucos dies, ne perdant paucos dies, quàm stulti sunt, qui sic viuunt, vt perdant diem æternum? & cum æternam vitam utcunq; descripsisset, hoc inquit, quantum erat emendum, si venale esset, quantum dandum erat, vt emeretur? sufficeret quicquid haberes, etiam si totum mundum possideres. Et tamen uenale est, eme si uis; nec multum exæstues de re magna propter pretij magnitudinem.

Sexta Spei Actio.

Serm. de Verbis Domini. 64.

gnitudinem. Tantum ualet, quantum habes. Sed noli querere quid habeas, sed qualis sis; Res ista te ualet, quantum es tu; te da, & habebis illam. Hæc de Actionibus Spei.

Prima occasio Spei.

Occasiones spei Christianis & pijs mentibus sese offerūt plurimæ. Primò inter orandum. Est enim Oratio Christiana non solum Spei soboles, sed quæ tota spei fiducia nititur ad id à Domino obtinendum, quod postulat; Postulet autem in fide (ait S. Iacobus) nihil hesitans. Et S. Ioannes. Hæc est fiducia, quam habemus ad eum, quia quodcunq; petierimus secundum voluntatē eius audit nos.

Secunda occasio.

Hebr. 4.

Secundò in usu Sacramentorum: sunt enim Sacramenta uasa, inimò throni gratiæ, de quibus aptè dici potest illud Apostolicum: Adeamus ergò cum fiducia ad thronum gratiæ eius: nec ad hæc accedimus, cum ritè accedimus, si non speramus per illa nos ea consecuturos, ad quæ sunt diuinitus instituta.

Tertia occasio.

Psal. 11.

Tertiò inter calamitates, afflictiones, fortunas aduersas: nam mala hæc infligit Deus, ut animos terrenis humanisque subsidijs destitutos, erigamus ad Diuina remedia magna spe procuranda. In te enim sperauerunt ait Dauid Patres nostri, sperauerunt, & liberaasti eos. & quo pluribus miseris, grauioribusq; calamitatibus opprimimur, eo uehementius cum Deo precibus agendum sperandumq; magis de optimi Parentis Dei misericordia.

Psal. 129.

De profundis ait clamaui ad te Domine. Quia apud Dominum misericordia, & copiosa apud eum redemptio.

Quarta occasio.

Quartò, cum nobis nostra peccata quia graua, quia nefaria, cum timorem iniiciunt, qui si non desperationem gignit, ab hac certè propius abest. quæ tentatio humi-



humilitate contriti cordis depellitur; Quoniam Cor Phil. 10.  
 contritum & humiliatum Deus nos despiciet; maximè  
 verò magna in Christum crucifixum spe. Qui dedit Ad Tit. 2.  
 semetipsum pro nobis, ut nos redimeret ab omni ini-  
 quitatè. Atq; hæ ac similes occasiones Spei proximæ  
 nominentur; illæ sunt remotiores.

Cum spectamus peccatores à Deo per ministros Quinta oc-  
 casio.  
 suorum Sacramentorum ad pœnitentiam recipi, cum  
 audimus ex superiore loco nullum esse peccati genus  
 quamvis teterrimi ac maximè detestabilis, quod si eius  
 hominem pœnitet, à Deo non condonetur; cum recur-  
 runt in mentem casus hominum desperatorum Caimi,  
 Iudæ, & aliorum, qui multo gravius apud Deum offen-  
 derunt, desperatione obdurati, quàm ob ea scelera pro-  
 pter quæ sibi desperandum ipsi censuerunt. Cum No-  
 vatianos quod reditum ad pœnitentiam peccatoribus  
 intercluderent, ab Ecclesia tamquam hostes, hæreticos-  
 que damnatos, intelligimus. Cum nocentissimos homi-  
 nes, inquinatissimas fœminas legimus Dei benignitate  
 ac misericordia in sanctissimos Heroas, Viraginesque  
 conuersos. Testis inter Viros Paulus, Apostolus ex bla-  
 spheimo. Testis Maria Magdalena inter fœminas Chri-  
 sto longè charissima Discipula, ex ea quæ fuerat in Ciui-  
 rate peccatrix. Adhuc remotiores occasiones Spei op-  
 portunæ tamen sunt hæ. Hæres institutus est quispiam; Sexta oc-  
 casio.  
 at quæ nos hæreditas manet in cælis? Iustificati gratia  
 ipsius hæredes sumus secundum spem vitæ æternæ. Rom. 3.  
 Ad optatus est aliquis ab homine nobili & opulento; at  
 quæ spes adoptionis filiorum Dei? Coronatur Miles  
 ob rem militarem strenuè gestam; quæ erit illa corona  
 iustitiæ

2. Tim. 4. iustitiæ quam repositâ dicit Apostolus apud Deum omnibus qui diligunt aduentum eius. Triumphat Imperator Dux exercitus, effunditur obuiam Ciuitas, comitatur Senatus, omnium ordinum homines, felicissimus, gloriosissimus, augustissimus acclamatur, quid id est nisi simulata lætitia, honor umbratilis si cum veritate celestium triumphorum & æternæ gloriæ comparatur? Opipare epularis: at quid hoc cum Ambrosia illa ac Nectare? Deniq; omnia quæ hic nobis bona sunt, illecebræ sunt, quibus excitemur ad vera illa ac sempiterna expetenda. Vt dulcescat (inquit S. Augustinus) utrumq; munus Dei, ex hoc quod habemus modò. Ad hoc idè occasionum genus reuocantur exempla tam multorum hominũ, quos maximos videmus subire labores, ipsos etiam perferre grauissimos corporis cruciatus, animiq; angores & curas, quòd in his positas habeant aut lucri aut dignitatis spes aliquas, nec magnas plerumque, semper certè fallaces. Nauigat mercator ad Indos, ut inde aurum referat, vbi fortè seipsum perdet, & nos de cælo mercando vix cogitamus? Quid de ambitionibus, quid de cupiditate hominum dicam? quid nõ patiuntur milites, quæ incommoda, quas iniurias non tolerant aulici, modò honoris aut gratiæ vel tenuis spes ostendatur? & qui arat (ut ait Apostolus) nonne debet, & solet in spe arare? & qui triturat in spe fructus percipiendi? Eodem exemplo hortatur idem ad liberalitatẽ propter spem æternæ mercedis; Qui enim parçẽ seminatur, parçẽ & metet. Et, Quæ seminauerit homo, hæc & metet, Immo ex semine mortuo prius, & post viuificatione S. Paulus Spem resurrectionis insinuat. Et certè cū corpus

Serm. 64.  
de Verbis  
Domini.

corpus affligimus utilibus ac necessarijs vexationibus, cum carnis & appetitus motus comprimimus, cum nosmetipsos ad normam Euangelicam mortificamus, meminerimus illud: Seminatur corpus animale, surget <sup>Ibid.</sup> corpus spirituale, seminatur in corruptione, surget in incorruptione. Et si quæ de commodis eius & uoluptatibus ad utilitatem spiritus corpori subtrahimus, si propter Virtutum exercitationem cogimur sustinere incommoda etiam grauiora, liniamus hæc illa spe, nobis omnia nostra à Deo planè tandem restituenda, & cumulatius quàm intelligi aut dici possit, compensanda. Si quidem & capillus de capite vestro non peribit. Si <sup>Matth. 21</sup> premimur rebus aduersis, si urgemur malis mundi ac uitæ huius, si duri tolerandi labores, illud subinde cogitemus, quia labor noster non est inanis in Domino: Et merito ab Apostolo commendari Thessalonicensium <sup>1. Thes. 1.</sup> sustinentiam spei Domini nostri Iesu Christi, nimirum, ut Christi Domini meritis, fideiussione, ac patrocinio innitentes, eandem & ipsi sustinentiam, & spem consecutemur. Postremò, quotidianæ & faciles occasiones Spei sunt, stipem pauperibus Christi & Dei nomine flagitantibus largiri, cum nec potus aquæ frigida careat apud Deum mercede sua, condonare iniurias ad Christi imitationem. Si quidem dimittite, & dimittimini. Occul- <sup>Luce 6.</sup> tius benefacere ad inanem gloriam declinandam. Et Pater <sup>Matth. 6.</sup> tuus qui videt in abscondito, reddet tibi. Ingratis honorem habere, officia indignis prestare, gratis benemerere de hominibus, pro benefactis etiam maledicta referre, idq; non solum patienter, sed etià alacriter tolerare, <sup>Matth. 5.</sup> quia merces uestra copiosa est in cælis. Postremò, quo- <sup>Ostaua oct. casio.</sup>



tidianæ & efficaces occasiones Spei sunt, quæ afferuntur nuncia certissima, & frequentissima ex Anglia, ex Indijs ab hominibus nostri similibus, immò nostrorū quorundam filijs alumnis, fratribus; consanguineis, cōdiscipulis, cōtubernalibus, sodalibus, pro Christiana pietate, pro Apostolica doctrina obiri martyria, exantlari immanes labores, cruciatus, tormenta, vitam cum sanguine profundi ad Christi fidem & gloriam amplificandam, Spectacula item, quæ nobis quotidie præbent tam multi graues & literati viri, adolescentes nobiles, & optimæ indolis, cuiusq; generis ac sexus homines, qui dignitatibus, opibus, parentibus, amicis, ac mundo vniuerso nuncio remisso, se abdunt in monasteria, uel in hoc eodem iamdiu arrepto proposito, religiosis vinculis voluntarijsque constricti votis, sanctissimè in totius Ecclesiæ oculis perseuerant; quorum sanè nullus est, in quem non propriè quadret illud Apostoli dictū: Propter spem Israel catena hac circūdatus sum. Hæc de Spei occasionibus. Nūc de Indicijs & Exemplis aliqua.

Act. 28.

Primum  
Indiciū.

Rom. 12.

In Ps. 127.

Primum Spei Indiciū est, Gaudium & iucunditas animi in laboribus ac passionibus pro Christo. Spe gaudentes. S. Augustinus cum quæssisset cur à Propheta dictum sit: Labores manuum tuarum quia manducabis. Quis enim labores manducat, & non potius fructus laborum? Respondet, Modo labores habemus; fructus postea erit. Sed quia & ipsi labores non sunt sine gaudio propter spem, modo nos ipsi labores nostri iocundant, & letos nos faciunt de Spe. Si ergo labor noster potuit manducari, & potuit iucundare, manducatus fructus ipsius laboris qualis erit? Manducabant labores suos,

suos, qui cunctes ibant, & flebant, mittentes semina sua. Quanto iucundius manducabunt fructus laborum; qui venientes venient cum exultatione, portantes manipulos suos: & paulo post, Et quid dictum est: Qui māducatis panem doloris? Nisi enim manducaretur, non diceretur panis: Nisi autem haberet aliquam suavitatē panis iste, nemo illum māducaret. Cum quanta suauitate plorat, in gemitu qui orat? Dulciores sunt lachrymę orantium, quā gaudia theatrorum. Hęc ille; & alia. Nouimus inquit Abbas Isaac apud Cassianum, Beatum Antonium quandoque sic permanisse in oratione (prę suauitate nimirum) vt ipso frequenter orante in mentis excessu, audierimus eum sepē clamantem in mentis feruore cum Sol cepisset oriri; Quid me impedis Sol: qui modo oriris ad hoc, vt abstrahas me à charitate huius luminis veri? Quod & alijs sanctis viris multis accidit, qui prę lachrymarum dulcedine & copia, Orationis tempore penē oculos amiserunt. Sed de lachrymis Orationis agit Cassianus ibidem. Qui quamquam non magnas estimandas putat, nec negligit tamen, & diuinam suauitatem & gustum nec ipse, nec alius meritò potest reijcere, cum & Scripturis Sacris ac Patribus sint consentanea, & vt retulimus, comitantur Christianam Spem.

Col. 9.  
cap. 34.

Cap. 28.  
29. & seq.

Secundum Spei Indiciū est, Bona conscientia. S. Augustinus illud Apostoli ad Timotheum: Caritas de corde puro, conscientia bona, fide non ficta, sic explicat, vt loco Spei positam putet ab Apostolo conscientiam bonam; sic enim scribit: Pro spe conscientiam posuit; ille enim sperat, qui bonam conscientia gerit.

Secundum  
Indiciū.  
1. Tim. 1.

In Ps. 31.  
in præfat.

rit. Quem verò punit mala conscientia, retrahit se à spe, & non sibi sperat nisi damnationem. Ut ergò speret regnum, habeat bonam conscientiam, & ut habeat bonam conscientiam, credat, & operetur. Hec non dicit S. Augustinus ut spem adimat peccatoribus, quippe Spem sicut & Fidem non exterminat quodcunque peccatum: sed ut ostendat, quibus gradibus Spes conscendat ad id quod sperat; & peccatorem vitam eternam quam sperat, non adepturum, nisi deposito prius peccato bonam conscientiam induerit. Hanc Spem exercuerunt Sancti quique in calamitatibus constituti.

Matth. 1. Sanctissima Virgo Maria in primis, quæ cum sponsum Iosephum de sua integritate dubitantem non ignoraret, nihil tamen fecit, aut dixit, quo suæ existimationi vel minimum consuleret, certissimam spem collocatam habens in Deo, qui iccirco per seipsum Virginis patrocinio suscepto, Iosepho per Angelum errorem omnem, ac formidinem eripuit. Eandem spem praestulisse Susannam illam apud Danielem à senibus impudicis adulterij accusatam falso, nemo dubitat, & aperte de ea scribitur: Flens suspexit in cælum, erat enim cor eius fiduciam habens in Domino.

Eiusdem spei Paphnutius fuit, eiusdem Marina Virgo: hæc cum in stupri, ille cum in furti falsam & iniquam insimulationem vocati, tacet; nisi quod felicior ac magis admiranda Marina, quæ etià damnata tacet, poenasq; subit, & ignominiam, moriens adhuc tacet, solo muto cadavere post mortem locutura, cum Fœmina & Virgo integerrima deprehensa est, quæ vivens Vir, & Virginum stuprator habebatur.

Tertium  
Indiciū.

Tertium Indicium Spei est, Suimet despicientia, ac  
vitæ



vitæ propriæ abiectio, cum fides & Dei gloria ita ferūt,  
 usq; ad Martyrium & sanguinem. Qua in re ita excel-  
 lit vera Spes; ut longè superet amorem naturalem  
 quemlibet, quantumcūq; ardentissimum arctissimū-  
 que, qualis est parētum, filiorum, coniugum, suūpsius.  
 Exempla sint apud nos Symphorosa & Felicitas, apud  
 Hebræos septem filiorum Machabæa mater, cuius sūt 2. Mach. 7.  
 ad filios pro fide, mox trucidandos hæc postrema ver-  
 ba. Nescio qualiter in vtero meo apparuistis: neq; enim  
 ego spiritum & animam donavi vobis & vitam, & sin-  
 gulorum membra non ego, ipsa compegi; sed enim,  
 Mundi creator qui formavit hominis natiuitatē, qui-  
 que omnium inuenit originem, & spiritum vobis iterū  
 cum misericordia reddet, & vitam, sicut nunc vos met-  
 ipsos despicitis propter Leges eius. Sed haud scio an ex  
 infinitis mirabilibus exemplis, huius Spei, quæ in histo-  
 rijs sacris narrantur ullum sit præstantius exemplo Na-  
 talia coniugis Sanctissimi Martyris Adriani, & ipsius  
 etiam Adriani. De ea scribitur in Actis S. Adriani. Cum  
 audisset ueritatem esse feminis ne seruirent Martyribus, Sutriu. To-  
mo 5. 8.  
Septem-  
bris.  
 neve ad eos in carcerem aditus illis aperiretur, toton-  
 dit capillos suos, & veste virili induta carcerem ingres-  
 sa, martyres suis officijs recreauit. Quam post secuta  
 sunt alia matronæ habitu similiter euenturo; ac tandē,  
 cum Maximianus Tyrannus id comperisset, iussit (in-  
 quit historicus ille) in eundem in carcerem inferri, & mar-  
 tyrum pedibus subijci, vesteq; ferreo manus ac tibias  
 illorum confringi; fecerunt lictores quod iussi fuerant.  
 Id ut vidit B. Natalia, occurrit eis, rogauitq; ut ab Adria-  
 no inciperent, obtemperarunt carnisces, & cum impo-  
 suissent

fuiſſent Adriani tibiam ſuper incudem, B. Natalia pedē eius apprehendens extendit ſuper incudem, carniſices verò multa ui cædentes, amputarunt pedes eius, & crura confregerunt. porrò B. Natalia ait ad Adrianum, precor te mi Domine, ſerue Chriſti, dum adhuc in te hæret ſpiritus, extende etiam manum vt amputent eam, vt ſanctis martyribus ſimilis efficiaris per omnia; maiora enim ſupplicia illi perpeſſi ſunt quàm tu. Extendit ergo manum Beatiffimus Adrianus, & porrexit eam Nataliæ, illa impoſuit eam incudi, & carniſices ſimiliter amputarunt. Deinde amouent ab illo incudem, & mox ſpiritum reddidit. Hæc ibi & alia multa apud Eusebium & Nicephorum:

Euseb. lib.  
8. hist. c. 7.  
Nicepho-  
rus lib. 7.  
per multa  
capita à 2.  
& deinceps.  
Quantum  
Indiciu.  
Pſal. 26.  
7. Par. 15.

Quantum Indiciu eſt, Patientia cum perſeuerantia, & ſi fortatte tardius & difficilius, quàm optamus, Spei noſtræ præmiu attingatur. Expecta Dominum (ait David) viriliter age, & confortetur cor tuum; & ſuſtine Dominum. Erit merces operi tuo, ait alius. Et quanquā longum, & laborioſum eſſe videtur iter, quod ingredi-  
mur ad æternam vitam, eſt tamen momentaneu &

leue (vt ait S. Paulus) quod toleramus propter æternam vitam. Et ſi quia fragiles ſumus, & vaſa lutea, ac ſapè labimur; ſi non in flagitia & ſcelera, in quotidiana certè ac multa peccata, non ideo deſpondeamus animum, aut ſegnius viam inceptam progrediamur, modò cum cadimus, ſurgamus. & quoties cadimus, toties reſurgamus, noſq; ipſos ad noſtræmet victoriā, & labores pro Chriſto acriter concitemus: nam ut rectè ſcribit S. Auguſtinus: Optimus ille quidem eſt, qui & viam tenet, & bene ibi ambulat, ſequentis tamen Spei eſt, qui etſi ali-

In Pſ. 31.  
in præfat.

quan-

quantulum claudicat, non omnino errat, aut remanet, sed progreditur, etsi paulatim.

*De precipuis Actionibus & occasionibus Charitatis in Deum. Cap. XIX.*



Charitatis in Deum Actio propriissima, & nobilissima illa est, quam descriptione Charitatis complexus est S. Augustinus il

Lib. de  
moribus Ec-  
cles. c. 11.

lis verbis: Charitas est virtus coniungens nos Deo, qua ipsum diligimus. Duplex autem est amoris coniunctio cum Deo. Vna est, cum diligitur Deus ad nostram utilitatem, etiam sempiternam, qualis est aeterna felicitas; & hac ratione (ut alia eius innumera beneficia omittantur) diligitur ut summum bonum nostrum, & finis bonorum. Sancti Patres rem hanc plerique omnes vel attingunt, uel explicant. Nobis non est propositum omnes producere, est enim superuacaneum, & alienum à simplicitate institutæ tractationis.

Egregie S. Augustinus & iucundè de hac sic scribit, Christum alloquens: Audiamus ergò quem finem bonorum nobis Christe præscribas; Nec dubium est, quin

Lib. de  
Moribus  
Eccl. c. 8.

is erit finis, quo nos summo amore tendere iubes. Diliges inquit Dominum Deum tuum. Dic mihi et quæso te, qui sit diligendi modus: vereor enim, ne plus minusve quàm oportet, inflammer desiderio & amore Domini mei. Ex toto inquit corde tuo. Non est satis. Ex tota anima tua. Ne id quidè satis est. Ex tota mente tua.

Matth. 22.

Quid vis amplius? Vellem fortasse si uiderem quid posset effectus amplius. Quid ad hæc Paulus? Scimus inquit,

A a

quoniam



Rom. 8.

quoniam diligentibus Deum omnia procedunt in bonum. Dicat etiam ipse dilectionis modum. Quis ergo inquit, nos separabit à charitate Christi? Tribulatio, an angustia, an persecutio, an fames, an nuditas; an periculum, an gladius? Audiuius quid diligere, & quantum diligere debeamus; eo est omnino tendendum, ad id omnia consilia nostra referenda. Bonorum summa nobis Deus est, Deus est nobis summum bonum. Neque infra remanendum nobis est, neque ultra querendum: alterum enim periculosum, alterum nullum est. Hæc S. Augustinus. Qui quanquam alibi docet, præceptum diligendi Deum ex toto Corde, & ex tota Mente, & ex tota Anima, non posse impleri in hac vita; hoc tamen loco in terra etiam mortali, tanto mandato posse pro nostro modulo satisfieri, ratione aliqua censet. Amor porro hic, & summus appellatur à S. Augustino, & ut is sit, quem ipse depingit, talis sit oportet, qualem voluit Theologi, cum describunt amorem Dei super omnia; quo nimirum Deum, ut summum bonum quidem, sed plus, & ante omnes alias quaslibet res, etiam ante nos ipsos diligamus. Ob quam causam idem S. Augustinus postea auctoritatem ex Apostolo petitam, scilicet, qua docet nihil nos à charitate Christi separare posse, sic explicat: Nemo nos inde separat minando mortem: id ipsum enim quod diligimus Deum, mori non potest, cum mors ipsa sit non diligere Deum, quod nihil est aliud, quam ei quicquam in diligendo, atque sequendo præponere. Nemo inde separat pollicendo vitam: nemo enim ab ipso fonte separat pollicendo aquam. Non separat Angelus: non enim est Angelus cum inhaeremus Deo,

nostra

nostra mente potentior. Non separat Virtus: nam si Virtus hic illa nominata est, quæ aliquam potestatem in hoc mundo habet, toto mundo est omnino sublimior mens inherens Deo. Sin Virtus illa dicta est, quæ ipsius animi nostri rectissima affectio est; si in alio est, faciet, ut coniungamur Deo; si in nobis est, ipsa coniungit. Non separant instantes molestiæ: hoc enim leuiore eas sentimus, quo ei vnde nos separare moliantur, arctius inhiæremus. Non separat promissio futurorum: nam & quicquid boni futurum est, certius promittit Deus, & nihil est ipso Deo melius: qui iam profectò bene sibi inherentiis præsens est. Non separat altitudo neq. profundum: etenim, si hæc verba scientiæ fortè altitudinem ac profunditatem significant, non ero curiosus, ne scimgar à Deo; nec cuiusquam doctrina me ab eo separat, ut quasi depellat errorem, à quo nemo prorsus nisi separatus, erraret. Si uerò altitudine & profundo superna & inferna huius mundi significantur, quis mihi Cælum polliceatur, ut à Cæli fabricatore scimgar? Aut quis teneat infernus, ut Deum deseram, quem si nunquam deseruisssem, inferna nescirem? Postremò, quis me locus ab eius charitate diueller; qui non ubiq; totus esset, si ullo contineretur loco? Non inquit separat alia creatura. O altissimorum mysteriorum virum. Hæc ille. Aliam creaturam post interpretatur, primò sensibilem mundum, cuius amore à Deo nunquam se separari finit qui Deum diligit. Deinde animum ipsum, qui solus sibi ruinæ ac mortis causa potest esse, si seipso nimio plus oblectatus & captus, à summo suo bono Deo hoc ipso se abstrahat; hic non est planè gratuitus

amor. Et de eo plura diximus in Opere de Disciplina.

Lib. 3. c. 6.

Altera coniunctio cum Deo est, cum diligitur Deus propter seipsum, & non eius beneficia. Hæc adeo superiore nobilior actio est, ut illa præ hac non casta iudicetur à Patribus. Vnus id asserat S. Augustinus. Quisquis à Deo præter Deum aliquid querit, non castè Deum querit. Si vxor amet maritum quia diues est, non est casta: non enim maritum amat, sed aurum mariti; si autem uerè maritum amet, etiam pauperem plus amat, quia cum misericordia amat. Et Deus noster numquam pauper esse potest, diues est, ipse fecit omnia; non (tamen) tibi promisit nisi se, inueni aliquid pretiosius; & hoc dabit. Pulchra est Terra, Cælû & Angeli, sed pulchrior est, qui fecit hæc. & quia id non sine maxima victoria sui, omniumq; humanorum & creatorum commodorum perfecta & plena abdicatione fit ab homine, de eadem ipsa re alibi breuius sic S. Augustinus: Ille ergò verissimè atq; certissimè inuictus homo est, qui cohæret Deo, non ut ab eo aliquid boni extra mereatur, sed cui nihil aliud quàm ipsum inhærere Deo, bonum est. Et alio loco: Quid nam dulcius à Deo præmium, quàm ipse Deus? S. Chrysostomo similiter nulla maior merces est, quàm amare Deum. Quod non dicitur, quia spè præmij amandus Deus non sit, cum scriptum sit: Inclinaui cor meû ad faciendas iustificationes tuas, propter retributione. sed ut quod in amore perfectius est, indicetur. Et S. Bernardus. Causa diligendi Deum Deus est. Proprietates huius amoris in libro de Perfectis, explicantur, & post aliquæ etiam hic commemorantur.

De verbis Domini  
Serm. 49.

Lib. de vera Relig.  
cap. 47.

Serm. 32.  
de tempore,  
cap. 4.

Hom. 42.  
in 1. Cor.

Psal. 118.

Quo-



Quoniam verò amandi Deum nullus finis, est enim Deus infinite amabilis; & Charitas numquam excidit; 1. Cor. 13.  
 & vt ait idem S. Bernardus: Modus diligendi Deum, est sine modo diligere; iccirco à quibusdam amor noster quo Deum amamus in hac vita, amor desiderij dicitur. Explicat id Gulielmus Abbas S. Theodorici. Certe Lib. de A-  
 sum ait per gratiam tuam, desiderium desiderij tui, & more.  
 amorem amoris tui habere me in toto corde, & in tota anima mea. Huc vsq; te adiuvante profeci, ut desiderē desiderare te, & amem amare, sed hoc amans, nescio quid amem. Quid enim est amare amorem, & desiderare desiderium? Et postea: Sed respondet mihi in corde meo Veritas consolationis tuæ, & consolatio Veritatis tuæ. Est amor desiderij, & est amor fruitionis; Amor desiderij meretur aliquando visionem, visio fruitionem, fruitio amoris perfectionem. Gratias ago gratiæ tuæ, qui loqui dignaris ad Cor serui tui, & anxij eius questionibus aliquatenus respondere. Suscipio & amplector hanc Spiritus tui arrham, & lætus expecto in arrha promissionem tuam. Desidero itaq; amare te, & amare desiderare te: & hoc modo curro, ut apprehendam in quo apprehensus sum, scilicet, vt amem te perfectē aliquando, o qui prior nos amasti amande & amabilis Domine. Hec ille. Hoc amoris desiderium S. Chrysostomus In Ps. 115.  
 nominat coronam maximam, & quid quouis diademate præclarior. Nunc ponendæ Occasiones.

Occasiones Amorem Dei excitantes in nobis sunt infinite. Sunt enim infinita beneficia Dei, & omnia Diuini amoris insignes notæ; ac (vt ait S. Chrysostomus) Homi. 27.  
in Genes.  
 præparant animum, vt omnia despiciamus, & vt ei qui  
 tanta

Hem. 72.  
ad popu-  
lum.

tanta in nos beneficia contulit, adhæreamus, amorem in illum singulis diebus augeri declarantes. Ac propterea idem alio loco hortatur, ut per singulos dies unusquisque intra se computet non tantum communia beneficia, verum & propriè sibi collata: non tantum promulgata & omnibus manifesta, sed etiam peculiaria multosque latentia. Hæc percensere facultatis meæ non est, sed nec delibare. Consideret se quisque cum seipsum recognoscit, quod aliquando faciunt etiam illi, qui quilibet aliud faciunt, recognoscit inquam semet, se esse non alium, sui ipsius se curam gerere, seipsum tutari oportere, se non quemlibet, sed certum unum è civibus suis esse, certo genere, certo loco natum, certis cognationibus, affinitatibus, amicitijs circumscriptum, certa corporis constitutione, ac forma, certo ingenio ac viribus animi, certa ætate, certo denique ac ita proprio statu, ut is sibi cum nullo alio mortalium prorsus communis sit, aut esse possit; Cum id in mentem venit, recogitet se, qui ante non multos annos adhuc inter homines non erat, & erat nihil, unde nam repente extiterit is, qui est, quærat ex seipso, ex singulis animi, corporisque partibus; quis eas animaverit, quis formaverit, quis aluerit, quis auxerit, quis in lucem produxerit, quis vitam, quis totum se, tantum, quantus est, & talem, qualis est, ad istam ætatem statumque prouexerit, & intelliget ni fallor, antedicta omnia non aliam vocem mittere, quam hanc unam: Ipse fecit nos, & non ipsi nos. Ipsius enim & genus sumus; genus ergo cum simus Dei, Deo non minus quam terræ stirpes, inhæreamus, ut à quo vitam accepimus, ex eodem vitæ propagatio-

Psal. 99.  
Act. 17.

nem & robur hauriamus; inhæremus autem amore. Amemus igitur, & amandi occasiones capiamus ex nobis. Dedit amicus librum, enssem, equum, cum uides quod ille donauit, amici subit animū tuum grata memoria. Dedit sponsus annulum, gemmam, torquem, aspectus eius illecebra est amoris ad sponsum. Dedit tibi Deus, dedit inquam hominem animatum omnium nobilissimum, regalem animum, Diuinum Spiritum humano corpore Dei item opere artificiosissimo gerentem, & cum te intueris, cum tui memineris, non ueniet in mentem tantæ liberalitatis Dei magnificentia, tanta benignitas, tantis amor? Tunc beneficia scribit S. In Ps. 115. Chrysostomus, duplicia sunt cum & natura magna sūt, & conferuntur in eum, qui est nihili. Quid tibi teipso maius? hoc totum ex vno Deo habes; quid magis nihili quàm id ipsum quod nihil nominatur, quod ita nihil est, ut minus adhuc sit quàm figmentum ac somnium? hoc ipsum, quilibet nostrum existit antequàm Deus nos ipsos nobis donaret, hoc est ex nihilo faceret homines; & non erit hic acerrimus stimulus auctorem recognoscendi, & diligendi? Hæc nemo non uidet, quam verè & meritò amplificari possent. Sed ne minuat dicēdo potius; simpliciter pono quæ Sacris literis simpliciter traduntur. Creauit Deus hominem. Manus Dei Genes. 1. plasmauerunt. Nonne sicut hæc mulsisti me, & sicut caseum me coagulasti? Pelle & carnibus vestisti me, ossibus & neruis compëgisti me, vitam & misericordiam tribuisti mihi. Dat vitam, inspirationem, & omnia. Ad Act. 17. imaginem Dei creauit illum. Reliquit illum in manu Genes. 1. consilij sui. Minuisti eum paulo minus ab Angelis, Glo- Eccl. 15. ria. Ps. 8.



ria & honore coronasti eum; Posuisti eum super opera  
 manuū tuarum; Omnia subiicisti sub pedibus eius.  
 Act. 17. Habitare fecit super vniuersam faciem terræ, quærere  
 Deum si fortè attrectent eum, quia non longè est ab  
 psal. 8. unoquoq; nostrum. Quid est homo quod memores  
 eius, aut filius hominis, quia visitas eum? Hæc de homi-  
 nis creatione, & omnibus quæ cum creatione coniun-  
 cta sunt Diuina beneficia plurima amplissimaq;.

Sed quanquam Creatio hominis occasio est homini  
 amandi creatorem, non minus facilè fuerit amorem  
 eundem elicere ex Diuinæ erga hominem prouiden-  
 tiæ commemoratione; & fortasse facilius, quia in ocu-  
 lis est, & quasi manu tangitur. Cernis hominem non in  
 tegro corpore ac sano ipse tu sanus & integer? alium, te  
 fortè meliorem, cōtemptum, abiectum, destitutum cō-  
 filijs, bonis amicis, & tua tibi nō infelicitè succedere?  
 afflictum aliquem animo, uexatum corpore; carentem  
 liberis, nec vxore & familia ad voluntatem vtenem,  
 fortuna minus florente, ipse interim tua contentus for-  
 te? exules alios, alios ære alieno penuria, bello, tyranni-  
 de oppressos, alios decedentes è vita, ad sepulchrum  
 elatos; alios peste, alios incendio naufragiue extin-  
 ctos, te, tuaq; procul esse ab his calamitatibus, alijsque  
 sexcentis, quas singulis penè momentis & horis propè  
 intueris alios incurrere? Hæc tu inquam cernis? quare  
 igitur tantorum bonorum fontem, & intelliges hunc  
 non alium esse nisi Deum: qui enim te genuit, is te edu-  
 cat, is seruat, & tuetur. Quomodo enim (ait Salomon)  
 posset aliquid permanere nisi tu uoluisses, & quod à te  
 uocatum non esset, conseruaretur? Is est cui cura est de  
 nobis;

nobis; qui homines & iumenta saluat; quidam escam  
 omni carni ad usum hominis; qui producit in montibus  
 fœnum, & herbam seruituri hominum, rigans montes  
 de superioribus suis, de fructu operum suorum terram  
 satians; is denique cui omnes capilli capitis numerati  
 sunt; & qui regit me, & nihil mihi deerit. Hæc quid  
 agunt omnia, singula quid à nobis petunt, nisi vt non  
 solum quæramus Deum, sed (quod Apostolus addidit) Act. 17.  
 attrectemus etiam non manu, sed amoris affectu? ut  
 quemadmodum sunt Diuini amoris vestigia ac signa,  
 sint similiter Diuini amoris voces, & faces. Diligam te Psal. 17.  
 Domine (ait Dauid dignissimus tali magistro discipu-  
 lus) fortitudo mea, Dominus firmamentum meum, &  
 refugium meum, & liberator meus. Deus adiutor meus;  
 & sperabo in eum, protector meus, & cornu salutis  
 mee, & susceptor meus. Et infra; Qui perfecit pedes  
 meos tanquam ceruorum, & super excelsa statués me;  
 Qui docet manus meas ad prælium, & posuisti ut arcum  
 erum brachia mea; Et dedisti mihi protectionem salu-  
 tis tue, & dextera tua suscepit me. Et alio loco: Diligite Psal. 30.  
 Dominum omnes Sancti eius, quoniam nihil deest ti-  
 mentibus eum. Ad hanc communicationem amoris &  
 laudis inuitat idē sæpè creatas res omnes, quod nimirū  
 illæ cōmodis & vtilitatibus hominū maximè seruiant,  
 sintq; singulæ propterea maximū Diuini amoris incita-  
 mentū, præsertim ea, quæ nos propius attingūt, qualia  
 sunt esculēta, poculēta, vestimēta, tā multa, tā variā, tā  
 apta, tā pretiosa, & iucūda; qualia patrocinia, amicitia,  
 opes, prædia, domus, supellex, dignitates, patrimonia,  
 clientelæ, seruitia, pacis & belli instrumenta, nauigia,

Deut. 4.

Hebr. 1.

Hom. 10.  
in Euang.

equi, vtilium animantium armenta, & greges, uoluptatiorum etiam, ad domesticas delicias, ad venationem, ad pastum, ad tripudium. qualia deniq; sunt remotiora illa nemora, sylvæ, montium vestitus densissimum, luxuriosa frumēta, eaq; adeo multiplicia, fructus agrorum, & arborum, riparum ornatus, hortorum amœnitates, quicquid denique Cæli complexu continetur, in aere, aquis, terra, urbibus, pagis, villis; quid dico complexu Cælum? cum Cæli ipsi & sidera à Deo creata dicantur à Moyse in ministerium cunctis gentibus, quæ sub Cælo sunt; ea nempe de causa, quòd tam Cæli & astra, quàm Elementa, & reliqua omnia, quæ terra vel fert, vel sustinet, res sunt, quibus tãquam ministris utitur Deus ad uitam hominum sustentandam propagandamque; Nec ijs solum, sed Angelis ipsis qui nobilissimi spiritus sunt, Deoq; affines; sunt. n. ait Apostolus ministrato rij spiritus in ministerium missi, propter eos qui hæreditatem capiunt salutis. Quare & verè & sapienter à S. Gregorio dictum illud est: Vitam hominum solus hanc conditor qui creauit, administrat. Et ecce tibi amoris incentiuæ creatæ res omnes, quas oculis cernis, omnes enim vt homini vel maximè, uel proximè seruiant constitutum est à Deo, cuius vnus nutu arbitrioq; gubernantur, ita, vt nec folium, aut pluma, aut atomus quolibet uel minimo uentulo leuiter, etiam moueatur, nisi ad Dei voluntatem. Attrectat igitur nos Deus, immò replet, & obruit continuis magnisq; beneficijs suis, in Deo tanquã pisces in mari viuimus, mouemur, & sumus, & non quæremus cogitatione Deum, non amore affectuq; tangemus? Hæc sunt Occasiones quas ferè nobis



bis præbent, oculi Deum amandi. Veniamus ad aures.  
 Et sanè illud prædicare & ipsi possumus. Domine auri- Psal. 43.  
 bus nostris audiui-  
 mus, Patres nostri annunciauerunt  
 nobis, opus, quod operatus es in diebus antiquis. Fides  
 enim, quæ est ex auditu, quàm multa, quàm certa, quàm  
 præclara proponit ad amorem Diuinum inuitamenta.  
 Breuiter Duo omninò sunt Dei præcipua testimonia,  
 quæ Scriptura Duo Dei Testamenta nominat De qui-  
 bus sic S. Augustinus. Hæc est breuissima & apertissima Lib. Ad-  
uersus  
Adiman-  
tum, c. 17.  
De Morie-  
bus Eccle-  
sæ, c. 23.  
 differentia duorum Testamentorum, Timor, & Amor.  
 & alibi. Quanquam enim vtrunq; in vtroq; sit, præua-  
 let tamen in Vetere Timor, Amor in Nouo. Et ecce ti-  
 bi in ipso limine primam amoris notam; natus es enim  
 non sub priori Testamento, Timore regnante, sed sub  
 posteriori, beatissimo inquam Amoris dominatu. Hu-  
 ius autem Testamēti principium & finis Christus vnus  
 est, propè dixerim Amor ipse. Explicemus quamuis nò  
 latè: Quid Patrem vt Filium mitteret, adduxit? Amor.  
 Sic Deus dilexit mundum, ut Filium suum vnigenitum Ioan. 3.  
 daret. Quem habitū induit Filius, cum uenit? Amoris.  
 Et ipse tanquam sponsus procedens de thalamo suo. Psal. 18.  
 Quid idem in terras detulit? Amoris ignem. Ignem ve-  
 ni mittere in terram. Spiritus Sanctus quid adiecit? Lucæ. 12.  
 Amorem Charitatis. Charitas enim diffusa est in cordi- Rom. 8.  
 bus nostris per Spiritum sanctum, qui datus est nobis.  
 Cum Christus quasi Sol alter mundum lustraret, quid  
 ex eius aspectu emicuit? Amoris radij. Nec est qui se ab Psal. 18.  
 scondat à calore eius. Quæ summa doctrinæ eius?  
 Amor. Diliges Dominum Deum tuum; Diliges proxi- Matth. 22.  
 mum tuum; in his duobus mandatis vniuersa Lex pen-

- det & prophetæ. Quid legauit Testamento? Amorem.
- Ioan. 15. Hæc mando vobis, ut diligatis inuicem. Quæ nota insignes esse uoluit discipulos? Amoris. In hoc cognoscant omnes, quod discipuli mei eritis, si dilectionem habueritis ad inuicem. Quid potissimum rogauit Patrè?
- Ioan. 13. Amorem. Vt sint vnum, sicut & nos. Vitam humillimam, & laboriosissimam cur totos triginta tres annos traduxit? ob Amorem Sponsæ. Dilexit enim Ecclesiã.
- Ephes. 50. Et sanè de hoc mystico Jacob dici uerius potest illud: Et uidebantur illi dies pauci præ amoris magnitudine.
- Gen. 29. Quis ex eo miracula, & gratias sanitatum, mortuorum etiã hominum suscitationes elicuit? Amor. Ecce quem amas, infirmatur. Quis illi lachrymas excussit? Amor. Ecce quomodo amabat eum. Quis ad sanguinem pro hominibus profundendum impulit? Amor. Dilexit nos, & lauit nos à peccatis nostris, in sanguine suo. Quid ad Diuinum planè ac inexplicabile mysterium Eucharistiæ instituendum, & commendandum? Amor.
1. Cor. 11. Hoc facite in meam commemorationem. Quis ad egit in Cruccm? Amor. Amor meus dicebat Sanctissimus
- Origenes Homil. 2. Ignatius, Crucifixus est. Quis detrusit ad inferos, reuocauit ad vitam? Amor. Exurrexi & adhuc tecum sum.
- Psal. 138. Quis in Cælum sustulit? Amor. Expedit uobis, ut ego vadam. Vado parare vobis locum; Assumam vos ad me ipsum. Quid nunc cum regnat in Cælis agit? Amat.
- Ioan. 16. Et ad eum veniemus, & mansionem apud eum faciemus. Amoris præstat officium. Aduocatum habemus apud Patrem Iesum Christum iustum. Ergo cum nomē Christi audis, non fingas animo, sed certò credas, te nomen Amoris audire. Et ipse est amicus meus ait Spon-
- Cant. 5. sain

Ita in Canticis; hoc est, ut habet alia versio, ipse est Amor meus. Et Ecclesia: Iesu nostra redemptio, Amor & desiderium. Eadem ex S. Bernardo: Amor Iesu dulcissime. Cum audis Euangelium; audis amoris nuntium: audis omnia bona. Querit Origenes, Cur cum dicat Isaias Euangelizantium bonum, Apostolus referat Euangelizantium bona? Quia inquit non solum aut vnum bonum Iesus, sed omnia bona. Vita bonum est, Iesus est Vita. Resurrectio bonum est, Iesus est resurrectio. Lux mundi bonum est, Iesus est Lux mundi vera; veritas, via, ostium, sapientia, potentia, thesaurus denique omnium bonorum Iesus est. Hunc ait Euangelizavit Paulus hominē factū, ut principium omnium bonorum nostrorum; mortuum, ut nos viueremus; resurgentem, ut nos resurrectioni eius conformes essemus; denique, ut iustitiam, sanctificationem, & redemptionem nostram, quia infinita bona est Iesus, & finis & complementum omnium bonorum nostrorum, in quo beneplacitum est Deo omnem plenitudinem Diuinitatis corporaliter habitare. Hæc omnia bona Euangelizat, qui Iesum Euangelizat: & qui Iesum, omnia bona. Hæc ex Origenes. Quam rectè igitur, quam sanctè, quam appositè dictum est illud ab Apostolo. Siquis non amat Dominum nostrum Iesum Christum, Anathema. Quod idem de Amore in Deum à nobis est assidue cogitandum, & asserendum. Hæc quam multa magnæque sit amoris in Deum seges, nemo non videt, complectitur enim quid quid Sacris literis Euangelio præsertim continetur; quicquid à Deo ad hominis beneficium patratum supernaturaliter est; quicquid egit, dixit, passus est viuens

In Iubilo.

Præfat. in  
Ioan.  
Isaia. 12.  
Rom. 10.

7.6.13

17.1

i. Cor. 16.

&amp; mo-



& moriens Christus Dominus ac Redemptor; quicquid Apostoli de Christo eiusq; rebus gestis & institutis promulgarunt orbi vniuerso; quicquid gesserunt ipsi, quicquid cruciatus & laboris, quicquid calamitatis & mortis propter Christum subierunt, deniq; quicquid est caput & membra Christi, Christus inquam & Ecclesia, pro qua se Christus tam profuse tradidit, ut eam sanctificaret, mundans eam laticro aquæ, in verbo vitæ, & exhiberet eam sibi gloriosam, non habentem maculam neq; rugam. Hæc omnia sunt amoris Diuini clarissima monumenta, hæc quæ ipsum in nobis excitant, & nutriunt, cum attentè recogitantur, modo cum leguntur, & audiuntur ea cogitandi, indeq; amandi Deum occasionem arripiamus.

Eph. 5.

Rom. 8.

Serm. 6. in  
Natiuitat.

Ad beneficia Euangelica consentaneum est maximum donorum omnium quæ Deus optimus maximus adeo largè, effuseq; donauit hominibus; Hoc autem est Adoptio filiorum. Non enim accepistis (ait Apostolus) Spiritum seruitutis iterum in timore, sed accepistis Spiritum adoptionis filiorum, in quo clamamus, Abba Pater. Qua de re sic S. Leo Papa. Magnum est Dilectissimi huius muneris Sacramentum, & omnia dona excedit hoc donum, vt Deus hominem vocet filium, & homo Deum nominet Patrem. Per has enim appellationes sentitur, & discitur, quis ad tãtam altitudinem ascendat effectus. Nam si in progenie carnali & stirpe terrena claris parentibus genitos vitia malæ conuersationis obscurant, & ipso maiorum suorum lumine soboles indigna confunditur: in quem exitum venient, qui propter amorem mundi à generatione Christi non metuant

metuunt abdicari? si autem ad humanam pertinet laudem, ut patrum decus in prole resplendeat, quanto magis gloriosum est, ex Deo natos in auctoris sui imaginem resurgere, & illum in se qui illos generauit ostendere? Hæc S. Leo. Hanc amoris in Deum occasionem habemus, cum Deum siue orando, siue loquendo nominamus Patrem, cum Ecclesiam appellamus Matrem, quod frequēs est in ore Christianorum, cum nos ipsos Dei filios agnoscimus, & profiteamur, cum nos redemptos à Diaboli seruitute gaudemus, cū Sacro nos Christi Baptismate initiatos, restitutos nos intelligimus in libertatem gloriæ filiorum Dei. Ad huiusmodi occasiones non negligendas, S. Ioannes hortatur, cum ait: Videte qualem charitatem dedit nobis Pater, ut filij Dei 1. Ioan. 3. nomineamur, & simus. Quod si nonnunquam propter Christum aut contemnimur, aut etiam odio habemur à mundanis hominibus, istud ipsum Amoris Dei, & Patris nostri nobis sit argumentum, & occasio. Propter hoc addit idem: Mundus non nouit nos, quia non nouit eum. Charissimi nunc filij Dei sumus. Est porro commemorationis huius opportunum tempus, cum nos alicunde allici ad peccandum animaduertimus, tunc enim illud maxime refricandum: Qui natus est ex Ibidem. Deo, non peccat. Cum item nos angit præteritorum expiatorum licet criminum conscientia, siquidem miseretur omnium Deus, filiorum autem clementissimè, & cumulatisimè. Verum excitatur in Dei filio maxime Diuini Amoris flamma, cū subit animū illud: Quoniam ipse prior dilexit nos, & quidem cum inimici essemus. Quis autem ait S. Augustinus, non redamare affectet

dis rudi,  
cap. 12.

fecit iustissimum, & misericordissimum Deum, qui prior sic amauit iniustissimos, & superbissimos homines, ut propter eos mitteret unicum filium, per quem fecit omnia? Sed hæc sunt cōmunia, & promulgata Dei beneficia; sic ut suprà retulimus dicta à S. Chrysostomo; quibus etiam auctore eodem dicat Dauid Psalmum centesimum tertium.

Quam occasionem præstabit Amoris recognitio beneficiorum, quæ idem S. Chrysostomus nominat propria, atq; latentia. Hæc autem numeret secum quisq; ; censet aliqua Dauid Psalmo centesimo secundo. Capi-

ta præcipua sint. Educatio & pietas Parentum. Huius

Lib. 9 C6  
fes. cap. 9.

plurimum se debere fatetur S. Augustinus: Suxisse cum lacte matris veram Religionem. Quod si contrà factū

Lib. 3. C. 4.

est, an non magnum beneficium est ex impijs parentibus tanquam è spinis rosam pium extitisse? an non beatitudo quædam est, per externos homines à Spiritu Sā-

Matth. 16.

cto edoctum super senes intellexisse? Certè B. Petro à Domino dictum est: Beatus es Simon Bar Iona, quia caro & sanguis non reuelauit tibi. Magistorum honesta disciplina. Consuetudo virorum bonorum. Et si in

4

5

6

perditos incidisti, quale Dei donum est, quod te non planè perdideris; quod gradum reuocaueris, quod vel

7

serò sapere ceperis? In adolescentia vel Virginitatem retinuisse, uel castitatem amplexum, carnis illecebras

8

repudiasse. Et si fragilitate prolapsus sis, teipsū recuperasse; ad pœnitentiam recurrisse, vsui sacramentorum,

Lib. 1. C. 1.

sacræ lectioni, orationi, corporis afflictationi instituisse,

9

10

Christianam certam vocationem elegisse; in ea ex virtute viuere, charitatis operibus operam dare, iniquitatē



ex animo odisse, pietatem diligere, colere religionem, pacem sectari, mortem si non appetere, certè cogitare, ad eamq; in tempore fortiter ferendam se comparare. Deo deniq; quacunq; ratione possit placere semper, ac seruire, vehementer optare. At hæc etiã sat generalia & multis communia beneficia Dei sunt, quanquam præclara & singularia. Alia sunt, quæ testæ fortasse ad alienos facilè sint, nobis qui nobis ipsis intimi sumus; ac planè scimus quid intus in animo & corpore nostro agatur, aperta sunt necesse est; nec propterea ab alijs hæc sed à nobis solum ponderari possunt. Exempla hic aliqua pono, non ut rerum certarum explicator, aut historicus, sed potius ut præfultor ludi; ad ea se quisq; exploret. Illa ætatula tu salutare nutricis tuæ lachausisti, quæ coxus tuus cum lacte febriem, pituitam, morbum regium, pestem suxit ex sua. Itate curauit eadem, ac seruauit, ut nullo graui lapsu tui sint tibi pedes cruraq; confRACTA, sicuti accidit Miphiposeth, nec alia quauis corporis parte detrimentum factum. Quoties cecidisti; nec offendisti? Vix in lucem editi multi, cum parentibus orbatî repente sunt, alijsq; præsidij infantibus, pueris, adolescentibus vtilibus, aut etiam necessarijs spoliati, nullius penè curæ commissi, nullis puerilibus ac multò minus grauioribus disciplinis exculti. Tibi contrà, rebus in omnibus à parentibus, à curatoribus & tutoribus optimè consultum, ac prouisum est, te iam tunc & deinceps semper tuorum oculi & aures speculabantur accuratè, diligenterq; custodiebant, te magistri instituerunt, bonis moribus inuormarunt assidue, nec destiterunt priusquam vir inter viros factus, res tuas, ac teipsū

5 magis planè regère didicisses. Alij grauibus, periodicis  
 alij morbis sæpè tentantur. Tu ferè bona semper es ac  
 6 firma valetudine. Ægrotasti periculose, ægrotauit &  
 alius, immò quamplurimi & mortui sunt, tu conualui-  
 7 sti. Adiuisti periculum capitis & fortunarum, adiuerunt  
 8 & alij, nec effugerunt, tu propulasti. Quam multi ex fe-  
 licibus infelices, ex beatissimis facti sunt miserrimi, aut  
 aliqua sua culpa, aut occulto Dei consilio, aut inimico-  
 rum iniuria & impotentia, & tu eodem ac pristino sta-  
 tu adhuc es, nihil aut minimum mutatus ab illo, qui fue-  
 ras, fortunatus, amicis charus, inimicos uel non, uel mi-  
 tigatos habens. Occulta porrò & incognita Diuina aut  
 9 Angelica beneficia huiusmodi quam multa Deus bo-  
 ne? ictus fulmine non sum, non percussus tegulæ aut  
 marmorei lapidis casu, non fortuito iaculo petitus,  
 non belluæ aut bestię cuiuspiam feræ morfu ex im-  
 prouiso laceratus, non cornu vulneratus, non prostra-  
 tus impetu, non plumbea glande ex sclopeto temerè  
 displosa traiectus, non obrutus vndis, non extinctus in-  
 cendio, non peste consumptus, deniq; à sexcentis vitæ  
 periculis immò ab infinitis procul absum, cum ea tamè  
 quotidie quolibet puncto temporis immineant capi-  
 ti; quis depellit ista, quis auertit, cuius munere toties  
 seruamur superstitēs, & incolumes, quoties hisce peric-  
 ulis vita non adimitur? Dei videlicet optimi parentis  
 summa cura, maxima prouidentia, propensissima volū-  
 tate. At sint hæc corporis & vitæ mortalis, sint ualetu-  
 dinis subsidia, & tuitiones, Diuina certè & magna Dei  
 beneficia. Sed si conferantur cum ijs, quæ in animo  
 efficit, exigua. Benedic (aiebat Dauid) anima mea Do-  
 mino,

mino, & omnia quæ intra me sunt nomini sancto eius. Excitauit Satanas immoderatarum tuarum passionum impotentes motus, Odij, Inuidiæ, Superbiæ, Libidinis, Iracundiæ, Vindictæ, Dirarum, Execrationum, Spiritû fortè Blasphemix aduersus Deum, Diuosq;, Desperationem salutis, Contemptum Virtutis, Odium Observantiæ, Pietatis, Religionis, Profligatæ vitæ amorem, & alia huiusmodi, quæ tela inimici ignea vocat Apostolus, Ephes. 6. & Iob prunarum ardorem Diaboli halitu ventilatum; Iob. 41. his te inquam commotionibus pulsauit Diabolus, nec consensisti; ecce magnum Dei beneficium; consensisti, sed illico resipuisti? ecce alterum beneficium; non resipuisti, cohibuisti tamen motus animi, ne foras erumperent? & hoc beneficium est non exiguum; eruperunt quidem foras, sed intempestiuè, & cum ignominia? & hoc est Diuinum beneficium; exarseris etiam libidinibus, saturaues animum, expleueris cupiditates tuas, te ipsum effuderis in omni intemperantia, at eo ipso tempore te momordit conscientia, te pupugit metus? & hoc est beneficium; non consenuisti in flagitijs, tui te tandem puduit, pœnituit præteritæ vitæ, mutasti consilium, sanâ mentem recepisti? & hoc quantum est Diuinæ misericordiæ beneficium? Esto etiam, perditus sis, nec vlla spes ostendatur, te tui dissimilem euasurum, an hoc est contemnendum beneficium, quo te benignitas Dei expectat, & hac tanta patientia ac dissimulatione ad pœnitentiam adducit? Interiora & illa magis sunt; antequam in scelus rueres, quoties te retinuit Deus? nunc metu reuocans, nunc pudore; Cum manus dedisti, ac decreuisti te tam crudeli Domino mancipare,



quoties ne quò cœperas, pergeres, impediuit, quot ad-  
mit occasiones, quot certas spes tuas fefellit, quibus te  
interim tenebris circumfufum afflixit, moleftijs animi  
vexationibusque verfauit, turbauit anxietatibus, confi-  
xit timoris aculeis, conscientie ftimulis exagitauit: quæ  
falutaria documenta non tibi iniecit in mentem, ut ad  
ea expergifcereris uel inuitus? Maiorum monita æqua-  
lium exempla, ſcleratorum & tui ſimilium exitus re-  
pentinus, infelices, miſerandos, tuum ipſum animum  
ac cor peccatis ut erat, obrutum, quibus non concuſſit  
mœroris, doloris, inuicem & amoris motibus? morbum il-  
lum periculofum, quo penè extinctus es, Deus imini-  
fit, vt tu ex animo morbum peccati longè periculofio-  
rem depelleres. Alio tempore veniſti in apertum illud  
vitæ diſcrimen, atq; (ut aiebat Dauid) eo uentum erat,  
ut vno tantum gradu tu, morſq; diuideremini, eripuit  
te ex illo Deus, ut ipſe te ex ſalutis æternæ diſcrimine,  
ac tyrannide Satane quantocyus eriperes, & cum tu ſce-  
lera ſcleribus cumulares, nihilq; te vno in Deum eſſet  
ingratius, tunc te tanquam obſequentem piumq; re-  
numerans, nouis beneficijs, hominum gratia, gloriaq;  
adauxit, ut quem à flagitijs non abſtraxerat ſupplicij  
ſenſus, pudore ſaltem ſuſfunderent inſolita in indi-  
gniſſimum hominem collata Diuinitus munera. Ac ſi  
ſe ita cum inimicis gerit Deus, quem ſe præſtabit ami-  
cis? Ab his vt amouet peccandi voluntatem, ſic ſæpiſſi-  
mè eoſdem abſtrahit ab omnibus peccandi occaſioni-  
bus, quippè, quos adſtringit & quidem libentes legi-  
bus continue diſciplinæ. Quod ſi interdum ex occaſio-  
ne tentatione aliqua pulſari permittit, ea animi firmitate

Lib. 1.  
Reg. 23.

te eos sic roborat, vt configant quidem cum hoste, sed de hoste gloriosè triumphent. Sollicitatus ad adulteriū Gen. 39. opportunitate presentissima Ioseph à Domina; ad mortem adferendam inimico Sauli, quem comitatu destitutum, oppressum somno ante pedes suos positum intuebatur Dauid; S. Bernardus ab hospita; S. Thomas Aquinas à muliere impudica remotis arbitris ad facinus, non solum non victi sunt, sed ipsi aduersarios ita fuderunt, fregeruntq; , vt ad eandem periclitationem serò admodum ac fortasse nunquam postea cum iisdē redierit Satanas; si quidem ut ait Cassianus, retorquetur in Dæmones illa confusio, quæ nos manebat, si ab Col. 7. cap. 21. ipsis fuisset elisi, secundum illud: Caput circuitus eorum, labor labiorum ipsorum operiet eos. Et, Conuertetur dolor eius in caput eius. Et, Captio quàm abscondit, apprehendat eum. Psal. 139. Psal. 7. Psal. 34.

Id facit Deus auertendo mala à suis, at quæ in eorū animos congerit bona? quot mentis illustrationes subitas, diuturnas, ad se, ad Deum cognoscendum, ad Sacras literas percipiendas, ad rerum spiritualium arcana quælibet peruestiganda, ad iuuandos proximos? Quam sanctis cogitationibus, & spiritualium voluptatum illecebris mentes voluntatesq; eorum ad se allicit, trahit, sustentat, facultatum internarum vires corroborat, cōplet? Et si ad tempus aut ipse languescit, ut probet sine vilo eorum crimine, aut ad aliquam expiandam culpā languere permittit, quàm citò ac liberaliter eos reuifit, recreat suæ presentiae solatio, amplectitur, ac stringit charitatis vinculis, suauissimi amoris sui osculis mulcet? Deniq; , nunquam non exercet suos vtiliter Deus,   
 vt in

ut in Virtutum solidarum fructu, studioq; propriæ perfectionis progressionem in dies maiores faciant. Ad hæc siquidem capita duo reuocat Dauid hæc aduersus Sanctos Diuinæ charitatis & rectionis officia. Benedic anima mea Domino; Qui replet in bonis desiderium tuum. Ecce primum. Renouabitur ut Aquila iuuentus tua, & hoc est secundum.

Hæc eò pertinent, ut intelligamus, quàm multas, quàm proximas occasiones amandi Deum extra, adeoque magis intra nos ipsos habeamus. Ut quid enim nobis benefacit Deus, nisi ut beneficijs conciliatos sibi perpetuò in amore coniungat? At inquis mercenarius est huiusmodi amor, & amare Deum propter seipsum, multo optabilius est longèq; perfectius. Ita quidem certe, nihilo minus sanctus est etiam amor hic; & quando nos plerumq; ipsi sumus, qui non nisi utilitatibus nostris ducimur, magnum Diuinæ benignitatis munus est, quod se Deus ad hominis genium, naturæque nostræ propensionem accommodet, gratumque & acceptum habeat cum qualicunq; ratione, etiam si commodis & uoluptatibus ad illum trahimur.

Prima.

Propono tamen breuiter Occasiones quattuor amandi Deum propter se. Prima est hæc ipsa, qua Deum diligimus ut in nos beneficium. Est is amor gradus ad amandum Deum propter seipsum, etiam si nobis nihil haecenus præstitisset, nec præstaturus esset aliquando. Purga amorem, dicebat S. Augustinus, & aquam fluentem in cloacam, conuerte ad hortum. Sic dicamus nos, & purgemus amorem nostrum in Deum, non quidem aliqua sæculenta impuritate, neq; enim est ut dixi vitiosus

Præfat. in  
Psal. 31.



sus amor mercenarius, sed ne nos in Deum rapiat proprii boni cupiditate, verum sola Dei bonitate & pulchritudine. Vch. n. tali amoris tuo dicit idem pater, si In Ps. 44.  
 vel suspicaris aliquid pulchrius, quàm est ille, à quo est omne pulchrum. Quo loco cum quæreret, cur Psalmus qui est de sponsi pulchritudine, scribitur enim in eo: Speciosus forma præ filiis hominum; &, Specie tua, & pulchritudine tua inscriptus esset in intellectu filijs Chore; respondet, vt hæc fides nostra qua purgamur, ad inuisibilia præparetur, hoc est, quod in intellectu filijs Chore facta sunt omnia ista, ut detraherentur sanctis ipsa quæ habebant, detraherentur & ipsa uita temporalis, vt non propter hæc ipsa temporalia colerent ipsum æternum; sed amore illius casto tolerarent hæc omnia, quæ pro tempore paterentur. Propterea quia intellexerunt, dicunt, hæc omnia venerunt super nos, nec obliui sumus te. Amemus igitur initio Deum tanquam beneficiarij, eum qui effusè adeò de nobis benemeritus est, & quotidie benè meretur, ac in omnem æternitatem benè merebitur; procedente autem spiritali ætate, amorem hunc quacunq; beneficiaria ratione exuamus, diligamusq; fontem bonorum omnium diuinam ipsam per se summè colendam & obseruandam bonitatem.

Secunda Occasio amoris Dei per seipsum, est, cum Secunda.  
 cogitatur, aut nominatur à nobis Deus, vt Deus est, veniuntq; in mētē, aut cōmemorātur illa attributa Dei, quæ dicimus absoluta, quia eorum conceptione notioneue nullus ad res creatas respectus includitur; qualia sūt Maiestas, Potestas, & vis infinita, Sapientia, Bonitas, Immensitas,

Proso-  
logo, cap. 5.  
& 11.

mensitas, Simplicitas omnis prorsus concretionis ex-  
pers, Infinitas, deniq; omnis Perfectio, quam vocant  
Theologi simpliciter, & quæ ex S. Anselmi descriptio-  
ne receptissima, ea est, quæ melior est ipsa, quàm non  
ipsa. Cuius rationis est hoc ipsum nomen D E V S, & si  
quæ sunt alia tam Latina quàm Greca, & cuiusuis alte-  
rius linguæ nomina Dei, quæ affecta non sint, aut relati-  
ua; quale certè est apud Hebræos Sacratissimum Nomē  
Tetragrammaton. Et, Ego sum, qui sum. &, Qui est. Si-  
ue Grecè *τὸ ὄν*. Hæc quia referunt ac obijciunt nobis  
Deum uti est per se, excitant etiam amorem cum reco-  
gitantur ex utro omnia alia re, aut affectione, qua Deus  
non sit, aut ad ipsam Diuinitatem non attingat per se,  
amorem inquam quo diligamus Deum, uti Deus est,  
Omnipotentem, sapientissimum, Optimum, Immen-  
sum, & Infinitum, Perfectissimum, & quo nihil excogi-  
tari possit maius, aut melius, qualis prorsus ipsissimus  
est in se, & suprà omnem creatam capacitatem cuiuscū-  
que mentis adhuc infinitè perfectior, maior, & melior,  
& fortè hunc amoris actum & in Deum obseruantix

Psal. 15. David induerat, cum dixit: Deus meus es tu, quoniam  
Psal. 45. bonorum meorum non eges. &, Quis sicut Dominus  
Psal. 34. Deus noster? Et Vacate, & uidete, quoniam ego sum  
39. 70. 81. Deus. &, cum frequenter admodum in ore habet illud:  
85. 88. Quis similis tibi? Isaias etiam: Cui similem fecistis Deū  
Isai. 40. aut quam imaginem ponetis ei? Idem Angeli, Sanctus,  
Isaias. 6. Sanctus, Sanctus.

Tertia Occasio amoris huius perpurgatissimi, est  
ipse Dei Amor in homines; amauit enim Deus homi-  
nem ipse prior, ut ait S. Ioannes; amauit teste Apostolo:  
1. Ioan. 3. Cum

Cum inimici essemus, amauit, & vi amoris impulsus ad demerendum & ornandum hominem ea excogitauit, & fecit, quæ solus Diuinus amor inuenire potuit, solus exhibere. Amauit postremò homunciones vilissimos, indignissimos, & quos ingratissimos fore non ignorabat; an non maximè vacuus & purus est hic amor, ab omni suspitione vtilitatis & commodi? an non maximè voluntarius, & ad quem nihil induxerit, aut inducere potuerit Deum, nisi semet Deus ipse pro sua infinita, inexhausta, infinita bonitate? Demum castissimus est hic amor, purissimus, Diuinissimus, quo hominem amat Deus, vt amat, & non nisi Deus sic amasset.

Quarta Occasio est ratio amicitiae, quæ Deo est cū hominibus: Scriptum est enim in Sacris literis, Viros fideles & bonos participes factos esse amicitiae Dei. Et Christus non solum amicos nominauit Apostolos, sed cur eos amicos haberet, explicauit: Quia inquit, omnia quæ audiui à Patre meo, nota feci vobis. Nec arcana cōmunicauit solum Deus, sed Filiū ipsum, & cum eo omnia simul nobis donauit. Porro, hæc Dei amicitia erga homines gratuita prorsus est, ea enim nos diligit Deus ad nostra commoda, non ad sua. Quare si nos in hoc Amore Deo nō respondemus, quæ inter Deum nosq; est amicitia? ex nostra parte sine dubio claudicat. Amemus igitur Deum, quia per se maximè amabilis est, illudq; spectemus vnum semper, vt eius fiat voluntas in nobis, & quando idem velle ac nolle cum illo nobis esse debet, ne optemus ad nostram voluntatem Diuinā flecti, sed nostram Diuinæ in rebus omnibus libentissimè subiiciamus, hocq; antè omnia velle velimus, ama-



ri à nobis Deum per seipsum, adeò, ut ( quod fieri non potest) si nulla in nos manasset nec manaret à Deo utilitas, nec vlla speranda sit inquam, maneat tamen illud ac fixum sit animo, Deum semper amandi atq; colendi quanto maximo, purissimoq; possimus amore, ac obseruantia; idq; tum maximè præstemus, cum mentem subit hæc tam sanctæ amicitiae sacrosancta Lex, Amicus propter se amandus. Hæcq; de Occasionibus Charitatis in Deum satis sint.

*Amoris in Deum & Christum Dominum exercent  
di occasiones, Indicia & exempla.*

*Caput XX.*

Quomo-  
do aman-  
dus Chri-  
stus Domi-  
nus à no-  
bis.

Serm. 20.  
in Cant.



Aximum omnium certissimumq; Indiciū Amoris nostri in Deum, est, cum ita Deū diligimus, quemadmodum Christus Dominus Patrē nosq; dilexit, quo sanè amore flagrare etiam nos oportet aduersus eundem Christum; curenim separemus amore, quos eadem Diuinitas iūgit? Qua de re tota luculēter & piè S. Bernardus sic scripsit: Disce o Christiane à Christo, quemadmodum diligas Christum. Disce amare dulciter, amare prudenter, amare fortiter. Dulciter, ne illecti, prudenter, ne decepti, fortiter, ne oppressi ab amore Domini auertamur. Ne mundi gloria seu carnis voluptatibus abducaris, dulcescat tibi præ his sapientia Christus. Ne seducaris spiritu mendacij & erroris, luce scat tibi veritas Christus. Ne aduersitatibus fatigeris, confortet te Virtus Dei Christus. Zelum tuum inflammet charitas, infor-  
met

met scientia, firmet constantia, sit seruidus, sit circum-  
spectus, sit inuictus. Nec temporem habeat, nec careat  
discretionem, nec timidus sit. Et vide, ne forte tria ista  
& in lege tradita fuerint, dicente Deo Diliges Dominū Deut. 6  
Deum ex toto corde tuo, ex tota anima tua, & ex tota  
virtute tua. Mihi videtur amor quidem cordis, ad zelū  
quendam pertinere affectionis; animæ uerò amor ad in-  
dustriam seu iudiciū rationis: Virtutis autem dilectio  
ad animi posse referri constantiam vel vigorem. Dilige  
ergo Dominum Deum tuum toto & pleno cordis affe-  
ctu, dilige tota rationis vigilantia & circumspectione, di-  
lige & tota virtute, ut nec mori pro eius amore pertime-  
scas, sicut scriptum est: Quia fortis est ut mors dilectio,  
dura sicut infernus æmulatio. sit suavis & dulcis affe-  
ctui tuo Dominus Iesus contra malè utiq; dulces vitæ  
carnalis illecebras, & vincat dulcedo dulcedinem. sit ni-  
hilo minus intellectui præuia lux, & dux rationi; sit etiā  
fortis & constans amor tuus, nec cedens terroribus nec  
succumbens laboribus. Ergo amemus affectuosè, circū-  
spectè, & validè, scientes amorem cordis quem affe-  
ctuosum dicimus, absq; eo qui dicitur animæ, dulcem  
quidem, sed uetibilem, istum uerò absq; illo qui virtu-  
tis est, rationabilem esse, sed fragilem. Hæc S. Bernar-  
dus quæ explicat exemplis Euangelicis latè. Amorem  
autem Christi talem fuisse qualem descripsit hactenus,  
ante ostenderat, ac propterea nos ad eum imitandum  
inuitauerat: & nos afferimus postea, cum de charitate  
in proximum differimus. Esse uerò Christum Dominū  
amoris nostri exemplar, nemo dubitat; si enim reliqua-  
rum omnium Virtutum Idea & Regula, ad quam nos

ipſos dirigeremus à Patre hominibus datus eſt, cur nõ  
 multò magis & amoris qui arx, caput, finis eſt omnis  
 Virtutis, ac perfectionis? Si præcepta inquit, mea ſer-  
 uaueritis, manebitis in dilectione mea, ſicut & ego Pa-  
 tris mei præcepta ſeruauì, & maneo in eius dilectione.  
 Et paulò antè optare ſe inſinuat, certè etiam ad imitan-  
 dum; Vt cognoſcat (inquit) mundus, quia diligo Patrẽ,  
 ſic facio: hoc eſt, pro hominibus mortem ignominie  
 pleniffimam oppeto libentiſſimè. Ac ne quis dicat pri-  
 mam hanc amoris Dei proprietatem, dulcedinem nimè  
 rum & ſuauitatem, optabilem potius eſſe, quàm parabi-  
 lem, nec in noſtra eſſe poteſtate, & fortasſe nec etiam  
 uiro forti optandam eſſe, quippè, cuius proprium ſit,  
 omni voluptate poſthabita, doloreq; contempto ac ſu-  
 perato, magna aggredi fortiter, maioraq; patienter to-  
 lèrare; aio ſuauitatem hanc per ſe amorem Dei ſequi;  
 Si tamen guſtaſtis, ait S. Petrus. Nec contemnendam  
 aut non æſtimandam eſſe, cum ad eam hortetur Scri-  
 ptura: Guſtate & videte, quoniam ſuauiſ eſt Dominus;  
 & indicium eſſe aliquod Diuini conſtantisq; amoris. Ic-  
 circo familiare eſt ſanctis uiris, ſi ea deſtituuntur, ſagi-  
 tare eam à Deo ſummis precibus; quod ſeciſſe Spon-  
 ſam illis verbis: Oſculetur me oſculo oris ſui, auctor eſt  
 idem S. Bernardus qui cum docuiſſet Sponſam oſculo  
 pedum ſponſi per pœnitentiam peccatorum veniam  
 conſecutam eſſe, ac poſt adeptione Virtutum locuple-  
 tatam, ad oſcula manuum, exiſtimare debere ſibi factũ  
 eſſe ſatis à Sponſo, nec quiquam ultra quærere, inducit  
 illam ſic reclamantem: Non quieſco ait, niſi oſculetur  
 me oſculo oris ſui. Gratias de oſculo pedum, gratias &  
 de



de manus, sed si cura est illi vlla de me, osculetur me osculo oris sui. Non sum ingrata, sed amo. Accepi fa-  
 teor, meritis potiora, sed prorsus inferiora uotis. Desi-  
 derio feror, non ratione; ne quæso causemini rationem,  
 ubi affectio virget. Pudor sanè reclamationis, sed superat  
 amor. Nec ignoro, quod honor Regis iudicium diligit,  
 sed præceptum amor nec iudicium præstolatur, nec consi-  
 lio temperatur, nec pudore frenatur, nec rationi subij-  
 citur. Rogo, supplico, flagito, osculetur me osculo oris  
 sui. Deinde cum commemorasset quibus nam virtutis  
 actionibus ex Dei voluntate multò iam tempore deti-  
 neretur addit: Ceterum, quod in his omnibus est, totū  
 constat de consuetudine, de dulcedine nihil. Mandata  
 forsam utcunq; adimpleo, sed anima mea sicut terra si-  
 ne aqua in illis. Ut igitur holocaustum meum pingue  
 fiat, osculetur me quæso osculo oris sui. Hæc ibi. Confe-  
 quitur similiter amorem Dei altera etiam proprietas,  
 quam nominat discretionem S. Bernardus, tūm, quia  
 amore augefcit ipsamet Dei cognitio, quæ fons est spi-  
 ritualis prudentiæ, cognoscimus enim (ait S. Augusti-  
 nus) vt diligamus Deum, & diligendo plenius cogno-  
 scimus: tūm, quia amor ipse sua sollicitudine mentem  
 acuit & illustrat ad seipsam circumspectandam, fraudes  
 que hostis omnes peruestigandas & eludendas, siquidē  
 spiritualis omnia iudicat. Sed potissima amoris Diuini  
 affectio est tertia illa proprietas ferēdi fortiter res quas-  
 cunq; quantumlibet aduersas, perpeffiones quaslibet  
 asperas propter Deum. Ea quippe est amantium Lex  
 (ait S. Chrysostomus,) vt se tum demum felices putēt,  
 cum aduersa pro his quos diligunt sustinent. Ita ergo  
 & nos

Serm. 11.  
de Verbis  
Domini.

1. Cor. 1.

Hom. 3. in  
epist. ad  
Philemo-  
nem.

& nos erga Dominum nostrum afficiamur. Quare se potius ad patientiam comparant qui sic Deum amant, cogitant potius, & quærunt quid pro Christo tolerēt, etiam si pericula sint subeunda grauissima, quàm gustare quàm suauis sit Dominus. Ac quamquam suauitatē amoris non negligent, suauitati tamen laborum tolerā-  
 Hom. 54. tiam anteponunt. Idem S. Chrysostomus sic habet ali-  
 in Genl. bi. Quando quis sauciat Charitatis desiderio, nihil difficile spectat, sed id, quod fuerit plenum periculis, & multa miseria, leuiter fert, hoc vnum intuens, quomo-  
 Gen. 29. do suo potiatu uoto & desiderio. Nam si iustus ille propter puellæ amorem septennium seruire, ferreq; pastoralium laborum ærumnas decreuit, & non sentit uel laboris, uel temporis longitudinem, sed illi omnia leuia & facilia videntur, expectatione & spe fructus alitur, ita ut dies paucos longum illud tempus putet, qualem nos habebimus excusationem, qui non pari studio erga Dominum nostrum & benefactorem, & curatorem, & qui nobis est omnia, afficimur? & paulo post adferens S. Pauli exemplum, addit: Verum & si nos tā ingrati, non ita Beatus Paulus, qui tanta feruebat & ignitus erat Charitate in Deum, ut verba illa tanto vito digna loqueretur clamans: Quis nos separabit à Charitate Dei. Vide dictionis emphasin, & latentem vim, vide amoris violenti furorem, vide Charitatem incensam. Quid inquit, est quod possit nos à Charitate Dei separare? quid inter visibilia? quid inter inuisibilia? Deinde volens omnia numerare, simul manifestum facere desiderium nullo freno frenandum quod erga Dominum gerebat, subdidit: num afflictio? num angustia? num fa-  
 Rom. 8. mes?

mes? num persecutio? num nuditas? num periculum?  
 num gladius? O animam sana furentem insania, eaq;  
 quæ continentia mater est. Et paulo post: Nullus alius  
 sic à Deo dignatus est diligere Dominum, sicut beata  
 illa anima. Quasi enim liberatus à corpore, es sublimis  
 factus, & ut ita dicam, neq; super terram ambulare se  
 putans, ita loquitur: Amor enim in Deum & succensa  
 Charitas, mentem eius à sensibilibus ad spiritualia tran-  
 stulit, & à præsentibus ad futura, & à visibilibus ad inui-  
 sibilia. Eodem modo se habent Fides & Charitas in  
 Deum. Et ut discas magnam eius gratitudinem, vide  
 eum, qui sic Dominum dilexit & eius Charitate exarsit,  
 fugari, persecutionem pati, flagellari, innumera graua  
 ferre, & dicere: In laboribus abundantius, in plagis su-  
 pra modum, in mortibus frequenter, à Iudæis quinquies  
 quadraginta vna minus accepi, ter virgis cæsus sum, se-  
 mel lapidatus sum, nocte & die in profundo maris fui,  
 in itineribus sæpè, periculis fluminum, periculis in fal-  
 sis fratribus, in labore & ærumna, & talia patiens gau-  
 debat, & exultabat. Studeamus igitur & nos diligere  
 Christum, & hoc fuerit regnum cælorum, in finitaq; bo-  
 na, & fructus bonorum assequi, si germanè & sicut oportet,  
 eum dilexeris. Hæc ibi; & alibi addit de corporis in-  
 firmitatibus ac morbis sic: Nihil est tam horridum,  
 tanq; tremendum, quod hi qui vel morbo aut pœnis  
 discruciantur, non superent, si Diuino sint amore in-  
 cēsi, & ita ut neq; ignis neq; ferrum, neq; inopia, neq; lā-  
 guor aliquis, neq; mors, neq; aliud quidpiam istiusmo-  
 di, graue aut molestium appareat ei, qui hunc sit erga  
 Deum consecutus, quin etiam aspernatus cuncta, & ir-  
 ridens,

Hom. 18.  
 De Deia-  
 more, &  
 tolerātia.



ridens, subleuabitur ad Cælum, ubi pari cum reliquis ibidem uersantibus fruetur beatitudine. & post: Afficiamur itaq; amore eiusmodi, quem æquiparare nihil potest, nec solum præsentium aut futurorum gratia, quin his amissis, ob ipsius amoris naturam. Hæc S. Chrysostomus.

Secundum  
Indicium  
Amoris  
Dei.

Lib. 50.  
Homil.  
Hom. 34.

Cant. 1.

Tomo 1.  
Concord.  
Lib. 4. c. 8.

Secundum Indicium Amoris nostri erga Deum est, ita Deū diligere, ut præ vi amoris ignoremus ipsi quid amemus aliud præter Deum, amoreq; ita extra nos rapiamur, ut penè nostrimet obliuiscamur. Hoc acutè & piè ut omnia S. Augustinus, Anima inquit se respexerat, sibiq; placuerat, suæq; potestatis amatrix facta fuerat: recessit ab illo, & non remansit in se, & à se repellitur, & ab illo excluditur, in exteriora proleabitur, Amat mundum, amat temporalia, amat terrena, quæ si seipsā amaret, neglecto à quo facta est, iam minus esset, iam deficeret amando quod minus est, minus est enim ipsa, quàm Deus, & longè minus, tantoq; minus, quàn tò minus est res facta quàm factor. Ergo amādus erat Deus, & amandus est Deus ita, ut si fieri potest, nos ipsos obliuiscamur. Hoc inde multò ante S. Augustinum significatum fuerat in Canticis: ubi enim nos legimus: Ordinavit in me Charitatem, vertunt alij: Vexillum super me Charitas; ut enim in exercitu vexillum attollitur super omnia, sic in animo omnibus anteit. Dicitur autem super me: quia ut ait doctissimus Pater Barradius, non solum ceteras creaturas, verum etiam ipsum hominē, qui Deum amat, superare debet Dei amor ita ut dicere possit super me Charitas, hoc est Deum multò maiori quàm me amore complector: immò si me diligo, non  
nisi

nisi propter Deum diligo. Vexillum totus sequitur exercitus, Charitatem Dei reliqui sequuntur amores affectusque animi, nulla enim res nisi propter Deum amari debet. Amor enim singularis qualis est Diuinus (vt ait Richardus) consortem non recipit; Exempla autem hominum qui sui obliti sunt præ amore Dei & Christi, reliquerunt nobis omnes penè Martyres, illi præsertim, qui non solum patienter, sed alacriter etiam immanissimos quoslibet cruciatus corporis tolerarunt pro Christo. Præter Martyres multi etiam Viri sancti qui ita Deo hærebant animo, itaq; curam corporis ac sui ipsius dimiserunt, ac si ad seiplos non pertinerent ipsi. Illustris in hoc genere S. Bernardus extitit. Quoties (ait eius vitæ scriptor) sibi pia ministrantium fraude deceptus liquores pro alijs alios sumpsit: nam & oleum aliquando per errorem sibi propinatum bibit; & penitus ignorauit, & cum à Claraualle Cartusiam vsq; venisset, insidens stramento equi minus paupertatem præferente, mirante Cartusiæ Priore, miratus & ipse est, quærebaturq; quale illud esset, cum toto illo itinere nunquã vidisset. nunquam considerasset, & usq; in horam illam quale esset, omninò nesciret. Deniq; iuxta Lacum Lemantum totius diei itinere pergens, penitus cum non vidit, aut se videre non vidit. Affinia sunt exempla illorum, qui etsi videret res alias, homines, Angelos ipsos, non magni admodum facerent, in vnum Deum cogitandum quærendumq; defixis animis prorsus intenti. Scribit S. Nihil cum monacho cuidam Deum contemplanti obuij in itinere Angeli fuissent, ab eo prætermittos esse, ac penè neglectos, vt hinc etiam verax S. Pauli ora-

Lib. 4. de  
Cōtempl.  
cap. 15.

Lib. 3. c. 1.

Rom. 8.

Ioan. 20.

Tomo 2.  
Hom. Ma-  
ria stabat  
ad monti-  
colum fo-  
ris.

2. Cor. 5.

Tertium  
Indicium  
Amoris  
Dei.

culum intelligeretur neq; Angeli poterunt nos separare à charitate Dei. Sed quàm singularis ac præstans in hac rerum humanarum, immodò etiam Angelorum ex Dei amore incuria & incogitantia fuit Maria Magdalenæ? quæ cum Christum quæreret in sepulchro, Angelosque in eo inuenisset, ad eorumque interrogationem responsio breuiter reddito, Tulerunt Dominum meum, & nescio ubi posuerunt eum; ait Euangelista: Hæc cum dixisset, conuersa est retrorsum. Cur hoc? inquit Origenes, quia onerosi mihi sunt omnes consolatores, grauant me, & non consolantur, ego enim quæro creatorem, & ideo grauis mihi est ad videndum omnis creatura, nolo Angelos videre, nolo cum Angelis manere; quia possunt dolorem augere, & non possunt penitus delere; Denique ego non quæro Angelos, sed eum qui fecit me, & Angelos. Huius autem proprietatis Diuini Amoris hæc potest adferri ratio: quod ebrietas quædã spiritualis est Dei Amor & suimet Dei Amantem compotem esse non sinit interdum. Siue ait Apostolus, mente excedimus, Deo: siue sobrii sumus, vobis. Si hæc sobrietas quo modo sua propria ratione illa non sit ebrietas?

Tertium Indicium Amoris Dei est orandi studium. Est enim amantis eius quem amat aspectu, colloquio, consuetudine velle semper frui, si possit. Oratio autem conuersatio cum Deo est, aiunt Patres; propterea sancti quique Viri quo magis Dei amatores, eo orationis studiosiores extiterunt. Exempla post Apostolos dederunt nobis Dei amantissimi S. Dominicus & S. Franciscus, quorum vita Oratio perpetua fuit; quod eo maiorem habet admirationem, cum nihil interim quod ad homi-

num



num salutem, Ecclesiæq; vtilitatem pertineret prætermiserunt vnquam; nimirum, quod ut scriptum est de S. Bernardo, in quolibet cætu hominum vel tumultu, nisi eorū intentionem causa deposceret, tota facilitate animum colligentes, interiori quadam, quam ubique ipsi sibi circumferebant, solitudine fruebatur, nil prorsus attendentes quid sonaret, vel appareret exterius.

Lib. 3. Vita, cap. 1.

Quartum Indicium eiusdem Diuini Amoris, sit affectio ad Christum Dominum, in primis ad eius passionē & mortem pro salute hominum obitam, non nisi uehementissimo amoris eius in patrem hominesq; impulsu. Quo affectu incensum Apostolum nemo dubitat qui eius epistolas vel primis labris attigerit. Certè S. Chrysostomus de Pauli in Christum amore ea prædicat, quæ ut uerissima sunt, sic etiam maxima admiratione dignissima; aliqua adscribam Corinthijs inquit scribēs, Placeo mihi in periculis, & in firmitatibus meis. Itaque cum inter medias inimicorum versaretur insidias, ouās tamen de omni referebat eorum impugnatione victorias; & ubiq; cæsus verberibus, affectus iniurijs atq; maledictis, quasi triumphales pompas ageret, crebra trophæa strueret, orabat, gratiasq; referebat Deo dicens: Deo autem gratias, qui semper triumphat nos. Itaq; ad confusiones & iniurias quas ob prædicandum Christū sustinebat, magis quàm ad bonorum oblectamēta properabat, mortem potius quàm vitam appetens, pauper tatem quàm opulētiam, & multo amplius laborem de siderans quàm alij requiem post laborē, ac mœrorem magis eligens, quàm alij voluptatem, studiosius pro inimicis orans, quàm alij aduersus inimicos. Et postea:

Quartum Indicium Amoris Dei.

Homil. 2. de laudibus Pauli.

Non dico quia nihil præsentium desiderabat, sed nec ipsorum aliquid futurorum. Non enim mihi dicas Verbes, gentes, exercitus, prouincias, pecunias, potestates, Hæc enim ille quasi arenam vilia reputabat: sed ea ipsa penè quæ promittuntur in cælis: & tunc eius ardentem amorem in Christum videbis: hic siquidem præ illius dulcedine non Angelorum, non Archangelorum admiratus est dignitatem, neq; quicquam horum simile concupiuit. Quod enim erat maius omnibus, Christi amore fruebatur, cum hoc beatiorem se cunctis putabat, sine hoc autem neq; dominatum, neq; principatum socius esse cupiebat, sed cum hac dilectione magis esse extremus optabat, immò etiam ex numero punitorum, quàm sine hac inter summos, & honore sublimes: hoc enim erat illi maximum & singulare tormentum, ab hac charitate discedere, hæc illi erat gehenna, hæc sola pœna, hæc intoleranda supplicia: sicut etiam perfrui Charitate Christi, hæc illi vita, hoc mundus, hoc Angelus, hoc præsentia, hoc futura, hoc Regnum, hoc promissio, hoc bona videbantur innumera; præter hoc verò nihil in tristium parte ponebat. Horum enim quæ habentur, nihil asperum, nihil etiam suaue reputabat; sic despiciebat vniuersa, quæ cernimus, vt solet herbariam putrefacta contemni. Tyrannos uerò ipsos, ac populos spirantes furorem, uelut esse quosdam culices existimabat. Mortem uerò & cruciatus, & mille supplicia, quasi ludum putabat esse puerorum, dummodo propter Christum aliquid sustineret; Tunc enim, tunc amplectebatur libenter, & decorabatur uinctus catena magis, quam diademate coronatus; etenim coarctatus carcere

carcere habitabat Cælum, ac libentius uerbera excipiebat & vulnera, quàm alij brauia diripiunt, & dolores non minus quàm præmia diligebat, cum ipsos utiq; dolores loco duceret præmiorum. Hæc S. Chrysostomus. Qualem ergo dicimus hunc Pauli amorem aduersus Christum, an non planè Heroicum atq; Diuinissimum. eodem inflammati sine dubio fuerunt & alij Apostoli Christi, & qui eos postimitati sunt innumeri Viri Apostolici, sceminæque, præsertim Petrus, Andreas, Polycarpus, Irenæus, Ignatius, Laurentius, Sebastianus, Vincentius, Agnes, Cæcilia, Agatha, Lucia, Catherina, Symphorosa, Felicitas, quos ad supplicia quidem tormenta que rapuere Tyranni, ad ea verò ipsi tanquàm ad nuptias conuolabant, robur & alas vno Christi crucifixi amore subministrante. Et sanè quid nos arctiore ardentiorq; astringat amore cum Christo, quàm Christi pro nobis spontè crucifixi commemoratio? S. Bernardus cum alia quædam amoris in Christum incitamenta produxisset, addit: Sed est, quod me plus mouet, plus urget, plus accendit. Super omnia inquam reddit amabilem te mihi Iesu bone calix quem bibisti, opus nostræ redemptionis. Hoc omnino amorem nostrum facile vendicat totum sibi. Hoc inquam est, quod nostram deuotionem & blandius allicit, & iustius exigit, & arctius stringit, & afficit uehementius. Multum quippe laborauit in eo Saluator, nec in omni mundi fabrica tantum fatigationis auctor assumpsit. Illa denique dixit, & facta sunt, mandauit, & creata sunt. At verò hoc, & in dictis suis sustinuit contradictores, & in factis obseruatores, & in tormentis illutores, & in morte exprobra-

Serm. 20.  
in Cant.



probratores. Ecce quomodo dilexit. sic S. Bernardus.

Quintum Indiciū est, omnem rerum omnium, quæ Deus non sunt, amorem a se prorsus abijcere, ac in vnū Deum transfundere, nulliq; alij solatio quàm Dei seruitutis ac voluntatis eius explendæ addictum esse eum, qui ex animo Deū diligit, talis fuit Apostolus, cū omnia vt stercora arbitrabatur propter Christū, tales alij Christi discipuli cum vni Christi amoris ac fidei posthabenda prædicabant terrena commoda ac emolumenta omnia, vitam etiam ipsam quanquam vt ait S. Paulus responsū mortis haberent. tales qui se ab omni affiniū, amicorum, ciuium, parentum consuetudine ita abstraxerunt, vt non solum loca deserta ciuitatibus, tuguria casaq; magnificis ædibus ac palatijs, sed solitudinem & mendicitatem hominum quoruncunque charissimorū conuictui iucundissimo, opibus ipsis maximisq; diuitijs longè præferrent. Sunt hi Ecclesiæ Dei clarissima lumina, Pauli, Antonij, Hilariones, Macarij, & alij innumerales vtriusq; sexus homines, qui horum vestigia deinceps sunt secuti; quibus recensendis nil est quod immorer, hoc iter institutumq; tenuerunt post ad horū xēpla in omnibus religiosis ordinibus sanctissimi quique viri, qui summa cū laude admirationeq; omniū hominum perfectam rerum omnium abdicationem propter Christum coluerunt. Immodò & perfecti illi Heroes Evangeliciq; pastores, qui etsi rebus mundanis omnibus affluerent, ijs tamen ita utebantur ex Apostoli regula, ac si non vterentur, nihil in suas suorumue, omnia in pauperum vtilitates deriuantes. Quare de S. Gregorio Papa scribit Ioannes Diaconus, Viro solitario ac summa

Phil. 3.

2. Cor. 1.

1. Cor. 7.

Lib. 20.  
Vitę c. 40.

mae continentiae qui Gregorianas diuitias suae paupertati conferebat, diuinitus indicatum fuisse in haec verba: Quando diuitem non possessio diuitiarum faciat, sed cupido, cur audes paupertatem tuam Gregorij diuitijs comparare, qui magis illum selem quem habes, quotidie palpando, nulliq; conferendo diligere comprobaris, quam ille, qui tantas diuitias non amando, sed contemnendo, cunctisq; liberaliter largiendo dispersgit? Ita solitarius increpatus ait, Deo gratias retulit. Sed ex priorum numero singulare nobis reliquit huius perfectae abdicationis exemplum Ioannes monachus apud Theodoretū, de eo is ita narrat: Est autem humanis omnibus adeo superior, ut nullo ex eis fruatur solatio. Afferam autem huius rei indicium euidentius. Nam cum propter torum eius herbaceum vir quidam bonus plantasset amygdalum, & ea deinde procedente tempore arbor euasisset, adeo ut & ei umbram praerberet,

Hist. Sanctorum pa-  
trū c. 20.

& oculos pasceret, iussit eam excindi, ut ex ea nullam reciperet recreationem. Hæc ille,

sed antiquorum omnium paupertatem non solum æquauit S. Fran-

ciscus, sed longè superauit, nimirum Dei

& Christi

flagrantissimus amator, cælestibus Seraphinis adhuc

in terris positus, per-

simillimus.

*Actiões Charitatis erga proximum. Occasio eas ob  
eundi fraternè corrigendo, atque sublata omni  
excusatione recta correctionis Ratio.*

*Capui XXI.*



Charitas quanquam eadem est, qua Deum  
& proximum diligimus, estque amor Dei  
nobilior multò quàm proximi, comple-  
tur tamen ac perficitur amore proximi. Si  
a. Ioan. 4. diligamus inuicem ait S. Ioannes, charitas Dei in nobis  
perfecta est. Ex quo intelligitur, quæ sit propria & præ-  
cipua Actio charitatis erga proximum, nimirum dilige-  
re proximum propter Deum; quid autem hoc sit, non  
x. 2. q. 25. potest magis propriè explicari quam S. Thomæ verbis.  
Art. 2. Ratio ait diligendi proximum Deus est. Hoc enim de-  
bemus in proximo diligere ut in Deo sit. atq; hoc est,  
Ioan. 15. quod Dominus tradidit: Hoc est præceptum meum, ut di-  
In Ioan. ligatis inuicem, sicut dilexi vos. Ut quid enim ait S. Au-  
gust. 83. gustinus, diligit nos Christus, nisi ut regnare possimus  
cum Christo? quæ sanè diligendi ratio paucorum est,  
quia & pauci sunt, qui ut debent, diligant Deum. ideo  
subdit idem pater. Ad hoc ergo & nos inuicem diliga-  
mus, ut dilectionem nostram discernamus à ceteris, qui  
non ad hoc se inuicem diligunt, quia nec diligunt. Qui  
autem se propter habendum Deum diligunt, ipsi se di-  
ligunt: ergo ut se diligant, Deum diligunt. Non est hæc  
dilectio in omnibus hominibus: pauci se propterea di-  
ligunt, ut sit Deus omnia in omnibus: hæc S. Augusti-  
nus. Ex quibus vltimis verbis, quâ altè spectet charitas

in



in proximum, quàmque insignis ac prope diuinus sit hic dilectionis gradus, nemo non videt, integram nimirum & plenam postulans Dei in hominem amoris dominationem, mutuamque hominis in Deum amoris seruitutem, qua solus Deus planè sit omnia in omnibus nobis. De hac præstantissima Charitatis Actione sic scribit S. Chrysostomus: Vt intelligas, quàm pulchra & præclara sit Actio, eam verbis describemus, quando nõ videmus eam rebus apparere: Nobis veniat in mentem si ea ubique esset, affatim, quanta bona ubique existerent. Nam si omnes diligerent, & diligerentur, nullus cuique faceret iniuriam. Sed caedes, & pugnae, & bella, & seditiones, & rapinae, & propter nimirum habendi cupiditatem circumscriptiones, & omnia mala procul abessent, & ad nomen vsque ignoratum esset vitium. Signa autem (hoc est miracula) hoc non efficiunt, sed ad inanem gloriam & insolentiam efferunt eos, qui non attendunt. Et quod charitatis est admirabile, alia quidem bona mala habent adiuncta, ut qui pauper est, quod suas abdicarit facultates, propterea sæpè intumescit. Qui est dicendi facultate præditus, laborat vesana gloriæ cupiditate. Humilis propter hoc ipsum in sua insolescit, & superbit conscientia. Charitas ab omni eiusmodi pernicië est libera. Nam aduersus eum qui diligitur nemo vnquam fuerit elatus. Nec mihi posueris vnum diligentem, sed omnes similiter, & tunc eius videbis virtutem. Vel potius si vis, pone vnum, qui diligitur, & vnum, qui diligit, diligit autem, vt par est diligere. Is terram tanquàm cælum habitabit, ubique & semper fruens tranquillitate, & innumerabiles sibi contexens coronas: Nam qui est

Hom. 3.  
in primā  
ad Cor.

eiusmodi is ab odio, & ira, & inuidia, & arrogantia, &  
 vanagloria, & à mala cupiditate, & ab omni prauo ac  
 nefario amore, & ab omni mala ægritudine suam purā  
 conseruabit animam. Et post: Propterea Dominus per  
 fectæ in ipsum charitatis signum esse dixit, proximum  
 diligere. Si enim o. Petre me plus his diligis ait, pasce  
 oues meas. Hæc S. Chrysostomus. Ex quibus perspici-  
 tur, quæ sit ratio, quamobrem charitas tam multa im-  
 mo omnia bona secum afferat, auertat omnia mala, &  
 præsertim animum à prauis cupiditatibus liberet, quia  
 nimirum diligendi proximum ex charitate Deus solus  
 vt est auctor, sic ratio & formā est; fieri autem non po-  
 test, vt qui se intelligit, à Deo moueri ad amandum  
 proximum, amoris huic aliquid admisceat, quod aut pro-  
 ximum aut Deum offendant: Propterea addit S. Chryso-  
 stomus: Si hoc exactè seruaretur, non esset seruus, non  
 liber, non princeps, non qui pareret principi, nō diues,  
 non pauper, non paruus, non magnus, non Diabolus  
 vnquam esset cognitus. Non hic dico solus, sed etiam  
 si alius talis, immò verò & si centum, vel etiam decies  
 mille essent eiusmodi, nihil valuissent, si illa esset: ignis  
 enim immissionem magis tulerit scenum, quàm flam-  
 mam charitatis Diabolus: Hec ille. Ac ne gratis S. Chry-  
 stomus hæc de charitate prædicasse videretur, paulo  
 post ex eodem Apostolo id confirmat, ait enim: Non  
 irritatur, non cogitat malum vide(ait) non solum in vi-  
 tium dominatum obtinere, sed nec omninò sinere, vt  
 consistat, non enim dixit, irritatur quidem & superat,  
 sed nec irritatur quidem; neq; dixit, non operatur ma-  
 lum, sed, ne cogitat quidem: nihil enim mali non modo  
 comparat

comparat aduersus eum, quem diligit, sed ne suspicatur quidem. & post. Hinc non æmulatur, hinc non inflatur: nam aliena mala sua esse existimat. Vidisti quemadmodum Angelum suum alumnum paulatim facit charitas? Quando enim fuerit ab ira remotus, & ab Inuidia mundus, & liber ab omni Tyrannica animi perturbatione, traductus est etiam ad ipsam Angelorum imparitilitatem. Vide ibidē alia. Atq; hæc sit potissima Actio charitatis aduersus proximum. Est & altera Actio charitatis eiusdem, quæ nō ita propriè ad eam pertinet sicut antedicta, maximè tamen pertinet, estq; cum re ipsa proximo præstamus, quod nobis noster in eum amor dictat, amor inquam charitatis. Et quia hæc Actio multiplex est, ad hanc quippè omnes penè aliarum virtutū actiones reuocari possunt, omnes enim charitas imperat; S. Augustinus eam bipartitò generatim distribuit his verbis: Partim corpori p artim animæ hominis benefacit, qui hominem diligit. Ad corpus quod pertinet, medicina nominata est, ad animam autem disciplina. Sed medicinam nunc uoco, quicquid omninò corporis vel tuctur, vel instaurat salutem. Ad hanc itaq; pertinet non ea tantum, quæ ars eorum exhibet, qui propriè Medici nominantur, sed etiam cibus & potus, regmen & lectum, defensio deniq; omnis, atque munitio, qua nostrum corpus aduersus externos ictus, actusq; seruetur. Atq; ad hoc. caput misericordiæ corporalis opera reduci omnia. ibidem postea insinuat idem S. Pater. Lib. de morib. Ecclē. c. 27.

Qui deinde de altero sic scribit. Quod autem attinet ad disciplinam, per quam ipsi animo sanitas instauratur, animi medicina est, & quantum Scripturis ipsis Di-

Cap. 18.



ninis colligi licet, in duo distribuitur, Coercitionem, & Instructionem. Coercitio timore, Instructio uero amore perficitur eius dico cui per disciplinā subuenitur, nā qui subuenit, nihil horum duorum habet nisi amare. Hæc S. Augustinus. Hæq; sunt actiones charitatis in proximum, nunc exponendæ Occasiones.

Occasiones charitatis in proximum sunt tot, quot sunt miseræ eius & indigentæ; eas tamen ex S. Augustini doctrina nunc allata, redigimus ad duo illa capita disciplinæ, Coercitionem & Instructionem: si quidem ea pars quæ ad medicinam aut subsidium corporis attinet, est misericordiæ. Porro coercitio communis Actio est maiorum qui cum potestate & imperio animas regunt, & nostri similium æqualiumq; qui similiter nobis in aliorum potestate sunt; Coercent autem hi non regio paternæ more ac superciliò, ut illi, sed fraternè omnino: nec factis, nisi fortè exemplo, sed verbis spiritu charitatis compositis & animatis. Ac de maioribus quidem nihil aliud in præsentia dicendum videtur, quàm quod scribit S. Gregorius Ioanni Episcopo Corinthiorum: Sit igitur (ait) erga subiectos sollicitudo laudabilis; exhibeat cum mansuetudine disciplina; sit cum discretione correctio; iam benignitas mitiget, benignitatem Zelus exacuat: & ita alterum condiatur ex altero, ut nec immoderata ultio plusquàm oportet affligat; nec iterum frangat rectitudinem disciplinæ remissio. Occasionem officij huius accipiant Præsides, cum ad aures eorum peruenit delictum, caueantq; ne enervati sint & languidi; dum corrigunt, nec nimis molli brachio obiurgent filios peccantes, ne in eam perniciem incurrant,

Superiores quomodo debeant corrigere.

Lib. 4. Reg. gill. epist. 99.

incurrant, in quam incidit sacerdos Heli propter videlicet inbecillitatem animi, obiurgationisq; mollitiem. Corripiamus verbis ait S. Augustinus, & si opus est, corripiamus & verberibus, sed delictum dimittamus, culpam uerò de corde abijciamus. Ideo enim Dominus subdidit: De cordibus uestris, ut si per charitatem imponitur discipliua, de corde leuitas non recedat. Quid enim tam pium, quàm medicus ferens ferramentum? plorat secandus, & secatur, plorat urendus, & uritur, non est ista crudelitas; sc̃auit in vulnus, ut homo sanetur, quia si vulnus palpetur, homo perditur. Hęc ille Hęcq; de Maiorum reprehensione.

Lib. 1. Regulam, c. 2.

Serm. 15. de Verbis Domini.

Aequales autem & pares monentur à Domino: Si peccauerit in te frater tuus, uade & corripe eum inter te & ipsum solum, &c. & certum est præceptum hoc non solum Euangelicum esse, sed etiam ipsius Naturæ Legis. Cōstet igitur primum peccasse fratrem, nec nos eodem peccato teneri, muniamus pectus charitate & prudentia, & fortiter ac suauius peccantem fraternè aggrediamur opportunitate captata. Non deerit autē uolenti & parato. opportunitas, verendum potius, ne desit uoluntas. Quare non tam laborandum nobis est in proponendis corrigendi occasionibus, quàm in persuadendo, ne prætermittantur oblata, uarijs uanisq; ut solet fieri, excusationibus allatis. Numerat istas S. Chrysostomus, ijsq; respondet non minus eleganter ac solidè, quàm dignum est Chrysostomo. Prima excusatio est Quid mihi curę est, superuacaneas suscipere inimicitias? Hęc sunt inquit, uerba delira bestiarum, uel potius Dæmonum. Non potest enim fieri, ut temerè & sine

Matth. 18.

Hom. 44. in primā ad Cor.

Prima excusatio nō corrigēdi.

- sine causa odio habeatur qui hoc facit non ob correctionem, sed ob magna bona, & coronas ineffabiles.
- Secunda. Secunda excusatio; Si autem dicas: Quid uerò non ipse sapit? Audies inquit à nobis, eum non sapere, est enim animi perturbatione ebrius: si enim in externis iudicijs ij qui iniuria afficiuntur, non possunt pro se dicere, ut qui ira ferueant, (quanquā non est uitium hæc commiseratio), multò magis ij qui tenentur mala consuetudine. Propterea dico, quod etiam si millicies sit sapiens, mentem non habet uigilantem. Quid enim erat
- Psal. 50. Dauide sapientius, qui dicebat: Incerta & occulta sapientiæ tuæ manifestasti mihi. Sed quando iniustus oculis uidit uxorem militis, tunc dicebat, id sibi accidere,
- Psal. 106. quod ijs qui nauigāt in mari furienti. Omnis sapientia mea est absorpta, & opus habebat alijs, qui corrigerēt, nec sentiebat quidem in qualibus & quantis intus versaretur malis. Quam ob rem sua deflexus peccata dicebat.
- Psal. 37. Putruerunt, & corruptæ sunt cicatrices meæ à facie insipientiæ meæ. Non sapit ergo, nec mentem habet, qui peccat, est enim ebrius, & eius caligant oculi.
- Tertia. Tertia excusatio. Ne dicas illud, non est mihi curæ. Vnusquisq; enim suum onus portabit. Etenim inquit, vel maximum tibi crimen oritur, quòd cum uidisses errantem in viam non reduxeris: Si enim iumentum inimici in Iudæorum lege non licet despiciere, qui non iumentum, neq; inimici animam, sed amici despicit, quānam assequetur veniam? Time eum, qui primus dixit
- Deut. 22. hoc uerbum, non est mihi curæ: nam illud: Numquid sum custos fratris mei, eodē quod hoc recidit. Hinc mala nascuntur omnia, quod quæ sunt nostri corporis,
- aliena



aliena esse ducimus. Si non est tibi curæ, cui erit curæ? Infideline, qui eius malis lætatur, exprobratq; & insultat? At diabolo, qui impellit, & supplantat? *Quarta* excusatio; Et vndenam intelligam, quod proficiam dicens, & consulens? Vndenam inquit, est perspicuum, quod non proficies? Hoc est extremæ amentię, cum in incerto sit finis, certum subire crimen negligentię? Atqui Deus futura præsciens sæpè dixit, & nihil profecit, & neq; sic destitit, idq; cum sciret, se non persuasurum. Quam tu igitur habebis excusationem, qui futurum omninò ignoras, pigrescisq; & torpescis? Etenim multi sæpè aggressi profecerunt, & cum maximè desperassent, tunc maximè sunt affecuti Quod si etiam nil id amplius effeceris, fecisti quod tuum est. Ne sis ergo inhumanus, neq; inmercicors, neque negligens: nam quod hæc verba sint crudelitatis & socordię, illinc est perspicuum. Cur enim cum vnum ex tuis membris laborat, non dicis: Quid mihi curæ, & vnum mihi constabit, quod si eius curam geram, conualescet? Deinde mē brorum corporis tantam curam gerimus, membra autem Christi negligemus? Quomodo enim non est horrendum putrescentem carnem tuam aspicere & despicere? Christi autem corpus videns replētum scabie, prætercurtis? & non existimas hæc esse digna mille fulminibus? hæc contra excusationes S. Chrysostomus. De occasionibus autem correctionis faciendæ multa dici possunt: Primò enim Deus ipse longè petito principio inchoat Caimi reprehensionem ab illā interrogatione; Vbi est Abel frater tuus? Alius multò repetito proce- *Genes. 1.*  
 cum

Lib. 2. Re  
gum C. 12.

cum ad Dauidem adiret, vt cum grauissimi illius scele-  
ris quod patrarat, argueret, Deniq; in sinuatione & cir-  
cuitu subire animū eius qui peccauit consilium est  
sapientum, & gradus ad emendationem vitij. Illud etiā  
valde opportunum, si ea oratione utamur, quæ alienis-  
sima sit non solum à contuitio & iniuria, sed etiam ab  
omni asperitate verborum. Ne loquaris ita Rex, ait Io-

Lib. 2. Re  
gum C. 22.

saphat iudem Rex, corrigens Regem Israel. Quin mi-  
nimè ad corrigendum apposita si conditur potius hu-  
manitate corrigentis oratio. Quā de re tota S. Chryso-  
stomus præclare sic scribit. Accede inquit ad illum, &  
paruum dic fratris encomium, alijs quæ habet commo-  
dis, & dotibus id componens, & tanquam aqua calida  
fouens laudibus ita deprime furorem eius vulneris. Te  
quoq; ipsum pronuncia miserum: Accusa commune  
genus hominum: ostende nos omnes esse in peccatis.  
Veniam pete dicens, te maiora aggredi, quàm quæ vi-  
res tuæ ferre possint, sed charitatem omnia audere. De  
inde consulens hoc fac, non tanquam imperans, sed vt  
frater, cum his omnibus phlegmonem depresseris, &  
lenieris dolorem, qui accidit ex lēctione futuræ repre-  
hensionis, & sæpè usus fueris excusatione, & rogaue-  
ris, ne irascatur, cum eum his ligaueris, tunc plagam in-  
flige, nec vulnus alligans, nec dissoluens, ut neq; illinc  
desiliat, neq; hinc despiciat: nam si certum non dederis  
vulnus, nihil amplius efficies; sin autem vehementer  
percusseris, efficies, vt resiliat. Sexto loco S. Chryso-  
stomus auctor est, vt quia quod ab eo sit encomij mate-  
ria non est, excusetur intentio si fieri id posse criminis  
ratio patitur, vt cum quis bonum alioquin opus versat,  
sed

sed imprudenter, & cum periculo. Addit postea. Nec  
 statim adiungas supplicia proposita ijs, qui offendunt, 7  
 & scandalum adferunt. Sed eius quoq; assume testimo-  
 nium dicens: Non opus est, vt hæc à me discas, tu ipse  
 scis. Et breue quidem sit consilium, venia autem sit 8  
 multa, & frequens, & continuo surge ad charitatem, eo-  
 rum quæ dicta sunt, contegens grauitatem, & molestiã.  
 Da etiam illi potestatem dicens: Ego quidem hæc sua-  
 deo, & consulo, in tua autem potestate est, ut persuadea- 9  
 ris, neq; enim cogo, nec uim assero, sed totum permit-  
 to libero tuo arbitrio. Hæc ex S. Chrysostomo: Maxi-  
 mè demum curandum est vt correctio opportuno tem-  
 pore fiat, ne si dum effervesceat quis libidine, aut furit  
 iracundia, corrigatur, non tam extrahatur, quàm impel-  
 latur in scelus. Quamobrem laudanda semper imi-  
 tandaq; Abigailis prudentia, quæ viro suo periculum  
 quod illa ab eius ceruice fortunisq; depulerat, non indi-  
 cauit vespere, erat enim ebrius, donèc scilicet vi-

Lib. 1. Re-  
 gum 35.

num mane digessisset. Atq; de charitatis re-  
 gula in corrigendo adhibenda non

plura. Sequitur altera discipli-  
 næ pars, quam nominat

S. Augustinus vt

diximus, in-  
 structio

nem.

In qua exercenda innumere se

se offerunt charitatis Chri-

stianæ atq; perfectæ

Occasiones.

Gg

Occa-



*Occasiones charitatis Christianæ iuuandis in spiritu excolendisq; hominibus præsertim in disciplina Christiana, & Sacris confessionibus.* Caput XXI.

Joan. 17.  
Ep. 99. lib.  
1. Regist.

**A**rs disciplinae hætenus explicatae ad Christianos omnes pertinet, non ita quæ superest posterior pars in instituendo proximo posita. Hæc enim in primis Episcoporum est maximè propria, quibus à Domino dicitur in Petri persona: *Pasce oues meas*; idè S. Gregorius Episcopo cuidam: *Instructio inquit, commissi populi fraternitatis vestræ sit Actio*. Secundum Episcopos eius magistri sūt, qui vel ex officio, vel ex instituto. Vocatio nis animas Domino lucrantur, aut curant: Parochi, Religiosi pleriq; alij studiorum eorum æmuli, ausim dicere etiā laici si prudentes & docti sint, zeloque saluis animarum exardescant: Quales multi sunt plerisq; pijs sodalitijs Actionibusq; charitatis operam dantes; dum nec temere, nec elanculum, nec Maioribus inuitis id faciunt.

Actio hæc vniuersa charitatis amplissima seges est. habet enim plerunq; eas difficultates, quas sola potest charitas superare. Quare ea ex parte hic recensenda sunt, vt quot sint, & quàm viles occasiones charitatis proximo exhibenda; ex difficultatum numero perspicuum sit. Nihil hic dico de ea disciplina, quæ pro concione ex superiore loco populo explicatur. Constat .n. ex Apostolo concionem sine charitate esse cimbalum tinniens,

tinniens, aut res sonans; & magnos qui propterea susci-  
piuntur labores, sola charitate quæ omnia suffert, miti-  
gari. Nihil de ea difficultate, quam experiuntur, qui  
pueris rudioribusq; hominibus Christianam Doctrinā  
tradunt, de qua suprà aliqua diximus, & palam est, solā  
charitatem Actionis specie humillimæ illecebram esse:  
Contraho orationem ad priuatam institutionem, quæ  
tam in Sacramento Confessionis quàm extra, Christia-  
nis hominibus nostris inquam fratribus in Christo ut  
ad Dominum conuertantur, impenditur: Qua in re  
(quamvis de Catechismo scribens) S. Augustinus præ-  
clare ut solet, versatus est, sed simul etiam ita ad rem  
nostram appositè, ut nihil desideres amplius, modo  
pro Catechistæ & Catechumeni Confessarij & Pœnitē-  
tis nomina subieceris.

Maximè igitur ex S. Augustino, ex S. Chrysostomo  
etiam & alijs quas hic pono difficultates, & ad has vin-  
cendas documenta charitatis accipio.

Prima difficultas institutionis cuiuslibet qui Chri-  
stianæ disciplinæ aut pœnitentiæ causa ad nos accedat,  
est, si is veniat non, paratus, sola ut accedit, consuetudi-  
ne, aut simili alia quapiam ratione ductus, quod sanè  
malum est non contemnendum, sed illud peius, si adeat  
Sacramentum commodi aut alicuius terrenæ cupidita-  
tis causa. S. Augustinus. Rarissimè accedit, ut quisquā  
veniat volens fieri Christianus (aut confiteri, peccata  
sua) qui non sit aliquo Dei timore perculsus. Si enim  
aliquod commodum spectando ab hominibus, non  
fieri vult potius quàm fingere. Sed planè sæpè adest mi-  
sericordia Dei per ministerium Catechizantis, ut ser-

Lib. de Ca-  
techizad.  
rudibus  
cap. 50.

mone commotus, iam fieri velit, quod decreuerat fingere. Sicq; cum illo debemus agere; ut fiat in illo hæc uoluntas, etiam si non est: Nihil enim deperit, quando si est, utiq; tali nostra actione firmatur. Sed si ficto pectore accesserit humana cominoda cupiēs, vel incommoda fugiens, utiq; mentiturus est: tamen ex eo ipso, quod mentitur, capiendum est principium, & faciamus eum delectari esse se talem, qualem videri vult. (id intellige tantisper, dum occasionem dederit ille nobis ipsum apertè redarguendi.) si autē dixerit aliud quàm oportet esse in animo eius, qui Christiana fide imbuedus est (aut pœnitentiæ Sacramēto initiandus) blandius & lenius reprehendendo tanquam ignarum, facias eum uelle quod aut per errorem; aut per simulationem nondum volebat.

De Cat.  
rud. c. 10.

Mom. 33.  
in prima  
ad Cor.

Secunda difficultas est, si non capiat auditor, quæ magister ut ad salutem eius necessaria tradit. S. Augustinus hic docet quantum se demittere debeat ad Christi Domini imitationem spiritualis magister & nutricum more omnia, minima etiam, ad eius animæ incolumitatem spectantia quasi præmansa in cordis eius os per corporis aures inferre charitate impellente, & præcurrente. eius verba suprà retulimus. S. Chrysostomus. Sic nos cum (fratribus) sermonem conferamus cum demissione & charitate. Ea est enim magna magistra, aptaq; & idonea ad abducendum ab errore, & ad mores componendos, & adducendum ad Philosophiam, & ad efficiendum homines ex lapidibus. Et si uis eius vim intelligere, adduc ad me vnum timidum, & qui vel solo terreatur strepitu, & ipsas umbras pertimescat, sitq; iracundus,



duſ, & aſper, & ſit potius fera, quàm homo, ſalaxque & libidinofus, & qui omni labore vitio, & trade eum in manus charitatis; & cum adduc in hoc Gymnaſium, & videbis illum timidum & ignauum, fieri fortem, magniq; & excelfi animi, facileq; quiduis audere, & quod eſt admirabile, hæc non ſunt eius mutata natura, ſed in ipſa timida anima ſuam vim oſtendit charitas. Hęc S. Chryſoſtomus.

Tertia difficultas eſt, cum non animaduertimus audientem aut pœnitentem moueri; ſiue humana verecundia reprinatur, ſiue dicta non intelligat, ſiue contemnat. S. Auguſtinus. Quandoquidem nobis non cernentibus animum eius, incertum eſt, omnia ſermone tentanda ſunt, quæ ad eum excitandum, & tanquàm de latebris eruendum poſſint valere: nam & timor nimis blanda exhortatione pellendus eſt, & inſinuando fraternam ſocietatem, uerecundia temperanda: & interrogatione querendum vtrum intelligat, & danda fiducia ut liberè proſerat. Quod ſi nimis tardus eſt, & ab omni tali ſuauiſſime abſurdus & auerſus, miſericorditer ſufferendus eſt, breuiter decurſis ceteris ea quæ maximè neceſſaria ſunt, propter futurum iudicium terribiliter inculcanda ſunt, magiſq; pro illo ad Deum, quàm illi de Deo multa dicenda. Idem S. Auguſtinus alio loco adfert exemplum accommodatum ad perſuadendum ne cuiuſquam quamuis inſirmiſſimi & deſperatiſſimi ſalutem deſperemus. Etiam ait: Lethargici multi ſanantur, ipſis enim ſimiles ſunt qui non ſauiunt in Chriſtū, nec malitioſi ſunt aduerſus Chriſtum, ſed tantum diſſerendo languescunt verbis ſomnolentis, & in lucem oculos

De Cat.  
rud. c. 13.

Serm. de  
Verb. Domini 59.

oculos extēdere pigrescunt; & illis quicōs excitare volunt molesti sunt. Recede à me inquit languidus Lethargicus, obsecro te, recede à me. Quāre? Dormire volo, sed ille. Morieris inde. Ille amore somni mori uolo rēpondet. Et charitas desuper: Nolo. Plerunq; istum charitatis affectum exhibet etiam filius seni Patri morturo post paucos dies, iam utiq; ætate finita, si Lethargicum uidet, & Lethargico morbo premi suum Patrē à medico agnoscit, dicēte sibi: excita Patrem tuum, si uis ut uiuat: adest puer seni, pulsāt, uellicat, pūgit, pietate molestus est, nec mori cito permittit cito moriturum. Quanto maiore charitate nos amicis nostris molesti esse debemus, cum quibus non paucos in hoc mundo dies, sed apud Deum in æternum uiuamus. Ament ergo nos, & faciāt quod audiunt per nos, & colant quem colimus & nos, ut recipiāt quē speramus & nos, hęc ibi.

Quarta difficultas est cum exigua, aut nulla spes ostenditur futuræ emendationis eius, in quo nos operam nostram ponimus ac studium: sed veremur potius, ne vel redeat ad ingenium, sitq; sibi semper similis, uel fiat etiam vitiosior & deterior: Cui affinis est illa, si sit is medicamēti impatiens, nec ullam quantuncq; salutarem ac lenem curationem ferat. Et quidem quod ad primam attinet, præstemus ipsi erga ægrotum hominem quem tractamus, id, quod muneris nostri est, reliqua Deo committamus; fretiq; eius misericordia & Sacramenti uirtute, speremus potius de homine bene; pro illoq; oremus & ingemiscamus ante Dominum, qui potens est de lapidibus suscitare filios Abrahamæ, & cuius opus est tota peccatoris conuersio, & confirmatio;

tio; & si secus accidat hominis culpa, non nostra, nec  
 tunc tamen iccirco nobis letandum est, quod nos no-  
 stro munere ritè functi sumus, ille autem suo vitio reci-  
 dit in scelus, ut enim lætitia hæc peccatum non sit, po-  
 stulat tamen charitas ut casum fratris doleamus ex ani-  
 mo; pro illoq; obnixè ac continuo Dominum deprece-  
 mur. Hic sanè sensus erat S. Bernardi cum sic scripsit: Serm. 42.  
in Cant.  
 Dicas forsan quia liberaui animam meam, & mundus  
 sum à sanguine hominis, cui annunciaui, & locutus  
 sū, ut auerteretur à uia sua mala, & uiueret. Sed etsi in-  
 numera talia addas, ne tamen ista minimè consolantur  
 mortem filij intuentem, &c. De secunda verò ita lo- De Cat.  
rud. c. 11.  
 quitur S. Augustinus. si resilierit, & curari recusauerit,  
 cōsoletur nos Dominicum illud exemplum, qui offen-  
 sis hominibus ex verbo suo, & tanquam durum refu-  
 gientibus, etiam ijs, qui remanserant ait: Nunquid & Ioan. 6.  
 vos vultis ire? satis enim fixum atq; immobile debet  
 corde retineri Hierusalem captiuam ab huius seculi  
 Babylonia decursis temporibus liberari, nullumque ex  
 illa esse periturum, quia qui perierit, non ex illa erat.  
 Firmum enim fundamentum Dei stat habens signacu-  
 lum hoc: Nouit Dominus, qui sunt eius, & recedit ab 2. Tim. 2.  
 iniquitate omnis qui inuocat nomen Domini. Ista co-  
 gitantes & inuocantes Dominum in cor nostrum, mi-  
 nus timebimus incertos exitus sermonis nostri, dele-  
 ctabitq; nos etiam ipsa perpeffio molestiarum pro mi-  
 sericordi opere, si non in eo nostram gloriam requira-  
 mus. Tunc enim est verè opus bonum cum à charitate  
 iaculatur agentis intentio, & tanquam ad locum suum  
 rediens rursus in charitate requiescit. Hæc S. Augusti-  
 nus.



nus. Atq; hæ sunt pleræq; difficultates quæ non ex nobis, hoc est ex institutoribus ipsis & confessarijs existunt, sed ex auditoribus. Ex nobis sunt quæ sequuntur.

Quinta difficultas est, cum nos ipsi occupatione aliqua vtili ita distinemur, ut graue admodum sit ab ea diuelli, vt confessioni aut disciplinæ proximi nauetur opera, qualis est lectio sacra, auditio Doctrinæ grauioris à docto magistro, aut alia aliqua fortassis ad speciem necessaria Actio. S. Augustinus. Lectio verò quæ nos delectat, aut aliqua auditio melioris eloquij, ut eam promendo sermoni nostro (& audiendæ confessionis ministerio) præponere uolentes, cum pigritia, uel tædio loquamur, alacriores nos suscipiet, iucundiorq; præstabitur post laborem; & maiore fiducia deprecabimur, vt loquatur nobis Deus, quomodo volumus, si suscipiamus hilariter, vt loquatur per nos quomodo possumus: ita fit, vt diligentibus Deum omnia concurrant in bonum. Alio postea loco; Si autem confregit animum tuum alterius Actionis, cui tanquam magis necessaria iam suspensus eras, omissio & propterea tristis insuauiter Catechizas (aut penitentem audis) cogitare debes, excepto quod scimus, misericorditer nobis agendum esse quicquid cum hominibus agimus, & ex officio sincerissimæ charitatis: Hoc ergo excepto, incertum esse, quid vtilius agamus, & quid opportunius aut intermittamus, aut omittamus omnino. Quia enim merita hominum pro quibus agimus, qualia sunt apud Dominum non nouimus, quid eis ad tempus expediat, aut nulla aut tenuissima & incertissima coniectura suspicamur, potius quàm comprehendimus. Quapropter res quidē agendas.

De Cat.  
rud. c. 11.

De Cat.  
rud. c. 14.

agendas pro nostro captu ordinare debemus: quas eo modo quo statuimus, si peragere potuimus, non ideo gaudeamus, qui à nobis, sed quia Deo sic eas agi placuit, si autem aliqua inciderit necessitas, qua noster ille ordo turbetur, flectamur facile ne frangamur: ut quem Deus nostro præposuit, ipse sit noster. Æquius est. n. ut nos eius, quàm vt ille nostrâ voluntatē sequatur, quia & ordo agendarū rerū quē nostro arbitrio tenere volumus, ille utiq; approbandus est vbi potiora præcedunt: Cur ergo nos dolemus homines à Domino Deo tanto potiore præcedi, ut eo ipso quo nostrum amamus ordinem, inordinati esse cupiamus? Nemo enim melius ordinat quid agat, nisi qui paratior est nō agere, quòd Diuina potestate prohibetur, quàm cupidior agere quod humana cogitatione meditatur. Quia multæ cogitationes sunt in corde viri, consilium autē Prou. 19. Domini manet in æternum. Hæc S. Augustinus, quæ si quadrant in oēs Christi vineæ operarios, quanto magis in eos, quibus ex instituto iuuandi animas munus incumbit, quibusque pro tempore à Maioribus imponitur?

Sexta difficultas est, cum grauer ferimus fastidium, idem saxum semper versandi, eadem audiendi peccata, & ea peccata plerunque à quorum commemoratione maximè abhorrent aures, ob quam causam eadem semper interroganda, eadem paranda ac præbenda remedia, eadem reficanda & inculcanda suasio, impulsio, rogatio, commotio affectus, hortatio, ad idem suscipiendum consilium, firmandum idem propositum, fugiendi easdem occasiones, frequentandi easdem Actiones salutes & necessarias ad vitam nō-

De Cat.  
rud. c. 12.

uam instituendam, quæ sine dubio molesta sunt ex se-  
se, & Diaboli etiam tentatione nonnunquam molestio-  
ra redduntur. S. Augustinus. Iam verò si vſitata & par-  
uulis congruentia (dicam & pœnitentibus) sæpè repe-  
re fastidimus, congruamus eis per fraternum, paternum,  
maternumq; amorem, & copulatis cordi eorum etiam  
nobis noua videbuntur. Tantum enim valet animi cõ-  
patientis affectus, vt cum illi afficiuntur nobis loquen-  
tibus, & nos illis discantibus, habitemus in inuicem: at-  
que ita & illi quæ audiunt, quasi loquantur in nobis, &  
nos in illis discamus quodammodo quæ docemus.  
Nonne accidere hoc solet cum loca quædam ampla &  
pulchra vel vrbium, vel agrorum, quæ nos sæpè viden-  
do sine aliqua voluptate præteribamus, ostendimus  
eis, qui antea nunquam viderant, vt nostra delectatio  
in eorum nouitatis delectatione renouetur? & tanto  
magis, quanto sunt amicitiores: quia per amoris vincu-  
lum in quantum in illis sumus, in tantum & nobis noua  
fiunt, quæ vetera fuerunt, sed nolumus eos, quos dili-  
gimus lætari & stupere, cum intuentur opera manuum  
hominum, sed volumus eos exurgere in admiratione  
laudemq; omniceantis Dei, vbi amoris fructuosissi-  
mus finis est: quanto ergo magis delectari nos oportet,  
cum ipsum Dominum iam discere homines accedunt,  
propter quem discenda sunt, quæcunq; discenda sunt,  
& in eorum nouitate innouari, vt si frigidior est solito  
nostra prædicatio, eorum insolita auditione feruescat.  
Huc accedit ad comparandam lætitiã, quod cogita-  
mus & consideramus, de qua erroris morte in uitam  
fidei transeat homo. Et si vicos vſitatissimos cum be-  
nèfica



nifica hilaritate transimus, quando alicui fortè qui errando laborauerat, demonstramus viam; quanto alacrius & cum gaudio maiore in Doctrina salutari & iam illa quæ propter nos retexere non opus est, perambulare debemus: cum animam miserandam & erroribus seculi fatigatam per itinera pacis ipso qui nobis eam præstitit, iubente deducimus?

Septima difficultas est cum ipsi fastidio nostro tabescimus, sumusq; uel scandalo, vel tædio aliquo ita affecti, ut quidlibet velimus aliud, quàm proximis operam præstare. S. Augustinus; Si ex aliquo scandalo perturbatus animus, non valet edere serenum iucundumq; sermonem, tantâ esse charitatem in eos, pro quibus Christus mortuus est, volens eos pretio sanguinis sui ab errore secularium morte redimere, ut hoc ipsum quod nobis tristibus nunciatur, præsto esse aliquem qui desideret fieri Christianus (aut peccata expiare Sacramento) ad consolationem illius resolutionemq; tristitiæ valere debeat, sicut solent lucrorum gaudia dolorem lenire damnorum. Non enim nos scandalum contristat alicuius, nisi quem perire, aut per quem perire infirmum vel credimus, vel videmus. Ille igitur qui initiandus aduenit, dum speratur posse proficere, dolorem deficientis absterget. Si autem de aliquo errato nostro vel peccato nos inconstitudo comprehendit: non tantum meminerimus, sacrificium Deo spiritum esse contribulatum, sed etiam illud: Quia sicut aqua ignem, sic elemosyna extinguit peccatum. Et quia misericordiam inquit, magis volo, quàm sacrificium. Sicut ergo si periclitaremur incendio, ad aquam utiq; curreremus, qua posset extin-

De Cat.  
rud. c. 14.

Psal. 50.

Ecclef. 3.

Osex. 6.

gui, & gratularemur, si quis eam de proximo offerret: ita si de nostro sceno aliqua peccati flamma surrexerit, & propterea perturbamur, data occasione misericordis fini operis, tanquam de oblato fonte gaudeamus, ut inde illud quod exarserat opprimatur. Nisi fortè tam stulti sumus, ut alacrius arbitremur, cum pane currendum, quo uentrem esurientis impleamus, quàm cū uerbo Dei quo mentem studentis instruamus. Huc accedit, quia si tantum modo prodesset hoc facere, non facere autem nihil obesset, infelicer in periculo salutis, non iam proximi, sed nostræ oblatum remedium sperneremus. Cum uerò ex ore Domini tam minaciter sonet: Serue nequam & piger dares pecuniam nummularijs, quæ tandem dementia est, quoniam peccatum nostrum nos angit, ideo rursus uelle peccare non dando pecuniam Dominicam uolenti, & petenti? Hactenus de septima difficultate.

Luc. 19.

Octaua difficultas est cum suboritur timor ille, ne nostra institutio ac ministerium detrimentum adferat homini ad nos adeunti, suo scilicet uitio abusu Deī tanta liberalitate, nec uitam in melius commutaturus, quod non paucis hominibus accidere non sine summo animi dolore quotidie cernimus. Cui dubitationi aliquid suprā respondimus: & S. Augustinus hæc nunc. Quod si timor ille suggeritur, ne fiat profelytus filius gehennæ, dum multi tales uersantur ante oculos, ex quibus ea oriuntur, quibus urimur, scandala, non ad retardandos nos pertinere debet, sed magis ad excitandos, & acuendos. Quin & quem imbuimus, moneamus, ut caueat imitationem eorum, qui non ipsa ueritate,

De Cat.  
rud. c. 14.

te,

te, sed solo nomine Christiani sunt, ne eorum turba commotus aut sectari uelit eos, aut Christum nolit sectari propter eos; & aut nolit esse in Ecclesia Dei, ubi illi sunt, aut talis uelit esse quales illi sunt. Et nescio quomodo in huiusmodi motu ardentior sermo est, cui formitem suum ministrat præsens dolor. Hæc ibi, & ecce tibi quanta charitatis materia, quàm multæ graues & necessariæ eam obeundi opportunitates.

Nona difficultas hic inferitur ex S. Gregorio (2. p. Past. c. 5.) Fit inquit plerūq; ut dū Rectoris animus aliena tēta menta cōdescendēdo cognoscit, auditis tētationibus etiam ipse pulsetur, quia eadem per quam populi diluitur, aqua proculdubio luti inquinatur. Sed hæc nequaquam Pastori timenda sunt, quia Deo subtiliter cuncta dispensante tanto facilius à sua eripitur, quanto misericordius ex aliena tentatione fatigatur.

Supereſt adhuc una difficultas, quam sola possit charitas explicare, quomodo cum tam varijs omnis generis hominibus accedentibus nos gerere debeamus, non enim omnibus eadem institutio conuenit, nec omnes eandem planè medicinam ac curationem flagitent. Sed alij aliam pro cuiusque hominis statu, conditione, morbis. Huic etiam satisfacit S. Augustinus. De meipso testis tibi sum, aliter atq; aliter me moueri cum ante me Catechizandum uideo eruditum, inertem, ciuem, peregrinum, diuitem, pauperem, priuatum, honoratum, in potestate aliqua constitutum, illius aut illius gentis hominem, illius aut illius ætatis, aut sexus, ex illa aut illa secta, ex illo aut ex illo uulgari errore uenientem, ac pro diuersitate motus mei sermo ipse & pro-

De Cat.  
rud. c. 15.



& procedit, & progreditur, & finitur. Et quia cum eadē omnibus debeat charitas, non eadem est omnibus adhibenda medicina: ipsa item charitas alios parit, cum alijs infirmatur, alios curat ædificare, alios contemiscit offendere, ad alios se inclinatur, ad alios se erigit, alijs blanda, alijs seuera, nulli inimica, omnibus mater. Hæc ibi.

De Cat.  
rud. c. 17.

Postremo ne quid huic tractationi deesset, idem S. Doctor Magistro disciplinæ huius scopum designat & statuit, ad quem vniuersam actionem & operam suam dirigat, efficiatq; vt illum attingat siue Catechumenus, siue pœnitens quem instituit. Scribit enim ita. Qui autem propter beatitudinem sempiternam, & perpetuâ requiem, quæ post hanc vitam sanctis futura promittitur, vult fieri Christianus, ut non eat in ignem æternum cum Diabolo, sed in regnum æternum intret cum Christo, verè ipse Christianus est: cautus in omni tentatione, ne prosperis rebus corrumpatur, & ne frangatur aduersis, & in abundantia bonorum terrenorum modestus & temperans, & in tribulationibus fortis & patiens. Qui etiam proficiendo perueniet ad talem animum, vt plus amet Dominum, quàm timeat gehennam, ut etiam si dicat illi Deus, vtere delicijs carnalibus sempiternis, & quantum potes, pecca, nec morieris, nec in gehennam mitteris, sed mecum tantummodo non eris: exhorrescat, & omninò non peccet, non iam ut in illud quod timebat, non incidat, sed ne illum, quem sic amat, offendant; in quo vna est requies, quam oculus non vidit, nec auris audiuit, nec in cor hominis ascendit, quâ præparauit Deus diligentibus se. Hæc ibi.

1. Cor. 13.

Et

Et quoniam huiusmodi homines siue viri, siue fœminæ beneficio huius institutionis alleciti, & continuato ministerio recreati plusquam par est, plerunque spiritualibus Catechistis & Confessarijs affici animo solent, & ad eorum ora ac latera ambitiosius ne dicam an accidius adhærescere; huic etiam malo S. Augustinus vt medeatur sic ait. Ad extremum ne spes eius in homine ponatur sedulo monendus est: quia neq; facilè ab homine iudicari potest, quis homo sit iustus, & si facilè posset, non ideo proponi nobis exempla iustorum, ut ab eis iustificemur, sed ut eos imitantes ab eorum iustificatore nos quoque iustificari sciamus. Hinc enim fiet, quod maximè commendādum est, vt cum ille qui nos audit, immò per nos audit Deū, moribus & scientia proficere cēperit, & viam Christi cum alacritate ingredi, nec nobis audeat assignare, nec sibi: sed seipsum & nos, & quoscunque alios diligit amicos, in illo, & propter illum diligit, qui eum dilexit inimicum, ut iustificans faceret amicum.

De Car.  
rud. c. 7.

Hæc ex S. Augustino, vt propterea eius liber ex quo

ista de vsu charita-

tis deprompta

sunt, non

tam

de Catechizandis rudibus, quàm de

veræ & Christianæ charitatis

ingenio ac industria inscri-

bendus mihi non im-

meritò videatur.

*Indicia*

*Indicia & Exempla Christianæ charitatis in proximum. Caput XXXIII.*



Primum Indicium Christianæ charitatis in proximum ut etiam nos alibi insinuasse meminimus, nunc paulo latius explicandum est ardens cupiditas salutarum animarum.

In vita S. Francisci cap. 5.

De S. Francisco S. Bonauetura sic scripsit: Non se Christi reputabat amicum, nisi animas foueret, quas ille redemit; salutem animarum nihil præferendum esse ducebat, eo magis probans, quod unigenitus Dei pro ani-

In Encomio S. Romani martyris apud Surium Tomo. 6.

18. Nou.

2. Cor. 11.

mabus dignatus fuerit in Cruce pendere. De S. Paulo sic S. Chrysostomus. Audi quàm sit Paulus summus.

1. Cor. 4.

1. Thef. 3.

Quis inquit infirmatur, & ego non infirmor? Quis scandalizatur, & ego non vror? non dixit, & ego non molestia afficior: sed ego, non vror, dixit, vrendi verbo ostendere volens summum dolorem. Et rursus scribens in

1. Cor. 4.

1. Thef. 3.

alia Epistola dicit: Sine nobis regnauistis, & utinam regnauissetis. Et rursus: Nunc viuimus, si vos statis in Domino. Vide, quantopere studebat, ut res fratrum se rectè haberent, qui nec viuere quidem se existimabat, si illi non essent salui. Homo qui fuerat raptus ad tertium cælum, & delatus in paradysum, & qui fuerat particeps mysteriorum ineffabilium, & tantam apud Deum affectus erat fiduciam, illorum bonorum sensum non valde accipiebat, nisi etiam vidisset fratres secum esse saluos. Sciebat enim apertè, sciebat charitate nihil esse maius, neque quod sit cum ea conferendum, nec ipsum quidem martyrium, quod est summa bonorum. Nam cha-

ritas



ritas quidem absque martyrio facit Christi discipulos: martyrium autem sine charitate non potest hoc facere: hæc S. Chrysostomus. Qui pluribus locis cum de S. Pauli charitate aduersus proximos loquitur, ita effert scit spiritu, adeo alta admiratione tantę charitatis suspēditur, & abripitur animo, ut uix apud se sit, uix se ipsum capiat, præsertim cum illud explicat: Optabam anathema esse à Christo (hoc est inquit carere æterna remuneratione & Christi præsentis conspectu) pro fratribus meis, qui sunt Israelitæ; sic exponit in Commentarijs Epistolæ ad Romanos, at alibi optabat inquit in gehennam mitti, & iudicium subire perpetuum, pro eorum salute à quibus fuerat sæpè lapidatus, qui cum interficere contederāt, ut hi tantarum ei auctores afflictionum per fidem corpori Christi iungerentur. Quis ita dilexit Christum? Si tamen hoc dilectione, & non amore maius est aliquid nuncupandum. Alio item loco scribit & aliud non minus minum. Is qui eligebat gehennæ cruciatum, ut Iudæos omnes ad fidem posset inducere, liquet profecto, quod non potitus uoti sui grauius afficiebatur, quàm hi, qui in gehenna cruciantur, quandoquidem hoc potius, quàm illud cupiebat. Quæ tamen omnia Anathemata optauit Apostolus modo nulla sua culpa cōtingerent: Nec aliter sentit S. Chrysostomus. Cæterum idem S. Pater alia quadam homilia uarias charitatis formas, & quasi personas recognoscit in Apostolo, quas operæpretium est hic producere tanquam Ideas perfectissimi amoris in Deum & proximum. Ait primò Pauli charitatem fuisse (quod indicium esse charitatis magnum post dicemus) commiseratione plenissi-

Rom. 9.

Hom. 16.

De dign.  
sacerd.  
lib. 4. c. 4.Lib. 3. de  
prouid.Homil. 3.  
de laud.  
S. Pauli.

nam, & quam potius iniuriæ suppliciaq; illata prouocarent, quam offenderent. Quanto amplius offerebantur inimici, tanto eorum magis miserebatur insaniam. Vt cum aliquis indulgentissimus pater afficitur erga filium phrenesi correptum, cuius quanto magis conui-  
tiji percussionebusq; pullatur, tanto eum potius miseratur, ac deslet. Ita Paulus qui de magnitudine passionum eorum à quibus affligebatur, astringeret furorem, maiora illis adhibet fomera pietatis. Audi igitur, quam patienter, quam mansuetè nobis pro illis loquatur, qui eum quinquies verberauerunt, qui eum catenis onerauerunt, qui vinculis sæpè cōstrinxerant, qui eius ipsum fitebāt cruorem, quiq; illum quotidie discerpere gestiebant. Testimonium inquit illis perhibeo, quoniam

Rom. 10. Zelum Dei habent, sed non secundum scientiam. Et rursus eos, qui se supra illos superbius efferebant, refrē-

Rom. 11. nans ait: Noli altum sapere, sed time; si enim Deus naturalibus ramis non pepercit, ne forte nec tibi parcat. Sæpè lachrymabatur vehementer, & pro illis dolebat, uolentes illis insultare prohibebat, atq; in quantum poterat, laborabat umbram eis aliquam excusationis obtinere. Et quia propter pertinaciam, atq; duritiam persuadere eis fidem sermone non poterat, ad orationes conuertebatur Fratres, inquit, volūtas quidem cordis mei,

Rom. 10. & obsecratio à Deum fit pro illis in salutem. Spe quoq;

Rom. 11. meliore illos sollicitat dicens; sine penitentia enim sunt dona & vocatio Dei, ut non pertinaci usq; ad finem desperatione moriantur. Quæ utiq; omnia sunt verba amantis, & ualde eorum utilitatibus prouidentis. Vt cū

Isaias 59. dixit: Veniet ex Sio, qui eripiat, & auertat impietates à Iacob;

Iacob; mordebatur enim, ac penitus dissecabatur, cum eos pereuntes videret. Atq; hoc est Apostolicæ charitatis simulachrum.

Alterum eius charitatis exemplum est aduersus eos, qui Iudæi non erant. His autem inquit, qui sine lege 1. Cor. 9. erant, factus sum quasi sine lege essem, ut omnes lucrifacerem. Audi quid à Timotheum sit locutus: Seruum Dei non oportet litigare, sed mansuetum esse ad omnes, Doctorem patientem, cum modestia corripientē eos, qui resistunt, si quando det illis Deus pœnitentiam ad cognoscendam veritatem 2. Tim. 2.

Tertiū exēplū Apostolicū est modestia charitatis eius aduersus eos qui lapsi erant in crimina; Vis autem ait S. Chrysostomus probare, quā modestē ēt & cū illis loquatur, qui in peccata corruerūt? Audi quid Corinthiis dicat: Timeo, ne cum uenero, homiliet me Deus apud 2. Cor. 12. vos, & lugeam multos ex his, qui antē peccauerunt, & non egerunt pœnitentiam super immunditia & fornicatione, & impudicitia quam gesserunt. Et ad Galatas: Filioli mei, quos iterum parturio, donec Christus formetur in uobis. Galat. 4. Et in causa eius qui fuerat fornicatus non minus quā ipse, qui peccato suo lamentabatur, dolet, proq; illo alios deprecatur dicens: Confirmate in illum charitatem. Sed etiam quando illum ab Eccle- 1. Cor. 2. siæ corpore separabat, quam multis hoc lachrymis gemituq; faciebat. ex multa inquit tribulatione & angustia cordis scripsi vobis per multas lachrymas, non ut contristemini, sed ut sciatis quoniam charitatem habēā abundantius in uos. Et rursus: Factus sum Iudæis tan- 2. Cor. 9. quam Iudæis, his qui sub lege erant, tanquam sub lege



essem, factus sum infirmus infirmis, omnia omnibus factus sum, ut omnes saluos facerem. Vidisti ne quāso animam omnia superantem? omnem enim prorsus hominem Deo exhibere cupiebat, & omnes quantum ad ipsum spectat, exhibuit, quasi vniuersum mundum genuisset, sic perturbabatur, sic currebat, sic omnes in regnum Dei festinabat inducere, docendo, pollicendo, meditando, tum orando, pro ipsis, tum etiam ipsis supplicando, & terrendo, & dæmones animarum fugando, aliquando Epistolis, aliquando præsentia, nunc sermone, nunc rebus, per discipulos, per semetipsum conabatur erigere labantes, stantes uerò firmare, humi iacentes attollere, sanare contritos, torpētes oleo exhortationis animare, inimicis insonare terribiliter, hostes minaciter intueri, more optimi cuiusdam Ducis ac medici artis suę instrumenta gestantis, protector ipse bellantium, ipse sedulus ægrotorum minister, & vnus omnium officiorum personas & exercitium ubique custodiens.

Quartum exemplum charitatis Apostolicę est illud quod S. Paulus simul edidit in procurandis proximo subsidijs etiam terrenis & ad mortalis vitę vsus necessarijs. In carnalibus (ait S. Chrysostomus) non in spiritualibus solum plurima sollicitudinis ac prouidentię suę documenta præstabat. Audi quomodo pro una muliere ad vniuersum scribat populum. Commendo autem vobis Phœbem sororem meam, quę est in ministerio Ecclesię, quę est in Cenchris, ut eam suscipiatis in Domino dignè sanctis, & assistatis ei in negotio quocunque vestri indiguerit. Et iterum: Nostis ait, domum

Rom. xli.

Ste-

Stephanæ, & vos subditi sitis eiusmodi. Et rursus: Cognoscite, quæ huiusmodi sunt. Post confirmans idem exemplo etiam Elisæi Prophetæ, addit, nec de viatico illorum quos euocabat, curam gerere dedignatus est. 4. Reg. 4. Tito ait: Zenam legis peritum & Apollo sollicitè præmitte, ut nihil illis desit. Qui autem pro vno seruulo fugitiuo Onesimo, & qui ex rebus Domini multa subtraxerat, integram omniq; affectu plenam Epistolam ad Philemonem sine cunctatione composuit, qualis circa alios fuerit perpende. Vnum enim hoc ille pudore dignum putauit, aliquid scilicet pro cuiuslibet salute negligere. Propter hoc agebat omnia, nec omninò quicquam pro his qui saluandi erant, cunctabatur impendere, non verba, non pecunias, nò corpus ipsum. Quoniam inquit libenter impendam, & superimpendar ipse pro animabus vestris. 1. Cor. 12.

Ad extremum narrationem tantæ charitatis sic claudit S. Chrysostomus. Cum celsus in omnium consisteret arcè virtutum, omnem tamen flammam præcipuo charitatis ardore vincebat. Vt. n. missum in ignem ferrum totum profecto ignis efficitur, sic Paulus charitate succensus, totus factus est charitas, qui quasi communis totius mundi esset Pater, ita in amore omnium ipsos eorum imitabatur parentes, iminò cunctos non carnales tantum, sed spirituales etiam Patres sollicitudine ac pietate superabat, & pecunias, & uerba, & corpus, & animam pro his quos diligebat impendens. Hæc de S. Pauli exemplis ex S. Chrysostomo. Quæ quàm sint utroq; digna documenta charitatis, nemo non uidet.

De ipsomet tamen S. Chrysostomo illustri admodum tanti magistri imitatione discipulo, est, quod aliquid adferamus, quo intelligatur quanta fuerit illius in proximos charitatis flamma.

Secundū igitur iudiciū perfectę charitatis in proximos est, & quidē ad ante dictū maximē cōsentaneū, animus paratus ac prōptus ad quidlibet perferendū, pro salute animarum, si opus sit, et si illud sit nō solum cū labore, dolore, cruciatuq; corporis coniunctum, sed cuiuscunque etiam ignominie ac probri sordibus delibutum. S. Chrysostomus igitur, sic de se scribit. Vellēni si fieri posset, vestris oculis ostendere, quam in uos habeo charitatem. Nihil est enim mihi vobis iucundius, & desiderabilius, ne hæc ipsa quidem Lux: Millies enim optarē ipse esse cæcus, si per hoc liceret vestras animas conuertere, adeo ipsa luce mihi est vestra salus iucundior. Quid enim me iuuant solares radij, quando quæ propter vos accipitur animi ægritudo oculis meis magnas offundit tenebras? Lux enim tunc est bona, quando apparet in lætitia. Et paulo post: Implere gaudium meum, liceat uobis salutem assequi, me autē propter vos redere rationem: uobis dari salutem, me verò accusari, quod meum munus non impleuerim. Non enim curo, ut per me salui sitis, sed ut salui sitis quacunque ratione. Probant hoc idem iudiciū ea quæ ante attulimus de S. Pauli laboribus, perpeſsionibus, probis. Et quidem contemptiōis huius ac dispicientiæ rerum omnium præ animarum lucro origo est Dei amor, & proximū. Est etiam propria ratione species ipsa animæ sanguine Christi expiata, quam cum semel S. Catharine Senensis

datum

Hornil. in  
Acta.

In eius vi  
ta B. Rai-



datum diuinitus esset animo contueri, ita exarsit Zelo salutis animarum, vt dixerit. Tahta est animarum dignitas & pulchritudo, ut ad eas lucrandas nullus par labor esse possit. Idque gloriosissimis factis à se in hunc finem gestis, maximisq; laboribus periculisq; susceptis ita esse vt dicebat ostendit. Plenæ etiam sunt Sacre literæ, & historia Ecclesiasticæ Apostolicis exemplis innumera- bilium hominum, qui & vitam salutis aliorum, causa libentissimè profuderunt, & ipsas etiam grauissime igno- minie notas subie-runt eandem ob causam, ut sine cul- pa, sic laudabiliter; vt propterea necesse non sit longū facere in ijs recēdendis. Vnū non omitto, quod nostræ societatis homines ijsq; similes non paucos, quos in Ec- clesia tenet sua quenq; vocatio, animare possit ad con- temnenda & pro nihilo putanda præ salute proximo- rum speciosa quæq; munera, ad abijciendumq; sese ad vilissima officia, Actionesque despiciatissimas, modo ex ijs Dei gloria & animarum salus colligatur. Dicebat B. P. Ignatius Societatis nostræ parens, se si quid ad anima- rum salutem pertineret, paratissimum esse nudis pedi- bus cornibusq; onustum per plateas incedere: nullum- que recusare habitum, aut ridiculum ac probrosum ve- stimēti genus, quod esse vtile hominibus posset, quod re ipsa comprobauit, si quando sese occasio obtulit. Ita scribit P. Ribadineira, qui eiusdem Patris eximia & sui despicientiæ plenissima documenta plura charitatis in proximos latè exponit eodem loco: Nimirum hi fru- ctus erant eorum seminum, quæ imitationis humilita- tis Christi in tam multas partes suorum Exercitiorum, immò & Cōstitutionum libris sparsit, vt nos eos nobis demec-

1. Cor. 13.  
Vatablus  
ibid.

demeteremus, & in eundem vsum ederemus temporibus suis, atque hoc illud est Apostoli: Charitas non est ambitiosa. Hoc est vt exponunt quidam, non est fastidiosa. Id est nihil sibi indecorum putat, quamlibet vile officium, modo profit.

1. Cor. 12.

Gradus  
charit. S.  
Pauli.  
Hom. 26.  
in primā  
ad Cor.

Tertium Indicium charitatis erga proximum, est pergere in amore, quamuis non respondeat in amore, minusque officio nostro proficiat is, quem in Domino diligimus, & cuius causa laboramus. Exemplo Apostoli, qui sic scribit: Ego autem libentissimè impendam, & superimpēdar ipse pro animabus vestris, licet plus vos diligens minus diligar. Considera ait S. Chysostomus, quot gradus commemorat. Licebat accipere, ipse autē non accipiebat. Ecce primum opus bonum: & quamuis inopia premeretur, ecce secundum: & illis prædicans, en tertium: & impendit, ecce quartum: & non simpliciter adiecit, sed cum incremento, ecce quintum: & non solum pecuniam, sed & seipsum, en sextum: & his qui non valde diligebant, ecce septimum: & his, qui valde diligebantur, ecce octauum. Hoc sanè & nos imitemur. Hęc S. Pater. Quam ob rem S. Anselmus his rationibus probabat, cum qui charitatem habet, maius aliquid habere, quàm illum, ad quem charitas habetur, ideoque optabilius esse charitate diligere, quàm diligi. Primo enim aiebat ille (ut auctor est, qui eius vitam posteris mandauit) Qui charitatem habet, hoc vnde Deus ei scit gratias, habet: ille uerò ad quem tantummodo habetur, minimè. Quas etenim gratias mihi debet Deus, si tu me, vel quilibet alius diligit? Quod si maius est habere hoc, vnde Deus scit homini grates, quàm hoc

Prima ratio  
S. Anselmi.

hoc vnde nullas, cum pro habita charitate gratias sciat, pro suscepta non adeo: colligitur, cum qui charitatem erga aliū habet, maius quid habere, quā ipsū cui impeditur. Amplius: Is cui dilectio alterius seruit, solius commodi munus perfunctoriē suscipit, verbi gratia, honorem vnum, beneficium vnum, prandium vnum, vel quodlibet officij genus, in hunc modum. Alius verò charitatem quæ commodi munus exhibuit, sibi retinuit. Ad hæc conuersus ad fratres coram quibus verba faciebat, si ex ipso officio circa vos aliquid charitatis in me creuit, & hoc ipsum vobis ad cumulum retributionis erit, qui fecistis, vnde mihi tantum bonum prouenit. Hæc igitur si recta consideratione attendimus, profecto perspiciemus, magis nobis esse gaudendum, si alios diligimus, quā si diligimur ab alijs. Quod quia non omnes faciunt, multi potius ab alijs amari, quā amare alios cupiunt. S. Thomas etiam docet charitati magis conuenire amare quā amari, est enim amare actus proprius eius, non item amari, quod potius rationem quandam indicat amoris alterius erga eum in quo est charitas. Et huius ait, duplex est signum. Primum quidem, quod amici magis laudantur ex hoc quod amant, quā ex hoc quod amantur, quinimo si non amant, & amentur, vituperantur. Secundum, quia matres quæ maximè amant, plus quærunt amare, quā amari, hæc S. Thomas.

Secunda  
ratio.

Tertiara-  
tio.

2.2. q. 27.  
art. 1.

Quantum Indicium eiusdem charitatis est commiseratio calamitatis alterius perinde ac nostræmet. S. Augustinus, quomodo se inuicem amant membra corporis nostri, si nos inuicem amare voluerimus, perfecta in

Lib. 50.  
homil.  
homil. 15.



nobis charitas poterit custodire. Quando sanum est caput, congaudent omnia membra, quando aliquid mali patitur vnum membrum, compatiuntur omnia membra. Ecce spinam calcit pes. Quid tam longè ab oculis quàm pes? longè est loco, proximus charitatis affectu. Modicum pungit spina, & per paruum locum tenet in pede, uide quomodo illuc conuertuntur omnia membra? Primo ipsa spina dorsi incuruat se, & depouunt se omnia membra. Nunquid oculi cessant quærere? Nunquid aures cessant audire? forte alij qui vident, vbi sit, dicunt, ecce ibi est, statim hoc aures audiunt, & sequuntur consilium: ibi & oculi quærunt, & manus operantur, & ut dixi, totum corpus illuc incuruatur, & nihil vacat in homine ad subueniendum. solum in pede factum est vulnus, & totum quod est in homine operatur, omnia membra sana sunt, etiam pes, nisi ibi vbi punctus est: Non est ergo communis calamitas omnibus, sed per compassionem charitatis omnia veniunt ad subueniendum, & omnia volunt succurrere, vt impleatur quod ait Apostolus. Si patitur vnum membrum compatiuntur omnia membra. Probat deinde S. Augustinus perfectam charitatis esse miserari proximi damna, eaq; nostra reputare, ex eo quod Christus ipse caput & princeps omnis charitatis suorum persecutiones, suas esse proficitur, cum ait Saule Saule quid me persequeris.

1. Cor. 12.

Act. 9.

Quintum charitatis Indicium est omnes iniurias criminaq; alterius ex animo illi condonare. Idq; non semel, sed iterum, & quotiescunq; ille peccauerit, & errorem deposuerit, immò & si non deposuerit, quemadmodum

modum qui nobis vel inuitissimis inimici esse volunt:  
 Quoties debeo ignoscere? vsq; septies? quærit Petrus, Matth. 18.  
 non vsq; septies ait Dominus, sed vsq; septuagies se  
 pties. S. Augustinus. Et si septuagies octies peccauerit, Hom. 15.  
 ignosce, & si centies peccauerit, ignosce. Ipsum Domi- De Ver-  
bis Domi-  
ni.  
 num audi loquentem in Apostolo, vbi modus & nume-  
 rus præfixus non est: Donantes vobismetipsis, si quis Colos. 3.  
 aduersus aliquem habet quærelam, sicut Deus in Chri-  
 sto donauit vobis. Audistis formam, si septuagies se-  
 pties peccata tibi Christus donauit, si hucusq; ignouit,  
 & ultra negauit, pone & tu limitem, & vltèrius noli  
 ignoscere, si autem Christus millia peccata peccatorum  
 inuenit, & tamen omnia donauit, noli subducere mise-  
 ricordiam, sed posce illius numeri solutionem. Post decla-  
 rat numerum illum finitum Dominum posuisse pro in-  
 finito: Quomodo etiam cum aliqua numerauimus, &  
 optamus intelligi adhuc plura superesse, vulgo dici-  
 mus, & sexcenta alia: ad indicandum eius numeri nul-  
 lum finem esse.

Porro quàm insignia fuerint in Christo Domino,  
 hæc charitatis indicia omnia, & plurima alia his adhuc  
 multò maiora, quis est, qui explicet? Zelo animarum ita  
 exarsit, vt coarctaretur, vt ipse ait, donec Baptismo san- Luc. 12.  
 guinis sui pro earum salute ablutus seipsum patri Ho-  
 stiam viuentem immolaret. Passionem & mortem pro  
 brofissimam obiuit sponte, libensq; & gaudens sustinuit,  
 quod optauit ardentè; ut opprobria exprobrantium  
 Deo in ipsū recideret oia, fieretq; vnus pro oium glo-  
 ria opprobrium hominum, & abiectio plebis. Quàm  
 verò constanter in amore ingratissimæ & pessimæ gen-

tis perseuerauerit, quàm ardēter nec amatus & capitalis  
simo odio habitus ab inimicis ciuibus, & popularibus  
suis inimicos ipse dilexerit, quàm facilis ad ignoscen-  
dum fuerit suismet hostibus & interfecto-  
ribus inma-  
nissimis, efferatissimis, in ipso feruore tãti sceleris mor-  
tis suæ, locupletissimè testatur vel vna illa eius oratio.

LUC. 23.

Pater dimitte illis, quia nesciunt quid faciunt. Ad quā  
rem faciunt quæ scribit S. Bernardus in eadem verba.

Ser. fer. 4.  
heb doma  
de peno-  
sa.

O inquit, quàm multus es ad ignoscendum, o quàm  
magna multitudo dulcedinis tuæ Domine. O quàm  
longè cogitationes tuæ à cogitationibus nostris: o  
quàm firmata est etiam super impios misericordia tua?  
Mira res: ille clamat: Ignosce, Iudæi, Crucifige. Molli-  
sunt sermones eius super oleū, & isti sunt iacula. O cha-  
ritas patiens, sed & cōpatiēs. Caritas patiēs est, sufficit:  
Caritas benigna est cumulus est. Noli vinci à malō,  
charitas abundans, sed vince in bono malū, superabun-  
dans est. Non enim sola patientia, sed & benignitas Dei  
ad pœnitentiam Iudæos adduxit, quia benigna chari-  
tas etiam quos tolerat, amat, & amat tam ardentē: pa-  
tiens charitas dissimulat, expectat, sustinet delinquen-  
tes, sed benigna trahit, adducit, conuerti facit ab errore  
viæ suæ. Deniq; cooperit multitudinem peccatorum. O  
Iudæi lapides estis, sed lapidem percutitis molliorem,  
de quo resonat tinniens pietatis, & ebulliēs oleum cha-  
ritatis. Quomodo potabis Domine desiderantes te tor-  
rente voluptatis tuæ, qui sic perfundis crucifigentes te  
oleo misericordiæ tuæ? hæc ille: Vt mirum propte-  
rea non sit, si etiam miraculis & prodigijs imitato-  
ribus suis Christus ostendat, quàm sibi gratum sit  
hoc



hoc tantum perfectissimę charitatis officium. Exemplū  
vnum adfero Ioannis Gualberti, post Sāctissimi Abba Surius To -  
mo 4. Iul.  
12.  
tis ac Patris Monachorum Vmbrosę vallis, tunc adhuc  
in seculo constituti, & inimicitiarum irarumq; parentis  
non minus quā facultatum hæredis. Incidit is semel  
in hostem & interfectorem propinqui sui, cuius diu ex  
optauerat interitum, loco tam angusto, ut neuter pos-  
set de uia deflectere. Tum uerò hostis quod inermis es-  
set, nihil nisi mortem præsentem expectans concepta  
tamen repente fiducia de Ioannis clementia desiliit ab  
equo, humiq; prostratus ueniam iunctis manibus sibi  
dari pro crucifixi amore suppliciter petijt. Audito cruci-  
fixi nomine compunctus Ioannes, amore crucifixi pa-  
cem illi obtulit, iussuq; è terra surgere liberum homi-  
nem dimisit. Ingressus post Ioannes in Ecclesiam S.  
Miniati quæ nunc arce Florētina Ciuitatis obducitur,  
cum coram crucifixi imagine flexisset genua, uidit à  
Cruce pendentis caput ad se inclinari, tanquam ipsi  
gratias agentis, quod pro eius amore ac in eum pietate  
hosti capitali pepercisset. Hodieque, hoc est post annos  
quingentos adhuc uisitur & piè colitur sacra illa Chri-  
sti Crucifixi statua. Cerniturque ad facti memoriam  
sempiternam etiā nunc caput eius exporrecta fron-  
te motum longius à ligno cui suffixa illa est non in gra-  
uati morem demissum, sed eius potius qui amicum be-  
nignè salutat, illiq; præstitum officium gratuletur.

lum, quæ falsa prudentia est, aut prudentia carnis. Vera autem Prudentia circa ea tantum versatur quæ iusta, honesta, & bona homini sunt, ea verò sunt huiusmodi quæ agunt viri boni. Sic loquitur idem Aristoteles. Ex <sup>Ibid. c. 13.</sup> his duo conficiuntur. Vnum: Prudentiam repugnare peccato, nec posse, ut ait Salomon, sapientiam hanc habitare in corpore subdito peccatis, quoniam ut S. Thomas <sup>Sap. 1.</sup> scribit, Prudentia est præceptiua rectorum operum, quod non contingit, nisi existente appetitu recto. peccatum verò procedit ex perversitate appetitus. Alterum, <sup>Ibid. ad 2.</sup> est propriam & præcipuam Prudentiæ actionem esse, imperare, ad quod præparant mentem, quæ illud ante eunt consilium, & iudicium, suntque veluti mancipia duo aut ancille prudentiæ. Ceterum ut ex Philosophis S. Thomas accepit multas alias virtutes proximè administras habet Prudentia, quibus ad munus præcipiendi ritè obeundum instruitur, & adornatur. Hæ numerantur octo. Memoria, Intelligentia, Docilitas, Solertia, Ratio, Providentia, Circumspectio, Cautio. Memoria est cognitio præteritarum rerum: Intelligentia præsentium: Docilitas quæ per institutionem acquiritur notitia: Solertia quæ propria inuentione & rectè coniiciendo: Ratio, quæ argumentatione ratiocinationeq; concluditur. Providentia est ipsa dispositio rerum ad finem consequendum idonearum: Circumspectio, est ad circumstantias rei ipsius qua de agitur, attentio: Cautio deniq; machinatio quædam mentis est aduersus quæ sese obijciunt, impedimenta.

Proposito igitur bono & fine, consulit mens, quibus rationibus illud adipisci possit, aduocat in consiliū

res præteritas memoria duce, & comite experimento, ponderat res præsentēs, adhibet peritos bonosq; consiliarios, seipsam excitat & acuit ad bene cōijciēdum, conficit aliquid ex his quæ vel antè nouit, vel tunc primum audit, ac inuestigat noua industria; circumspicit attentè circumstantias omnes loci, temporis, facti, personarum; prospicit si quid immineat mali, damniue. De finit qua ratione superandæ sint difficultates, si quæ incidunt, sic rationibus omnibus in medium antè adductis, diligenter examinatis ad vnā rectæ rationis normam sapienter iudicat, quæ nam ex illis ad consequendum finem accommodatior, aptior, opportuniorq; sit, ac tum demum efficaciter imperat Voluntati vr consentiat, velitq; illud amplecti, quo nihil rectæ rationi magis cōsonum, honestius nihil, nihil vtilius sibi tunc esse perspicuè intelligit. Quare Prudentia soboles est rectæ rationis, & parens appetitus recti. Ex illa enim siue ex Synderesi (quæ habitus est innatus principiorum primorum practicorum) ortum ducit, indeque accersit primam suæ bonitatis originem, & primum quasi semen, quod deinde mentis gremio receptum & antedictis cōceptionibus elaboratum, foras erumpens, appetitum efflorescentem, rectum, & Virtutibus conformatum reddit. Porrò nec Prudentiæ origo procreatio & actio Scripturis Sacris etiam continetur. Siquidem de memoria & experientia scriptum est apud Iob: In antiquis est Sapiētia, & in multo tempore Prudentia. Meditationi & considerationi rerum quibus de agitur seriò incumbendum, indicatur in Psalmo: Os meum loquetur Sapiētiā, & meditatio cordis mei Prudētiā. Audiendos

Iob. 12.

Psal. 48.



diendos alios, & doctiores nobis, & consiliarios fortasse pares sepe præcipit Salomon; audiens sapiens sapien- Prou. 1.  
 tior erit: Animaduertet verba sapientum. Ego sapien- Prou. 8.  
 tia, habito in consilio, & eruditis intersum cogitationi-  
 bus. Circumspectè considerandas circumstantias, idem  
 scribit Salomon.

Qui sapiens est timet. Stultus autem transilit, & con- Prou. 14.  
 fidit. Astutus considerat gressus suos. & qui timet Deū Eccl. 7.  
 nihil negligit. Timorem autem Dei veram sapientiam  
 Salomoni esse vulgatissimum est. Apud eundem est,  
 prospiciendum antè quàm deliberes. Sapientia inquit Prou. 14.  
 callidi est intelligere viam suam, imprudentia stultorū  
 errans; & palpebræ tuæ præcedant gressus tuos. Et sis sa Prou. 19.  
 piens in nouissimis tuis. Consultandum item de malis  
 auertendis & declinandis, consilium ait, custodiet te,  
 & prudentia seruabit te. Postremo ubi consulueris, mē- Prou. 2.  
 tis imperio ad obtemperandum volūtatem inducendā  
 esse, insinuat Salomon, cum ait: Sapiens corde præcepta  
 suscipit. Et qui sapiens est corde, appellabitur prudens. Prou. 10.  
 Deniq; consideraui agrum & emit cum. At ni me mea Prou. 16.  
 fallit opinio, explicatè de imperatrice prudentiæ actio- Prou. 31.  
 ne differit, ostenditq; quàm imbecillis ea sit sine consi-  
 lio, & quantum firmitatis & roboris ex probatis consi-  
 lijs accipiat, cum ait: Dissipantur cogitationes, vbi non Prou. 15.  
 est consilium; vbi verò sunt plures consiliarij, confir-  
 mantur.

Ad similem deliberandi rationem vocat, instituitq;  
 Israeliticum populum Moyse, cum ut confirmet ille  
 voluntatem perpetuò Deo vero seruiendi, eiusq; legis  
 præceptis obtemperandi, Ethnicis simulachris omni-

bus repudiatis altè petito principio ab antiquissimorū rerum à Deo gestarum commemoratione inchoans, *Deut. 4.* ait: Interroga de diebus antiquis, qui fuerunt antè ex die, quo creauit Deus hominem super terram à summo cælo, vsq; ad summum eius, si facta est aliquando huiuscemodi res, aut vnquam cognitum est, vt audiret populus vocem Dei loquentis de medio ignis, &c. De inde proximè actas res, recentefq; & quasi præsentef vt recogitet diligenter, ait, audisti verba illius de medio ignis, in terra ostendit tibi ignem suum maximum, &c. circumstantias etiam facti ponit ob oculos. Vt tolleret sibi gentem in medio nationum, per tentationes, signa, atq; portenta, per pugnam, & robustam manum, extentumq; brachium, & horribiles visiones excitat simul ad prospiciendam futuram felicitatem, & ad sperandum omnia ad eam impedimenta remouenda, ut deleret inquit, nationes maximas, & fortiores te in introitu tuo, & introduceret te, daretq; tibi terram earū in possessionem, sicut cernis in præfenti die. Ac demū vt illud prudenti firmaq; & immutabili ratione apud se statuat, animoque pari fortitudine complectatur, non alium sibi habendum, colendumq; Deum, quàm hunc tantæ suæ salutis auctorem, concludit, scito ergo hodie, & cogitato in corde tuo, quod Dominus ipse sit Deus in cælo sursum, & in terra deorsum, & nō sit alius.

*Prima pars  
se. Pall.  
cap. 9.*

Eandem viam secuti sunt patres. S. Gregorius vt qualis futurus sit in cura aliorum gerenda is, qui tunc primum ad eam vocatus est, qualemq; seipsum comparare debeat, sic scribit: Mentis oculos ad opera transacta reuocet, penset quisq; quid subiectus egerit, & repente co-

tè cognoscet, si prælatus bona agere, quæ proposuerat, possit, quia nequaquam ualet in culmine humilitatem discere, qui in imo positus non desinit superbire. Nescit laudem cum suppetit fugere, qui ad hanc didicit, cum deesset annhelare. Nequaquam vincere auaritiam potest, quando ad multorum sustentationem tenditur is, cui sufficere propria nec soli potuerunt. Ex antea acta ergo vita se vnusquisq; inueniat, ne in appetitu se culminis imago cogitationis illudat. hæc ibi. Ecce quomodo ex ijs quæ in nobis ipsi de nobis experti sumus, possumus probabiliter immò certò conijcere ac diuinare, quales futuri simus in posterû quæ prior pars prudentiæ est, qua homo seipsum adhibet in consilium. Cogitandas deinde circumstantias esse, & prouidenda futura idè Pater sæpè monet, sed præsertim cum præcipites instituit. Hi inquit, dum bonorum actuum præueniunt tem- 3. p. Pañ.  
Admonit.  
16. pus, meritum peruertunt, & sæpè in malis corruunt, quia bona miuimè discernunt.

Qui nequaquam quid, quomodo, uel quando, quæque agunt, inspiciunt, sed plerinq; acta quia ita non debent agere, cognoscunt. Quibus sub auditoris specie rectè per Salomonem dicitur: Fili mi sine consilio nihil Ecel. 33. facias, & post factum non poenitebit. Et rursum: Palpe- Prou. 4. bræ tuæ præcedant gressus tuos. Palpebræ quidem gressus præcedunt, cum operationem nostram recta consilia præueniunt. Qui enim negligit considerando præuidere quod facit, gressus tendit, oculos claudit, pergen- do iter conficit, sed præuidendo sibi metipsi non antecedit. Hæc ibi.

Postremò ubi consultum & cogitatum diu ac satis



3. p. Paſt.  
cap. 1. Ad-  
monit. 35.

eſt, maturæ facti opus eſſe, idq; ratione appetitui ac ſibi ſubiectis facultatibus animæ omnibus fortiter imperrante tradit idem S. Gregorius. Qui propoſita ait, non

perficiunt, etiam quæ ſunt cœpta conuellunt. Si enim quod videtur gerendum ſolicita intentione nō creſcit, etiam quod fuerat bene geſtum decreſcit. In hoc quippe mundo humana anima quaſi more nauis eſt, contra iſtum fluminis condeſcendentis, uno in loco nequaquā ſtare permittitur, quia ad ima relabitur, niſi ad ſummā conetur. Si ergo inchoata bona fortis operantis manus ad perfectionem non ſubleuat, ipſa operandi remiſſio

Pro. 18.

quod per Salomonem dicitur: Qui mollis & diſſolutus in opere ſuo fuerit, frater eſt ſua opera diſſipātis. Quia videlicet qui cœpta bona diſtrictè non exequitur, diſſolutione negligentia manu deſtruentis imitatur. Hinc

Apoc. 3.

Sardis Eccleſiæ ab Angelo dicitur: Eſto vigilans, & confirma cetera, quæ moritura erant, non enim inuenio opera tua plena coram Deo meo. Quia ergo plenā coram Deo eius opera inuenta nō fuerant, moritura etiā reliqua, quæ erant geſta, prædicabat, ſi enim quod mortuum in nobis eſt, ad vitam non accenditur, hoc etiam extinguitur, quod quaſi adhuc viuum tenetur. Hæc S. Gregorius. Cuius aliqua ſententiæ quanquam de ipſa externa actione intelliguntur, pleręq; tamen omnes in Actiones etiam mentis internas quadrant. Preſertim in Rationis imperium, quando poſt conſilium iudiciumque aut nullum eſt, aut perinde ac nullum minimè efficaci, languidum, & enervatum, quod peccatum eſt in cōſiderationis, & inconstantiam aduerſus, prouidentiam,

ſoler-

solertiâ, & intelligentiâ. Ex quibus propriè existit ratio  
 nis imperium. Quare imprudens homo à sapiente dici  
 tur dissipare thesaurum, bonarum nimirum & vtilium  
 cogitationum. Et componitur cum errante, & eo qui  
 minoratur corde: Minoratur enim corde cum errore  
 inanium cogitationum ad alia distractus, nihil dignum  
 homine concipit animo, nihil deliberat, aut agit, quod  
 cordis stuporem excutiat: Contra verò de prudente  
 scribitur: Loramentum ligneum colligatum in funda-  
 mento ædificij non dissoluetur: sic & cor confirmatum  
 in cogitatione consilij & cogitatus sensati in omni tem-  
 pore metu non deprauabitur. Quod ab alijs sic uertitur  
 clarius, ut compages & iugamenta lignea ædificio indi-  
 ta concussu non dissoluuntur, sic animus firmatus per-  
 penso consilio, nullo tempore pertimescet.

Quæ autem dicta sunt de Actione Prudentiæ quæ  
 uersatur circa bonum proprium & peculiare vniuscuiusque,  
 & Ethica siue Moralis nominatur, eadem prorsus  
 conueniunt partibus Prudentiæ, quæ spectant com-  
 mune bonum: Regiæ nimirum, quæ Rex Princepsue  
 curat bonum Regni, aut Tetrarchiæ: Politicæ quæ ciues  
 in idem incumbunt: Militari & Oeconomica, quarum  
 illa exercitus vniuersi, hæc familiæ consulit utilitatibus.  
 Et hæc dicta sint de Actione Prudentiæ Moralis.

Prudentia Christiana nobilior multo altiorque est, He-  
 roica uidelicet, Diuina. Hæc in Prouerbijis disertè appel-  
 larur Scientia Sanctorum, & de ea scriptum est: Ex ore  
 Domini Prudentia, & Scientia. Hæc exercetur maximè  
 per Diuinos instinctus, præsertim per donum Spiritus  
 sancti, quod dicitur Consilium, quo in Scripturis Sacris

Eph. 1. non solum ipsa consultatio significatur, sed etiam iudicium; & imperium, ut cum Apostolus de Deo loquens ait, secundum consilium voluntatis suæ. Est autem hæc Prudentia à Deo, non solum quia à Deo creatur in anima; sed quia ut S. Thomas loquitur, à Deo mobili non reddit, & ad res diuinas erigit, & inflammat. Addo, ad eam iudicandi rationem hominem instituit, quæ Diuinæ propior est. Huius generis sine dubio fuit sententia Salomonis de matre pueri, quo se priuatam maluit, quàm ne cum vita priuatum videret. Nam ut ait S. Hieronymus, contra ætatis suæ mensuram de intimo humanæ naturæ suo iudicauit affectu, vnde & admiratus est, & pertimuit illum omnis Israel. Videntes ut Scriptura dicit, sapiētiam Dei esse in eo ad faciendū iudicium. Sed mirabilior longè utpotè longè diuiniorem Christi Domini Prudentia, cum mulierem adulteram eripit ab imminenti vitæ discrimine illo dicto: Qui si ne peccato est uestrum, primus in eam lapidem mittat. illa item cum Phariseorum dolosa consilia tam facile eludit. Reddite, quæ sunt Cæsaris, Cæsari, & quæ sunt Dei, Deo.

Lib. 3. Reg. 3. Ep. ad Rufinum de Salomonis Iudicio.

Io. 8. Sed & alia ratione superat humanam Christiana Prudentia. Consiliarios habet plures, clariiores, locupletiores, certiores, nē impē diuinos libros Deo dictante conscriptos; Diuinos item homines adeo integros & incorruptos, adeo sapientes & expertos, sanctos inquam Doctores, aut vita sanctos, aut adhuc superstites, Ecclesiæ etiam pastores, quibus (summo præsertim cui tanquam capiti & magistro subijciuntur reliqui) certo scimus assistere Spiritum sanctum. Ex quo efficitur, ut consilium

Matth. 22.

Chri-



Christianæ prudentiæ lōge meliore loco sit quàm consiliū morale, propterea q̄ longè plura sint, & nobiliora, quæ iuant & roborant eas partes quibus illud consistat: Memoriam scilicet, Intelligentiam, Docilitatem.

Sed & præter Diuinum consiliū accedit plerunq; aliqua Diuini luminis illustratio, qua consultatiū mens nouo beneficio à Deo completur, ita, ut quod querit sine multarum ratiocinationum circuitione ac penè subito assequatur. Hac excelluerunt Prophetæ, vt cum Dan. 13.  
Daniel iudiciū mortis aduersus Susanā tantā iniuria constitutum repente retractat, & cum clandestinas Dan. 14.  
comestiones & nocturna facinora. Sacerdotū Belis ex vestigijs cineri pauimento aspersi impressis deprehendit, ac detegit. Hac Apostoli, ut cum Petrus tam impro- Act. 5.  
uiso manifesti sceleris conuincit Ananiam & Saphirā. Certè S. Paulus cum de virginibus consilium dat, cau- 1. Cor. 7.  
sam hanc reddit: Puto inquit, quod & ego spiritum Dei habeam. Adhibet interdum ad eandem lucem adferendam animis Deus miracula & somnia, reuelationes etiā quæ tamen vt vera Diuinæ voluntatis iudicia sint, minus certa sunt, quàm Scripturarum Diuina testimonia. Vt propterea ad Scripturarum regulam omnino examinanda sint, nec censenda uera nisi quatenus veritati aut scriptæ aut traditæ Diuinitus consonant. Ex hac  
de re S. Augustini præclara sententiā. Quod si Diuinitus Lib. de Ca  
tech. rud.  
cap. 6.  
admonitum vel territū esse responderit, ut fieret Christianus, latissimum nobis exordiendi aditum præbet, quanta Deo sit cura pro nobis. Sanè ab huiusmodi miraculorū siue somniorum ad Scripturarum solidiorum viam & oracula certiora transferenda est ejus intentio:

tentio: vt & illa admonitio quàm misericorditer ei prærogata sit nouerit, antequam Scripturis sanctis inhereret. Et vtique demonstrandum est ei, quod ipse Dominus non eum admoneret, aut compelleret fieri Christianum, & incorporari Ecclesiæ, & talibus signis aut reuelationibus erudiret, nisi iam præparatū iter in Scripturis sanctis ubi non quæreret visibilia miracula, sed inuisibilia sperare consuecisset, neq; dormiens, sed vigilās moneretur, cum securius & tutius carpere voluisset. Hęc S. Augustinus, quod est idem ac dicere, Prudentiā extraordinariam tum demum ueram esse, & nec fallere, nec falli, cum innititur præceptis regulisq; prudentiæ morali, illi præsertim quæ Scriptura continetur, nec illā huius normam esse, sed contrā potius hac illa omninō dirigi oportere.

Habet & aliud commodum Christiana Prudentia: Cum enim omni prudentiæ commune sit, exemplis prudentum virorum quæri, confirmari, augescere, ac proinde eorum consuetudine lectioneque librorum quicunque prudentiæ studiosus est, inuitetur, & iuuetur ad prudentes actiones edendas; quis non videt, quàm compendiarium ad Prudentiam viam nobis parauerit Christus Dominus, qui tam multa ipse perse nobis Virtutis huius exempla suppeditat, aliosque tam multos sui instituti aluerit in Ecclesia imitatores diligentissimos, prudentissimos, sanctissimos? Atq; hęc de Actione Prudentiæ potissima breuiter dixerim. Nunc de Occasionibus agendum.

*Occasiones, & exempla Prudentiæ in Actionibus  
Virtutum Charitatis erga Deum, & oratio-  
nis. Caput 11.*

**N**orma Virtutum omnium moralium est Prudentia; Theologicarum etiam est regula, & est Exercitationis earum administral. Iccirco occasionem Prudentiam exercendi præbent proficienti Virtutes omnes, & simul omnia illa, quæ nos ad actiones Virtutis cuiuscunq; obeundas quacunq; ratione vel inuitant, vel urgent. Quare non venabimur occasiones Prudentiæ melius quàm cum in actionibus Virtutum singularum circumspectè versabimur.

Et primum quidem vniuersè illud statuendum est, Prudentiam cum actionibus humanis modum ponere, eosq; fines, quos vltra citraq; nequit cōsistere rectū; eaq; veluti mēsurā quædā ita moderatur & regit actiones hominis bonas, vt eæ remissæ non sint, neq; redundant, nihilq; quod ad eas honestandas necessariū sit, aut prætermittatur, aut vacet, quæ magnum momētum habet ad hominem excitandum ad studium amorisq; Prudentiæ. Omni conatu ait Cassianus, debet discretionis bonum Virtute humilitatis acquiri, quæ nos illæsos ab vtraq; potest nimietate seruare. Vetus namq; sententia est, ἀποστρεψις ἰσχυρίτης, idest, nimietates æqualites sunt, ad vnum enim finem nimietas ieiunij, & voracitas peruenit, eodemq; dispendio vigiliarum immoderata continuatio monachum, quo somni grauissimi tor

Col. 2.  
cap. 16.



porinuoluit. Nam per excessum continentiae debilitatum quencq; ad eum statum reuocari necesse est, in quo negligens quisq; per incuriam detinetur: ita ut frequenter quos per gastrimargiam decipi non potuisse conspeximus, per immoderationem ieiuniorum viderimus esse deiectos, atq; ad eandem quam vicerant, passionē, infirmitatis occasione collapsos. Vigilia quoq; & pernoctationes irrationabiles deiecerunt, quos somnus

2. Cor. 6. superare non potuit. Quapropter secundum Apostolum per arma iustitiae quae à dextris sunt & à sinistris, recto moderamine transeundum est, & ita inter utrasque nimietates discretionē moderante gradiendum est, ut nec à tradito continentiae tramite acquiescamus abduci, nec rursus remissione nimia in gula ac ventris desideria concidamus. Et alia ibid. Cassianus: Nunc aliqua adferenda de Prudentia singularum Virtutum functionibus mixta, easq; uti necesse est, moderante; sic .n. palā fiet, quemadmodū in exercitatione Virtutum aliarū occasiones nō solum opportunas, sed necessarias exercendae simul Prudentiae habeamus.

Lib. de diligendo  
Deo in  
Princ.  
1. 2. q. 64.  
art. 4.

Ac ut nihil dicam de Fide & Spe, Amor charitatis in Deum non est sine Prudentia: Siquidem scriptum est: Ordinavit in me charitatem. Hic autem ordo Prudentiae fructus est. Et quamuis amare Deum nunquam satis possimus, nec modus alius in Dei amore sit, quam Deum sine modo diligere, ut auctor est S. Bernardus, docet nihilo minus S. Thomas, non debere nos credendo, sperando, amando in Deum ferri, nisi secundum mensuram nostrae conditionis, hoc est pro eo capto, ijsq; viribus, quas suppeditat nobis grauito Deus, qui dat

dat quidem omnibus abundanter, sed prout vult. Hinc illa S. Bernardi doctrina: Qui etsi quantum debeo non Ibid. c. 2. possum, non possum tamen ultra quàm possum, poterò verò plus, cum plus donari dignaberis, nunquam tamen prout dignus haberis. Imperfectum meum vide- Psal. 138. runt oculi tui, sed tamen in libro tuo omnes scribentur, qui quod possunt, faciunt, etsi quod debent, non possunt. Idem fortè significauit Vgo de S. Victore, cum de In Decalogũ c. 4. Dei Amore loquens, si desiderium ait est, currat: si gaudium, quiescat: sicut enim alijs in rebus omnibus, sic in hac etiam in vna Dei voluntate planè acquiescendū est, & quamuis in amore currendum semper est, standum tamen simul est, quando nullo nostro vitio à cursu impedimur. Ratione igitur Dei quem charitate diligimus, nullus est Amoris finis, quia Deus infinitus est; Ratione autem charitatis qua amamus, nullus etiam terminus est amandi, ignis enim est Diuinus Amor, qui nunquam dicit sufficit, & nos ita Deum debemus amare, vt quantum in nobis est, nunquam velimus sistere in amore, aut amorem nostrū erga Deum non augeri, si Deus det, ut magis semper amemus, magisq; crescat erga eum amor noster. Quare nec in obiecto diceret Theologus, nec in termino ad quem, charitatis in Deū terminus vllus est amandi. In termino à quo tamē, hoc est in eo quod repudiamus prae amore Dei, statui mensura aliqua potest Diuini amoris certa: ita quippe amare debemus Deum, vt nec res alias, nec nos ipsos nisi in Deo, ac propter Deum, amemus, immò solum Deum amemus, nos nihil, nisi in Deo. Sic habet S. Gregorius. Lib. 10. Mor. c. 6. Dei dilectio per tria distinguitur, quia ex toto corde,

ex tota anima, ex tota virtute diligere conditor iubetur. Qua in re notandum est, quod Diuinus Sermo cum Deum diligere præcipit, non solum narrat ex quo, sed etiam informat ex quanto, cum subiungit ex toto, ut videlicet, qui perfectè Deo placere desiderat, sibi de se nihil relinquat. Est igitur terminus à quo Diuini Amoris, anhilatio sui, cum ita seipsum homo à seipso abstrahit, ut nihil in se diligat nisi Deum. Qua de re aliqua diximus in libro de perfectis.

Est & alia Prudentiæ functio in Exercitatione charitatis erga Deum. Quia enim ut ait Salomon, omni tempore diligit, qui amicus est, & Deus adeo amabilis est, ut si fieri posset, amore continuato, nec vnquam intermisso (quod faciunt Beati) amandus à nobis esset; nostrum est propterea ita frequenter in amore erga Deum esse, ut ab eo ne latum unguem nec ad punctum temporis diuelli uelimus. At quoniam id possibile non est, dum grauamur mortali corpore, minus Christianæ Prudentiæ est, designari tempora, horas, momenta, modum ac fines præscribere non tam amor, quam amanti Deum. Ut Deum per se semper amabilem, sempiterna charitate amem ipse, cum ualeo, semper, eadem scilicet nec vnquam mutata voluntate semper, non eodem actu amoris semper, cum nimirum spiritualis Prudentia id sapienter vetat. Vetat autem cum cessationem postulat vitæ aut corporis siue periculum, siue necessitas: Periculum quidem ualitudinis, necessitas autem, ut somni ac cibi capiendi. Cum item ut S. Bernardus ait, spiritualia studia nostra fraternæ utilitati ex charitate postponimus, cum denique ex instituto uocationis suæ

In senten  
tijs sent. 6.



ijs virtutibus, operibus, studijs quisq; uacat, quę nec præmittere sine culpa potest, nec cum actu amoris in Deum perfectè obire.

Secundum Amorem in Deum regit Prudentia omnem Deum orandi rationem. Dirigit nostram cum eo consuetudinem ac familiaritatem ad eum modum quę de amore diximus, ut sine detrimento corporis, proximi damno munerumq; uocationis cuiusq; fiat. Præcipit præparationem, ne simus orantes sicut ij qui tētant Deum; præscribit, ut magna cum reuerentia ac modestia Deum alloquamur orādo; complectamur amantissimè suauissimum parentem ac sponsum, sed cum maxima animi submissione: Eam ita frequentemus, ut non in illa incurramus uitia reflexionis & Actuationis, quæ commemorauimus libro primo.

Cap. 7.

Sed pergit Prudentia ad interiora secretioraq; arcana occultissimæ ac sanctissimæ illius mutux congressionis Dei & hominis, nō quidem ut eam dirigat, cur enim hoc audeat in conspectu tanti magistri, hoc est Spiritu Sancto illustrante, mouente, postulante pro nobis gemitibus inenarrabilibus? sed ut obseruet signa ingressionis & egressionis eius, indicetq; suo modulo spiritus præsentiam, ut sciat homo eius ductum sequi tam in Scripturarum intelligentia, quàm in omnibus humanę uitæ officijs, spiritualibus in primis. Scribit hac de re S. Bernardus pie & accuratè ut solet. Ceterum ait, quando ueniat, uel quādo uadat, periculosissimè ignoratur. Cum enim hæ Spiritus Sancti circa nos dispensatoriæ uicissitudines uigilantissimè non obseruantur, fit, ut nec absentem desideres, nec præsentem glorifices. Nē-

Serm. 17.  
in Cant.

pè qui iccirco recedit, ut auidius requiratur, quo nam modo si abesse nescitur, requiritur? Et rursus: Qui dignanter ad hoc redit, ut consoletur, qualiter dignè pro sua maiestate suscipitur, si nec adesse sentitur? Mens ergo quæ ignorat abscessum, patet seductioni, & quæ reditum non obseruat, erit ingrata uisitationi. Probat deinde necessariam esse continuam uigilantiam, & cōcludit; Vigilandum proinde, & uigilandum omni hora, quia nescimus qua hora Spiritus uenturus sit, seu iterū abiturus. It & redit spiritus. Et qui stat eo tenente, deferente cadat necesse est: sed non collidetur, quia Dominus supponit manum suam. Et has alternare uices non cessat in his, qui spirituales sunt, uel quos potius spirituales ipse creare intendit, uisitans diluculo, & subito probans. Porro S. Bernardus duas præscribit regulas, ad quas nostra deliberationes, & cōsilia dirigamus, tam in firmanda deliberatione, quàm in differenda. Prior regula est: Cum loquitur Spiritus, cedit vtraq; , dubietas scilicet, & falsitas, & est nō solum Veritas, sed & certa Veritas. Est quippe Veritatis ille Spiritus, cui contraria falsitas est. Est & Sapientiæ, quæ cum sit candor vitæ æternæ, & ubiq; attingat propter munditiam suā, obscurum ambigui non admittit. Posterior regula. Cauenda sanè cum Spiritus iste nō loquitur, & si non molestia dubietas, certè falsitas execranda, quam facile caues, si eandem tuam ignorantiam non ignores, quatenus dicas & tu: Et si quid ignorauis, ignorantia mea mecum est. Aliud est autem sub incerto hoc uel illud opinando sentire, aliud temerè affirmare quod nescias. Aut ergo loquatur semper Spiritus, quod nostri quidè minimè

minimè arbitrij est, aut quando silere placet, hoc ipsum indicet, & loquatur saltem suum silentium, ne ipsum nobis falsò præire putantes, nostrum pro ipso malè securi sequamur errorem. Et si suspenderit ambiguo, nō relinquat mendacio. Hæc ex S. Bernardo.

Quod si quæras, quæ sint hæc Indicia præsentie Spiritus in anima? Respondeo, rem hanc latè explicatam alibi esse, nimirum Tertio libro de Disciplina. Quare in de accipi possunt omnia quæ ad eam pertinent. Breviter tamen hic duo præcepta ex Patribus accepta adscribenda videntur.

Primum est. Animæ quies atq; securitas, Indicium est præsentie Spiritus, coniuncta præsertim cum magna Cōscientiæ puritate. Sic aiebat S. Antonius; Securitas inquit Animæ præsentis Maiestatis indicium est. Idem asserunt alij, S. Hieronymus, S. Gregorius, S. Chrysostomus, Beda, item Theophylactus, & Eutymius. Qui omnes hoc differre Spiritum bonum à malo aiunt, si mens (verba sunt Theophylacti) primum turbetur, & statim timor solvatur, & iterū quiescat, reuera Diuina vi fit: si autem timor & turbatio magis & magis crescant, est Dæmoniaca. Idem iisdem verbis Beda, & S. Thomas, & alij; Beda sic scribit: Tremētem Zachariam confortat Angelus, quia sicut humanæ fragilitatis est spiritualis creaturæ visione turbari, ita & Angelicæ benignitatis est, pauentes de aspectu suo mortales, mox blādē consolari. At contra, Dæmoniacæ est ferocitatis, quos sui præsentia territos senserit, ampliori semper horrore concutere: Quæ nulla melius ratione quàm fide superatur intrepida. Hæc Beda. Nec quicquā refert, siue

Indicia diuinæ præsentie.

Cap. 14.

In Matth.  
28  
Hom 26.  
in Euang.  
Hom. 30.  
in Matth.  
In Matth.

P 3. q. 3.  
art. 3. ad  
tertium.



siue Spiritus per se loquatur, & visat animam, siue adhibeat Angelū, eoq; vtatur vt administro; semper .n. intrus in animo Spiritus Sanctus est, qui vel seipso, vel Angelo præeunte excitat hominem, mouet, agit, instituit.

Ep. 72. in-  
rer ultimo  
editus.

Secundum Præceptum est S. Basilij hominis in hisce affectionibus discernendis experientissimi, qui sic scribit: Vbi nihil quod humanum sit, præ oculis est, neque proprij oblectamenti gratia ad operandum mouentur sancti, sed quod Deo probatur, spectant, manifestum est Dominum esse, qui corda eorum dirigit.

Oratio-  
nes iacula  
trices.

Est & alia Prudentiæ industria oranti necessaria ad finem orationis consequendum, cum Deo videlicet coniunctionem; frequentare orationes, sed breues, quæ iaculatrices orationes appellantur: nam breuitas colligit attentionem, & repetitio iungit Deo firmiter: repetiti enim actus habitum gignunt. Quod præceptum fuit antiquorum Patrum, Cassiani, à quo accepit S. Benedictus in Regula, & S. Chrysostomi qui sic scribit: Vtunque faciendum est, ut ne in longum verba proferamus, & tamen assidue deprecemur. Hoc inquires, cum illo pugnāt: sed non inter se pugnant ista; absit hoc, sed magno opere inter se congruunt, siquidem & Christus, & Paulus, iussit crebras, sed breues fieri preces ex paucis interuallis: nam si in longum extenderis verba, cum frequenter parum sis attentus, multam audaciam Diabolo suppeditasti, vt accedat, supplantetq;, ac mentē ab his quæ dicuntur, auocet. Quod si frequēter ac subinde oraueris, tempus omne crebris dirimens interuallis, facile poteris esse sobrius, ac vigilans, vt precatio nē multa cū attēctione perficias. Hæc S. Chrysostomus.

Col. 1.  
cap. 35.  
Homil. 1.  
de Anna  
Tomo. 1.

*Occasiones, & exempla Prudentiæ in Actionibus  
charitatis erga proximum, & fraterna  
correctione. Cap. III.*

**S**ed vberriam segetem Actionibus Prudentiæ subministrat Charitas erga proximum, maximè verò ea qua excellere oportet pastorem animarum, quæ iccirco pastoralis dici potest, & à S. Gregorio in Pastoralis sic describitur, vt quàm necesse sit, eam cōtinuò Prudentiæ coniugatā esse superuacaneum iam planè sit, uelle demonstrare. Ex eo aliqua hic producemus præcepta & exempla. Pri- Hom. 51.  
mum tamen illud ex auctore Imperfecti in Matthæum Matth. 24.  
obseruandum est. Iccirco Dominum in Euāgelio duo illa copulasse. Fidelis seruus & prudens, vt rem laudabilem, sed rarissimam proponeret, ut quis fidelis inueniatur & prudens. Ecce si quæras fideles, idest Deum timētes, & ipsos quidem non multos inuenies, tamen adhuc faciliè inuenis. Item si prudentes quæras, inuenies multos. Fidelis autem & prudens difficile inuenitur. Quomodo qui fideles sunt, & Deum timētes, difficilè sunt & prudentes, & qui prudentes inueniuntur, difficilè sūt & Deum timētes. Quanto ergo rarior inuenitur fidelis & prudens, tantò qui inuentus fuerit, beatior est. & paulo post. Quoniam ergo Deo non tantum Prudentia hominis quantum conscientia placet: hominibus autem non tantum conscientia quantum Prudentia prodest, si fuerit tantum quis fidelis Laicum quidem facit, Sacerdotem autem non facit, nisi fuerit fidelis &  
Nn prudens.

prudēs. Hæc ibi. Deinde & illud intelligendum hoc loco est, pastoris nomine hic appellare nos non solum illum qui rem Christianam in gerenda animarum cura administrat, ex officio, quales sunt Episcopi & Parochi, sed illum æquē qui idem præstat ex charitate, quales sunt in Ecclesia Catholica pleriq; omnes Concionatores, Confessarij, Catechistæ, & breuiter Spirituales Patres & Magistri.

Pastoris  
cum humi-  
litate au-  
ctoritas.

1. p. Past.  
cap. 6.

Genes. 6.

Primum igitur Monitum sit. Magna Pastori Prudentia opus est, ad hoc vt ita se in humilitate contineat, ut tamen eius potestas, ac auctoritas nullum faciat detrimentum. Sit Rector ait S. Gregorius bene agentibus per humilitatem socius, contra delinquentium vitia per zelum Iustitiæ erectus, vt & de bonis in nullo se præferat, & cum prauorum culpa exigit, potestatem protinus sui prioratus agnoscat; quatenus & honore suppresso æqualem se subditis bene viuentibus putet, & erga peruersos iura rectitudinis exercere non formidet. & Paulo post. Antiqui Patres nostri non Reges hominum, sed Pastores pecorum fuisse memorantur. Et vni dicitur, & terror vester ac tremor sit super cuncta animantia terræ. Homo quippe brutis animalibus non autem hominibus ceteris natura prælatus est, & iccirco ei dicitur, vt ab animalibus, non ab hominibus timeatur, quia contra naturam superbire est, ab æqualibus uelle timeri. Et tamen necesse est, vt Rectores à subditis timeantur, quando ab eis Deum minimè timeri deprehendūt. Vt humana saltem formidine peccare metuāt, qui Diuina iudicia non formidant. Id verò cum probasset potestate eorum fieri, addit. Quam potentiam bene



bene regit, qui scit per illam super culpas erigi, scit &  
 cum illa ceteris æqualiter componi. Adfert Exempla.  
 Hanc inquit discretionem plenius agnoscimus, si Pasto-  
 ris primi exempla cernamus. Petrus nanq; auctore Deo  
 Sanctæ Ecclesiæ principatum tenens, à bene agente  
 Cornelio, & sese ei humiliter prosternente immodera- Act. 10.  
 tius venerari recusauit, seq; ei similem recognouit di-  
 cens: Surge, ne feceris, & ipse ego homo sum. Sed cum Act. 5.  
 Ananiæ & Saphiræ culpam reperit, mox quanta poten-  
 tia supra ceteros excreuisset, ostendit. Verbo nanq; eo-  
 rum vitam perculit, quam Spiritu perscrutante depre-  
 hendit. Alterum exemplum. Paulus bene agentibus fra-  
 tribus Prælatum se esse nesciebat, cum diceret: Non 1. Cor. 1.  
 quia dominamur fidei uestræ, sed adiutores sumus gau-  
 dij vestri. Item facti sumus sicut paruuli in medio ve- 1. Thes. 1.  
 strum. Et rursum: Nos autem serui uestri per Christum. 2. Cor. 4.  
 Sed cum culpam, quæ corrigi debuisset, inuenit, illico  
 magistrum se esse recoluit dicens. Quid vultis? in virga 1. Cor. 4.  
 veniam ad vos. Tertium Exemplum. Non nunquam  
 inquit grauius delinquitur, si inter peruersos plus æqua-  
 litas, quàm disciplina custoditur. Quia enim falsa picta-  
 te ferire Hely delinquentes filios noluit, apud districtū 1. Reg. 1.  
 iudicem semetipsum cū filiis crudeli damnatione per-  
 cussit. Hinc nanq; Diuina uoce ei dicitur: Honorasti fi-  
 lios tuos magis quam me. Hinc Pastores increpat per  
 Prophetam dicens: Quod fractum est non alligastis, & Ezech. 34.  
 quod abiectum fuerat non reduxistis: Hæc ille. Atq; vt  
 nihil interim dicamus de alijs sanctissimis & fortissimis  
 viris, præsertim Ambrosio, Chrysostomo & alijs, idem Lib. 4. Ep.  
 S. Gregorius & dictis, & factis cum se præstitit, quem 34. siue

Ind. 13.  
cap. 78.

Lib. 7. Ep.  
prima.

Lib. 8. Ep.  
36.

Lib. 7. Ep.  
30.

Lib. 4. Vi  
re. S. Gre-  
gor. c. 13.

describit. Constantiæ Augustæ ita scribit: Et si peccata  
Gregorij tanta sunt, ut pati talia debeat: Petri tamen  
Apostoli peccata nulla sunt, ut vestris temporibus pa-  
ri ista mereatur. Et Sabiniano Diacono, potius ait mori  
paratus sum, quàm B. Petri Ecclesiam temporibus meis  
in aliquo degenerare permittere. Mores meos cog-  
nos habes, quia diu porto, sed si semel deliberauero nō  
portare contra omnia pericula lætus vado. Similia sunt  
illa. Intanto se existimet quis omnipotenti Deo pla-  
cuisset, quanto se peruersis hominibus displicuisse co-  
gnoscat. Et Homines non sunt formidandi in causa, in  
qua Deo placere cupimus. Et sanè in causa Maximi  
Episcopi Salonitani initio quidem clementissimè mo-  
deratissimèq; se gessit, studuitq; pro viribus ut sese re-  
cognosceret, ac facinoris quod patratat pœniteret. At  
cum deinde hominem natura insolentem & Imperato-  
ris gratia ac patrocinio fretum obstinationem in sua  
pertinacia cerneret, nihil veritus Imperatoris auctori-  
tatem, audaciam Maximi fortiter fregit, eumq; Chri-  
stianis Sacris Communioneq; fidelium interdictum in  
ijs sordibus totos annos septem iacere permisit: De cu-  
ius tandem seria quamuis sera pœnitentia ac sanctissi-  
mi Gregorij charitate, humilitate, Prudentia, sic narrat  
Ioannes Diaconus. Inter hæc præuaricator Maximus  
anno septimo Excommunicationis suæ post castigatio-  
nes & flagella Gregorij ad cor reuertens, Rauennam  
petijt (annuente pro sua clementia S. Gregorio) & iacta-  
uit se tensus intra Ciuitatem in media filice, clamans &  
dicens: Peccaui Deo, & Beatissimo Papæ Gregorio. Et  
agente eo pœnitentiam tribus horis, cucurrit Galli-

cus Exarchus, & Castorius Chartularius Ecclesiæ Romanæ cum Mariniano Episcopo, & leuauerunt eum de silice: qui etiam cœpit ampliorem pœnitentiam coram eis agere. Quod Gregorius ut audiuit, ad misericordiã protinus redijt. Hæcibi.

Secundum Monitum. Ita prudenter regat seipsum Pastor, vt quanquam amari ab hominibus optare laudabiliter potest, velit tamen diligi potius Deum ac Veritatem: nec amoris sui immoderati vinculis ac tenebris se ullo unquam tempore ita capi ac obuolui, ut vel remissior quàm par est, uel asperior in ijs corrigendis ac iuuandis euadat. De primo sic S. Gregorius. Difficile est, vt quamlibet recta denunciãns Prædicator, qui nõ diligitur, libenter audiatur. Debet ergo qui præest, & studere se diligi, quatenus possit audiri, & tamen amorem suum pro seipso non quærere: ne inueniatur ei cui seruire per officium cernitur, occulta cogitationis tyrannide resultare. Quod bene Paulus insinuat, cum sui nobis studij occulta manifestat, dicens: Sicut & ego per omnia placeo omnibus. Qui tamen rursus dicit: Ego si adhuc hominibus placerem, Christi seruus non essem. Placet ergo Paulus, & non placet, quia in eo quod placere appetit nõ se, sed per se hominibus placere Veritatem querit. De secundo sic idem. Solerter inuigilet, nec hunc cupido placendi hominibus pulset. Quia nimirũ Amor proprius cum Rectoris mentem ceperit, aliquãdo hanc inordinate ad mollitiem, aliquando verò ad asperitatem rapit. Ad mollitiem, quia cum peccantes subditos respicit, ne erga se eorum dilectio torpeat, cor ipse non præsumit, non nunquam uerò errata subdi-

Quatenus  
amari se  
optare pos-  
sit Pastor.

2. p. Past.  
cap. 8.

1. Cor. 10.



torum, quæ increpare debuerat, adulatione demulcet.

Ezech. 13. Vnde bene per Prophetâ dicitur: Vbi his qui cõsuunt puluillos sub omni cubito manus, & faciunt ceruicalia sub capite vniuersæ ætatis. Quos autem nil contra se valere cõspiciunt, hos (Rectores seipsos amantes) asperitate rigidæ semper inuectionis premunt. Quos rectè

Ezech. 34. per Prophetam Diuina vox increpat dicens: Vos autè cum austeritate imperabatis eis, & cum potentia. Plus enim se suo auctore diligentes, iactanter erga subditos se erigunt, nec quid agere debeant, sed quid ualeant, attendunt. Quod si quæras, qua ratione explorare quisq; possit amorem suum, an sit erga Deum & Veritatem, an erga seipsum propensior, hanc Regulam ponit S. Gregorius. Ille seipso amplius Veritatè desiderat amari, qui sibi à nullo vult contra Veritatem parci. Hinc etenim Petrus increpationem Pauli libenter accipit. Hinc David increpationem subditi humiliter audiuit. Hæc S. Pater.

Conciliat autem sibi Amorem ac beneuolentiam suarum ouium Pastor Euangelicus; Primò quidè exemplo vitæ probatæ, ac morum sanctitate. Ad quem finè facem vt hominibus præferant virtutum suarum splendore, discipulos suos hoc est orbis magistros & parentes animarum sæpè iubebat Dominus, tunc præsertim, cum dixit: Sic luceat lux vestra coram hominibus, ut videant opera uestra bona, & glorificèt patrem vestrum, qui in cælis est. Maximè verò id assequitur Pastor magnis ueræ charitatis significationibus. Vulgatum enim est illud: Si vis amari ama. Et amoris amor merces, & illecebra. Charitate autem si non præstat Pastor, Pastor

non

non est, sed mercenarius. Sed de lege ac necessitate dandi exempli S. Gregorius latè sub initium secundæ partis Pastoralis. Secundò ita cum hominibus agendo ut Cap. 3. non eis in odium ueniat sua consuetudine: non irascatur intempestiuè accedentibus, impudenter rogantes ferat, ne sit importunus in repetenda ratione vitæ atq; conscientiæ, non vrgeat plus quàm par est ad morum vitæq; mutationem; multò minus ad certum vitæ genus eligendum, fugiat omnem inutilem ac odiosam morositatem, abstineat ab his, quæ hominum animos meritò abalienant, quales sunt lites, contentiones, iniuriæ, negotia etiam quædam quæ non nisi cum aliqua seueritate aut acerbitate explicari & peragi possunt. In quam sententiam sic scriptum est, apud S. Chrysostomum. Ab initio inquit, vehementius quidem Petrus loquebatur, hic autem minus. (cum scilicet statuit de abrogandis Mosaycæ legis cæremonijs) Ita semper faciendum est his, qui in magna potestate sunt, ut onerosa illa alijs permittant, ipsi autem mansuetius agant. S. Gregorius etiam scribit de se Italicæ Patriæ in hunc modum. Explentes memoratam petitionem vestrain, iam de causis ipsis præuidimus reticendum, nec in his in quibus minus agi benignè cognouimus, desideramus nos per nosipfos immiscere negotijs. Addit post, se cõcordiæ causa negotia illa commississe Diacono suo Cypriano expedienda. Atq; ut intelligamus, ex eodem Spiritus Sancti purissimo fonte Prudentiam Spiritus haussisse Sanctos Patres, & eos qui postea iisdem eorum vestigijs institerunt: De B. P. Ignatio parente nostro tradidit P. Maffcius sic: Si quid pro imperio asperius exequendum

Hom. 33.  
in Acta  
Apost.

Lib. 2.  
Ind. 11.  
Ep. 17.  
cap. 96.

Lib. 3. Vi-  
tx cap. 10.

quædum esset, eius inuidiam ad inferiores administratos  
 reijcere solitus est, ipsis videlicet non inuitis commu-  
 nemq; parentem pie ac religiosè tuentibus. Hæc ille:  
 Quod simul ab eo factitatum non dubito, ut afflictis ho-  
 minibus aditus ad se adeundi semper apertus relinque-  
 retur, quæ maior ne sit charitas quàm Prudentia non  
 facilè dijudicari potest; certè magnæ charitatis est omni  
 ratione proximos iuuare, & eximia Prudentia est, ita se  
 cum illis gerere, ut illi à nobis iuari & velint, & speret.  
 Tertiò dissimulando peccata aliqua ad tempus, toleran-  
 do etiam alia, corrigendo etiam nonnunquam cum ali-  
 qua remissione, nō parua colligitur apud homines gra-  
 tia. Exempla profero unius S. Gregorij. Minores in-  
 quit culpas quæ negantur, vlcisci recusamus. Hocque  
 dat Episcopo Rauennati, vt grauius crimen quod incur-  
 rerat facilius agnosceret, ac corrigeret, pœnas non su-  
 mit de Ciriaco Episcopo Constantinopolitano, qui sibi  
 Episcopi vniuersalis per summam simplicitatem vsur-  
 parat nomen, sola monitione contentus, ne vt ait Ec-  
 clesiæ vnitatem perturbaret, pro causa profani vocabuli  
 moras faciendo. Quædam quæ corrigi nequeunt, æqua  
 nimiter tolerare oportere scribit Isicio Hierosolymita-  
 no Episcopo. Nauis enim inquit, gubernator cum ad-  
 uersari sibi uentum considerat, quosdam fluctus dire-  
 cto clauo exuperat, quosdam verò quos superari non  
 posse præuidet, inflexo cursu prudenter declinat. Sic  
 itaq; Sanctitas uestra quædam compescendo, quædam  
 tolerando mitiget, ut in Sancta Hierosolymorum Ec-  
 clesia pacem cohabitantium conseruet. Scriptum quip-  
 pe est: Pacem sequimini cum omnibus. Deniq; Clemē-  
 tinam

Lib. 1. Ep.  
74.

Lib. 6. Ep.  
24.

Lib. 9. Ep.  
40.

Heb. 13.



tinam Patritiam monet his verbis: Plerunq; plus viriū Lib. 8. Ep. 16.  
 habet discreta in correctione remissio, quā in exequen-  
 da ultione districtio. Adco ut nonnunquam hæc fide-  
 liorem atque subiectum, illa verò obstinatum faciat &  
 æmulum. Ex S. Gregorio hæc: Possent & aliæ concilian-  
 di amoris Rationes adduci, sed faciles sunt & in promi-  
 ptu, & nobis hic breuitati suus dandus est locus, & per-  
 gendum ad alia prudenti charitate monita.

Tertium Monitum. Quandoquidem multa sunt  
 quæ in proximo corrigantur, & corrigere pastoris ma-  
 ximè proprium officium est, adhibeatur correctio cum  
 res exigit, sed non nisi magna prudentia castigata Pri-  
 mò igitur postquàm de crimine decretum est, ante om-  
 nia vniuscuiusq; natura consideranda est, & cognoscenda  
 & aptè accommodanda emendatio ad captum, inge-  
 nium, propensiones, mores. Quod fortasse ait S. Grego-  
 rius melius ostendemus, si in medium Pauli magisteriū 3. p. Past. cap. 1. Ad monit. 17.  
 proferamus, qui duobus discipulis & non diuersa cha-  
 ritate præditis diuersa tamen adiutoria prædicationis  
 impedit. Timotheum namq; admonens ait: Argue, ob 2. Tim. 4.  
 secula, increpa cum omni patientia & doctrina. Titum Tit. 1.  
 quoq; admonet dicens: Hæc loquere & exhortare, & ar-  
 gue cum omni imperio. Quid est, quod Doctrinam  
 suam tanta arte dispensat, ut in exhibenda hac alteri im-  
 perium atq; alteri patientiam proponat, nisi quod inā-  
 fuetioris Spiritus Titum, & paulo feruentioris vidit  
 esse Timotheum? illum per emulationis studium inflā-  
 mat, hunc per lenitatem patientiæ temperat, illi quod  
 deest iungit, huic quod superest subtrahit; illum stimu-  
 lo impellere nititur, hunc freno moderatur. Magnus  
 O o quippe

quippe susceptæ Ecclesiæ colonus alios palmites, ut crescere debeant, rigat; alios cum plus iusto crescere videt, resecat, ne aut non crescendo non ferant fructus, aut immoderate crescendo quos protulerunt, amittant. Hæc ibi. Deinde attendendus est cuiusq; status ad conditio. Calamitatis enim tempore haud est opportuna correctio. S. Gregorius acriter reprehendit Maximianum Episcopum, quod aduersus Abbatem ægrotatem acerbior extitisset. Quilibet inquit in eo fuerit excessus, ipsa ægrotudinis afflictio ei debuit pro flagello sufficere. Quem enim Diuina disciplina contexit, ei humana flagella addi, superfluum fuit. Quam ob causam noster etiam B. Ignatius ægrotos morosos & intractabiles tolerabat, nec nisi postquam conualuissent, in eos animaduerti iubebat. Aliqui etiam rationibus & argumentis conuincendi sunt, quales plerumq; sunt viri docti & literati: alij exemplis & similitudine; quales sunt rudiores homines ac interdum mulieres. Illis ait S. Gregorius prodest ut in suis allegationibus victi iaceant, istis uero aliquando sufficit, ut laudabilia aliorum facta cognoscant. Adfert Apostoli ex Epistola ad Hebræos auctoritatem. Is enim sapientioribus illius gentis dictum vult illud. Quod antiquatur, & senescit propè interitum est, minus doctis autem narrat exempla sanctorum virorum. Sancti ludibria & verbera experti sunt, in super & vincula, & carceres, lapidati sunt, secti sunt, tentati sunt, in occisione gladij mortui sunt. Et rursum: Memé tote prepositorum vestrorum, qui vobis locuti sunt uerbum Dei, quorum intuentes exitum cōuersationis imitamini fidem; ut & illos ait, victrix ratio frageret, & istos

Lib. 12.  
Ep. 26.

Ribaden.  
lib. 5. Vi-  
tae cap. 8.

3 p. Past.  
cap. 1. Ad-  
mon. 7.

Heb. 8.

istos ad maiora conscendere imitatio blanda suaderet.  
 Idem præcipit ut impudentibus hominibus adhibean- Ad no. 8.  
 tur increpationes graues etiam à pluribus. Quod facit  
 Apostolus aduersus Galatas. Modestis autem sufficiant Gal. 3.  
 suaues commémorationes, quibus vel in eorum memo-  
 riam renocentur culpæ. Et huc spectant reliqua ferè  
 omnia S. Gregorij præcepta quæ Tertia eius Pastoralis  
 pars complectitur. Vitanda etiam est maximè offensio  
 eorum quos emendare cupimus æqualitate correctio-  
 nis. Nec enim vt aiebat S. Gregorius, tales esse debemus Lib. 3. Ep. 16.  
 in minimis quales in maximis: nec Stoica est Christiana  
 disciplina, quæ peccata omnia paria dicat. S. Paulus vt  
 idem Pater obseruat alio loco: Corinthiorum superbia  
 frangit obiecto incestu ciuis eorum, & addit: Et vos in- 3. p. Past. Admo. 9. 1. Cor. 5.  
 flati estis, & non magis luctum habuistis, vt tolleretur  
 de medio vestrum, qui hoc opus fecit. Pusillos autem  
 Thessalonicensium animos mira orationis suauitate  
 erigit, recreatq; cum dicit: Rogamus autem uos fratres 2. Thes. 1.  
 per aduentum Domini nostri Iesu Christi, & nostræ cō-  
 gregationis in id ipsum, ut nō cito moueamini à uestro  
 sensu, neq; terreamini, neq; per Spiritum, neq; per ser-  
 monem, neq; per Epistolam tanquam per nos missam,  
 quasi instet dies Domini. Ac generatim loquendo hæc  
 sit clausula. Lenitatem correctori dum corrigit quæren-  
 dam potius esse, quàm ostendendam seueritatem. Nam  
 ut idem S. Pontifex monet, dura vulnera per lenia fo- 3. p. Past. Admo. 3.  
 menta mollescunt, & furor insanorum sepè ad salutem  
 medico blandiente reducit; cumque eis in dulcedine  
 condescenditur, languor insanie mitigatur. Cum Saul  
 Spiritus aduersus inuaderet, apprehensa Dauid Cithara, 1. Reg. 18.



s. p. Paſt.  
cap. 2.

cuius infaniam mitigabat, ac temperabat. Et certò ac quotidiano experimento probatum eſt, uerbis homines allici, trahi, ligari. Id tamen ea cautione gerendum eſt, ut quando Prudentiæ proprium munus eſt omnes exuperantias quadam quaſi iudicii falce demetere, ſicq; vitioſas omnes redundantias recidere, ut ſuam mediocritatem Virtus teneat, in id potiſſimum incumbamus, ut quemadmodum apud eundem ſcriptum eſt tanta arte correctio temperetur, ut cum diuerſa ſint auditorum vicia, & ſingulis inueniatur congrua, & tamen ſibi-  
metipſi non ſit diuerſa, vt inter paſſiones medias vno quidem ductu tranſcat, ſed more gladij bicipitis tumores cogitationum carnalium ex diuerſo latere incidat; quatenus ſic ſuperbis prædicetur humilitas, ut tamen timidis non augeatur metus; ſic timidis infundatur auctoritas, ut tamen non creſcat ſuperbis effrœnatio; ſic otioſis ac torpentibus prædicetur ſolicitudo boni operis, ut tamen inquietis immoderatè licentia non augeatur actionis; ſic inquietis imponatur modus, ut tamen otioſis non fiat torpor ſecurus; ſic ab impatientibus extingatur ira, ut tamen remiſſis ac lenibus non creſcat negligentia; ſic lenes accendantur ad zelum, ut tamen iracundis non addatur incendium; ſic tenacibus infundatur tribuendi largitas, ut tamen prodigis effuſionis frœna minimè laxentur; ſic prodigis prædicetur parcitas, ut tamen tenacibus periturarum rerum custodia non augeatur. Hæc ibi.

*Occasiones & Exempla Prudentia in Actio-  
nibus multarum Virtutum Moralium.*

*Caput IV.*

**I**N Actionibus Virtutum Moralium elucet ac latè dominatur Prudentia. Quippe quæ Theologicarum administra, Moralium Domina est & Regina. Exempla hic aliqua producam; ne nimis longum faciam, si omnia. Ac primum quidem Vigilantiæ, quæ vt post indicandum est, comes est Prudentiæ. Est autem Vigilantia maximè propria Præsidis Animarum. Ob hanc causam (ait S. Gregorius) admonendi sunt, qui præsunt, vt per circumspectionis studium oculos peruigiles intus & in circuitu habeant, & cæli animalia fieri contendant. Ostensa quippe cæli animalia in circuitu & intus oculis plena habentur, & sic describuntur. Dignum quippe est, ut cuncti qui præsunt, intus & in circuitu oculos habeant, quatenus & interno iudici in semetipsis placere studeant, & exempla vitæ exterius præbentes, ea etiam quæ in alijs sunt corrigenda, deprehendant. Primi muneris horum duorum hoc est, curam sui gerere, partes continentur his capitibus, conscientie puritate cui examen quotidianum & exquisitum ualde necessarium & præsentaneum adiuumentum est, mortificatione passionum, & sui ipsius abnegatione, ac rerum humanarum contemptu, Christi Virtutum accurata imitatione, deuotionis & orationis studio, seruido salutis animarum zelo, ac in primis ardenti in Deum ac Dominum nostrum lectum

De Prudentia Maiorum in vigilando.  
3. p. Past.  
Admo. 5.

sum Christum Amore, eiusq; vnus glorię purgatissima intentione. De quibus alibi à nobis dictum copiosè est. Alterum autem munus, quod est, quæ in alijs sint corrigenda, diligenti inuestigatione cognoscere, præstabit præses, si posthabitis omnibus alijs vitę mortalis cogitationibus & curis, se totum secundum sui ipsius antedictam custodiam vni animarum quas regit salutis ac pfectioni deuouerit, ita, ut suopis sit in eo labore nō solū vires ac fortunas, sed ipsam etiam vitam profunderē, id uerò habeat pro maximo omnium quod à Deo accipere possit beneficio ac premio. Ita senserunt antiqui Patres omnes, ita se præstiterunt, cum postulauit necessitas, cum tulit occasio, quam nec remittebant oblata, & præsentem urgebant interdum cupiditate martyrij; quod post Apostolos fecerūt Stephanus, Ignatius, Laurentius, Sebastianus, Clemens, Marcellinus, & alij qui martyrio coronati vt optabant, gloriosissimum de Christi fidei inimicis triumphum retulerunt. Non defuit par cupiditas alijs innumeris sanctissimis hominibus, qui & omnem mouerunt lapidem ut uoti compotes fierent, non solum nulla culpa, sed magna charitatis laude, si adfuiſſet qui pro Christiana causa illis vitam adimeret; quales fuerunt Ambrosij, Chrysostomi, Athanasij, Hilarij, Martini, postremo Francisci duo, quorum prior sanctissimus Patriarcha vsq; ad Ægyptū ex Italia profectus; posterior noster Xauerus vsq; ad lapponios Garamantas & Sinas penetrauit, ulterius etiam progressurus, si quo progredieretur inuenisset, vnus martyrij venandi gratia. Terrena autem negotia non curanda pastori, immò magnopere repudianda docet



S. Gregorius latet in Pastoralis. Quo loco ubi multis prae-  
 clare Philosophatus esset hac de re, hanc habet clausu-  
 lam, quæ optima regula mihi esse videtur ijs, qui ad rem  
 animarum gerendam Diuinitus sunt vocati. Secularia  
 inquit, negotia aliquando ex compassione toleranda  
 sunt, nunquam verò ex amore requirenda, ne cum mē-  
 tem diligentis aggrauant, hanc suo victam pondere ad  
 ima de cælestibus immergant. Quis me dicebat Domi-  
 nus constituit iudicem super uos? & Dimitte mortuos  
 sepelire mortuos suos. Et Apostolus: Nemo militans  
 Deo implicat se negotijs secularibus, vt ei placeat, cui  
 se probauit. At nec fat est, si deponantur terrenæ curæ,  
 nec interim pro suorum salute excubet, ac vigilet Pa-  
 stor, orationibus quidem apud Deum assiduus, quod fa-  
 ciebat Moyses, quod fecerunt Apostoli, immò Domi-  
 nus ipse, qui noctes insomnes peruigilabat in oratio-  
 ne Dei; Manendo præterea in Pastoralis quadam vigilia  
 semper, vt sua prouidentia animas sibi commissas ten-  
 tationibus & periculis uacuas quoad fieri possit, reddat.  
 Deniq; agnoscendo vt ait Scriptura vultum pecoris sui,  
 commiserationis & subsidij quasi humeris scetas oues  
 portando, brachijs charitatis ac tolerantiae agnos leuan-  
 do, Arctes autem, hēdos & hircos frequentibus admo-  
 nitionis officijs, ac correctionis & disciplinæ uirga com-  
 pescendo, & in officio continendo: Luc. 12.  
 Ceterum sicut Vigilantiæ Maiorum dominatur Pru-  
 dentia; sic regere etiam debet obseruantiam subiecto-  
 rum erga Maiores. Ac quanta in curiositate esse debet  
 qui præsunt, ut sciant non solum facta, sed etiam si com-  
 modè fieri possit, cogitata subiectorum tanta simplici-  
 tate Math. 9.  
2. Tim. 2.  
Prudentia  
subdito-  
rum.

Reg. fu-  
sius disp.  
Inter. 48.

Io. 4.

g. p. Past.  
c. 1. Admo-  
nit. 5.  
1. Reg. 18.

tate ac obseruantia, Pastores suos colere debent hi, ut  
que ad illos pertinent, minimè uelint, etiam si possint,  
cognoscere, cognoscenda relinquunt potius ijs, qui (ut  
ait S. Basilus) cum dignitatis gradu, tum consilij Prudē-  
tia antistiti ipsi proximi sunt. Addit enim ibidem idem  
Pater: Cum enim illi animas nostras gubernandas com-  
misimus tamquam Deo de ijs rationē reddituro, prorsus  
absurdissimè facimus, si huic fidem in rebus contē-  
ptissimis abrogamus; & cum ipsi falsis aduersus fratrem  
nostrum suspicionibus impleamur, tum reliquos exem-  
plo nostro, ut idem faciant, incitamus. Ne igitur hoc  
eueniat, vnusquisq; maneat in ea uocatione, in qua uo-  
catus est, & cum animum suum totum in rerum ad se  
pertinentium cura occupauerit, minimè in aliorum con-  
silijs inquirendis sit curiosus, sed sacrosanctos Domini  
Discipulos imitetur, quorum esto illud quod in Euan-  
gelio est, de Samaritana suspicionem ipsis posset com-  
mouere, nemo tamen dixit, inquit: Quid quæris,  
aut quid loqueris cum ea? Quod si quæ sint Maio-  
rum delicta ac culpa, ita perspicuè certa, ut de il-  
lis dubitatio nec excusatio vlla sit; sic inquit S. Grego-  
rius: Si quæ valdè sunt eorum praua, apud semetipsos  
dijudicent, ut tamen Diuino munere constricti, ferre  
sub eis iugum reuerentiæ non recusent. Quod melius  
ostendimus, si Dauid factum ad medium deducamus;  
Saul quippe persecutor cum ad purgandum ventrem  
speluncam fuisset ingressus, illic cum viris suis Dauid  
inerat, qui iam tam longo tempore persecutionis eius  
mala tolerabat; cumq; cum viri sui ad feriendum Saul  
accenderent, fregit eos responsionibus, quia manum  
mittere

mittere in Christum Domini non deberet. Qui tamen occultè surrexit, & oram clamydis eius abscidit. Quid enim per Saul nisi mali Rectores, quid per Dauid nisi boni subditi designantur? Saul igitur ventrem purgare, est prauos præpositos conceptam in corde malitiam usque ad opera miseri odoris extendere, & cogitata apud se noxia factis exterioribus exequendo monstrare. Quem tamen Dauid ferire metuit, quia piæ subditorum mentes ab omni se obtreccionis peste abstinenter præpositorū vitā nullo lingue gladio percutiūt, et cū de imperfectione reprehēdunt. Quod & si quando præ in firmitate sese abstinere vix possunt, vt extrema quædā atq; exteriora præpositorū mala, sed tñ humiliter loquatur, quasi orā clamydis scilicet incidunt, quia uidelicet dum prælatę dignitati saltem innoxie & latenter derogant, quasi regis superpositi vestem secant, sed tamē ad semetipsos redeunt, seq; vehementissimē uel de tenuissima verbi laceratione reprehendunt. Vnde & illic scriptum est: post hæc Dauid percussit cor suum, quod abscidisset oram clamydis Saul; facta quippe præpositorum oris gladio ferienda non sunt, etiam cum recte reprehendenda iudicantur; si quando uerò contra eos uel in minimis lingua labitur, necesse est, ut per afflictionem pœnitentiæ cor prematur, quatenus ad semetipsū redeat, & cum præpositæ potestati deliquerit, eius contra se iudicium à quo sibi prælata est, perhorrescat; nam cum in præpositis delinquimus eius ordinationi, qui eos nobis prætulit obuiamus Vnde Moyse quoq; cum contra se & Aaron conqueri populum cognouisset, ait: Nos enim quid sumus? nec contra nos est mur-

Exod. 16.



mur vestrum, sed contra Dominum. Hæc illi.

Prudentia  
in concio-  
nando.

Est item Prudentia uerbi Diuini concionatori appri-  
mè commendata, quia apprimè necessaria. Est enim  
Verbum Diuinum æternæ Sapientiæ Verbum, quod à  
Christo ipso gratia quidem magna, sed grauitate ac se-  
ueritate maiore hominibus promulgatum est, & vt ab

Mat. 9.

Apostolis pari prudentia orbi vniuerso publicaretur  
edictum. Habete inquit, sal in uobis, & pacem habete

2. p. Pall.  
cap. 4.

inter vos; pacem ad unitatem fidei refert, quam eandè  
ab Apostolis omnibus Euangelizari voluit; at sal ad il-  
lud etiam ait S. Gregorius, quia prouidendum sollicita  
intentione Rectoribus, ut ab eis non solum praua nuli-  
lo modo, sed recta quidem nimie & inordinatè profe-  
ratur, quia sepè dictorum Virtus perditur, cū apud cor-  
da audientium loquacitatis incauta importunitate leui-  
gatur, & auctorem suum hæc eadem loquacitas inquī-  
nat, quæ seruire auditoribus ad usum profectus igno-  
rat. Comparat deinde huiusmodi concionatorem ei,  
qui fluxum seminis patitur, quem Læx Moysis reputa-  
bat immundum, iccirco inquit, quia multiloquio sub-  
ditus, ex eo se inquinat, quod si ordinatè promeret, pro-  
lem rectæ cogitationis edere in audientium corda po-  
tuisset: dumq; incautus per loquitatem defluit, non ad  
usum generis, sed ad immunditiam semen effundit. Vn-

1. Tim. 4.

de Paulus quoq; cum discipulum de instantia prædica-  
tionis admoneret, dicit: Testificor coram Deo & Chri-  
sto Iesu, qui iudicaturus est viuos & mortuos, & aduen-  
tum ipsius & regnum eius, prædica Verbum, insta op-  
portunè, importunè; dicturus importunè, præmisit op-  
portunè: quia scilicet apud auditoris mentem ipsa sua  
utili-

Homil. 3.  
in Acta  
Apolle-  
tium.

utilitate se destruit, si habere importunitas opportunitatem nescit. Hæc ille, sed exagitat hanc concionatorum leuitatem S. Chrysostomus mirificè. Primum culpam eorum auditoribus obijcit dicens: Hoc subuertit Ecclesias, quod & uos non queritis audire sermonem, qui compungere possit, sed qui oblectet, & in nullo strepitu & verborum compositione quasi citharædos & cantores audientes. Deinde oratione conuersa ad concionatores ipsos, & nos ait frigide & misere facimus, uestras affectiones sequentes, quas eiicere oportebat. Et idem fit ac si Pater uidens puerum, quem supra modum tenere amat. ægrotum, illi frigidam & quæcunq; oblectant, porrigat, quæ autem utilia, minimè curet; & obuirogatus à medicis dicat: Quid patior uidens flentem puerum? ferre nequeo. Miser, & erumnose, ac proditor, neq; enim talem Patrem dixerim. Et quanto satius fuerit paruo tempore tristitia affectum perfectæ sanitati restitui, quàm temporariam illam gratiam perpetuæ tristitiæ causam fieri. Hoc etiam nobis accidit, flosculos verborum & compositionem, & harmoniam curiosius sectamur, ut canamus, non ut proficimus, ut simus in admiratione, non ut doceamus, ut oblectemur, non ut compungamus, ut plausu & laudibus obtentis abeamus, non ut mores componamus. Credite mihi, non dicere alioquin, quoniam quâdo inter dicendum plausum excito, per illud quidem tempus humanum quiddam mihi accidit; ubi autem domum redeo, & intelligo plaudentes sine fructu abiisse, & si fructum accipere poterant, à plausu & laudibus periisse, ploro, & gemo, & lachrymor, & quasi frustra omnia dixerim sic as-

3. p. Psal.  
Adm. 25.  
1. Pet. 4.  
2. Cor. 12.

Prou. 16.

Hom. 51.

Matth. 24.

ficior, mihi que ipsi dico: Quæ sudorum meorum utilitas, frauditores è verbis meis nullum fructum accipere video? hæc S. Chrysostomus. Quibus addendum extremum ex S. Gregorio. Audiant prædicatores, si quis loquitur quasi sermones Dei. Item quod scriptum est: Sicut ex Deo coram Deo in Christo loquimur. Ex Deo enim coram Deo loquimur, qui prædicationis uerbum & quia à Deo accepit, intelligit, & placere per illud Deo non hominibus querit, Audiant, quod scriptum est: Abominatio est Deo omnis arrogans, quia uidelicet dum in uerbo Dei laudè ac gloriâ propriâ querit, ius dātis inuadit, eūq; laudi suæ postponere nequaquā metuit, à quo hoc ipsū quod laudat, accepit, & alia ibidē adscribuntur.

Verum de Prudentia Dei Verbo tradendo adhibenda multo adhuc plura scribenda superessent, nisi ad alia me in ea instituta breuitatis ratio uocaret; addam tantum duo S. Gregorij præcepta, si prius tamen monuerō, Auctorem Imperfecti in Matthæum illa Domini uerba: Fidelis seruus & prudens, iterum sic interpretari. In persecutione inquit, instanter de ueritate fidei doceamus, quàm de iustitia conuersationis; in pace autem magis assiduè de iustitia conuersationis, quàm de ueritate fidei. Quoniam in persecutionibus quidem plus necessaria est Doctrina fidei quàm cōuersationis; in pace autem plus necessaria est doctrina conuersationis, quàm fidei, quoniam in persecutione fides Christianorum periclitatur, in pace autem iustitia. Hæc illi.

Ad sanctæ autem conuersationis studijs ac legibus imbuendos auditorum animos illud maximè facit, si, quod aiebat S. Franciscus, concionator nil aliud in ore habeat



habeat, nil aliud spectet magis, quàm persuadere Virtutem, dissuadere vitium illius præmium, huius pœnam proponere; illudq; omninò uelle & obnixè contendere, vt repudiato vitio ac peccato, auditor ad virtutem consecrandam pro viribus præparetur, accendatur, trahatur, maximè uerò ad pacem & charitatem, quæ duo sunt Christianismi singulæ æternæq; insignia; ad quod præstandum, officium suum prudentia conferat, necesse est, sic enim debet concionator inter bonos charitatem pacemq; conciliare, & si quæ oriantur, discordias sedare, vt simul efficiat, improbos inter se potius dissidere, quàm iungi; atq; hoc est primum S. Gregorij præceptum; Sicut multum inquit, nocet, si unitas desit bonis, ita ualde est noxiū, si non desit malis; Si ergo peruerforum nequitia in pacem iungitur, profectò eorū malis actibus robur augetur, quia quo sibi in malitia congruunt, eo se robustius bonorum afflictionibus illidunt. Adfert deinde ad hanc rem confirmandam S. Pauli exemplum. Vnde ait, prædicator egregius graui Pharisæorum Saducæorumq; persecutione deprehensus, inter semetipsos diuidere studuit, quos contra se grauiter unitos uidit: cum clamauit dicens: Ego Pharisæus sum, filius Pharisæorum, de spe & resurrectione mortuorū ego iudicor. Dumq; Sadducæi spem resurrectionemq; mortuorum esse denegarent, quam Pharisæi iuxta præcepta sacri eloquij, crederent, facta in persecutorum vnanimitate dissensio est & diuisa turba, illæsus Paulus exiuit, quæ unita prius immaniter pressit. Præuorū (ergo) mentibus prius debent (concionatores) amorem internæ pacis infundere, quatenus eis postmodum ualeat

3. p. Past.  
Adm. 24.

Act. 23.

leat exterior pax prodesse. Alterum S. Gregorij præceptum ad res ipsas quæ pro concione tractantur earumque tractandi rationem pertinet, potiusque ad scopum ad quem priore præcepto docuit à Christiano oratore dirigendam esse orationem; contineturque his verbis. Prædicator auditoris sui animum ultra vires non trahat, ne ut ira dicam, dum plus quàm valet, tenditur metis chorda rumpatur. Alta enim quæque debent multis audientibus contegi, & vix paucis aperiri. Hinc namque per semetipsum Veritas dicit: Quis putas est fidelis dispensator & prudens, quem constituit Dominus super familiam suam, ut de illis in tempore tritici mensuram? per mensuram quippe tritici exprimitur modus verbi; nec cum angusto cordi incapabile aliquid tribuitur, extra fundatur. Hinc Paulus ait, non potui vobis loqui quasi spiritualibus, sed quasi carnalibus, tanquam paruulis in Christo lac vobis potum dedi, non escam. Hæc ibi, & alia.

Christianæ etiam Humilitatis Virtus se Christianæ prudentiæ ad suas functiones dirigendas omni ex parte committit. De humilitatis prudentia Pastoralis explicat documenta duo S. Gregorius in Moralibus. Primum D. Petri qui quanquam potestate & auctoritate maximus in Ecclesia Christi esset, aliorum tamen etiam inferiorum cum res postulauit, benignè consilia audiuit, ijsque prudenter stetit; exponens enim verba illa Domini ad Iob: Aut quis tetendit super eam lineam; ait lineam illam tropologicè esse discretionis virtutem, extra quam in virtutis curriculo qui graditur, digreditur, à rectoque declinat ad vitia, quales sunt illi qui alioquin cum se in præsentibus periculis ac discriminibus fortiter gerunt, ita tamen

P. 3. Past.  
cap. 5.

Luc. 7.

Mat. 23. 12.

1. Cor. 3.

Humilitatis  
Prudentia.

Lib. 28.  
Mor. c. 12.

Cap. 38.

tamen seipſos ſuaſq; ſentētiās diligunt, ut aliorum etiā opportuna & ſancta conſilia aſpernētur. Petrus inquit, cum prohiberetur loqui, nequaquam ſaltem in preſens ceſſit; nam reſpondēs protinus dixit: Obedire oportet Deo magis quā hominibus. Et ruruſum, non poſſu- Act. 5.  
mus, quæ audiuiſus & viduiſus non loqui, addit; Petrū ſi ſequatur quis fortiter ſe gerēdo, qui tamen ita in ſuo deindē abundat ſenſu, ut aliorum ſana conſilia non admittat, hunc Petrus intra menſuræ lineam reuocat, qui poſtquā libertate vocis auctoritatē principum preſſit, per humilitatē cordis de non circuncidendis gentibus, Pauli conſiliū audiuit, ſic enim ſemetipſum cō- Act. 15.  
tra aduerſarios ex auctoritatē curabat erigere, ut tamen ſibiſmetipſi non crederet, intus quæ non rectē ſentiret: ut & libertatē fortitudinis tumentes poteſtates excederet, & humilitate maſuetudinis obedientiam in recto conſilio ēt minoribus fratribus exhiberet, & modo per ſemetipſum alijs, modo ſibiſmetipſi cum alijs obuiaret.

Alterum documentum à S. Gregorio poſitū eſt D. Pauli, qui imperante prudentia ita ſeipſum rexit in non nullis Virtutum actionibus, ut eas conſtanter obiret, ſi id aliorum exigeret utilitas, & nihilominus ſi eadem poſtularēt, prudenter prætermitteret, voluntatē ſuam ita aliorum utilitatibus dedicans, ut ſimul iſdem pro tempore virtutis ceſſationē ſeruire cogeret ſine virtutis detrimento, & aliorum emolumento maximo. Dicitur nunc inquit, quemadmodum in vna eademq; virtute diſcretionis lineam deſcriimus, ſi hanc & aliquando agere, & aliquando poſtponere neſciamus. Non enim res eadem ſemper eſt Virtus, quia per momenta  
tem-



Act. 16.

temporum sæpe merita mutantur actionum. Vnde fit, ut cum quid bene agimus plerūq; melius ab eius actione cessemus, & laudabilius ad tempus deferat, quod in suo tempore laudabiliter mens tenebat. Quam discretionis lineam bene ante intuentium oculus Paulus tendit, qui & gentiles ad libertatem fidē venientes circumcidi prohibuit, & tamen Listris atq; Iconium transiens ipse Timotheum qui gentili patre editus fuerat, circumcidit. Videns enim quod nisi se mandata litteræ seruare ostenderet, Iudæorum rabiem etiam in his, qui sibi tunc comites aderant, excitaret, assertionis suæ vim postposuit, & sine damno fidē, se suosq; comites à persecutionis immanitate custodiuit; fecitq; quod fieri fidē amore prohibuit, sed ad fidē retorfit ministerium quod quasi non fideliter fecit. Quo quidem exemplo illud tantum commendatum vult S. Gregorius, ut si ita fert proximi spiritualis salus, prudenter intermittamus, ac differamus vsq; dum tempestiuæ sint, aliquas virtutis actiones nullo tunc legis præcepto necessario obeundas, cum perspicuum sit eas potius tunc nocituras, quàm proximo futuras emolumento; nullo autem modo ut inde colligamus, licere Christianis hominibus antiquatas & emortuas Legis Mosaycæ ceremonias in vsum aliquando deducere, aut quidpiam quod Diuina lege vetitum sit per dissimulationem probare, aut agere; nullum enim ob alterius quantumcunq; magnum bonum mali quicquam committendum vnquam est, nec facienda mala, ut ueniant bona. Apostolo autem permissum illud diuinitus est tantisper, dum promulgabatur Euangelium Christi orbi terrarum uniuerso, idq;

inter

inter Hebræos solum, qui Christianis Sacris initiabantur, non autem inter Gentiles; ut ita honorificè sepultura Synagoga mandaretur, & intelligerent homines sanctiores illas non perinde ac Gentes superstitiones execrandas semper detestabilesque fuisse, quod & ipse S. Paulus ad Galatas docet, & testis est; Idem approbasse exemplo suo S. Petrum. Atque hæc est S. Augustini doctissima sententia, quam sequitur etiam S. Gregorius & vniuersa Theologorum schola. Ex eo igitur, id efficitur solū, quod ibidem concludit S. Gregorius: Plerumque; Virtus cum indiscretè tenetur, amittitur, cumque discretè inter-

Gal. 1.

Ep. 19.

Prudentiam etiam non exiguam postulat Christiana humilitas, cum necessitas tempusque flagitant ut de nobis ipsi honorificè loquamur, si enim id prudenter fiat, perutiliter etiam fit; ut sit in præsentia vnius S. Pauli exemplum attulisse, prout à S. Io. Chrysostomo examinatur. Primum monet id opportunè & necessariò debere fieri, sicque ait de Apostolo: Hæc autem tam opportunè aptèque faciebat, ut magis mereretur loquendo de se quàm tacendo laudari. Qui nisi fecisset istud, culpabilior esset illis, qui seipsos importunè laudare didicerunt, & nisi etiam gloriatus fuisset, creditos sibi perdidisset, omnesque res inimicorum dum se humiliat, extulisset. Deinde moderatè ita ut non offendant, & probeatur laudatio, sic inquit nouerat vtrumque temperatè & cū consilio atque sententia ea quæ videntur prohibita perficere tam vtiliter & commodè, ut non minus de illis placeret, quàm cum quæ sunt imperata, compleret. Amplius enim tunc Paulus placuit gloriando, quàm alter

Homil. 7.  
de laudibus Pauli.

laudes proprias occultando; nec quisquam tantum profuit, cum sua merita celaret, quātum ille cum proderet. Tertio: Non omnia quæ dixisse potuit, de se dixit. Non enim quasi maximam licentiam de opportunitate nactus immoderatus laudibus suis usus est, sed consideratissimè quousq; eum progredi liceret, agnouit. Quatò diligenter cauit ne alios offenderet, suoq; exemplo ad idem intempestiuè agendum adduceret. Idcirco ait, libenter se etiam insipientem vocauit; & quia consequens erat, ut id alij id ipsum respicientes temerè atque inaniter eius uterentur exemplo, quod plerunq; contingit in medicis: sæpè enim medicamentum quod alter apposuit, importunè alter amouens vim medicaminis obscurat atq; corrumpit. Ne igitur id quoq; hic accideret, vide quanta procuratione usus sit, qui cum gloriaturus esset, non semel, non secundo, sed sæpius differendo, atq; cunctando dicebat: Vtinam sustineretis modicum quid insipientiæ meæ, & rursum, quod loquor, non secundum Deum, sed in insipientia. Cumq; tanta dixisset, non tamen ea se præmississe contentus est, sed rursus ingressurus in laudes, semetipsum occultat, & dicit: Scio hominè; & iterum: Pro huiusmodi gloriabor; postq; hæc omnia: Factus sum insipiens. His autem (ait post pauca) profectò maius est, quia necessitate cogente non vniuersa fudit in medium, sed plura etiam & maiora celauit. Venio inquit, ad visiones & reuelationes Dei, parco autem ne quis me existimet superid, quod videt. Hoc verò dicendo, nos erudit, vt ne existente quidem necessitate omnia quorum nobis conscijs sumus, in medium proferendo vulgemus, sed ea solum,

quæ



quæ audiētibus vtilia iudicamus; Quod & fecit Samuel, & David; nam altius efferre se, gloriosi est, & insolenter se iactantis; dicere autem illa quæ præsentis causa tantummodo necessaria sunt futura, amantis est, multorumq; commoda cogitantis. Hoc itaq; fecit & Paulus, qui cum à Pseudo apostolis carperetur, quasi non esset probatus Apostolus, nec haberet à Christo aliquam potestatem, propter obtrectiones falsas in laudes suas ire compulsus est. Vides ne igitur per quanta docuerit auditorem non inaniter glorari? Primò quidem dum ostendit se, istud necessitatem uocauit. Secundò, dum plurimis laudes suas satisfactionibus temperaret. Tertio, quia non cuncta confessus est, sed maiora suppressit; & hoc certè cum necessitate quadam in sua præconia cogeretur. Quarto, dum sub alterius persona dixit: Scio hominem. Quintò, cum non omnes Virtutes suas adduxit in medium, sed eam partem, quam præsens tempus maximè flagitabat. Hæc S. Chrysostomus, qui post etiam ostendit, Apostolum eadem prudentia vsum, cū asperius aliquid dicere coactus est corrigendo; ita enim ait, iniurijs opportunè usus est, & congruè, vt magis etiā quàm laudans placeret.

Eandem Prudentiam requirit Temperantia eiusque species qualis est abstinentia, sobrietas, & quælibet corporis propter Virtutem Dei; gloriā vexatio voluntaria, qua de re quamuis in libro secundo De Disciplina multa dicta sint, ad ea tamen nihil oberit, hic adiungere id, quod in primis hisce Virtutibus largitur Prudentia, modum scilicet assurgendi corporis, & quatenus in hac auriore viuendi ratione, perfectionis studiosus progre-

Prudentia  
in tempera-  
tia & mor-  
tificatio-  
ne carnis.

Rom. 5.  
Hom. car-  
nis concu-  
piscencias  
ne sectemur.  
ai.

Homil. 7.  
ad populū  
Antioch.

Lib. 30.  
Mor. C. 28.  
Rom. 13.

di possit. Ea autem est in re hac Prudentiæ Christianæ regula, vt quisq; saluis & integris instituti sui legibus ac muneribus eam sequatur corporis afflictationē, quam vires corporis ac necessaria sanitas hominis postulat, patiturus. Sic Sācti Patres. Ex his hic adscribo pauca. S. Chrysostomus. Qui Christum inquit induerit delicijs vniuersis intercisis id solū curat, ut corpori æquam pariat valetudinem; pro qua vel sola consequenda carnis cura habenda est, neque id ultra aliquid appetendum. Alio loco: Necessarium est nobis traditos cibos & potus temporibus & necessitatibus semper metiri, & nullatenus necessitatem excedere, neq; imprudenter & temerè quid facere oportet, & paulo antè. Iccirco ad Timotheum scribens Apostolus, nobis bibendi uinū mensuram & terminos statuit, tantum bibere studens, quantum valetudinem adiuuet, & quantum corpori sanitatem præbeat. S. Hieronymus ( qui vitam austeriorem semper vixit, ubiq; ieiunia immoderata detestatur ) sic in Epistola ad Nepotianum: Modum ieiunij impone, quantum ferre potes, sint pura, non superstitiosa ieiunia. De eodem in Epitaphio: ieiunia in aurigæ modum pro lassitudine & viribus corporis attemperabat. Idem præscribit Rustico, Lætæ, & Demetriadi. Postremo S. Gregorius: Scriptū est ait, Carnis curam ne feceritis in desiderijs. Quæ igitur fieri in desiderio prohibetur, in necessitate conceditur; sed sæpè dum incautè in necessitate condescendimus, desiderijs deseruimus. Nonnumquam uerò dum desiderijs immoderatus obuiare nitimur, necessitatis miseras augemus, sic enim necesse est, vt artem quisq; continentia teneat, quatenus non carnem,

carnem, sed uitia carnis occidat. Nam plerunq; dum plus iusto caro restringitur, etiam ab exercitatione boni operis enervatur, ut ad orationem quoq; uel prædicationem non sufficiat, dum incentiua uitiorum in se funditus suffocare festinat. Adiutorem quippe habemus intentionis internæ hunc hominem quem exterius gestamus: & ipsi insunt motus lasciuia, ipsi effectus suppetunt operationis prauæ: sæpè uerò dum in illo hostem insequimur, etiam ciuem quem diligimus, trucidamus, & sæpè, dum quasi conciuu parcimus, ad præliū hostem nutrimus. E post. Vnde necesse est, ut interior homo noster æquus quidam arbiter præsideat inter se, & eum, quem exterius gestat: quatenus ei suus homo exterior ad debitum ministerium semper seruire sufficiat, & nunquam superbè libera ceruice contradicat. Idem (ut docuimus loco antedicto) latè S. Basilus. Atq; hæ sunt omnes occasiones exercendæ Prudentiæ, quas in præsentia uisum est commemorare. His alię in alijs Virtutum ceterarum functionibus adiungi facillè possent, sed hæ ad exemplum satis sunt ad doctrinam autem satis superq;.

*Indicia Prudentiæ & reliqua exempla  
quædam. Cap. V.*



Rimum & maximè propriū Indiciū Prudentiæ est sollicitudo, siue celeritas quædam id quod imperio prudentiæ præcipitur exequendi, ubi consulueris ait ille, maturè factò opus est. & S. Petrus vigilantiam prudentiæ 1. Pet. 4. sociat,



sociat: Estote prudentes, & vigilate in orationibus. & S.  
 Paulus: Solitudine non pigri. Aristoteles eum idem  
 tradiderat conceptis verbis, cito agenda sunt, quæ con-  
 sultaueris, tardè verò ac diu cōsultandum. Ab his acce-  
 pit S. Thomas quod scripsit: Solitudo propriè ad Pru-  
 dentiam pertinet. Hunc præstare debent omnes Prudē-  
 riæ sectatores, sed magis præsides, hi enim & vigiles per  
 se esse debent, & alios præterea ad vigilias excitare.  
 Quisquis enim ait S. Gregorius ad uiuendum alijs in  
 exemplum præponitur, non solum ipse vt vigilet, sed  
 etiam vt amicum suscitet, admonetur, ei nanq; vigila-  
 re bene viuendo non sufficit, si non & illum cui præest,  
 à peccati torpore disiungit. Bene autem dicitur (in Pro-  
 uerbijis) ne dederis somnum oculis tuis, nec dormitent  
 palpebræ tuæ. Somnum quippe oculis dare, est intentio  
 ne cessante subditorum curam omninò negligere: Pal-  
 pebræ autem dormitant, cum cogitationes nostræ ea  
 quæ in subditis arguenda cognoscunt, pigredine depri-  
 mente, dissimulant. Plene enim dormire est commissa  
 acta nec scire, nec corrigere. Non autem dormire, sed  
 dormire est, quæ quidem reprehendenda sunt co-  
 gnoscere, sed tamen propter mentis tædium dignis ea  
 increpationibus non emendare. Dormitando verò  
 oculus ad plenissimum somnum ducitur, quia dum  
 plerunque qui præest, malum quod cognoscit, non  
 refecat, ad hoc quandoque negligentia suæ meritò  
 peruenit, ut quod à subiectis delinquitur, non agno-  
 scat. Qui præsunt igitur, oculos circumspectionis perui-  
 giles intus & in circuitu habeant, & reliqua, quæ supe-  
 riore Tercio capite dicta sunt. Quare idem S. Grego-  
 rius

rius, cū de uitijis virtutes perimentibus differit nullā capitaliorem pestē prudentiæ opponit, quā ignauia torporemq; animi, dū mēti inquit ignauia surrepit, prudentia frigescit; nā cum sessa torpet, uentura nō prouidet.

Lib. 2.  
Mior c. 36.

Secūdum spiritualis Prudentiæ Indiciū est summa quidem vigilantia ne in bonis appetendis (ut S. Augustinus ait) malisq; vitandis ullus error obrepat: sed præcipuē illa, ne clam subrepant in animum minuta quedam & exiliora vitia, vitia tñ, aut clādestinæ spiritualiū hominis inimicorum insidię. Quę est etiam eiusdem patris sententia. Huius prudentiæ scilicet excubię, atq; diligentissima vigilātia est, ne subrepēte paulatim mala suasionē fallamur: Vnde sepē Dominus Vigilate, clamat, & ambulate inquit dum lumen habetis, ne uos tenebrę comprehendānt. Itemq; dicitur: Nescitis, quia modicum fermentum totam massam corrumpit. Hęc ibi. Huic diligentissimæ vigilantie contraria omninō est mentis dormitatio in sui ipsius custodia, hominisq; interioris cura. Quid autem ait idem, proferri manifestius de Veteri testamento contra istam dormitationē animi potest, per quam fit, ut non sentiamus quasi minutatim serpentem perniciem, quā illud, quod à Propheta dictum est: Qui spernit modica, paulatim decidet? Huc pertinent omnia quę ad Diaboli artes retegēdas scribunt Patres; & nos alibi obseruauimus. Huc accurata illa diligentia seipsum quotidie sepiusq; examinandi explorandique diligēter, non solum quę grauiā peccata committamus, sed quęcunq; etiam leuissima, & quę aliòquin sua exiguitate ac tenuitate aciem mentis quasi subterfugiant, nec multum noceant. Quare  
pruden-

Lib. 18. de  
ciuit. Dei  
cap. 4.

Libr. de  
moribus  
Eccl. c. 24.  
Matth. 24.  
25. & 26.  
Mar. 13.  
Ioan. 12.  
1. Cor. 5.

Eccl. 19.

prudentissimi censendi & appellandi sunt uiri illi sancti, qui eas de seipsis poenas sumebant, cum in re parua peccassent, quas nos nec etiam cū grauissimè labimur, subire solemus; tales fuere S. Franciscus, Sancta Catharina Senensis, & multi alij, quos referunt Ecclesiastici Historici vel propter verbum quod imprudenter exciderat, uel propter oculum inaniter coniectum, similē uel aliquam leuissimam culpam in omne ætatis tempus ita seipso acerbè castigasse, ut ad magnam admirationem intuentes traducerent; Prudentissimi itē illi, qui ad Diaboli fraudes eludendas, tentationesq; omnes propulsandas, vigilabant ipsi de nocte cum dormirent alij, cōclauia cubaculaq; suorum diligenter lustrabant, orabāt assiduè, ut à se suorumq; capitibus auerterent imminētia spiritualia pericula omnia, cuiusmodi erant S. Macarius, S. Dominicus, & qui horum postea secuti sunt uel stigia B. P. Ignatius & alij.

3. p. Past.  
Adm. 18.  
Num. 10.

Tertium Indicium. Spiritualis Prudentia est (ut ita dicam) ingeniosa, & acuta, in proximorum præsertim salutē procuranda. Ponderat S. Gregorius exemplum Moyse, cum enim dixisset, persuadere elatis uilia melius possumus, si profectum eorum nobis potius quàm illis profuturum dicamus, si eorum meliorationem nobis magis quàm illis profuturam dicamus, & eam magis nobis quàm illis impendi postulamus, adiungit. Vnde Moyse qui regente se Deo, deserti iter aerea columna duce pergebat, cū Obab cognatum suum à gentilitatis conuersatione uellet educere, & omnipotenti Domino subiugare: Proficiscimur ad locum, quem Dominus datus est nobis: Veni nobiscū, & beneficiemus tibi, quia



quia Dominus bona promisit Israeli. Cui cum respondisset ille, non veniam tecum, sed reuertar ad terram meam in qua natus sum, illico adiunxit. Noli nos relinquere, tu enim nosti, in quibus locis per desertum castra ponere debeamus, & eris Dux noster. Neq; Moyse mentem ignorantia itineris angustabat, quam & ad prophetiae scientiam cognitio diuinitatis expanderat, quem columna exterius praeibat, quem decunctis interiorius per conuersationem cum Deo sedulam locutio familiaris instruebat; Sed videlicet vir prouidus elato auditori colloquens solatium petiuit, vt daret, ducem eum requirebat in uia, ut Dux ei fieri ad vitam potuisset. Hec S. Gregorius. Eandem Prudentiam exhibuit Dominus, cum Samaritanam ad Aquae uiuae fontem traducturus, primus petit: Mulier da mihi bibere; & cum Zachaeum ex auaritiae sordibus discipulum Euangelij facere deliberans, ait ante. Zachae festinans descende, quia hodie in domo tua, oportet me manere. S. Chrysostomus cum exponit illa Apostoli uerba ad Romanos. Desidero videre vos, vt aliquid impertiar vobis gratiae spiritualis ad confirmandum vos, id est simul consolari in uobis per eam, quae inuicem est, fidem uestram, atque meam. Hic ait tu expende magistri sapientiam, dixerat, ut confirmemini, vidit id dictum graue & inuidiosum discipulis esse, addidit consolationis verbum, sed & hoc rursus graue, non perinde tamen, ut quod prius dixerat, graue tamen, eius itaq; grauitatem, asperitatemque succidens refecat, orationem vndiq; edulcans, acceptabilemque reddens, non enim simpliciter dixit consolationem, sed mutuam consolationem, ac nec sic quidem satisfac-

Hom. 1. in  
Epist. ad  
Rom.  
Rom. 1.

Etum sibi putauit, sed & aliam, & quidem maiorem definitionem adhibuit, cum dixit, per mutuam fidem vestram simul ac meam. Papè quanta est hæc animi humilitas, ostendit & se illis indigere. Commune est inquit lucrum, & ego vestra indigeo consolatione, & uos itē mea. Hoc autem dixit, non quod illorum consolatione indigeret, absit hoc, quo enim pacto qui Ecclesiæ columna esset, quiq; idem & ferro & petra firmior, idem spiritualis ille adamas, idem infinitis ciuitatibus sufficiens, alieni auxilij indigens esse posset, sed ut ne orationem molestam increpationemq; acrem redderet, fateretur & ipse eorum se indigere consolatione; postea concludit egiuisse consolatione, lætitiā nimirum, quam fidei illorum incrementum adferebat.

2. Cor. 10.  
Hom. 28.  
In Acta  
Apost.

Ad Prudentiæ industriam spectat & illud, ut quique maximè opis spiritalis indigent, ita illis potissimum opitulari; obseruat S. Chrysostomus id fuisse S. Paulo antiquissimum, immò hæc fuit eius regula, ut ipse Corinthiis scribit etiam in ijs qui ultra sunt Euangelizare, vide illius sapientiam inquit, ubi quidem sermo Domini ac Verbum fuerat dispersum, transcurrit, ubi fuerat nullus sermo Domini, diutius heret ac uersatur, quemadmodum & ipse scribens dicit. Ita autem adnites Euangelizare ubi nondum erat Christus nominatus. Hanc & noster B. Xauerus perpetuò secutus est regulam, ut aliquando etiam de seipso vendendo & in seruitutem tradendo cogitarit, ut Euangelij causa Sinas peruaderet. Hæc eadem Prudentia ordinem charitatis dicat etiam reliquis in rebus omnibus, nec dicat solum, sed præcipit suo modo, in usumq; deducit. Charitas inquit

Apo-

Apostolus, non quærit quæ sua sunt, hoc est vt ait S. Au<sup>1. Cor. 13.</sup>  
 gustinus, communia proprijs anteposit, hoc exequitur <sup>In regula</sup>  
 prudentia; præferenda sunt spiritualia temporarijs, hoc  
 præstat prudentia; præ animarum salute negligenda  
 sunt corporis commoda; hoc etiam prudentiæ præcep-  
 tum est. Quid prodest homini si vniuersum mundum <sup>Matth 16.</sup>  
 lucretur, animæ verò suæ detrimentum patiatur, aut  
 quam dabit homo commutationem pro anima sua. Mi <sup>Eccl. 30.</sup>  
 serere animæ tuæ placens Deo. Initium sapientiæ timor <sup>Psal. 110.</sup>  
 Domini, & similia sexcenta, aut ratiocinationes sunt  
 prudentiæ, aut sanctiones & scita. Et quo quisq; pruden-  
 tior, eo etiam magis acer, perspicax. & industrius sem-  
 per extitit in rebus spiritualibus gerendis.

Quartum Indicium Prudentiæ sunt Actiones alia-  
 rum Virtutum omnium, neq; enim est prudentia Chri-  
 stiana perfecta, si desint aliæ Virtutes, immò si uel alia-  
 rum desit vna, ut ergo Virtutum singularum quasi no-  
 ta est & insigne prudentia, sic vicissim actiones virtutū  
 singularum testes & nuntia sunt prudentiæ, quare pru-  
 dentia non amittitur si Aristoteli credimus, obliuione <sup>Libr. 6.</sup>  
 sicut ars, sed deprauatione & corruptela appetitus, & iu-  
 cundum inquit, & molestum circa quæ uersatur animi  
 affectiones, corrumpunt æstimationem atq; iudicium,  
 non quodcunq;, sed prudentiæ, intellige tunc, cum de-  
 prauatæ sunt affectiones exuperantia voluptatis, aut do-  
 loris, quam etiam ob causam mensuram prudentiæ col-  
 locat S. Gregorius in actionibus aliarū Virtutum, quia  
 nimirum quanta ea sit ex harum momentis intelligitur.  
 Magna inquit est prudentia, sed si minus est à volupta-  
 tibus temperans, minus in periculis fortis, minus in <sup>Hom. 22.</sup>  
<sup>in Ezech.</sup>



operationibus iusta, profectò minus est prudens. & infra: Vnusquisq; tantum prudens est, quantum temperans. In primis autè prudentiæ ueluti indices inter omnes alias Virtutes hæ sunt. Prima Humilitas, huius instinctu ac ductu audit uir prudens libenter obiurgationes, undecunq; sint, quod sæpè Salomon docuit in

**Prou. 17.** Prouerbijs, ibi præsertim: Plus proficit correptio apud prudentem, quam centum plagæ apud stultum. Eadem humilitate uir prudens sese sponte ita Deo submittit, ut eius prouidentiae arcana nec dijudicare, nec penetrare velit, quod quia Baldad ille apud Iob fecit, ideo redarguitur prudentiæ plurimæ, hoc est superbiæ, ut S. Gregorius explicat: Omnis enim inquit, cui prudentia recta est, plurima non est, quia iuxta Pauli vocem non plus appetit sapere, quam oportet sapere: cui uerò est plurima, non est recta, quia dum ultra modum tenditur, in quolibet latere culpæ declinatur. Prudentiam uerò suam plurimam ostendunt, qui uideri præ alijs prudentiores appetunt. Vnde fit plerumq; ut cum moderatè sapere nesciunt, etiam fatua loquantur. Pro qua re ipse excessus prudentiæ subiungitur, cum dicitur: Quem docere uoluisti? (Deum scilicet) quia enim beatum Iob flagellatum pro culpa credidit, occultum Dei iudicium quod humiliter venerari debuit, superba nifus est temeritate penetrare. Hæc ibi, deniq; prudens si humilis est, consilium & petit libenter, & cum datur, accipit libentius, nec obfirmatæ sententiæ est, aut suæ (quod uetat Sapientia) prudentiæ niti solet, quæ .n. de sursum est sapientia, suadibilis est. Secunda prudentiæ comes Virtus est Constantia, scriptum est enim de imprudentibus:

Cor

Cor stultorum dissimile erit. Cor quippe sapiētium scribit S. Gregorius, sibimetipsis semper est simile, quia dum rectis persuasionibus acquiescit, constanter se in bono opere dirigit. Cor uerò stultorum dissimile est, quia dū mutabilitate se uariū exhibet, numq; idē quod fuerat, manet. Hęc ibi. Tertia Virtus quam prudentia parit, est pax & charitas fraterna. Habete ait Dominus (ut et antè retulimus) Sal in vobis, & pacem habete inter vos. Sal quippe sine pace non est Virtutis donū ait S. Gregorius, sed damnationis argumentum. Quo enim quisq; melius sapit, eo deterius delinquit, iccirco inexcusabiliter & multo magis merebitur supplicium, quia prudenter si voluisset, potuit euitare peccatum. Quibus quoq; rectè per Iacobum dicitur: Quod si zelū amarum habetis inter uos, & contentiones sunt in corde uestro, nolite gloriari, & mendaces esse aduersus ueritatem: non est ista sapientia descendens de sursum, sed terrena, animalis, Diabolica. Quæ enim de sursum est sapientia, primū quidem pudica est, deinde pacifica, pudica uidelicet, quia castè intelligit, pacifica autem, quia per elationem se minimè à proximorum societate disiungit. Ita scripsit de cognitione prudentiæ & charitatis ac pacis S. Gregorius. Accedat Quarta Virtus linguæ cura; de qua idem S. Pontifex sic et scribit. Lingua discretè frenandā est, non indissolubiliter obliganda, scriptum nanq; est: Sapiens tacebit usq; ad tempus, ut nimirum cum opportunum considerat, postposita censura silentij, loquendo quæ congruunt, in usum se utilitatis impendat. Et rursus quoq; scriptum est: Tempus tacendi, & tempus loquendi. Discretè quippe vicissitu-

Prou. 15.

3. p. Past.  
cap. 2. Admonit. 19.

Mar. 9.

Iacob. 3.

3. p. Past.  
Adm. 23.  
3. p. Past.  
Adm. 15.Eccl. 20.  
Eccl. 3.

Psal. 140.
11.
 situdinum pensanda sunt tempora: ne aut cum restringi lingua debet, per uerba inutiliter defluat, aut cum loqui utiliter potest, semetipsam pigre restringat. Quod bene Psalmista considerans dicit: Pone Domine custodiam ori meo, & ostium circumstantiæ labijs meis. Non enim poni ori suo parietè, sed ostium petit, quod uidelicet aperitur, & clauditur. Vnde & nobis cautè discendū est, quatenus discretè & congruo tempore vox aperiatur, & rursus congruo taciturnitas claudat. Hæc S. Gregorius. Similia possunt de alijs Virtutibz exempla proferri.

Lib. 6. Eth. c. 11.
Eccl. 6.
Hom. 17. in Ezech.
 Quintum Prudentiæ Indicium est, libenter audire sapientes, viros bonos & diuturna experientia doctos imitari, in eorum dictis ac præceptis ita acquiescere, ac si quod affirmant, uel negant, digito ostenderent, & ut dixit Aristoteles: Evidentibus ratiocinationibus demonstrarent, atq; hoc Indicium quidem est prudentiæ alicuius, sed simul compendium est certissimum ac tutissimum ad eandem prudentiam acquirendam. Si dilexeris audire (ait Salomon) sapiens eris; in multitudine presbyterorum prudentium ita, & sapientiæ illorum ex corde coniungere, ut omnem narrationem Dei possis audire, & prouerbia laudis non effugiant à te. Et si uideris sensatum, vigila ad eum, & gradus ostiorum illius extera pes tuus. Quod si qui ait S. Gregorius, literas ignorant, & præcepta Dei legere non ualent, certè in multorum fidelium conuersatione bona, quæ imitentur, vident. Ecce in Ecclesia voces sancti Euangelij, atq; Apostolorum sonant, ecce exempla bene uiuentium quotidie omnium oculis opponuntur. Hæc Sanctus Pater.

Literati



Literati autem habent præterea infinitam librorum suppellectilem & Historicorum, qui uitæ sunt magistri, & scriptorum omnis generis Virtutis, disciplinæ, & exemplorum, è quibus præclara quæq; ornamenta vitæ actio numq; rectarum sibi comparare possunt. Quod si ille ut ait Cicero, uno itinere & vna nauigatione percontando à peritis, & libros legendo in Asiam peruenit Imperator, cū esset Roma profectus rei militaris rudis; quæ nobis spes esse debet, disciplinam Christianæ prudentiæ cito ac facile ediscendi, si assidui fuerimus in lectione Euangelij, librorum Apostolorum, aliorumque quos tam multos, tam nobiles omni sapientiæ genere, veritate doctrinæ, singularium exemplorum copia, ac splendore Ecclesia Christi legit, laudat, Christianisquæ diu noctuq; euoluendos præbet, & præcipit: quàm compediario itinere ad Christianā Prudentiā perueniemus, si prudentissimos viros, sanctissimosq; Heroas utriusq; Testamenti, antiquiores, recentiores, vitæ sanctos, & eos qui adhuc inter nos superstites sunt, nostrisq; oculis obuersantur, nobis animo proponamus, in quorum uitas intueamur, quorum mores actionesq; imitemur, à quorum cogitatis, dictis, factis, ne latum vnguem declinemus, eamq; demum ueram ac solidam prudentiā existinemus, quàm illi uerbis quidem ac præceptionibus magis tamen uita moribusq; expresserunt, nobisq; hereditariam reliquerunt. Quod si dicas homunciones nos esse, & exiguarum virium, nec posse tam altè spectare, ut Petros & Paulos aliosq; ut dicebamus Ecclesiæ Heroas nobis imitandos designemus: Respondet S. Chrysostomus. Quid est, ille Paulus erat? dic mihi quid est,

Libr. 1.  
Acad. qq.

Libr. 1. de  
compun.  
et. cordis.

est, ille Petrus erat? Nonne eiusdem naturę erant, cuius & nos? Nonne eadem via ingressi sunt hunc mundum, qua & nos? Nonne eisdem cibis utebantur, atque eundem respirabant aerem? Nonne eisdem vitę usibus agebantur? Nōne aliqui eorum etiā coniugia experti sunt, & liberos procrearunt? Quidam verò ipsorum etiam opifices communium artium erant. Alij verò & lapsus perpeffi sunt peccatorum. Alij in vltimum malorum barathrum deciderunt. Sed multum inquit illi gratiæ acceperunt à Domino. Si quidem mortuos suscitare iuberemur, aut oculos aperire cęcorum, aut mundare leprosos, aut claudos erigere, aut dęmones effugare, aliasque similes sanare ægritudines. Si operationum virtus quęreretur, locum haberet ista responsio. Si verò vitę à nobis obseruantia, conuersationisque requiritur, & obedientiæ ratio. Quid facit ad hæc ista narratio? Et tu etiam accepisti gratiam Dei per baptismum, & participium Spiritus Sancti consecutus es: etiā si non ad hoc ut signa faceres, sed quantum sufficeret ad hoc ut rectę vitę innocentiam custodires. Et ideo perditionis nostrę causę nulla est alia, quàm negligentia nostra, atque desidia. hæc S. Chrysostomus. Ambrosius ob eandem causam idem suadet omnibus, maxime verò adolescentibus. Plurimum inquit, prodest vnicuique bonis iungi, adolescentibus quoque vtile, vt claros & sapientes viros sequantur. quoniam qui congregatur sapientibus, sapiens est, & qui coheret imprudentibus imprudens agnoscitur. ostendunt adolescentem eorum se imitatores esse, quibus adhęserūt. Adfert deinde exempla Iosue consuetudinis cum Moyse,

Lib. 1. offic.  
c. 20.

Prou. 15.

Moyse,

Moyse, Loth cū Abraham, Helisei cū Elia. Ex Actibus Apostolorum Mani cum Barnaba, Silæ, Timothei, Titi cum Paulo, & certè hac semita perrexerunt ad prudentiam breui tempore multi, ex non diuturno conuictu Hilarij prudentissimus exiuit Martinus, & duobus tantum mensibus Antonij discipulus Hilarion magistrum æquauit. Quod si ex sanctorum vitæ riuulis, ex Christi Domini inexhaustis Diuinæ sapientiæ prudentiæque omnis fontibus quid hauriendum censebimus? hæc nimirum causa est, cur Euangelia nobis perpetuò meditanda proponunt Sancti Patres, quodlibet enim uerbum quælibet actio Christi nostræ est prudentiæ forma, nostra loquendi, agendi, uiuendi, lex. Hæc omnis Philosophia nostra, hoc apertum, commune, perpetuum sacrosanctum Gymnasium Christianorum, in tractatu de Oratione elementa quædam & initia prudentiæ huius posita sunt, & qua ratione ea sit indaganda breuiter ostensum.

*De Religionis Virtute, eiusque Actionibus, & occasionibus, præsertim de Adoratione.*

*Caput VI.*

**D**E Iustitia hic agere alienum esset non quidem ab ordine institutæ tractationis, opportunus enim eius esset hic locus, proximè post prudentiam; sed à totius huius operis scopo, qui non est de conscientia casibus aut locis difficilioribus Theologiæ Moralis disputare, sed simpliciter explicare eas Virtutum Actiones, quas quisque



perfectiōis amator per se ut potest, sic optat perfectē obire. Quod quidem quatenus id ad iustitiam pertinet, tunc præstat, cum Actiones eius charitate imperante, & prudentia dirigente ad Dei gloriam proximique; utilitatem refert omnes, earumque; externa officia erga homines ita exercet, ut eam a qualitate quæ iustitiæ finis est, quemadmodum spectat, sic semper efficiat, teneatque, ac re ipsa suo tempore & certis iam & fixis circumstantiis reliquis, quod suum est, cuique; aut reddat, aut curet, sic ut id præstare voluntate semper promptissimus ac paratissimus esse debet. De Iustitia igitur & eius Actionibus legantur S. Thomas, & alij: Nos ad eius partes, ei que; affines Virtutes morales pergamus.

Inter has primum locum obtinet Religio. Moraliū  
 2. 2. q. 81. Virtutum princeps, quia ut S. Thomas scribit, propin-  
 art. 6. quior Deo est quam aliæ Virtutes Morales, operatur enim ea, quæ directe & immediatè ordinantur in honorem Diuinum; quare Religio eodem auctore Virtus  
 Ibid. ar. 3. moralis est, quæ reuerentiam exhibet uni Deo, secundum rationem vnam, scilicet ut est primum principiū creationis & gubernationis rerum. Vnde ipse dicit: Si  
 Malachi: 1. ego Pater, ubi est honor meus. Patris enim est, & producere, & gubernare.

Multæ sunt Religionis Actiones. Prima & maximè propria est Adoratio Dei. Hanc anteit in mente existimatio optima de Diuina Excellentia & Maiestate, quæ quia summa est, immensa, infinita, incomprehensa, inexplicabilis, parit iudicium sapientissimum eiusdem mentis, deberi Deo omnium summum maximumque; qui esse aut excogitari possit, honorem, & reuerentiam. Im-

mō nullum parem honorem ab capite ullo creato exhi-  
 beri Deo unquam posse, propter infinitam eius excel-  
 lentiam & præstantiam. Ex his existit in uoluntate ho-  
 minis actus quo cupit Deum ita uenerari, quem sequi-  
 tur submissio quanto maximè alta Voluntatis & subie-  
 ctio totius hominis interioris & exterioris ipsi summæ  
 ac Diuinæ Maieftati, quæ propriè Adoratio est inter-  
 na, nā externa submissionibus corporis externis cōtine-  
 tur. Quoniam verò antedictas Actiones obire nec po-  
 test, nec solet animus Christianus, nisi quatenus imbu-  
 tus est habitibus Virtutum Theologicarum, præscitum  
 Fidei propterea scriptum est apud S. Augustinum sæpè, In Ench.  
cap 3. & 6  
& 12. de  
Trinit.  
cap. 14.  
 Deum, Fide, Spe, & Charitate colendum Huic Actioni  
 coniuncta est Dcī laudatio, quem enim summè uenera-  
 bilem opinamur propter infinita sanctissima, laudabi-  
 lissima eius attributa, Virtutes, & bona, hunc etiam sum-  
 mis & omninò singularibus laudibus celebrare & cu-  
 mulare par est. Quare apud Isaiam Seraphim Deum ado-  
 rantes simul laudant, & prædicant, clamantes alter ad al-  
 terum, Sanctus, Sanctus, Sanctus, Dominus Deus exer-  
 cituum, plena est omnis terra gloria eius. Adorare autē  
 eos ibi, testis est S. Chrysostomus Inexpugnabilem in-  
 quit, erga conditorem reuerentiam exhibere student,  
 multamq; anxietatem tum ipso habitu, tum voce, tum  
 aspectu, deniq; ipsa statione. Quoniam igitur, id quod  
 desiderant, quodq; conueniebat, non assequuntur, de-  
 clarant eo, quod undiq; velantur. Dauid etiam adora-  
 tionem cum laude copulare solet. Afferte Domino Homil. 7.  
de Verbis  
Isaia.  
Tom. 1.  
 gloriam & honorem, afferte Domino gloriam nomini  
 eius, Adorate Dominum in atrio Sancto eius. Adora-  
 bunt Psal. 118.

*Psalm. 85.* bunt coram te Domine, & glorificabunt nomen tuum.

Altera similiter propria Religionis Actio est Deuotio. Est autem Deuotio ut S. Thomas docet, Actus voluntatis ad hoc quod homo promptè se tradat ad Diuinum obsequium. Vel ut alij aiunt, Actus voluntatis quo quis promptè vult exequi omnia, quæ pertinent ad Dei seruitium, atq; se totum sic tradit cultui Diuino. Porro Deuotio non est inquit, hi, quicunq; actus voluntatis, sed propriè electio mediorum omnium in genere, ad finem vltimum consequendum. Hæc illi. Et fortassis deuotionis actû exercebat, qui dixit: Cōcupiuit anima mea desiderare iustificationes tuas in omni tēpore; nam ut ait S. Ambrosius, concupiscere ut desideremus iudicia Dei, plus est, quàm desiderare iudicia. Concupiscamus ergo desiderare iudicia Dei, & concupiscamus desiderare in omni tempore, ut nullum momentum bonæ prætereat vacuum cupiditatis. Aliæ præterea sunt actiones Religionis internæ, & externæ, ut oratio, actus vouendi, iurandi, sacramentorum usus, exterior cultus, sacrificium, oblationes, primitiæ, decimæ: sed hæc uel nostra non sunt in præsentia, nisi quatenus infra explentur; uel requirunt suam propriam & certam tractationem, qualem de oratione pro nostro modulo dedimus alibi, & de eadem & alijs alij præclare. Atq; hæc omnes actiones religiosæ ad maximum excellentissimumque illum Dei cultum pertinent, qui dicitur Latria, quia solus Deus colitur, quia scriptum est: Dominum Deum tuum adorabis, & illi soli seruires. Græcè λατρεύουσ, unde Latria. Et ob eandem quoq; causam Christus Dominus, Deus & Homo. Quare dicitur in Euangelio: Vt omnes hono-



honorificent filium, sicut honorificant patrem. Nec solum Diuinitas eius, sed & ipsa humanitas Diuinitati cōiuncta. Imagines Dei, & Christi, Crux eius & Reliquiæ. Harum enim rerum adoratio tanquam rerum Deo & Christo coniunctarum, Deum & Christum referentium, Deum & Christum spectat, ac proinde hæc religio sissima adoratio est, gratitudinisq; plenissima. Aliæ præterea sunt Actiones, Religionis quidem, sed longè superioribus inferiores, quippe quæ ad alias duas species cultus reducuntur, quarum prior Hyperdulia est, posterior Dulia; Hyperdulia exhibetur illi cuius sanctitas Diuina non est, est tamē singulari ratione excellens inter sanctos omnes tam Angelos beatos, quàm homines item beatos vita sanctos, qualis est sola Beatissima Virgo Maria Dei mater. Dulia alijs beati spiritibus siue Angelorum, siue hominum tribuitur, eademque horum imaginibus sanctisq; reliquijs, ob eandem causam.

Religiosas Actiones edendi magnus est in Christiana vita campus. De occasionibus adorationis & laudis primum, post de occasionibus deuotionis. Ante omnia cognitio quam de Diuino numine habemus, cū gignitur, renouatur, iteraturq; in animo, Dei adorationē & laudationem postulat, propterea enim vituperatione & pœna dignos prædicat Apostolus illos, *Qui cum* Rom. i. Deum cognouissent, non sicut Deum glorificauerunt, sed euauerunt in cogitationibus suis, id autem quàm frequenter accidit Deus bone? si quidem quoties interdum, noctu, domi, foris, otiosis, laborantibus, cum bona sumus valetudine, cum ægrotamus, cum prospera succedunt omnia, cum incidunt aduersa, quoties inquam spontè

Psal. 4.

Spōte uenit in mētem Deus, quoties se in memoriā ingerit, quoties ad eius cōmemorationē & quasi conspectum vel naturę instinctu ducimur? siquidem scriptum est: Signatum est super nos lumen vultus tui Domine.

Psal. 94.

Psal. 111.

Quoties occurrit animo, ab ipso creatos nos esse, ab eodem summa prouidentia gubernari ac regi? & hoc quid requirit aliud, quā id ad quod inuitat hęc contemplās Prophetia: Venite adoremus & procidamus ante Deū, qui fecit nos, quia ipse est Dominus Deus noster, nos autem populus eius, & oues pascuę eius, & alibi, manducauerunt, & adorauerunt omnes pingues terrę, in conspectu eius cadent omnes, qui descēdūt interram, & addunt aliqui ex Hebręo, cum vitam eorum nemo seruare potuerit. Quod si hunc Diuini cultus gradum conscendit naturalis cognitio Dei, quid faciet Christianę fidei lux? sanē Dauid ex vna fide innumeras deriuat Deum piē colendi rationes, easq; nobis vt documento sint, recenset ad hunc modum.

Psal. 115.

Ponit primum ipsam fidei veluti radicem. Credidi ait; post fructus quos illa fundit, enumerat, propter quod locutus sum. Ecce oris & laudis confessionem. Ego dixi in excessu meo. Ecce altissimam De Deo contemplationem, & extasin mentis, qua acripitur in Dei admirationem & reuerentiā. Omnis homo mendax. Ecce contemptionem prę Dei honore omnium humanarum doctrinarum, ac opinionum. Quid retribuam Domino pro omnibus quę retribuit mihi? Ecce ardentem gratificandi Deo affectum. Calicem salutaris accipiam, & nomen Domini inuocabo. Ecce planē nouum grati animi officium, ut cui par esse non possis in referenda

referenda ulla gratia, quàm tibi grata sit eius liberalitas vicissimq; tu erga eam animo gratus, nouo ab eo accepto beneficio, ostendas, laudibusq; vt potes, celebres. Vota mea Domino reddam coram omni populo eius. Ecce cultum Dei uota faciendo, eaq; etiam publicè soluendo. Pretiosa in conspectu Domini mors sanctorum eius. Ecce maximam uenerationem, quã deferre Deo possit mortalis homo, Martyrium. O Domine quia ego seruus tuus: Ego seruus tuus, & filius ancillæ tuæ. Ecce totius vitæ ac facultatum bonorumque omnium quæ possidet, Deo humillimam deuotionem, & consecrationem. Dirupisti vincula mea, tibi sacrificabo hostiam laudis. Ecce maximum Dei cultum, Sacrificium.

Porro eadem fides quanquam infinitas Dei colendi rationes suppeditare hominibus possit, eas tamen auctore S. Damasceno restringit ad quinque.

Prima est supremum Dominium Dei Dauid. Adorate cum omnes Angeli eius. Cur? Quoniam tu Dominus altissimus super omnem terram, nimis exaltatus super omnes Deos, non solum super idola ait S. Augustinus sed etiã super Dæmonia, nec solum super Dæmonia, sed etiam super homines maximè iustos, qui dicuntur Dij, & hoc parũ est, super omnes etiam Angelos. Nam unde est: Adorate cū omnes Angeli eius; & Nimis exaltatus est super omnes Deos? & in illa verba: Quoniam Deus magnus Dominus, sit inquit laus illi, confessio illi, sit iubilatio illi, quia magnus est Dominus, & rex magnus super omnes Deos, quia non repellet Dominus plebem suam. Laus illi, iubilatio illi. Hæcibi.

Secunda est suprema gloria & sanctitas Dei. Exalta-

Oratione  
3. de Imaginibus.  
Psal. 96.

In Ps. 96.

Psal. 94.

Psal. 93.



te Dauid ait Dominū Deū nostrū, & adorare in monte sancto eius: Cur? quoniā sāctus Dominus Deus noster.

Tertia est Maxima Dei beneficentia erga homines. Cantabo Domino, qui bona fecit mihi, & psallam nomini Domini altissimi.

*Psal. 71.* Quarta est: Quoniam ab illo speramus omne bonū, & adorabunt, cum omnes reges terræ, omnes gentes seruiant ei, quia liberabit pauperem à potente, & pauperem cui non erat adiutor, parcat pauperi & inopi, &

*Psal. 61.* animas pauperum saluas faciet. Verum tamen ait aliò in Psalmo idem Vates, Deo subiecta esto anima mea, quoniam ab ipso patientia mea. Quia ipse Deus meus, & saluator meus, adiutor meus, non emigrabo. In Deo salutare meum, & gloria mea, Deus auxiliij mei, & Spes mea in Deo est.

*Psal. 94.* Quinta denique ratio Deum colendi est, ait idem S. Damascenus, quia Deum offendimus: Præueniamus ait Dauid faciem eius in confessione. Nunquid inquit S. Augustinus, & hoc non pertinet ad laudem Dei, quādo confiteris peccata tua? immò uerò maximè. Quia tanto amplius laudatur medicus, quanto plus desperabatur ægrotus, & tanto maior est laus ignoscentis, quāto maior est exaggeratio peccata confitentis; & infra Venite adoremus, & procidamus, & ploremus ante Dominum, qui fecit nos; lachrymare antè illum scribit S. Augustinus, confitere illi, præueni faciem eius in confessione. Quis enim es tu, qui illi confiteris, & qui illi ploras, nisi quem fecit? Non parvæ fiduciæ est ad factorem res facta, & non quocunq; modo facta, sed ad imaginem & similitudinem illius. Ergo si memineris  
Deum

Deum Dominum esse ac Regem, meministi autē quoties Deum aut nominas, aut audis appellatum, hoc est sexcenties in singulos dies & horas, cum Maiestatem eius ac sanctitatem, cum beneficentiam & liberalitatem summam tanti patris recolis, simulq; cum spes affulget animo æternæ vitæ, quam ille pollicetur, deniq; cum te peccatorem, ac peccata ipsa tua recognoscis, Deum ut adores inuitari te scito; tu recordationes huiusmodi libenter suscipe, cum se offerunt, accerse cum absunt, præsentibus iam consuesce ad Deum tuum intimo animi affectu sensuq; colendum conferre. Atq; hæc de occasionibus adorationis internis tetigisse sufficiat.

Externas eiusdem Diuini cultus occasiones quis enumeret? breuiter tamen ad hæc reducuntur capita. Iusiurandum actus est religionis, & scriptum est: Laudabuntur omnes, qui iurant in eo. Hoc inquit ille, est affirmatio religiosa: Iusiurandum iurare nos vetant Sacra litteræ nisi coniunctum interno Dei cultui ac reuerentiæ. Hoc est enim iurare cum iudicio ut est apud Ieremiam, & in Sacris Canonibus legimus esse honestum, ut qui in sanctis audet iurare, hoc ieiunus faciat, cum omni honestate & timore Dei. Et S. Chrysostomus aduersus iusiurandi sui temporis abusus scribens ait: tu si nil aliud saltem librum ipsum reuerere, quem in iuramentum porrigis, & Euangelium, quod intra manus capiens iurare iuberis, explica, & audiens quid tibi Christus de iuramenti dislerat, horresce, & desiste.

Votum similiter actus est religionis, eo enim Deo aliquid promittimus, cū firmitate & obligatione, quod ut S. Gregorius Nissenus scripsit, non fit, nisi quidpiam

T t

pictatis

Homil. 1.  
de oratio-

ne Domi- pietatis nomine dedicetur, & sacris destinetur. Hoc  
nica. quanta veneratione Diuini numinis nuncupandum  
sit, cum nuncupatur, satis indicant pauca illa verba Da-  
uidis, Vouete, & reddite Domino Deo uestro.

1<sup>a</sup> Sal. 75.

Vsus Sacramentorum Actus est religionis hic quo  
interno animi cultu adoretur Deus, quem certa fide cre-  
dimus præsentem Sacramentorum ministerijs assistere,  
eaq; per Sacramenta in animis hominum beneficia col-  
locare, quibus Diuinus cultus excitari, augeri & propa-  
gari solet? nam ut dictum est de baptismo: Hic est qui  
baptizat, nec minister aliam quam vicariam operam  
præstat, sic de aliorum Sacramentorum administratio-  
ne dicendum est.

10. 2.

Lib. 10. de  
ciuit. c. 4.

Sacrificium ita est actus religionis, ut scribat S. Au-  
gustinus, cum honorabilia omnia externis actionibus  
demonstrata sibi usurpauerint homines, & Deo quasi  
suffurati sint, inter hæc omnia tamen sacrificium soli  
Deo seruatum esse, nec ab ullo homine Deo ademptum;  
quod quidem constat plerunq; esse verum. Quod si sa-  
crificijs omnibus quibus animantium carnes Deo imo-  
labantur tantus cultus coniunctus erat, quantum requi-  
rit Moyses in legibus quas scripsit de sacrificiorum riti-  
bus, quid nobis censendum de cultu animi, de externa  
veneratione & reuerentia Sacrosancto Eucharistiæ Sa-  
cramento, tremendoq; Missæ sacrificio. adhibenda ab  
ijs, qui certo certius credunt eo contineri, ac offerri  
Deo Vnigenitum filium eius hominem factum, Iesum  
Christum saluatorem mundi Ecclesiæ sponsum, Iudicē  
venturum viuorum & mortuorum? S. Chrysostomus di-  
cit ipse, quid de re tanta sentiendum sit, simulq; afferat

rationes



rationes quibus ad summam hanc internam externam-  
que religionem erga Sacramentum & sacrificium Chri-  
stianum moueri Christianos homines & decet, & oportet. Sic autem scribit. Pape mensa Mysterijs instructa  
est, & agnus Dei pro te imolatur, sacerdos pro te angitur, ignis spiritualis ex sacra mensa refluit, Seraphim adstant sex alis faciem regentia, omnes incorporeæ Virtutes pro te cum sacerdote intercedunt, ignis spiritualis è cælo descendit, sanguis in cratere in tuam purificationem ex immaculato latere haustus est, & nō erubescis, reuereris, & confunderis, neq; Deū tibi propitium facis? Non conscientia tua iudicat te o Homo. Centum sexaginta octo horas habente hebdomada, unam & solam horam sibi ipsi segregauit Deus, & hanc in opera secularia, & in ridicula, & in conuenticula insumis? cum qua postea fiducia ad mysteria accedes? O quam polluta conscientia. Num si stercora in manibus haberes, auderes appropinquare simbriæ Regis, & post, propter quod accedentes ne putetis, quod accipiatis Diuinum corpus ex homine, sed ex ipsis Seraphim forcipe igne, quem scilicet Esaias vidit, vos accipere. Reputate salutarem sanguinem quasi è Diuino latere effluere, & ita approximantes labijs puris accipite. Stemus tremantes oro fratres, stemus timidi demissis oculis, renata autem anima, gementes sine voce, iubilantes corde. An non vides eos, qui sensibili, corruptibili, temporali, terreno Regi assistunt quàm sint immobiles, non loquētes, nō oculos huc & illuc mittentes, sed in cæsti, territi, lugentes? Ex ipsis documentum accipite homines, & sic assistite Deo, quasi terrenum Regem accessuri. Multò ma-

gis cælesti regi cum timore adstare oportet. Hæc illi.

Sed præter sacrificia propriè dicta & meminit Scriptura, & assertores sunt Patres aliorum sacrificiorum, quæ non nisi per similitudinem hoc nomine censentur; ut autem similitudo inanis non sit, sed apposita, facit vna religionis Virtus. Sacrificium Deo ait David, *Psal. 50.* spiritus contribulatus, & sacrificium laudis honorificabit me, & *Psal. 49.* Apostolus, beneficentiæ & Communione nolite obliuisci, talibus. n. hostijs promeretur Deus. *Heb. 13.* Nulla enim est virtutis cuiuscunq; actio, siue interna, siue externa, quæ si referatur ad Deum piè venerandum, religiosa non sit, & sacrificij etiam nomine suo modo digna. Qua de re sic S. Augustinus. Proinde verum Sacrificium est omne opus quod agitur, ut Sancta Societas in hæreamus Deo: relatum scilicet ad illum finem boni, quo ueraciter beati esse possimus. Explicat id primò in homine ipso. Ipse inquit homo Dei nomini consecratus, & Deo deuotus in quantum mundo moritur, ut Deo uiuat, Sacrificium est. Secundo in corpore hominis. Corpus nostrum cum per temperantiam castigamus, si hoc quemadmodum debemus, propter Deum facimus, Sacrificium est, ad hoc exhortans Apostolus *Rom. 12.* ait: Obsecro itaq; uos fratres per misericordiam Dei, ut exhibeatis corpora uestra hostiam uiuentem, sanctam, Deo placentem, rationabile obsequium uestrum. Et si corpus, quanto magis anima, cum se refert ad Deum, fit sacrificium: concludit Augustino dignam sententiã. Cum igitur uera sacrificia sint opera misericordiæ siue in nosipsum, siue in proximos, quæ referuntur ad Deum: opera uerò misericordiæ non ob aliud fiant, nisi ut à misericordia

seria liberemur, ac per hoc ut beati simus, quod non fit, nisi à bono illo de quo dictum est: Mihi autem ad-  
 hærere Deo bonum est; profectò efficitur, ut tota ipsa psal. 72.  
 redempta ciuitas, hoc est congregatio societasq; San-  
 ctorum, vniuersale sacrificium offeratur Deo, per sacer-  
 dotem magnum, qui etiam seipsum obtulit in passio-  
 ne pro nobis, ut tanti capitis corpus essemus, secundum  
 formam serui. Hanc enim obtulit, hac oblatus est, quia  
 secundum hanc mediator est, in hac sacerdos, in hac sa-  
 crificium est. Et ad extremum hoc est sacrificium Chri-  
 stianorû, multi unum corpus sumus in Christo: Quod  
 etiam Sacramentò Altaris fidelibus noto frequentat  
 Ecclesia, ubi ei demonstratur, quod in ea oblatione quâ  
 offert, ipsa offertur. Sic S. Augustinus. Quem faciliè pru-  
 dens lector intelligit, non appellare hæc sacrificia meta-  
 phorica vera sacrificia, quod propriè sint sacrificia, sed  
 quod sint & ipsa Deo grata, sicut uera sacrificia, & quia  
 ferè Ethicis scribit, illa uocare uera sacrificia, quæ tam  
 longè distant à falsis Ethnicorum sacrificijs, quantum  
 Deus verus à falsis Dijs, simulq; docere nótam mactâ-  
 dis uictimis incumbendum ad placandum Deû, quàm  
 litandis animis, corporibus, sensibusque nostris omni-  
 bus uerarum solidarumq; Virtutum Actionibus.

Deniq; scribit Aristoteles Honoris partes sunt, Sa-  
 cra, Memorations, decantationes carminum, aut solu-  
 tæ orationis ad laudem recitatio, præmia, delubra uel  
 primi confessus, sepulchra, imagines, publici ritus. Ad  
 hæc etiâ Barbara ut inclinari, loco cedere, munera quo-  
 que deferre. Ergo in Christiana Republica sacra tam  
 multa, tam celebres dies festi, ac commemorationes,  
1. libr.  
Rhet. c. 5  
 psal-



psalmodia penè continua, conciones & è superiore loco frequentissimæ orationes, Vota priuata & publica, templa, basilicæ, ædiculæ, initia actionum omnium nostrarū, ab inuocatione Diuini numinis, & Crucis signo facta, Tabernacula, pixides quibus Sanctissimum Christi corpus in Eucharistia conseruatur, & clauditur, innumeræ ubiq; locorum imagines Dei, Christi, vitæ, Crucis & mortis eius, publici ritus siue supplicandi, siue sacramenta suscipiendi, siue sacramentalibus utendi, siue uiuendi templa stationum & indulgentiarum gratia, omnia sunt Diuini cultus incitamenta nec nisi ad Deū piè uenerandum instituta sunt, aut aliò, nisi impiè & ab hominibus impijs referri possibile est Idem vno verbo dixerim de cultu qui Beatissimæ Dei Matri, ac Sanctis Angelis hominibulq; ritè defertur Ex eisdē enim cum præstandi occasiones accipere par est, ex quibus capta-  
mus cum Deum colimus, ac sicut me ad Diuinum honorem Deo præbendum alliciunt, quæ numerata sunt omnia, sic prorsus ad Hyperdulix & Dulix cultum Virgini ac Sanctis exhibēdum me trahunt eadem omnia, quatenus illis ex Maiorum institutis ac legibus ritè cōsecrata ac deuota sunt, aut ad eos aliquo modo pertinent, ex illis enim quæ proximè ex Philosopho recensuimus, nihil est quod Beatissimæ Dei Matris ac Sanctis non conueniat, præter vnum sacrificium, quanquam sacrificium etsi non offertur Deiparæ Virgini aut superis, sed sole Deo, vt diximus ex S. Augustino, celebratur tamen & sacrat Deo etiam in honorificam Virginis & Sanctorum commemorationem. Et ecce tibi syluam Actionum, quæ aut Diuinum cultum per se spectant,

stant, aut ad eum facili industria dirigi, illiq; subijci possunt, ad sit modo industria atq; religiosa ardensq; cupiditas, quæ industriam excitet & exacuat.

Aliqua hic etiam adscribi possent de externis corporis Actionibus quæ honorificæ sunt, ut est inclinatio capitis, corporisq; totius, genuum submissio, oculos in cælum tollere, tundere pectus, aperire caput, iungere manus, & alia similia multa & uaria, quæ pro uario hominum usu consensuq; recepta iam sunt ubiq;. Sed nihil necesse est in his immorari, quòd externo gestu corporis compleantur, & tum demum ad Diuinum cultû pertinent, cum infirmantur & quasi animantur internis affectibus.

Quanta porro reuerentia & Dei cultus accensa cupiditate vacandum sit Psalmodiæ sacræ, Hymnisq; Ecclesiasticis concinendis, adeo perspicuum & certum est, vt superuacaneû sit id pluribus confirmare. Afferte Do Psalm. 28.  
mino ait principes psallentiû oîum quot sunt, fuerûnt 15  
geq; post alijs erûnt in annis, afferte Dño patriæ gētîû, af  
ferte Dño gloriâ & honorẽ, afferte Domino gloriâ nò  
mini eius. Psallite Deo nostro, psallite, psallite sapien  
ter Ecclesia tantæ musicæ magistra, ad finem cuiusque  
Psalmi intentionem renouat Diuini cultus illa celebri  
Dei Vnius ac Trini laudatione. Gloria Patri, & Filio, &  
Spiritui sancto. Tam multa huc spectantia & ab Dau  
de olim instituta, & postea ab Apostolis commendata,  
& à summis pontificibus renouata, & aucta, in omnes  
orbis Ecclesias introducta sunt; quorsum Deus bene  
ad cultum Dei in animis hominû suauiter ferendum,  
fortiter infigendum, summaq; cum animorum iucun  
ditate

ditate & fructu continuandum semper, quotidieq; magis amplificandum, qua venia digni erimus si talem occasionem oscitanter præterierimus, si id quod ad Deū colendum propriè & per se à Maioribus institutum est, uel solutè remisseq; persoluatur, uel cum negligentia nostra, ac non sine Diuini cultus iniuria peragatur.

Multa hic etiam dici possent de ueneratione imaginum & reliquiarum sanctarum, & harum etiam gestatione de collo pendentium, quod fecisse multos & inter hos S. Thomam Aquinatem testantur Historiæ: In Ps. 98. si quidem scribit S. Augustinus, (& ad reliquias referendum est) cum te inclinas atq; prosternis, non quasi terram intuearis, sed illum sanctum cuius pedum scabellum est, quod adoras. Accedit, cultum sanctorum rerumq; ad ipsos spectantium non circumscribi sanctorum finibus, sed Deum ipsum sanctitatis fontem attingere, in eiusq; qui sanctificat homines Angelosque redundare honorem & gloriam. Sed hæc omittuntur de industria, quòd pijs animis ad actum adorationis obcundum iam dicta sufficiant, non pijs satis nunquam sit, etiam si ad huc multo plura dicerentur.

*De Deuotionis Actione, Occasionibus,  
Indicijs. Cap. VII.*



Notabilissimus Actus Religionis est ut antè diximus, Deuotio. Hic ut optabilissimus est proficienti, sic eius vsus minimè expeditus, ac difficillimus uidetur propter mortalis uitæ continuas necessariasque quibus distinetur,



tur, occupationes. Quis enim status hominum si contemplantes excipias, potest frequenter velle rem Deo gratam facere, & in rebus omnibus quæ quis cogitat, molitur, agit, seipsum Deo offerre mancipium ad omnia paratum; nihilq; uelle omittere, quod intelligat ad Dei liberam seruitutem pertinere in medijs fluctibus ac tempestatibus humanæ vitæ, eius inquam, quæ negotiosa est, siue in administranda Republica, siue in regenda familia, liberis educandis, & re domestica procuranda, siue in quibuslibet alijs muneribus occupetur? & nihilominus omnibus dicitur: Primùm querite regnū Dei, & iustitiam eius. & Solitudine non pigri, spiritu feruentes, Domino seruientes Et ut deuotionis antiquæ, & hominum Christianorum nascentis Ecclesiæ habeamus, quæ imitemur exempla, scribit de ijs idem Apostolus. Qui sapit diem, Domino sapit: Et qui manducat, Domino manducat, gratias enim agit Deo: Et qui non manducat, Domino non manducat, & gratias agit Deo: Nemo enim nostrum sibi uiuit, & nemo sibi moritur, siue enim uiuimus, Domino uiuimus, siue morimur, Domino morimur, siue ergo uiuimus, siue morimur Domini sumus, in hoc enim Christus mortuus est, & resurrexit, ut mortuorum, & uiuorum dominetur, ubi non solum de Christi in hominum vitam actiones, mortem potestate loquitur Apostolus, sed etiam de deuotionis actione, qua se Domino vicissim homines consecrare debent; idque in rebus omnibus velle quod ad Dei cultum & gloriam amplificandam ualet.

Quanquam uerò usus hic difficultatem aliquam habeat, non tantam tamen, quæ superari non possit indu-

stria proficientis. Et primùm quidem hoc etiam sicut & cetera Virtutis Actiones donum Dei est, ex uberri-  
mo bonitatis eius fonte promanans, ipse enim est qui  
dat uelle, & perficere, quare & ab eo precibus impetrā-  
dum est, dicendumq; illi cum Propheta, non solum ut  
doceat nos uoluntatem suam facere, sed ut etiam qua-  
si manu sue gratiæ adiuuantis deducat in semitam man-  
datorum suorum, & in uia æterna.

*Psal. 118.*

Postea ea acquirendæ & exercendæ deuotionis se-  
quenda ratio est, quam maximè probant patres, & qui à  
patribus acceperunt S. Thomas eiusq; commentator,  
quorum uerba hic referre ad finem nobis propositum  
utilissimum censeo. Sic igitur scribit S. Thomas. De-  
uotio est quidam voluntatis actus ad hoc quod homo  
promptè se tradat ad Diuinum obsequium, omnis autè  
actus uoluntatis ex aliqua consideratione procedit,

*2. 2. q. 82.  
art. 3.*

*21*

*Psal. 72.*

ideo necesse est, quod meditatio sit deuotionis causa,  
in quantum scilicet per meditationem homo cōcipit,  
quod se tradat Diuino obsequio. Ad quod quidem in-  
ducit duplex consideratio. Vna quidem quæ est ex par-  
te Diuinæ bonitatis, & beneficiorum ipsius secundum  
illud Psalmi, Mibi adherere Deo bonum est, & ponere  
in Domino Deo meo spem meam. Et hæc considera-  
tio excitat dilectionem, quæ est proxima deuotionis  
causa. Alia uerò est ex parte hominis consideratis suis  
defectus, ex quibus indiget, ut Deo innitatur, secundū  
illud Psalmi: Leuaui oculos meos in mōte, unde ueniet  
auxilium mihi. Auxilium meum à Domino, qui fecit cæ-  
lum & terram. & hæc consideratio excludit præsum-  
ptionem, per quam aliquis impeditur, ne se Deo subij-  
ciat,

*Psal. 120.*

ciat, dum suæ virtuti innititur. Hæc S. Thomas. Ex his commentator eius colligit duas internas & proprias deuotionis causas, alteram ex parte inquit, meditationis Dei, & beneficiorum eius, alteram ex parte meditationis propriorum defectuum. In prima sūt bonitas, misericordia, charitas, &c Dei erga hominem, & meriti beneficiaq; creationis ad imaginē suam, redemptionis, baptismi, inspirationum, uocationum per se uel alios, expectationis ad pœnitentiam, Eucharistię, pręseruationis à tot periculis animę & corporis, Angelicę custodię, & reliquorum beneficiorum singularium. In secunda sunt defectus culpę & pœnę, tam in præterito, quàm in præsentī, labilitas ad peccandum, dissipatio proprię substantię, assuefaciendo cogitationes, & uoluntates, & inclinationes aliarum suarum uirium ad malum, habitatio in regione longinqua ab amicitia & conuersatione Diuina, peruersitas affectus magis temporalia quàm spiritalia commoda, uel incommoda sentientis, nuditas à Virtutibus, vulnera ignorantię, infirmitatis, & concupiscentię; Vincula manuum, & pedum, operum scilicet & affectuum; in tenebris, in fœtoribus, in amaritudinibus esse, nec horrere, uocem pastoris interius non agnoscere, & quod omnibus peius est, Deum pro inimico & hoste toties elegisse, mortaliter peccando, & propterea tantam ei iniuriam fecisse, ut pro Deo refutatus sit, factusq; noster Deus sit uenter, aut pœcunia, aut delectatio. Hæc præclarè Cardinalis Caietanus. Ad quæ aureum adscribit Monitum ad usum frequentem deuotionis excitandum in hæc uerba: Ex huiusmodi meditationibus, quę quotidianę esse debent religiosis & spiri-



tualibus personis omisso uocalium orationum multiloquio voluntario, deuotio aliæque consequenter gignuntur virtutes, nec religiosi aut religiosæ, seu spiritualis etiam nomine vocari potest, qui saltem semel in die ad huiusmodi se non transfert. Quomodo namque effectus absque causa, finis absque medio, Insularia, portus absque nauigatione haberi nequit, sic nec religio in actu absque frequentatis actibus suarum causarum, mediourum, ac uehiculorum. Hæc ille, non reprehendit autem Caietanum orationem uocalem, sed multiloquium emulum Ethnicæ uerbositatis ad sensum Euangelicum.

Si quis igitur sit meditationi deditus, & meditatio uertatur, & quasi rotetur assidue circa duos hosce cardines, Dei beneficia, malaque nostra tam culpæ quam pœnæ, existet sine dubio in animo habitus deuotionis. Verum non solum certo illo ac fixo meditationis articulo actus deuotionis excitatur in nobis, sed in ipsis etiam negotijs & uitæ officijs quotidianis, modo ad antedicta capita cum in animum incidunt, attendamus, incidunt autem cum uolumus, & sanè continenter id fieri oporteret, cum continuis à Deo beneficijs augeamur, assidueque uel labamur in culpas, uel lapsos nos olim per imprudentiã vitiositatemque naturæ & uoluntatis facile meminimus.

At inquis, rem esse difficilem, cum ad terrena & humana officia incumbimus, ut deuotionis actiones artesque simul excolamus. Nō id ego diffiteor, & Apostolus homines coniugio copulatos diuisos appellat. Hoc est diuersis affectionibus amoribusque ad diuersa distractos. Et Propheta de quibusdam huiusmodi farine hominibus ait transierunt in affectum cordis. & alius: Facti sunt

1. Cor. 7.

Psal. 72.

Osee. 9.

sunt sicut ea, quæ dilexerunt. Sed hæc uitia sunt, contra quæ Christiani hominis est, bellum alacriter suscipere, ac fortiter gerere. Si quidem idem Apostolus Christianis omnibus illud dictum vult; Qui habent uxores, tanquam nō habentes sint, & qui utuntur hoc mundo, tanquā non utantur. Dauid similiter: Diuitiæ ait, si affluant, nolite cor apponere. Celeberrima etiam sunt sanctorū hominum documenta, qui in rebus alioquin à deuotione remotis vtiliter detenti, sese religiosissimè deuotissimèq; gesserunt, & ne nobis necesse sit, uocationes terrenas ac seculares omnes percurrere, de literarum profanarum studijs exemplum unum adfero, hæc enim cū occupent omninò animum, nemo non videt, quantū impedimentum deuotioni adferant, & nihilo minus ea sic tractarunt homines sancti, ut & literatissimi simul ac sancti, hoc est deuotione pleni, ex illis extiterint. Ac ut nihil dicam de antiquioribus Prophetis, Moyse inquam, quem constat eruditum fuisse in omni sapientia Ægyptiorum, Daniele, qui Chaldeorum omnem disciplinam tenuit, & alijs multis; certissimum est, in literis Gentilium longo tempore uersatos esse veteres Patres Ecclesiæ Catholicæ omnes, non solum initio, in pueritia nimirum & adolescentia, sed post etiam cum ipsasmet Sacras literas explicarent. Apud Græcos quidem Iustinum Martyrem, Origenem, Clementem Alexandrinum, Didymum, Eusæbium Cæsariensem, Pamphilum Martyrem, Basilium, Gregorium Naziāzenum, & Nissenum, Damascenum, & alios. Inter Latinos uerò duo illa Ecclesiæ lumina, Hieronymum & Augustinū, & S. Hieronymus quidem de se scribit, per Isagogen. Ep. 52.

Porphyrij ad Logicam introductum, & Alexandri Veri  
 vertisse commentaria. At Rufinus de eodem testa-  
 tur, & sibi id laudi duxit S. Hieronymus. In Bethleem  
 ante non multo tempore, (hoc est in extrema iam æta-  
 te) partes Grammaticas executus est, & Maronē suum,  
 Comicosq; ac Lyricos & Historicos auctores traditis si-  
 bi ad discendum Dei timorem puerulis exponebat, id  
 quod fieri etiam debere à monachis suis S. Basiliius cen-  
 suit, & factitarunt olim in occidente Patres Benedicti-  
 ni, vt auctor est Titiemius. Et post Patres Dominicani  
 ex decreto B. Io. Vercellensis Magistri ordinis Genera-  
 lis sexti, viri sanctissimi, ut antè me sapienter obseruauit  
 P. meus Ribadeneira in B. P. nostri Ignatij vita S. Au-  
 gustinus autem postquam ad Dominum conuersus Sa-  
 crarum literarum studia colere cepit, non solum libros  
 Gentilium eorumq; disciplinas euoluit, sed scripsit etiā  
 & tractauit de solo rhythmo ut ipse ait, libros sex, & de  
 liberabat de melo sex alios scribere, ac ad illorum le-  
 ctionem inuitat Iulianum quendam Diaconum, sunt  
 autem hi sex libri de musica, qui adhuc extant, quibus  
 mirum est, quantam vir sanctus ex profanis scriptori-  
 bus Poeticę ac Philosophicę eruditionis copiam asper-  
 serit, in quadam etiam Epistola cuidam Audacis nomi-  
 ne nuncupato rescribens ait, aliquos olim studiosos car-  
 minum conficiendorum postea plurimum in Ecclesia-  
 sticis literis profecisse, sed quanti fecerit uir tantus se-  
 culares disciplinas, auctoresq; Gentiles, illisq; quanto-  
 pere studuerit, intelliget facile, qui uel leuiter attigerit  
 opus eius, hoc est, viginti duos libros de ciuitate Dei.  
 Quos in medijs Episcopatus sui laboribus positus scri-  
 psit.

Reg. fu-  
 sius disp.  
 q. 15.

Li. 3. c. 24.

Ep. 131.

Ep. 140.



psit. S. Hieronymus aliquid amplius audet, licere nimirum, decere, utile esse Christiana scripta Gentilium doctrinis & dictis si non ornare, certè respergere. Quis inquit, nesciat & in Moyse & in Prophetarum voluminibus, quædam assumpta de gentilium libris: & Salomonem Philosophis Tyri & nonnulla proposuisse, & aliqua respondisse: unde in exordio Prouerbiorum commonet, ut intelligamus sermones prudentiæ, uersutiasque verborum, parabolas, & obscurum sermonem, dicta sapientum & ænigmata, quæ propriè Dialecticorū, & Philosophorum sunt. Addit deinde, Apostolum Paulum uersus Poetarum Epiimenidis ad Titum, Menandri ad Corinthios, & Arati in Curia Martis apud Athenienses disputantem, vsurpasse, suisque scriptis ac concionibus inseruisse. Profert deinceps exempla Scriptorum Ecclesiasticorum innumerabilium, quibus idem familiare non minus quàm gloriosum fuit, qui omnes inquit, in tantum Philosophorum Doctrinis atq; Sententijs suos referciunt libros, ut nescias quid in illis primū admirari debeas, eruditionem seculi, an scientiam Scripturarum. Idem sensit, & fecit S. Basilus, qui etiam libro edito qua ratione id fructuosè fieri possit, ostendit. Nimirum, ut ille de Ennij stercore aurum erueret, sic hi religione ac pietate duce de Gentilium cloacis ueritatis pretiosissimas Margaritas expiscari didicerant, ac pijs animis etiam irreligiosæ & profanæ tractationes religionis ac deuotionis occasiones multas magnasque præbebant.

Ep. 84.

Prou. 1.

Tit. 1.  
1. Cor. 15.  
Act. 17.Homil. de  
utilit. capiendæ ex  
libris Gentilium.

Primum quidem in lectione earum ad vnam veritatem indagandam & colligendam intendebant animū,

&amp; eam

Lib. 3. de & cam (ut S. Augustinus loquitur) à Philosophis tanquã  
 Doctrina ab iniustis possessoribus ereptam in usum Christianũ  
 Christiã. ac proprium uindicabant. Sicut enim inquit Ægyptij  
 na, cap. 40. non solum idola habebant, & onera grauiã, quã popu-  
 lus Israel detestaretur, & fugeret, sed etiam uasa atq; or-  
 namenta de auro & argenro, & vestem, quã ille popu-  
 lus exiens de Ægypto sibi potius tanquam ad usum  
 Exod. 3. & meliorem sibi clanculo uendicauit; sic doctrinã om-  
 nes Gentilium, non solum simulata & superstitiosa fig-  
 12. menta, grauesq; saninas superuacanei laboris habent,  
 quã unusquisq; nostrum debet abominari, sed etiam  
 liberales disciplinas vsui ueritatis aptiores, & quãdam  
 morum prãcepta uilissima continent, deque uno Deo  
 colendo nonnulla uera inueniuntur apud eos, quod eo-  
 rum tanquam aurum & argentum, quod non ipsi insti-  
 tuerunt, sed de quibusdam quasi metallis Diuinã pro-  
 uidentie cruerũt, debet eis auferre Christianus ad vsũ  
 iustum prãdicandi Euangelij. Vestem quõq; illorum,  
 idest hominum quidem instituta, sed accommodata  
 humanã societati, qua in hac uita carere non possu-  
 mus, accipere atq; habere licuerit in vsũ conuertẽ-  
 da Christianum. Hęc S. Augustinus.

Secundo loco Sancti Patres Veritatem apud Ethni-  
 cos inuentam, non transferebant ad vsũ pietatis, for-  
 didam & inquinatam, qualem apud illos repererant;  
 sed purgatam prius ac in pristinum splendorem restitu-  
 tam, quod ante S. Augustinum egregiẽ declarauerat  
 S. Hieronymus. In Deuteronomio Domini uoce prã-  
 cipitur, mulieris captiuã radendum caput, supercilia,  
 omnes pilos & ungues corporis amputandos, & sic eã  
 haben-

habendam in coniugio. Quid ergo mirum si & ego sapientiam secularem propter eloquij venustatem & membrorum pulchritudinem de ancilla atq; captiua Israelidem facere cupio? & si quidquid in ea mortuum est idolatriæ, voluptatis, erroris, libidinum, uel præcido, vel rado, & mixtos purissimo corpori vernaculos ex ea genero Domino Sabaoth? Labor meus in familiâ Christi proficit, stuprum in alienam auget numerum confervorum. Osee accepit uxorem fornicariam Gomer Osee. i. filiâ Debelahim, & nascitur ei de meretrice filius Israel, II. 7. qui vocatur semen Dei. Esaias nouacula acuta barbam & crura radit peccantium. Et Ezechiel in typo fornicantis Hierusalem tondet cæsariem suam: ut quicquid in ea absq; sensu, & vita est, auferatur. Hæc S. Hieronymus. S. Basilius cum reiicienda quæ vitiosa sunt in gentilium monumentis docuisset, adscribit exemplum elegantissimum apum, quo discamus id solum quod apud illos bonum est verumue, in nostrum vsum conuertendum. Velut enim ait apes, non omnibus floribus similiter insidunt, neq; ex eis ad quos accedunt, omnia auferre conantur, sed quantum ipsis ad opus necessarium fuerit, comprehendentes, reliquum dimittunt. Hos etiam ut sobrij sapientesq; quantum congruum nobis, propinquumq; ueritati ex ipsis fuerit, prosequamur, reliquum prætereamus. Sic S. Basilius.

Lib. de uni  
lit. capien  
da ex lib.  
Gent.

Tertiò ueritate accepta à gentilibus ad eorum falsa dogmata confutanda pietateq; Christiana confirmanda utebantur Patres, ac ut S. Hieronymus loquitur, didicerant cum uero Dauid extorquere de manibus hostium gladium, & Goliæ superbissimi caput proprio



In finelib.  
6. de Musi-  
ca.

mucrone truncare. Nec id solum, sed liberalibus disciplinis administris, humana & ad infirmiorum captum sensumq; accommodata argumenta sequebantur, potius quàm neruosiore alias ex Diuina Theologia depromptas ratiocinationes, quod se fecisse S. Augustinus testatur aduersus quosdam quos per fraudem errore deceptos ab hæreticis comperit. Nos inquit, dum negligendos esse non existimamus, quos hæretici notionis & fallaci scientiæ pollicitatione decipiunt, tardius incedimus consideratione ipsarum viarum, quàm sancti viri, qui eas volando non dignantur attendere. Quod tamen facere non auderemus, nisi multos pios Ecclesiæ Catholicæ matris optimæ filios, qui puerilibus studijs loquendi, ac differendi facultatem, quantum satis est, consecuti essent, eadem refellendorum hæreticorum necessitate fecisse videremus. Hæc S. Augustinus.

Lib. 4. con-  
fess. c. 16.

Ep. 56.

Quartò in studio profanarum artium cum versati sunt viri sancti, id ita fecerunt, vt studia omnia sua, omnesq; labores ad vnâ Dei gloriam omninò referrent, quod caput est Christianæ pietatis ac deuotionis. S. Augustinus cum adhuc errore detineretur Manichæi, non dolet quod artes omnes liberales didicerit, sed quod inquit Deo, non inde sacrificabam tibi. Itaq; mihi non ad vsum, sed ad perniciem magis ualebant. Nam quid mihi proderat bona res, non vtenti bene? Et alio loco cum argueret Dioscorum quendam, quem discendi cupidum deprehenderat, sed gloriolæ cupiditate non salutis suæ, aut Dei gloriæ ait, quod non dico, quia istæ discuntur quæstiones, sed quia tali fine discuntur. Hunc enim finem iam certè sentis esse nugatorium, inanem,

ven-

ventosum; Habet & tumorem, sub quo etiam tabes gignitur, & pupilla mentis ad non videndum opulentiam veritatis offunditur. Hec ibi.

Ceterum, non solum profanarum artium cognitione superbia effertur hominis animus, sed ipsa etiam veritatis Christianae Doctrina. Siquidem de omni scientia dictum intelligitur, scientia inflat. Huius mali causam reddit omnium liberalium artium ac Theologiae columnen S. Thomas, nec solum causam adfert, sed simul etiam remedium tanto malo. Causam sic; Scientia & quicquid aliud ad magnitudinem pertinet, occasio est, quod homo consideret de seipso, & ideo non totaliter se Deo tradat, & inde est quod huiusmodi quandoque occasionaliter deuotionem impediunt. Remedium vero sic; Si tamen inquit scientiam & quaecumque aliam perfectionem homo perfecte Deo subdat, ex hoc ipso deuotio augetur. Industria igitur nostrae est, cum Dei gratia occasione Superbiae in occasionem Deuotionis convertere, & quo nos magis supra nos erigit multarum rerum cognitio, eo nos magis Deo subiiciat pia & incensa cupiditas Deo seruiendi, nostrisque studiis in eius amorem quotidie magis exardescendi.

Quod de literatorum statu dictum est haecenus, idem de omni alio genere vitae ac Christianae Vocationis dictum putandum est: nulla enim conditio Christiani hominis adeo mundanis ac terrenis muneribus alligata ac implicata esse potest, quin Christiana sit, hoc est suis temporibus & sua certa ac propria ratione pia, religiosa, De Deo cogitans, Deum inuocans, & deuotionis internae affectionibus Deum colens, Deoque inhaerens. Matri-

monio iunctos quomodo id faciant, docet Apostolus sæpè, S. Petrus etiam & S. Ioannes in suis Epistolis. Sed quid est quod à religiosis & deuotionis actionibus magis animum hominis abalienet, quàm vita militaris, siue illa sit soluta & libera, ut in otiosis cessationibus, siue proprijs occupationibus implicata, ut in stationibus, & cum bellum geritur? Hanc tamen vitam ad pietatem etiam informat Euangelica Doctrina. Et S. Augustinus luculentatur de militari institutione Epistolam scribit

Ep. 205.

Ser. Ezhor  
ratorio ad  
milites re  
pli cap. 4.

Bonifacio Comiti; cuius illud primum præceptum est. Hoc inquit primum cogita quando armatis ad pugna, quia Virtus tua etiam ipsa corporalis donum Dei est; sic enim cogitabis de dono Dei non facere cõtra Deum. Vltimum verò illud, in omnibus actibus tuis Deo claritatem, tibi verò humilitatem. S. Bernardus eadem de re præclare scripsit cum milites templi Hierosolymi tani instituit. Idem ij Patres alijque cum Virginibus, Viuis, Clericis, Episcopis, Monachis, Principibus, omnibus deniq; cuiuscunq; Christianæ professionis hominibus normam ac præcepta viuendi tradunt, quorum caput est illud. Deuotio erga Deum.

Lib. 4. in  
1. Reg.  
cap. 9.

Primum deuotionis indicium est mentis custodia, sic habet S. Gregorius in illa scripturæ Verba, comedent, qui uocati sunt. Ieiuni inquit uocantur ad comestionem, qui à prauis desiderijs mentem custodiunt, & per gratiã spiritus sancti ad internæ dulcedinis experientiam trahuntur. Vocati ergo ieiuni tunc comedunt, quando hi spiritualis gratiæ deuotione pascuntur, qui ad eam percipiendam se magna mentis suæ custodia parauerunt.

Ibid.

Secundum Indicium est ex eodem S. Gregorio mortificatio



tificatio prauarum affectionum appetitionumque nostrarum, quia inquit carnalia nostra destruimus, cum ardenti deuotione ad cælestia subleuamur;

Tertium Indicium est spiritualis cordis lætitia: cui minime repugnat aliqua eodem simul tempore spiritualis animi tristitia, siue ea sit in animæ rationalis appetitu, siue in sensu, potior tamen & per se proprius deuotionis effectus lætitia est, quàm tristitia. Sic docet S. Thomas, si quidem ex Dei consideratione lætitia existit. 2.<sup>a</sup> 2.<sup>a</sup> q. 81.  
art. 4. Me mor enim ait Propheta fui Dei, & delectatus sum, hanc Psal. 76. delectationis uoluptatē comitatur certus dolor, quod adhuc tam absimus longè à Deo quem ardentè expetimus; propterea idem vates: Sitiuit anima mea ad Deum Psal. 41. fontem viuum. Et postea: Fuerunt mihi lachrymæ meę panes, dum dicitur mihi quotidie, ubi est Deus tuus. Ex recogitatione etiam malorum nostrorum primò quidem oritur dolor, quod ijs simus ac fuerimus obnoxij, post etiam gaudium quod ex ijs per Dei misericordiã partim iam emerferimus, partim eripiendos nos planè fore certa fide speremus. Sed hæc spiritualis lætitia proximè sequitur amorem erga Deum qui fons & parens est Deuotionis, quanquam letitię non semper sicut Deuotionis, potest enim Deuotionis actus sine lætitia spiritus animo exerceri, siue id accadat culpa nostra siue Dei permissione.

Quartum Indicium est affectio feruida erga Christū Dominum, & præcipuè erga passionem eius Sacratissimam. Est enim Christus Dominus ostium vt ita dicam necessarium ad inueniendā Diuinitatis per contemplationem pascua, præsertim si huius ostij postes & limina,  
cuius

eius quem in passione profudit sanguine oblinantur, & exornentur; Quam ob rem, sicut ad amandum Deum  
 Ibid. ad 1. ait S. Thomas manuducimur per Christi amorem, sic ex deuotione erga Christum passum gradum nobis facimus ad Deuotionem erga Deum.

*De Actione & Occasionibus obseruantia præsertim erga Ecclesiasticos Patres. Cap. VIII.*



Sequuntur Actiones aliarum Virtutum quæ iustitiam æmulantur, in quibus explicandis quod etiam præstandum erit in partibus Fortitudinis & Temperantiæ, nihil nobis repetendum, quod scriptum iam alibi à nobis sit, propterea breuius agendum. Et quidem de pietate in parentes iam dicta satis sunt. De obseruantia erga Maiores præsertim Religionis Christianæ Præsides Magistratusque plura quæ desiderari possunt, adscribimus.

Et primum illud. Obseruantiam non solum esse actionem cultus externi erga Maiores, sed etiam ex uoluntate proficisci debere, bonaque affectione erga illos. Affectio autem oritur ex existimatione recta quam habere debet inferior de præstantia superioris, cui propterea hoc quasi debitum honoris per obseruantiam animi corporisque exoluit. S. Gregorius in illa verba libri primi Regum: Et non attulerunt ei munera. Spiritualia inquit munera Rectoribus nostris tribuimus, quando eis debitam honoris reuerentiam offerimus, & ea quæ præcipiunt, cum magna deuotione seruamus. Magna enim munera sunt reuerentia honoris, & humilitas subie-

Lib. 4. in  
 1. Reg.  
 cap. 11.

subiectionis, quia dum Rectoribus nostris & intus per humilitatem subdimur, & per exteriora obsequia foris honoris reuerentiam exhibemus, munus ei vnum præbemus à corpore, aliud à corde. Superbos postea dicit esse illos, qui neutrum horum præstant.

Deinde considerâda hoc loco est excellentia Christianæ Virtutis, eius etiam quæ si cum aliarum Virtutū principibus, Theologicis præsertim conferatur, non tanti nominis ac momēti esse videatur, qualis fortè aliquibus videri possēt hæc, qua de nunc agimus, Obseruantia. Mirum enim est, quam exquisitam hanc à nobis requirant Sacræ Litere, nam vt nihil dicam, quod seruos & mancipia ipsa iubent seruire Dominis etiam Gentilibus & insolentibus, tanquam Deo; omittā pariter quod tradunt de recognitione Diuinæ potestatis in Principibus omnibus, qui iure præsumunt, qualescunq; demum illi sint, siue Christiani, siue Barbari, siue probi, siue improbi; Quia non est potestas nisi à Deo, quæ de honore deferendo Magistratibus religionis præscribunt, sunt planè singularia. Proponunt Sacerdotes nobis tanquā Principes. Constitues eos Principes super omnem terram; nec Principes modo, sed Reges, Melchisedech Rex Salem, Sacerdos Dei altissimi, nec Reges solū, sed Angelos, Angelus enim Domini exercituum est. Nec Angelos tantum, sed Deos. Constitui te Deum Pharaonis. Deus stetit in Synagoga Deorū. Iccirco vult Deus ipsos audiri à nobis, eorūq; dictis nos præsto esse æquē ac suis. Qui uos audit, me audit. Illos nō offendi. Nolite tangere Christos in eos. Iniurias his factas suas reputat. Non est contra nos murmur vestrum, sed contra Dominum.

Rom. 13.

Psal. 44.

Gen. 14.

Heb. 7.

Mal. 2.

Exod. 7.

Psal. 81.

Psal. 104.



Exod. 16. minum. Scelera aduersus illos commissâ leuerrimè vindicat. Exempla vindictæ Diuinæ sunt multa in Scripturis Sacris, illa præcipuè, quæ Moysis tempore edita

Num. 16. sunt Diuinitus in Maria sorore improuisa lepra conspersa, & in Core, Dathan & Abiron, eorumque sceleris socijs: quos partim terra dehiscēs absorbit, partim ignis de Cælo demissus repentè consumpsit. Stat igitur Deo sententia hæc, vt plurimum honoris Sacerdotibus tribuatur, huncq; honorem sibi delatū existimat. Propterea S. Chrysostomus: An nescitis inquit, quod honor

Homil. 66. in Gen. ad ipsum Deum pertinet. Neq; igitur respicias eum, cui honor cōfertur, neq; enim debes propter illum, quod tuum est facere, sed propter eum, cuius Sacerdos est: ut & ab illo retributiones vbertim accipias. Propter quod & dicebat: Quod fecerit vni horum, & mihi fecit. Et

Matth. 25. qui accipit Prophetam in nomine Prophetæ, mercedem Prophetę accipiet. Propria enim facit Deus, quæ in seruos collocantur. Igitur sicut suum esse honorem, & contemptum dicit. Hæc ille. Ex quibus omnibus quis non intelligit, quantam obseruantiam, eamq; quàm non externam modo, sed etiam internam, non conformatam ad specimen & oculorum iudicium, sed ex animo planè pio atq; ad omne submissionis & modestiæ genus spontè propenso nascentem exigant à nobis Scripturæ Diuinæ?

Ac sanè innumeræ sunt & magnæ rationes illæ, quæ homines ad hanc obseruantiam præstandam Ecclesiasticis Patribus inducunt; quæ simul occasiones sunt ualde opportuniæ eandem cum eâ se offerunt, exhibendi. Has breuiter S. Prosper sic recenset. Pro peccatis omnibus

Lib. 2. de  
Vita con-  
tēpl. c. 2.

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

bus inquit velut pro suis infatigabiliter supplicāt Deo, Auertunt iram futuræ aduersionis à populo, per Dei gratiam sunt Diuinæ voluntatis iudices, Ecclesiarum Christi post Apostolos fundatores, Fidelis populi duces, Veritatis assertores, prauæ Doctrinæ hostes, omnibus bonis amabiles, & malè sibi conscijs etiam ipso visu terribiles, Vindices oppressorum, Patres in fide Catholica regeneratorum, prædicatores cælestium donorum, Primi præliatores inuisibilium præliorum, Exempla bonorum operum, documenta virtutum, & forma fidelium; Ipsi sunt Ecclesiæ decus, in quibus amplius fulget Ecclesia, Ipsi columnæ firmissimæ, quibus in Christo fundatis innititur omnis multitudo credentiū, Ipsi januæ Ciuitatis æternæ, per quos omnes, qui credūt in Christum, ingrediuntur ad Christum, Ipsi ianitores, quibus clauē datæ sunt regni cælorum, Ipsi etiam dispensatores regis domus, quorum arbitrio in aula regis æterni diuiduntur gradus, & officia singulorum. Hæc S. Prosper. His addenda præcipua illa & maxima, & quæ instar omnium aliarum esse debet, quas etiam longè superat potestas in Christi verum corpus, illud nimirum consecrandi & conficiendi sub specibus panis & vini, ac in hostiam viuæ & vitæ sanctis hominibus adeo salutarem ac necessariam singulis diebus in Ecclesia pio ac sollempni ritu offerendi. Hæc qui sigillatim & accuratè cogitauerit, satis superq; habebit unde obseruare ac uenerari debeat tantos viros. Præsertim exemplo præcuntibus in hoc cultu ipsis Imperatoribus ac Regibus, alijsque omnibus prudentissimis ac sanctissimis viris, quos omnibus antè seculis tam multo desdit

Lib. 10.  
Hist. Eccl.  
ca. 2. apud  
Eusebiu.

Ecclesia. Rufinus de Constantino Magno sic scribit. Cū  
resedisset (infimo loco, & post trecentos & octodecim  
Episcopos qui Nicēam cōuenerant aduersus Arrium)  
suscepit à singulis libellos (iurgiorum), quos simul om-  
nes in sinu suo continens, nec in eis quid contineretur  
aperiens, ait ad Episcopos. Deus vos constituit Sacerdo-  
tes, & potestatem uobis dedit de nobis quoque iudi-  
candi, & ideo nos à uobis rectè iudicamur. Vos autem  
non potestis ab hominibus iudicari. Propter quod Dei  
solius inter uos expectate iudiciū, & uestra iurgia quæ-  
cunq; sint, ad Diuinum illud reseruentur examen. Et  
post. Quæ cum dixisset, omnes simul querimoniarum  
libellos iussit exuri, ne innotesceret ulli hominum si-  
multas Sacerdotum. Hæc ibi. Attila Gothorum Rex sa-  
uissimus, cum honorem habuit Leoni Sanctissimo Pon-  
tifici, ut eo audito, ex Italia in quā ingressus omnia iam  
ad vastitatem designauerat, cum copiosissimo exercitu  
quem ducebat, statim sit in Pannoniam reuersus. Notis-  
sima sunt quæ alij Imperatores Iouinianus, Teodosius,  
Valentinianus, Gratianus, Teodosius iunior, Arcadius,  
Honorius, in ordinis Sacerdotalis homines, ac in ipsū  
ordinem vniuersum beneficia & ornamenta contule-  
rint. Certe legem tulit Constantinus (si credimus Teo-  
doreto) qua decernit plurimum honoris deberi homi-  
nibus in Sacerdotali dignitate constitutis, interitum in-  
terminatus horum insectatoribus. Multa de alijs prin-  
cipibus viris, Regibus, Imperatoribus antiquioribus &  
recentioribus afferri possent ad hanc eandem rem con-  
firmandam, quæ breuitatis causa omittuntur illud non  
silendum, quod tradunt historiæ, Nicephorus preser-  
tim,

Lib. 1. Ec-  
cles. hist.  
cap. 1.

Lib. 14.  
hist. Eccl.  
cap. 43.



rim, cum vt populi Constantinopolitani yehementissimo iuftissimoq; defiderio fatisficerit, ab exilio corpus S. Io. Chryfoftomi Teodofij iunioris iuffu reuocaretur, numquã loco tumulus dimoueri potuit, donec litteras fcripferit fupplices Imperator, quibus petita pro parētibus venia, ac faftu ut ipfe dicit, Imperiali depofito, quæcunq; potuit honoris ac reuerentiæ figna erga facrofanctas eius reliquias oftenderit. Sic enim poſitis ſupra pectus ſãcti corporis litteris, peruigilio peracto, fuſiſq; ad Deum precibus, tum demum tumulus ſe adducētib; facilem præbuit, ac curru Imperiali uectus, in ſanctorum Apoſtolorum templum illatus eſt. Ibi Imperator ſacro tumulo clamyde tecto, & fronte atq; oculis urnæ impoſitis communem ſupplex precationem pro parentibus fecit, ſeorſum uerò pro matre (hæc cauſam exilio dederat) precatus eſt, ut tumuli eius motus, atq; ſtrepitus conſiſteret. Triginta enim & quinque annos iam is quatiebatur, quo tempore ſcilicet & iplam Eccleſiam concutiebat. Nec ille id non exorauit. Confeſtim namq; urna eius conſtitit, hæc ex Nicephoro. De S. Frãciſco Minorũ parēte ſcribunt aliqui dicere eum ſolitũ, ſi cui ſanctorũ è cælo in terrã delapſo, & cũ illo ſimul Sacerdoti fortè occuriſſet, prius ſe Sacerdotis manibus oſculũ daturũ, deinde reuerentiã facturũ ſancto, plus ſe debere illi ſignificans qui Chriſti in terris vicẽ gereret, quã illi, quẽ iã cũ Chriſto in Cælis regnare cognofceret.

Sed eſt hoc loco reſpondendum quibuſdam imperitorum hominum dictis aduerſus patrum Eccleſiaſticorum reuerentiã. Idq; potiffimum ſenſibus ac uerbis. S. Io. Chryfoſtomi honoris eorum patroni optimi &

Homil. 2.  
In cap. 1.  
Epist. 2. ad  
Timot.

assertoris. Primò quibusdam in mentem uenit friuola sane dubitatio, non tamen contemnenda, num sint illi diuinitus ordinati. S. Chrysostomus. Nempe nisi tu hanc habeas opinionem Deum ordinationis eorum auctorem esse, spes tua inanis facta est. Nam si nihil per illum operatur Deus, neq; lauacrum habes, neq; mysteriorum particeps es, neq; benedictionibus fruens. Nò ergo Christianus es. Quid ergo? Deus omnes ordinar, per omnes ipse operatur, salutem populi moliens, non illorum intuens merita. Nam si per A sinę os, si per Barlaam scelestum hominem populi causa locutus est, multo magis loquitur per Sacerdotem plebis suę gratia. Quid. n. nò agit Deus salutis nostrę causa? quid nò loquitur, per quē non operatur? si enim per Iudam operatus est, per Prophetas, quibus dicturus est: Non noui vos, discedite à me, qui operamini iniquitatem, perq; illos, qui demones in nomine suo eiecerunt, non magis Sacerdotes Diuino Mystério famulantes operabitur.

Matth. 7.

Hom. 19.  
in Acta  
Apost.

In Ps. 14.

Hęc iccirco scribit S. Chrysostomus, non quod existimet baptismum à non Sacerdote collatum non esse ualidum, nam approbat alibi Baptismum datum à Philippo Diacono, ab Anania item nondum Sacerdote. Quin idem S. Doctor alio loco cum Catholica Ecclesia asserit Baptismū etiam ab Arianis & Eunomianis de ritu Ecclesię exhibitum, esse legitimum. Loquitur igitur hoc loco S. Chrysostomus de ministro ordinario, quē in Baptismo certum est esse Sacerdotem, & ait si Sacerdos, non habet potestatem à Deo Baptizandi, ut tu duritas, nec tu ab alio Baptismum suscepisti, ergo tu non es Baptizatus, & perspicuus est sensus ex illis uerbi sis,

Deus

Deus non est ordinationis eorum auctor, hoc est non contulit in eos potestatem Baptizandi ex officio &c.

Secunda dubitatio est Sacerdotes fortè honore suo prauis se moribus indignos reddere. S. Chrysostomus. Si prepositorum uitas discutere pergimus, ipsi Doctores nostros ordinare contendimus: puerusq; ordine naturali, quæ supra sunt infra esse uolumus, ut superius sint pedes, inferius uerò sit caput. Audi quid Paulus dicat, Mihi autem pro minimo est, ut à uobis iudicer, aut ab humano dic. Et interu. Tu quid iudicas fratrem tuum? si fratrem iudicare non expedit, quanto minus magistrum? 1. Cor. 4. Rom. 14.

Tertia dubitatio. Non distribuit pauperibus, non bene dispensat Ecclesiæ res. S. Chrysostomus. Vnde tibi id constat? Noli illum culpares antequam discas. Reatū caue, plurima quippe ex simplici suspitione iudicantur. Imitare Deum tuum, audi ipsum dicentem, descendens videbo si secundum clamorem consumatur, sin autem, ut suam. Quod etsi didicisti, & examinasti, & uidisti, iudicem sustine. Noli præripere Christi iudicis ordinem. Illius est munus ista discutere, non tuum. Tu seruus ultimus, non Dominus es, quis ipse es, Pastorem noli curiosè discutere, ne eius quoq; criminis reus tenearis, qui illum accusare præsumis. Gen. 18.

Quarta dubitatio. Et quomodo ipse mihi dicit, quæ ipse non facit? S. Chrysostomus. Non tibi ipse dicit, nam si illi non obtemperas, mercede priuaris. Christus hæc admonet, plus aliquid dicam. Ne Paulo quidem obedire oportet, si quid dixerit proprium, si quid humanum, sed Apostolo Christum in se loquentem circumferenti.

Quinta



Quinta dubitatio. At debet ille melior esse quam ego, quia sacerdos est. S. Chrysostomus. Et quid non habet ille amplius, quam tu? Non labores, non angores, non erumnas? Debet esse te melior. Quid ergo? Nisi sit, te ipsum perdis, ac perimis? sunt verba ista plena arrogantiæ. Vnde enim nosti, illum non esse meliorem? Cur te ipsum per precipitia impellis? Nempe si quis dixerit, ille purpuram habet, quamuis scias id, aurem obruis, & cum arguere possis, protinus resilis, teq; scire dissimulas, nolens gratis subire periculum. Quid ergo in hoc loco periculum minimè necessarium suscipis? Non carent reatu hæc uerba, audi quid dixerit Christus. *Marth. 12.* Dico autem uobis, quod omne uerbum otiosum, quod locuti fuerint homines, reddent rationē de eo in die iudicii. Cur te ipsum quouis arbitraris esse meliorem? cur non ingemiscis magis, ac pectus tundis, atq; in humum respicis imitando felicem publicanum? Et si enim melior sis, hac scæda existimatione tua cuncta perdidisti. *Luc. 18.* Melior es, tace, ut persistas esse melior, quod si loquaris, omnia exinanisti; Phariseus cum dixit aduersus publicanum, non sum sicut iste publicanus, omnia perdidit. Tu de Sacerdote dicis, non sum sicut iste sacrilegus, & non omnia prorsus amittes?

Sexta dubitatio. Quid ergo intueri debeo in Sacerdote? quid ab eo, quandoquidem mihi pater est & Dux, expectare? S. Chrysostomus. Magister hic solum iam ordinem implet. Erunt inquit omnes docibiles Dei, neq; dicent: agnosce Dominum, omnes enim agnoscant me à minimo usq; ad maximum eorum. Reuerere Patrem spiritualement, quod tibi singulis diebus Diuina ministrat,

Scriptu-

Scripturas relegi facit, tui gratia exornat domum Dei, propter te vigilat, propter te vota persoluit, pro te Deū precātur adstat, tui causa preces exsoluit, pro te apud illum religio, cultusq; & obsequium est, pro te ista omnia. Reuerere hęc ergo, atque considera, accede ad ea summa cum reuerentia. At malus ille est, & hoc ad te quid? numquid enim quī malus non est, ipse tibi magna ista & Diuina largitur? Absit. Fides tua ad omnia valet, neq; tibi iustus quispiam proderit, nisi ipse fidelis sis, neq; nocere malus, si fueris ipse fidelis; per vacas in arca operatus est. Deus, cū populū saluare uellet. Non possunt Sacerdotes, quæ Deus ipse largitur, ueluti Sacerdotali Virtute perfici omnia, quippe Diuine sunt gratiæ. Horum tantū est aperire os; ceterum Deus cuncta operatur. Symbolum iste sacerdos tantummodo implet. Intuere quantum inter Ioannem & Iesum inter est, prius tamen quā à Ioanne Baptizaretur Iesus, non descendit Spiritus, neq; Ioānes illū descendere fecit. Matth. 3.  
Io. 1 & 3. Cur ergo istud sit? ut scias Sacerdotē symbolum implere tantummodo. Nemo homo tantū distat ab homine, quā tum à Christo Ioannes, Descendit tamen Spiritus, ut discas Deum omnia operari, Deum omnia facere. Volo quiddam adijcere planē mirabile. Et nolite mirari, neq; turbemini. Quid uero istud est? sacra ipsa oblatio. Siue illam Petrus, siue illam Paulus, siue cuiusuis meriti Sacerdos offerat, eadem est, quam dedit Christus ipse discipulis, quamq; Sacerdotes modo quoq; conficiunt. Nihil habet ista quā illa minus. Cur id? quia non hanc sanctificant homines, sed Christus, qui illam antē sacrauerat. Quemadmodum enim uerba quæ locutus est  
Chri-

Christus, eadem sunt, quæ Sacerdotes nunc quoq; pronunciant, & oblatio eadem est, eademq; Baptismi ratio est, adeo omnia fide consistunt. Et hoc igitur Christi corpus, & illud est, qui autem hoc illo minus aliquid habere putat, ignorat Christum esse, qui nunc etiam ad est, atq; operatur.

Septima dubitatio. Quid si doceat Sacerdos aut falsa, aut inutilia? S. Chrysostomus. Si fidei dogmata peruerat, etiam si Angelus sit, obaudire noli, sin uerò recta docet noli vitæ, sed verbis intendere. Habes Paulum verbis te operibusq; moderantem.

Ultima dubitatio. At cuius est iudicare Sacerdotem? Rom. 14. Rectè Apostolus. Domino suo stat, aut cadit. S. Chrysostomus. Si quidem hoc statuit Deus, (nempe tibi hoc officium curamq; demandauit,) bene facis. (corrige do) peccasq; ni facis, sin uerò contraria præcipit Deus, noli præsumere, neq; ea coneris, quæ super te sunt. Insurrexerunt aduersus Aaron post vituli formatam effigiem Core, Dathan, & Abiron. Quid ergo? nonne illi perire; Quilibet quæ ad se pertinent, sollicitè curet.

Quæ quanquam ita sunt, Sacerdotibus tamen maxime incumbit non solum ex uirtute, & sine vitio viuere, sed viam ipsam perfectionis & initio ingredi, & deinde constantissimè pergere. Nec satis inquit S. Gregorius Nazianzenus habere debet vitiosas animi formas obliterare, nisi meliores quoq; notas ipsis substituat, vitæq; integritate magis, quàm dignitate, & auctoritate præstet, nec modum sibi vllum honestè viuendi, & in virtute progrediendi constituat, nec lucro potius id quod cõplexu tenet, quàm detrimento id quod effugit, reputet.



*De Obedientia & Actione eiusq; præcipuis  
Indicijs. Cap. IX.*

**O**bedientia duplex est. Vna qua Deo præcipienti obtemperat homo. Altera qua paret homini homo propter Deum. Actio obedientiæ erga Deum est ex animo ac firm iter velle subijci Dei legi ac præcepto, sicq; profiteri me Deo subiectum esse, non solum quia à Deo factus sum, eiusque voluntate seruatrice sustentor, sed etiam, quia me vitamq; meam omnem eius prouidentia ac legibus regi & gubernari vehementer volo, hanc autem esse Actionem maximè propriam obedientiæ huius, intelligitur ex eo, quod hæc prorsus mens Dei est, atque consilium, dum præcipit, hancq; ob causam potissimū præcipit. Explicat id S. Augustinus more suo egregiè, cū .n. docuisset, Diabolum voluisse nullo regente viuere, addit: Homo autem positus sub præcepto audiuit à Domino Deo. Noli inquit, tangere hanc arborem. Quid est enim illa arbor? si bona est, quare non tango? si mala est, quid facit in paradiso? Profus ideo est in paradiso, quia bona est, sed nolo eam tangas. Quare non tango? Quia obedientem te uolo, non contradicentē. Serue audi prius, audi Domini iussum, & tunc iubentis disce consilium. Bona est arbor, nolo tangas, Quare? Quia Dominus sum, & tu seruus. Hæc tota causa est si parua est, dedignaris esse seruus? Quid artem tibi expedit, nisi esse sub Domino? Quomodo eris sub Domino, nisi fueris sub præcepto? Nihil abs te indiget Deus

De Ver-  
bis Domi-  
ni Ser. 34

(ait post pauca) nihil ergo tibi debuit iubere: si autem debuit aliquid iubere, ut te, quod tibi expedit, sentire esſe ſub Domino, neceſſe ab aliquo prohibendus eras, non propter illius arboris malitiam, ſed propter tuam obedientiam. Non potuit Deus perfectius demonſtrare quantum bonum ſit obedientia, niſi cum prohibuiſſet ab ea re quæ non erat mala. In qua obedientia tenet palmã, ſola ibi inobedientia inuenit pœnã. Et poſtea. Quare tetigit? Niſi quia ſua poteſtate vti uoluit, præceptum rumpere delectant, ut nullo ſibi dominante fieret ſicut Deus, quia Deo utiq; nullus dominatur. Excuffit à ceruice iugum, & diſciplinæ habenas non veſcendi libidine, ſed exultandi animo ſitate dirupit. Hæc S. Auguſtinus. Ergo velle parere, ac ſubeſſe præcepto, proprium eſt & præcipuum officium obedientiæ quæ Deo præſtatur, omiſſa interim conſideratione rei, quæ præcipitur, quæcunque ſit illa, ſiue ad ſalutem neceſſaria, ut Deum diligere, ac colere, proximum item amare, & ſimilia, ſiue nõ aliter mala niſi quia lege prohibetur. Nobiliſſimam Actionem hanc imitatur, id enim par eſt, Obedientia, quæ homini propter Deum deſertur. Hoc eſt, occupatur omninò tota non in cogitatione rei, quæ iubetur, ſed iuſſionis ipſius, nec cum uidet longè à peccati ſuſpicionem abeſſe id, quod præcipitur, aliud curat potius, aut cogitat, quam obtemperare, ac dicto audire quàm poteſt integerrimè, & accuratiſſimè. Eſt hæc ſanctorum Patrum Doctrina à S. Gregorio latè declarata. Puer inquit Samuel nec uocatus, nec repulſus offenditur, quia vocãtis aut repellentis animi non uidere noluit, qui in hoc ſolo gaudere nouerat, quod obediuit. Et  
quia

quia surgere, ad laborem, redire autem ad dormiendum pertinet ad quietem, quid insinuat, nisi quia utranq; nobis vitam præparat, si obedientis animus in eo quod agit, non nisi obedientiæ bonum pensat? Præceptum namq; in hoc solo pensari debet, quod Maioris præceptum est. Et qui obedientiæ bonum exequitur, non iniunctum opus debet considerare, sed fructum, quia ad promerenda æternæ vitæ gaudiâ non exquiretur qualitas operis, sed mortificatio propriæ, & executio alienæ voluntatis. Vnde & Paulus ait: Circūcisio nihil prodest, <sup>2. Cor. 7.</sup> & præputium nihil est, sed observatio mandatorum: Iam ergo apud omnipotentem Deum nec ea, quæ ad laborem, nec ea quæ ad quietem pertinet, parva sunt, si æternam vitam parare obedientibus possunt. Quisquis ergo alieno imperio subiectus est, hoc solum consideret, quia quod sibi secundum Deum iniungitur, valde magnum & excelsum in lucro est menti, quod vitam præparet in mercede retributionis. Et plura quæ sequuntur ibidem.

Sed occurrit in Actione Obedientiæ res planè mirabilis, & qua ad obedientiam erga Maiores commendandam nihil aptius excogitari poterat. Deum qui per se potest homini imperare, ut imperavit Abrahæ, Iacob, Moyse, & alijs, nulla necessitate aut accipiendi ab hominibus potestatem, aut consilij sui cum hominibus communicandi, palam interdum demonstrasse se, cum sic imperat, nolle tamè fieri quod imperat, nisi Maiorū iudicio quasi cōfirmetur, ac probetur prius. Quod S. Gregorius non minus acutè quàm sanctè observavit in eadem Samuelis historia. Et notandum ait: Quia quiescen

Lib. 2. in  
1. Reg.  
cap. 3.



tem puerum nesciente Helì Dominus excitat, sed tamen excitato nisi eodem Helì præcipiente uocationis suæ causam nequaquam manifestat, quia electos subditos occulta inspiratione ad supernæ patriæ desiderium erigit, sed per quietem vacare eos ad eam quam diligunt patriam, sine maiorum licentia non permittit. Quia ergo quoties vocatur puer, toties ire ad Magistrũ sinitur, quid est aliud, nisi quia ipsa Diuinitus inspirata subiectorum desideria, maiorum iudicio submittuntur? opus nanq; subditi Diuinitus inspirati, tunc Deo gratum esse cognoscitur, si maioris imperio aut permissione peragatur. Hæc ibi.

Ex his porro duæ existunt Actionis Obedientiæ illustrissimæ proprietates. Prior est, recognoscere dum pares, in præside Deum, nec dubitare eum, in præcipiendo vicem Dei gerere, modo nihil cõtra Deum uti dictum est, iubeat. Sic habet S. Benedictus in regula, sic S. Bernardus in libro de dispensatione, idq; probat S. Basilus in Cõstitutionibus ex Euangelij uerbis. Qui nos recipit, me recipit, & item alio loco, Qui uos audit, me audit. Et addit, Quod Apostolis dixit, intelligendus est in commune legem sanxisse in posteros, qui aliorum futuri erant moderatores, id ex multis, iisdemq; certissimis Diuinarum literarum testimonijs, manifestissimisq; argumentis probari potest. Et paulo post: Nihil aliud est antistes, (qui modo diligenter munus exequatur, cui præpositus sit, pietatem uidelicet) quàm is, qui personam Christi sustinet, & sequester est inter Deum & homines, qui in ipsius officio sunt, salutem sacrificans Deo. Atq; hoc à Christo ipso docemur, dum Petrum Ecclesiæ

sua

Cõst. Mo-  
nast. c. 23.  
Marth. 10.

LUC. 10.

IO. 21.

suæ Pastorem post se constituit. Hæc S. Basilius. Posterior  
 proprietates est, obtemperare simpliciter, nulla quæ-  
 sita præcepti causa. S. Chrysostomus hanc Deo obedi- Homil. 1.  
in Ep. ad  
Rom.  
 di rationem expendit in Apostolo Paulo, in illa verba  
 quæ Romanis scripsit: Nolo autē vos ignorare fratres, Rom. 1.  
 quod sæpè proposueram venire ad vos, licet præpedi-  
 tus fuerim ad hunc vsq; diem. Vide inquit, seruilis obe-  
 dientiæ modum, & simul animi admodum grati argu-  
 mentum. Quod fuerit prohibitus dicit, quamobrem  
 autem non item: neq; enim examinat Domini manda-  
 tum, sed paret tantum, quanquam par erat hæsitare,  
 quam de causa urbem tam splendidam, tam magnā,  
 & in quā se totius orbis oculi conuerterent, prohiberet  
 Deus quo minus talem magistrum tanto tempore affe-  
 queretur, si quidem quisquis imperantem, dominan-  
 temq; urbem vicerit, is & subditos paruo negotio ado-  
 riatur. At quisquis regaliore vrbe missa subditis subigē-  
 dis insidias parauerit, idem caput se negligere ostendit,  
 sed tamen nihil horum Paulus curiosè indagat, quin po-  
 tius incomprehensibili prouidentia cedit, partim ani-  
 mi sui moderationem spectatam faciens, partim nos  
 omnes erudiens, à Deo nunquam exigendam esse ra-  
 tionem eorum quæ facit, etiamsi multum eis animus  
 turbari videatur. Domini enim solius est iubere, famu-  
 lorum autem parere. Atq; hac quidem de causa quod  
 prohibitus sit, dicit, non autem quare prohibitus sit, ne-  
 que enim ego id scio, neq; me interrogetis, quænam sit  
 Dei uoluntas, aut sententia. Nam neq; figmentum opi-  
 fici dicit, quid me sic finxisti? qua igitur de causa & tu id  
 scire elaboras? nescis illum omnium curam habere, illū  
 sapien-

sapientem esse, nihil temerè agere, illum te magis amari quam proprii parentes ament, illum longo intervallo & patris pietatem, & matris curam vehementissimè superare? Itaq; nihil amplius peruestiga. Hæc S. Chrysostomus, quæ suasio S. Patris eo etiam spectat, ut in ijs quæ non sunt in nostra potestate, sed à Deo occultissimo providentiæ suæ consilio immittuntur, qualia sunt ægritudo corporis, aut etiam animi, paupertas, vexatio, calamitas, orbitas, illusio, destitutio, & alia similia, ita cōposito animo simus, ut quod adtinet ad obedientiæ actionem posthabita omni inquisitione alterius causæ in vna Dei uoluntate prorsus acquiescamus, dicamusq; cum Iob: Sicut Domino placuit, ita factum est, sit nomē Domini benedictum. Satq; nobis sit illud, Dominus est, qui iubet.

Iob. 1.

Atq; hæc eadem ratio efficere debet in obedientis animo parem ut ita dixerim incuriam & inconsiderantiam causæ, cum imperat quidpiam nobis homo quicumq; , quem sibi in cura nostri vicarium Deus substituit. Si enim huius sicut Dei dicto parere debemus, cur non æquè, non inquiramus cur ita iste dicat, pariter ac negligimus quærere si à Deo dicatur? atque hoc ipsum tradunt patres explicatissimè, vt alio loco docuimus, grauissimè autem S. Gregorius Nazianzenus illis verbis: Oues ne pascite Pastores, ne supra fines uestros asurgite, iudices ne iudicate, ne legislatoribus leges præscribite nec desunt, qui hoc ipsum ex Apostolo colligant, dum scribit de præpositis, ipsi enim peruigilant, quasi rationem reddituri pro animabus uestris, ac si diceret, ad eos spectare maximè peruigilare, & videre, quid

Orat. 9.

P. Valen-  
tia Tom. 3.  
disp. 7. q.  
3. p. 2.  
Heb. 13.



quid nobis bonum sit, & expediat, atq; adeo rationem pro nobis reddere in iudicij die eorum, quæ nos ex illorum præscripto fecimus, ut proinde non nos, sed illi timere debeant iudicium & condemnationem circa ea, quæ nos de eorum mandato præstiterimus.

Quod si subeat animum illa cogitatio, cum qui præcipit, interdum ad id adduci aut inordinata aliqua animi affectione, aut falsæ alicuius opinionis errore; non iccirco modo absit à re quam præscribit omnis culpæ suspicio, minus promptè ac integrè curandum est mandatum illud, si quidem mandatum inordinatum non est, nec vitiosum, ac proinde à Deo est, qui separat pretiosum à vili, viturq; culpa & errore maiorum ad subiectorum utilitatem. Id quippe est Dei vicarium esse hominem dum iubet, nempe Deum hominis præceptum ad obtemperantis beneficium dirigere, nec permittere vitiatam voluntatem ac mentem præcipientis vlla ratione obesse obtemperanti. Aliquid amplius scribit in hanc sententiam S. Gregorius, cum enim retulisset, Antistiti cuidam Romano adulantes clericos persuasisse, ut ad se arcesseret Sanctum Equitum Abbatem, obiurgaretq; quòd absq; Pontificis venia munus Apostolicæ prædicationis obiret, ac miraretur Petrus Diaconus, quem secum in eo dialogo colloquentem facit, quod de tali viro surripi pontifici tanto potuerit, respondet, Quid miraris Petre quia fallimur, qui homines sumus. An menti excidit, quòd Dauid qui Prophetiæ spiritum habere consueverat, contra innocentem Ionathæ filium sententiam dedit, cum verba pueri mentientis audiret quod tamen quia per Dauid factum est, & occulto

Libr. r.  
Dial. c. 4

Dei

Dei iudicio iustum credimus, & tamen humana ratione qualiter iustum fuerit, non videmus. Quid ergo mirum si ore mentientium aliquando in aliud ducimur, qui Prophetę nō sumus? Multum uerò est, quod vniuscuiusq; pręsulis mentem curarum densitas vastat, cumque animus diuiditur ad multa, fit minor ad singula, tātoq; ei in una qualibet re surripitur, quanto latius multis occupatur. Hęc S. Gregorius.

Exod. 4.

Parendum igitur malis etiam hominibus Magistratum gerentibus, cum non mala iubent. Ac si quid contrā nobis in mentem ueniat, iudicemusq; opere pretiū id Pręsidi aperire, ne ex eius ignorance pręceptum ad pręciplendum feratur, id licitum nobis est, tutēq; facimus, exemplo Moysis, qui cum iussus à Deo adire Pharaonē Regem Ægypti, causaretur linguę infantiam & tarditatem, audiuit à Domino Aaron frater tuus Leuites scio quod eloquens sit, & erit os tuum. Immo ita nos ante comparare debemus, ut, modo absit contraria ac pertinax cupiditas mentis, pro varietate mandatorum variam & ipsi ad parendum voluntatis pręparationem ad feramus, si enim optabilia, iucundaq; per se sunt, quę imponuntur, qualia sunt honorabilia; auerso potius quam propenso adeo animo simus, optandum est, laudandum contrā cum prompto animo accedimus ad ea obeunda, quę grauiasūt, difficilia, despicata, vilia, siquidem obedientia soror est humilitatis, eaq; maximē nititur, perficiturq; ; eadem autē humilitate & honorem repudiamus, & nos pro Dei gloria ad vilia quęq; deiicimus. Hoc subtiliter ac piē S. Gregorius. Cum huius inquit mūdi successus pręcipitur, cum locus superior imperatur,

I. lib. 35.  
Mor. c. 13.

peratur, is qui ad percipienda hæc obedit, obedientiæ sibi virtutem euacuat, si ad hæc etiam ex proprio desiderio anhelat, neq; enim se sub obedientia dirigit, qui ad accipienda huius vitæ prospera libidini propriæ ambitionis seruit. Rursum cū mūdi despectus præcipitur, cum probra adipisci, & contumeliæ iubentur, nisi ea se ipso animus hæc appetat, obedientiæ sibi meritum minit, quia ad ea, quæ in hac uita despecta sunt inuitus nolensq; descendit. Ad detrimentum quippe obedientia ducitur, cum mentem ad suscipienda probra huius seculi nequaquam ex parte aliqua etiam sua uota comitantur. Debet ergo obedientia & in aduersis ex suo aliquit habere, & rursum in prosperis ex suo aliquid omnimodò non habere, quatenus & in aduersis tanto sit gloriosior, quantum Diuino ordini etiam ex desiderio iungitur: & in prosperis tanto sit verior, quantum à præsentī ipsa quam Diuinitus percipit gloria funditus ex mente separatur. Hæc ille.

Hac eadem humilitate duce si quando non dubitamus id, quod præcipitur cum peccato aut peccati nostri periculo perspicuè coniunctum esse, si fiat, aditum patefacimus nobis vel ad monendum eum qui nos in tantum discrimen conijcit, vel ad imperium prudenter declinandū, tunc enim parendū non esse, satis certum est, & exploratum. nec deest ex eodem S. Gregorio documentum, sic enim scribit de Nonno Monacho.

Libr. 1.  
Dial. c. 6.

Dum quadam die in monasterio uetus oleum decesset, iamq; colligendæ oliuæ tempus incumberet, sed fructus in oleis nullus appareret, visum patri monasterij fuerat, ut circumquaq; fratres in colligendis oliuis ad



exhibenda extraneis opera pergerent: quatenus ex mercede sui operis aliquantulum monasterio oleum deportarent.

Quod vir Domini Nonnosus fieri cum magna humilitate prohibuit, ne exeuntes fratres ex monasterio dum lucra olei quærerent, animarum damna paterentur. Addit postea factum Nonnoso Diuino miraculo illi per simile, quod olim ab Helisæo Propheta editum est, Diuinitus confirmatum esse. Monasterij enim dolia pauculis olei stillis super fusa Nonnoso precibus oleo plenissima redundarunt. Vt hinc etiam intelligamus, Deum eorum qui ex animo obedientiam colunt singularem patronum ac rectorem esse, utq; non patitur, & cum simpliciter obtemperant, labi, sic cum propius nihil est, quam ut labantur, aut errent, si id præcipientium vitio fiat, protinus ab omni eos discrimine liberare.

Libr. 4.  
Reg. c. 4.

In Vita S.  
Romua.

similiter B. Romualdo accidisse apud Petrum Damianum legimus, cum enim falsi criminis insimulatus à quodam tanquam reus, tamen sceleris poenas à discipulis impositas ex animi demissione ac obediendi studio persolueret, atq; à sacrificio missæ iam ferè sex menses abstineret, à Deo monitus est, ut satis datum putaret iniuste aliorum voluntati, seq; deinceps sacrosancti altari restitueret, quod cum faceret per mentis excessum ad celestes delicias prægustandas raptus quæ se priuarat spirituali voluntate magno cum scœnore perfusus ac re creatus est.

De obediendi occasionibus paucis agendum est, ad duas potissimum reducuntur. Prima est expressum & apertum præceptum Præsidis: Secunda est ipsemet eiusdem

nutus,

nutus, ac uoluntatis significatio, ad utranq; obedientie cultor æquè promptum ac paratum se præstat, nilq; illi gratius, quàm Maiorum suorum uoluntatem sequi, studijs etiam obtemperare, eaq; cum perfecta non sunt explorare, ac diuinare; similiter illi de quo scriptum est: <sup>Psal. 1.</sup> In lege Domini uoluntas eius, & in lege eius meditabitur die ac nocte. Hoc est enim quod tradit Salomon: <sup>Prou. 15.</sup> Mens inquit iusti meditatatur obedientiam. Meditatur ait, quia nil illi familiarius, nil antiquius, aut gratius, quàm secumet disquirere, quæ sit sui Præsidis mens, quis animus, qua ratione eius uoluntatem ad unguem, & ut aiunt, ad literam possit explere: tunc etiam cum non loquitur, uel si loquitur id per interpretem facit, quod admirantur in S. Io Damasceno ij, qui uitam eius scribunt, non enim solum ad magistri arbitrium se fingebat totum sed si quid illi excidisset, quod rumore nuncio ut sit, ad Ioannis aures pertingeret, id ipsum ac si ab ore magistri explicatum mandatum accepisset, quanta maxima poterat alacritate exequebatur, esset illud quantumuis difficile, durum, laboriosum, horridum, visu etiam ac adoratu fœdum.

Indicia perfectæ obedientiæ sunt multa. Primum est cum amore ad parendum ducimur. Hanc appellat S. <sup>1. Pet. 3.</sup> Petrus, Obedientiam charitatis, eiusq; sunt omnes illæ charitatis proprietates quas recēset Apostolus in prima Epistola ad Corinthios, quare similiter ac charitas perfecta obedientia patiens est, benigna est, non emulatur, non agit perperam, non inflatur, & alia quæ ibidem scribit Apostolus. De hac S. Bernardus De Petri & Andree <sup>Serm. 2. in die S. Andree.</sup> uocatione tractans, explicansq; quàm promptè uocan-

tem Dominum sint secuti, ait, At illi continuò nihil di-  
iudicantes, aut hæsitantes, non solliciti unde uiuerent,  
non considerantes quonam modo rudes homines &  
sine literis prædicatores fieri possent: nihil deniq; inter-  
rogantes sine omni mora relictis retibus & naui secuti  
sunt eum. Agnoscite fratres, quoniam propter vos scri-  
pta sunt hæc, propter uos singulis annis in Ecclesia reci-  
tantur, ut discentes ueræ obedientię formam, castigetis  
corda uestra in obedientia charitatis, hæc nimirum est,  
quæ sola commendat obedientię nummum, hoc illius  
argentum est probatum, atq; purgatum. Sola est charitas quæ  
obedientiã gratã facit, & acceptabilem Deo. Hæc ille.

Secundum Indiciũ est, cum quis obediendo ratio-  
nem potius habet animi ac uoluntatis præcipientis,  
quàm uerborum quibus imperando utitur, tunc præfer-  
tum, cum qui iubet, ea modestia iubet, vix ut videatur iu-  
beat, ne, an roget, talis erat Apostolus, qui Philemoni  
sic scribit: Multam fiduciam habens in Christo Iesu im-  
perandi tibi, quod ad rem pertinet, propter charitatem  
magis obsecro, cum sis talis ut Paulus senex, nunc autẽ  
& uinctus Iesu Christi. Quare merito hæc præcipientis  
modestia promptam illam ac liberalem obedientiam  
requirit, de qua idem postea subscribit: Confidens in  
obedientia tua scripsi tibi, sciens, quoniam & super id,  
quod dico facies. Nec id repugnat simplicitati, quæ co-  
mes est Obedientiẽ perpetua, nam ut perfecta obedi-  
entia cæca est in non inquirenda ratione, cur quidq; præ-  
cipiatur, ita oculatissima est in pernecendo intimo præ-  
cipientis sensu ac uoluntate, ut ei quàm potest accu-  
ratus, planiusque satisfaciatur.

Tertium



Tertium Indicium est contemptio sui ac rerum omnium mundanarum perfecta despicientia, nec enim Christum quis poterit ad obedientiam vsq; mortis & crucis imitari, qui sui contemptu humilitate, patientia, mansuetudine, similibusq; virtutibus alijs pectus non planè munitum armatumq; gesserit. Secundum enim charitatem Dei obedientiam propriè gignit submissio animi, alit sui mundi; contemptus, roborat ac perficit patientia & mansuetudo, quam rem non pluribus confirmandam censeo, quod apud omnes testatissima sit, Ex historia tantum rem sub oculis pono.

Leo Ostiensis Episcopus in historia Cassinensi narrat de Carolo Manno, Caroli Regis Francorum filio, quemadmodum præ regni cælestis desiderio regno terreno posthabito, Romam adierit, seseq; in manus sūmi Pontificis tradiderit, (is erat Zacharias Papa) quem ille ait, clericum faciens, post aliquot dies huc illum ad B. Benedicti monasterium cum omnibus opibus suis Domino sub regulari magisterio seruiturum cum cæteris misit. Vbi sub prædicti Abbatis regimine (hic Petronax est, à B. Benedicto sextus Cassinēsis Abbas) cū omni humilitate & deuotione Domino seruans, aliquos transegit annos, non autem erit otiosum, quantæ humilitatis & obedientiæ fuerit, tradere. Cernens Abbas propositum eius seruans, uolens iuxta regulæ mandatum ipsius explorare patientiam, perseuerantiamq; cognoscere, paucarum ouium, quæ erant in monasterio curam illi tentauit iniungere, ut quotidie ad pascendū educeret, pascentes custodiret, pastasque reduceret. Quam ille obedientiam ac si ex ore Domini, seruenter  
ample-

Lib. I. c. 7.

amplexus, satagebat quotidie, quæ sibi fuerant imperata, perficere. Post paucos dies cum longiuscule pascendas duxisset oues, latrunculi quidam repente irruentes; aliquas ex eis nitebantur violenter arripere. Tum ille constanter accurrens oues inquit, curæ meæ commissas auferre vos nulla ratione permitto, de me autem quod Dominus permiserit, facere non contradico. Illi autem peruersæ mentis homines cum penitus expoliantes, abire ceperunt. At Carolus detegi pudenda non ferens femoralia tantum ab eis violenter eripuit, cetera patienter eos auferre permisit. Cumq; sic nudus ad monasterium rediisset, interrogatus ab Abbate & fratribus, rem gestam ex ordine pandit. Abbas verò probare uolens an uera esset, an simulata ista patientia, cepit eum vehementer arguere, eiq; segnitiam, ac stultitiam exprobare, cum ille nihil excusans ad omnia se peccasse fateretur. lubetur ergo vestiri, & ab opus solitum regredi, cum verò die quadam oues à pastu reduceret, una ex eis ægra, claudicare cepit, Videns ergo se ad constitutam horam occurrere nullatenus posse, claudicantem ouiculam imposuit humeris suis, sicq; cum omnibus ad monasterium rediit, sed dum rediret, ouiculæ quam gestabat humens perfundi eum lotio contigit. Quod ille quondam præpotens, ille regia dignitate conspicuus tanta patientia pertulit, tanta animi virtute tolerauit, ut ne ouiculam quidem iccirco deposuerit. Id cum Abbati nuntiatum fuisset, admirans tati uiri mansuetudinem, ac prorsus regiam humilitatem, Diuinoq; spiritu plenû animaduertens, præcepit, ut iam illo opere omisso, iuxta, hortulû sibi ut sciret, excoleret. Hæc Leo.

Quar.

Quantum Indiciū est, cum animus obtemperantis simpliciter ac prorsus acquiescit in imperantis voluntate, æquē, cum præcipit, quæ spiritualia sunt, ac cum imperat alterius generis quidpiam, & cōtrā. Hoc est enim ut antè diximus, obedire, vt obedias, non quia quod imperatur per se gratum nobis, aut optabiliter iucundum est. In quam sententiam illud est apud S. Gregorium scriptum. Nec magna lucra ieiunij, nec aspera vitæ studia deuoris Christi militibus in maiorum præcepto ualde pensanda sunt. Maioris enim est meriti charitatis iniuncta refectio, ieiunio propria deliberatione suscepto. Qui enim iussus carnē reficit, inuitus ieiunij premium deuotione promeruit, & ampliorem mercedem obedientiæ manducando conquisiuit. Atqui dixit Beatus P. Ignatius, obediendum est, cum miraretur medicus, quod feria quarta Maioris hebdomadæ iussui suo obtemperans carnes comedisset.

Lib. 2. in  
1. Reg.  
cap. 3.

P. Massius  
lib. 3. c. 7.  
Vitæ Ign.

*De Actione Simplicитatis. Cap. X.*

**S**implicитatis Actio propria est dolo ac simulatione deposita, cum præterefferre qui sis, ac ut ait S. Thomas ex cordis duplicitate non vnū præterefferre, & aliud intendere. S. Bernardus: Simplicitas candor est. Probamus à contrario, nam nauus duplicitas, parum dixi, macula est. Quid duplicitas nisi dolus? sed enim qui dolosè egit in conspectu Dei, inuenta est iniquitas eius ad odium. Et ideo, Beatus cui non imputauit Dominus peccatum, nec est in spiritu eius dolus. Pulchrè Dominus utranque notauit

2. 2. q. 109.  
art. 2. ad 4.

Ser. 71. in  
Cant.

Psal. 31.



Matth. 6. notauit maculam, dolum tristitiamq;. Nolite inquit fieri sicut Hypocritæ tristes.

3. p. Past. Circumstantias Actionis huius numerat S. Gregorius. Primam, simplices inquit monendi sunt, ut nouerint nonnunquam vera reticere, sicut enim semper dicentem falsitas læsit, ita nonnunquam quibusdam auditu veritas nocuit.

10. 16. Vnde coram discipulis Dominus locutionem suam silentio temperans ait: Multa habeo vobis dicere, sed nunc non potestis illa portare. Secundam. Vt sicut fallaciam semper uitant, sic veritatem semper utiliter proferant. Tertiam ut simplicitatis bono prudentiam adiungant, quatenus sic securitatem de simplicitate possideant, ut circumspectionem prudentiæ non amittant. Hinc namque per Doctorem Gentium

Rom. 16. dicitur: Volo vos sapientes esse in bono, simplices autem in malo. Hinc per semetipsam electos suos Veritas ad-

Matth. 10. monet dicens: Estote prudentes sicut serpentes, & simplices sicut columbæ. Quia videlicet in electorum cordibus debet & simplicitatem columbæ astutiâ serpentis acuire, & serpentis astutiam columbæ simplicitas temperare: quatenus nec seducti per prudentiam calleant, nec ab intellectus studio ex simplicitate torpescant.

31. Apud Sacras Literas & Patres usurpatur simplicitatis nomen paulò latius, significatq; proprietatem quamdam qua excellit Christiana & prisca probitas, nullo simulationis artificio specieiue fucata, sed sincera prorsus, & candida, fallere nec cupida, & nescia, iniuriæ, & uindictæ nec memor, nec penè dixerim, capax, sed ad omnem commiserationem & lenitatem prona, ad benemerendum & gratificandum ut propensa, sic apta.

De

De hac Apostolus ut in omnibus locupletati abunde-  
 tis in omnem simplicitatem, quæ operatur per nos gra-  
 tiarum actionem Deo, & postea glorificantes Deum in  
 obedientia confessionis vestræ in Evangelium Christi,  
 & simplicitate communicationis in illos & in omnes,  
 & in ipsorum obsecratione pro vobis, desiderantium  
 vos propter eminentem gratiam Dei in vobis. In quæ  
 verba S. Chrysostomus sic habet. Quis enim nõ obstu-  
 pesceret, quis non admiraretur hominem moribus sim-  
 plicem? vel quis non se iungeret ei, qui subdolus non  
 est? Et quorum aliorum est salus? & quorum magna bo-  
 na? Nonne pastoribus meritò Evangelium prædicatum  
 est? nonne Ioseph simplex quidam homo erat, & ita, ut  
 nec adulterij suspitione perterreretur, quo peccato per-  
 petrando consentiret? Nonne agrestes fuci expertes ele-  
 git? Anima inquit benedicta omnis simplex. & iterum.  
 Qui autem ambulat innocenter, ambulat cum fiducia.  
 At dicet quis, Nonne & prudentia opus est? Quid enim  
 aliud est simplicitas quàm prudentia? Quando enim ni-  
 hil suspicaris malum, neq; moliri poteris malum, quan-  
 do nihil fers molestè, neq; vindictam ineditari poteris.  
 Contumelia quis te affecit, non doluisti: calumniatus  
 est, nihil inde affectus es, odio persequitur, & sic quoq;  
 nihil affectus es. Via quædam est ad Philosophiam sim-  
 plicitas. Et paulo post. Quid igitur si in malos inciderit  
 vir talis? Deus qui præcepit esse simplices, porriget ma-  
 num. Quid simplicius erat Dauide? Quid Saule mali-  
 gnus? Vter igitur superavit? Quid item de Ioseph dices?  
 nonne simpliciter vsus est fratribus? nõne propter hoc  
 probatus fuit, eo quod ipse quidem omnia absq; suspi-  
 cione

Homil. 7.  
in Acta  
Apostolo-  
rum.

cione loquebatur, illi autem malignè infidiabantur. Somnia semel ac iterum dixit, & non sibi cauebat, & iterum ad illos abiit, cibos allaturus, & non sibi cauebat, totum committens Deo. Verum hi erga ipsi sunt tanquam hostem affecti sunt: ipse vicissim erga illos ut fratres, & poterat Deus non permittere illum incidere in illos, sed permisit, ut ostendatur miraculum: & quod licet illi quod poterant, declarabant, ille tamen vincat, & sic quamuis plagam accipiat, non à seipso, sed ab alio accipit, malignus autem seipsum quidem percutit primum, alium autem nullum, & sic sibi metipsi est hostis. Illius anima plena est mœrore perpetuo, cogitationibus semper complicitis siue audiendum, siue dicendum quid sit, omnia trahit ad crimen, omnia incubat. Hæc S. Chrysostomus. In eandem sententiam scribit S. Basilus. Simplex inquit, ut columba, qui ne simpliciter quidem de vlciscendo eo, qui sibi aduersarius sit, cogitat, potiusq; in instituto suo bene de illo merendi perseverat, ex præcepto Apostoli sui dicentis: Vos autem nolite deficere benefacientes. Ex his intelligimus quæ sint occasiones exercendæ simplicitatis, de quibus quia complicatæ sunt cum actionibus charitatis patientiæ & mansuetudinis, nihil est quod plura dicamus.

Reg. bre.  
Inter. 245.

1. Thef. 3.

Ser. de In  
uidia

Indicia simplicitatis inter alia sunt, primum longè ab inuidiæ moribus ac cogitationibus abesse. Nam si credimus S. Basilio, simulatio, & morum ingenijq; duplicitas, fructus est inuidiæ; Quando inquit in cordis recessu odium retinentes, charitatis speciem ore præferunt homines, non aliter quàm petra & scopuli marini,



rini, qui modica operti aqua, magnum ac cæcum non obseruantibus referunt malum.

Alterum Indicium est horrere mendacium, & peccati ac culpæ commissæ excusationem, & sanè ait S. Gregorius: Nihil est ad defendendum puritate, hoc est simplicitate tutius, nihil ad dicendum veritate facilius. Cōtra quam faciunt qui simplices non sunt, sed callidi ac vafri. Hi enim toti sunt ex fraudibus & mendacio compositi, ac in ipso penè facinore deprehensi ita se subitis ac commentitijs rationibus eripiunt, ac expediunt, ut dixeris vix comprehensas manibus anguillas statim è manibus esse dilapsas. Sed hoc ipsum similitudine adhuc elegatiore ac magis apposita explicat S. Gregorius, <sup>3. p. Past. Adm. 12. Il. 34.</sup> in illa enim verba Isaïæ: Ibi habuit foveam Hericius, sic ait: Hericij nomine impuræ mentis, seseq; callidè defendentis duplicitas designatur, quia uidelicet Hericius cum apprehenditur, & caput eius cernitur, & pedes videntur, & corpus omne conspicitur: sed mox ut apprehensus fuerit, semetipsum in sphæram colligit, & pedes introrsus subtrahit, caput abscondit, & intra tenentis manus totus simul amittitur, qui totus simul antè videbatur. Sic nimirum, sic impuræ mentes sunt, cum in suis excessibus comprehenduntur, caput enim Hericij cernitur, quia quo initio peccator ad culpam accesserit, videtur, pedes Hericij cōspiciuntur, quia quibus uestigijs nequitia sit perpetrata, cognoscitur, & tamen ad ductis repentè excusationibus, impura mens introrsus pedes colligit, quia cuncta iniquitatis suæ uestigia abscondit. Caput subtrahit, quia miris defensionibus nec inchoasse se malum aliquod ostendit. Et quasi sphæra

in manu tenentis remanet, quia is, qui concipit, cuncta quæ iam cognouerat, subito amittens, inuolutum intra conscientiam peccatorem tenet, & qui totum iam deprehendendo viderat, tergiuersatione prauæ defensionis illusum totum pariter ignorat. Foueam ergo habet Hericius in reprobis, quia malitiôsæ mentis duplicitas sese intra se colligens abscondit in tenebris defensionis. Hæc S. Pater. Occasio igitur non contemnenda ostendendæ simplicitatis est, apertè simpliciterq; fateri commissam culpam, non se excusare, non in alium culpam transferre.

*Actiones, Occasiones & Indicia Fortitudinis.*

*Caput*

*XI.*



Philosophi antonomasticè fortitudinis nomen & laudem fortitudini bellicæ tribuerunt, quòd cum fortitudinis proprium sit animum hominis uoluntatemq; continere in bono, honeste uel aduersus maxima mala, in eoq; corroborare ita, ut nec illa timeat, sed patiatur etiam, & si opus est, aggrediatur: maximè maximum malorum omnium, quæ corpori imminere possint, mortem; illa potissimum Virtus fortitudinis nomine donanda fuit, qua sese quis publici boni studio aperto mortis periculo obijcit, quod accidere in iusto bello cum pro communi Reipublicæ bono suscipitur, & geritur, nemo dubitat. Hanc etiam veteres appellarunt Heroicam, propriam Heroum, quos uti fortitudinis gloria præstantissimos celebrauit antiquitas, & uerò etiam ut solebat

audacter

audacter venerata est tanquam Semideos, hominesq;  
 de cælo delapsos. Quod ut similiter sentiant Scriptores  
 Sacri, altius tamen aliquid de fortitudine prædicant. An  
 te omnia donum Dei esse ipsam propriè fortitudinem  
 bellicam, quod David præclare cecinit toto Psalmo de- Psal. 17.  
 cimo septimo, cuius est initium. Diligam te Domini  
 fortitudo meo. Dominus firmamentum meum. & po-  
 stea. Quoniam in te eripiar à tétatione, & in Deo meo  
 transgrediar murum, quod alij sic vertunt. Quoniam Varabius.  
 in re militari cuneos perumpo, & in Deo meo murum  
 transilio. Item illud, Deus qui præcinxit me virtute, &  
 posuit immaculatam viam meam, sic, Deus est qui me  
 instruit Virtute Heroica, & viam meam expeditam fa-  
 cit, quod idem est, quod armat me bellica fortitudine,  
 ac ut intelligeremus, Deum non solum fortitudinis ha-  
 bitum in animo procreare, sed auxilio simul superna-  
 turali iuuare milites suos in ipso conflictu, artemque  
 & ardorem ad pugnam immittere, ait. Qui docet ma-  
 nus meas ad prælium. & Posuisti ut arcum arcum bra-  
 chia mea. Hoc est, Instruit manus meas ad pugnam, dat  
 que ut arcum calybeum brachijs meis confringam.

Deinde Sacræ Literæ fortitudinem bellicam ma-  
 gna laude dignam existimant. Immò laudantur in libris  
 Regum & Paralipomenon fortes David, hoc est He-  
 roes, quos habuit David bellorum & victoriarum so-  
 cios, eorumq; nomina & præclara facta commemoran-  
 tur. Siquidem ut S. Ambrosius scribit in fortitudine  
 bellica nō mediocris honesti ac decori forma est, quod  
 mortem seruituti præferat ac turpitudini, nec abs re de  
 ijsdem dicitur ab Apostolo: Fortes facti sunt in bello, ca-

2. Reg.  
 cap. 23.  
 1. Paralip.  
 c. 11. 12.

Lib. 1. offi-  
 cior. c. 41.

Heb. 11.



stra verterunt exterorum. Sed Christiana pietas longè  
 superiorem Philosophica fortitudinem bellicam etiam  
 statuit, cum eam ad vnam Dei gloriam eiusq; nomen  
 1. Reg. 18. amplificandum dirigit, quod in Scriptura dicitur prælia  
 . ri bella Domini, hoc est propter Dominum. Propterea  
 Psal. 26. Dauid cum dixisset: Si consistant aduersum me castra,  
 non timebit cor meum, si exurgat aduersum me præ-  
 lium, in hoc ego sperabo. addit: Tibi dixit cor meum,  
 exquisiuit te facies mea; hoc est intentio mea, uel ut  
 alij aiunt: O vultus mei quærite Dominum. Quod idem  
 2. Mach. 8. ab fortissimo Iuda Machabæo suis militibus prædicatū  
 est, cum hortatur illos ante pugnam, ut ante oculos ha-  
 beant contumeliā, quæ Loco Sancto ab hostibus iniui-  
 stè esset illata. Id autem est fortitudinem Christianā tan-  
 to antecellere Philosophicam, quantum præstat Dei cul-  
 tus & honor ipsi honesto, ac honesti bono.

Maiorem item campū fortitudini bellicæ dat Chri-  
 stiana religio, quàm fortè Philosophia; nec enim si rem  
 suo pondere examinemus, fortitudo bellica in angu-  
 stias vnus publici belli compellenda est. Est, aut esse  
 potest vnicuiq; suum bellum, imminet Christiano cui-  
 libet ac pio viro suum ab fidei Christianæ & virtutis ho-  
 ste periculum, in acie nobis standum est, etsi gladio nō  
 petendus hostis, sustinendus certè eius impetus, discri-  
 men capitis subeundum, pro fide, proq; virtute, cum  
 1. Cor. 15. res postulat, uita sanguisq; fundendus. Ad bestias pu-  
 gnaui Ephesi ait Apostolus. Ter virgis cæsus sū, semel  
 lapidatus sum, à Iudæis quinquies vna minus quadra-  
 genas accepi, & de Romano Imperatore Christianos  
 2. Tim. 4. persequente loquens, liberatus sum ait de ore Leonis.

Et

Et ego. stigmata Domini in corpore meo porto, id est <sup>Gal. 6.</sup> vulnera quæ excepi in antedictis conflictibus pro Christo, ut merito tandem concludat: bonum certamen certavi. & discipulum monet, ut certet bonum certamen <sup>2. Tim. 4.</sup> fidei; sed quid moror? cum Christus ipse nostræ militiæ Imperator & antesignanus apertè pronūciat: Ecce ego <sup>Luc. 10.</sup> mitto uos sicut agnos inter lupos, & Iudæis prædicit: & <sup>Matth. 23.</sup> ex illis occidetis. An non hæc fortitudo bellica est, cum quis vitæ discrimen adit, cruciatus, cruces, probra quælibet sustinet, mortem oppetit Christi fidei ac religionis causa? Certè S. Ambrosius cum de bellica fortitudine differuisset, statim addit: Quid autem de martyrum dicam passionibus? non minorem de superbo Rege Antiocho Machabæi pueri reuexerunt triumphum, quàm parentes proprii, si quidem illi armati, isti sine armis vicerunt. Stetit inuicta septè puerorum cohors regijs cincta legionibus, defecerunt supplicia, cesserunt tortores, non defecerunt martyres. Quid de matre loquar, quæ spectabat læta filiorum, quot funera tot trophea? Quid de S. Agne, quæ in duarum maximarum rerum posita periculo, castitatis, & salutis, castitatem protexit, salutem cum immortalitate commutauit? Non prætereamus Sanctum Laurentium, qui cum videret Sixtum Episcopum suum ad martyrium duci, flere cœpit, non passionem illius, sed suam remansionem. Hæc illi. S. Thomas autem huius rei hanc rationem adfert: <sup>2. 2. q. 123. art. 5.</sup> pertinet ait, ad fortitudinem, firmitatem animi præbere contra pericula mortis, non solum quæ imminet in bello communi, sed etiam quæ imminet in particulari impugnatione, quæ communi nomine bellum dici potest.

*Ad primū* potest, & post. Martyres sustinent personales impugnationes propter summum bonum, quod est Deus. Et ideo eorum fortitudo præcipuè commendatur, nec est extra genus fortitudinis, quæ est circa bellica.

*Ibid.* Sed adhuc latius patet fortitudo Christiana, munit enim & corroborat hominem aduersus quæcunq; alia vitæ discrimina. Nullum quippe eiusmodi est quod ob Virtutem Deique gloriam non possit incurri. Adfert duo S. Thomas. Primum est, cum minimè discedimus ab officio aduersus peste laborantem amicum, cum manifesto aut probabili contagionis periculo. Alterum est, cum ut pium negotium prosequamur, inimus viam latrocinij, aut nauigationem naufragijs infamem. Ad primū genus pertinet ministrare peste correptis, quod antiquissimum est in Ecclesia pietatis exemplum simul & fortitudinis, sic enim legimus apud Eusebium Cæsariensem ex Epistola S. Dionysij Episcopi Alexandrini, Valeriani Imperatoris tempore, cum Alexandria sæuissima pestis grassaretur, multi Sancti Presbyteri, Diaconi, & alij plurimi morbo laborantibus ministrantes, mortem operiuerunt libentissimè. Virtutis ergo ait S. Dionysius, multum laudati, adeo ut hoc mortis genus quod propter incredibilem pietatem, & robustam fidē suscipiebatur, nihil à martyrij splendore abesse videretur. Cui muneri se nostris hisce temporibus voto addixit noua Clericorum religio Infirmis ministrantium. & vidi ego Mediolani anno Domini 1576. eidem participatos cum Sanctissimo Cardinale Carolo Borromæo Archiepiscopo plurimos clericorum & religiosorum ordinum homines, maxinè verò Cappucinos, & Societatis

*Libr. 6.  
hist. Eccl.  
c. 16. & 17.*



tatis Iesu. è quibus duos integerrimos viros ac iam maturos cælo, cælo dedimus, ut speramus P. Georgium farinam Cuniensem, Subalpinum, & P. Franciscum Centurionē, Genuensem patricium, homines qui tradiderant animas suas pro nomine Domini nostri Iesu Christi, ac se illi charitatis officio de Maiorum consensu spontè deuouerant, quod antè illos exemplum pietatis ediderat Luteriæ P. Paschasius Broctus Gallus, vnus ex primis B. P. N. Ignatij socijs, ac similiter peste consumptus, & præstiterunt alibi alij, quos hic locus non est cōmemorandi. Ad eandem piam fortitudinem spectat leprosoꝝ cura quibusdam sanctis viris ac fœminis admodum familiaris, quæ quam Deo grata extiterit, miraculis etiam prodigijsq; ipse non semel testatum voluit.

Ad posterioris generis exempla referuntur nauigationes piorum & religiosorum hominum, qui non aliā ob causam, quā ob unam fidei Christi gloriam & animarum salutem ad Indos vtrosq; Sinas, Iaponios usq; transmittunt. Oceano nimirum vniuerso, nauigatione longissima multorum mensium, ne dicam annorum, perpetua semper, nihilq; portuosa, incertis magnisque periculis dubia, sed certis penè nec nisi grauissimis famosa, maximè ad Bonæ Spei promontorium: mari non nunquam prædonum refertissimo, horumq; non nisi hereticorū, quales fuerunt illi, qui anno Domini 1570. & 1571. cum Lusitanicas naues inuasissent, ac superassent in nostræ Societatis homines primo impetu factō, primum 39. deinde 12. partim in ipsa naui fœdè necarunt, partim per summam immanitatem membris amputatis aquis suffocarunt, non aliam ob causam, quā

quòd ut ipsi clamabant, Euangelicam Romanamq; fidẽ in Brasiliam importarent. Huius generis sunt nobiles illæ peregrinationes Catholicæ fidei causa susceptæ à multis pijs hominibus doctisq; sacerdotibus ad Infideles, & Turcas, ad Hæreticos, maximè ad Britannos, quorum in horreũ Dñi reportatos manipulos litteris inde allatis non solũ, sed plerosq; et ex illis illustri martyriõ coronatos, rẽ Christianã plurimũ auxisse, intelligimus.

Sed nec hic finis est actionum fortitudinis. Sit antedicta fortitudo publica, civilis, politica, aduersus publica mala restat priuata & domestica, cuius est propria, multa magnaq; mala ferre fortiter, ac tolerare. Numeratur hæc à quibusdam sic, ægritudo, luctus, exilium, egestas, carcer, orbitas, repulsa, infamia, dolores, ex patria, liberis, parentibus, vxoribus, propinquis, amicis, aliaq; similia, quæ omnia fortitudo non solum ut ferantur, præstat, sed etiam ut constanter superentur. S. Ambrosius id in S. Iob considerandum proponit. Quid horum inquit, S. Iob vel in Virtute defuit, vel in Vitio obrepfit? Quomodo laborem ægritudinis, frigoris, famis, pertulit? Quomodo despexit salutis periculum. Nunquid rapinis diuitiæ coaceruata, de quibus tanta in opibus affluebāt? Nunquid auaritia, census, aut uoluptatis studia, cupiditatesq; excitauit? Nunquid trium regum iniuriosa contentio, uel seruorum contumelia in iram excussit? Nunquid gloria sicut leuem extulit, qui imprecabatur grauiam sibi, si unquam uel non voluntariam ceclauisset culpam, uel reueritus esset multitudinem plebis, quo minus annunciarèt eam in conspectu omnium? Quis igitur tam fortis, quàm S. Iob? Hæc ibi.

S. Au-

Lib. 1. off.  
cap. 39.

S. Augustinus aliquid amplius subijcit Christianæ fortitudini, non solū vitę huius mala, sed bona etiam, nempe illecebras terrenę felicitatis omnes, quę ita robustę sunt, ut si Christo credimus, suffocent vi sua Diuini Verbi ac gratię satus in anima: immò ipsū interiorē hominē. Hoc est enim illud, à solitudinibus, diuitijs & voluptatibus vitę euntes, suffocantur. Vnde ait: Si non te subuertit ventus interior; Magnę virtutis est cum felicitate luctari, ne illiceat, ne corrumpat, ne ipsa subuertat felicitas. Magnę inquam Virtutis est cum felicitate luctari. Magnę infelicitatis est à felicitate vinci. Disce calcare seculum, loquitur uerò eo loco S. Augustinus de animi firmitate ac robore virtutis.

Ser. 13. de  
Verbis  
Domini.

Occasionēs Exercendę fortitudinis externę, notę sunt & in prospectu: mala scilicet uel pręsentia, uel imminētia. Pascebat ait Dauid seruus tuus patris sui gregem, & ueniebat uel Leo, uel Ursus, & tollebat arietem de medio gregis, & persequere eos, & percutiebam, eruebamq; de ore eorum, & illi consurgebant aduersū me, & apprehendebam mērum eorum, & suffocabam, interficiebamq; eos. Nam & Leonem, & Ursū interfeci ego seruus tuus. Similiter de militibus Iudę Machabęi dicitur, viginti iuuenes ex his qui cum Machabęo erant accēsis animis propter blasphemiam viriliter accesserunt ad murum, & feroci animo incedentes ascendebant, Deniq; inquit Salomon: Tempus belli & tempus pacis, & ante: Tempus occidendi, & tempus sanandi, tempus destruendi, & tempus ædificandi, & alibi. Fili conserua tempus, & deuita à malo; pro anima tua ne confundaris dicere uerum. Nec acci-

Libr. 1.  
Reg. c. 17.

Libr. 2.  
Machab.  
cap. 10.

Ecc. 3.

Ecc. 4.



pias faciem aduersus faciem tuam, nec aduersus animā tuam mendacium. Ne reuerearis proximum tuum in casu suo. Nec retineas uerbum in tempore salutis.

Ceterum, occasiones internæ attendendæ magis sunt viro, qui sese studet fortiter gerere, aut exercere. Reducuntur autem ad duo capita, alias enim subministrat timor, alias fiducia, siue audacia, siquidem in utriusq; re-  
cta moderatione versatur animi fortitudo vniuersa. Sunt qui nihil sibi timendum statuunt, & hi temerarij sunt, præcipites, proiecti, stulti, ac si non his malis obnoxij, thraſones certè, militeq; gloriosi, & in quos illud rectè dicitur: Mauors ventosa in lingua pedibusq; fugacibus istis semper erit. Alij sibi pauenda omnia putant, laruas etiā & umbras, ipsasmet cogitationes & phantasie suæ simulachra, similes pueris qui ad leuia quælibet horrescunt, ad ficta etiam terricula menta. Forti viro cognoscenda mala, ponderanda etiam, & si fieri potest, quando necessaria non semper sunt, declinanda, at cū iam uel adsunt, uel impendent, excusso timore fortiter ferenda, & animosè si res exigit, ad eunda sunt, honesti causa, multò maximè propter bonum publicum, Deiq; gloriam. Habet autem non exiguam utilitatem monitum illud Cassiani, quo iubet, ut interdum fingamus animo, itaq; nos comparemus, ac si periculis ipsis iam præsentem essemus, versaremurque in discrimine, ut ea meditatione quasi præludio exercitati, instruamus nos ipsos ad omnem tolerantiam perpeſsionemq; malorū. Quare timor mali si animum aduertamus, prænuncius est hominem exsuscitans ad fortitudinis actum obcundum, magisq; turbarum aut campanarum sonitus. Nec  
alia

Virgilius  
libr. 11.  
Aeneid.

Collat. 19.  
cap. 16.

alia ratione comprimitur aut fugatur metus, quàm si adhibita in consilium ratione, mentis robur illico concitetur, constantiaq; confirmetur animus aduersus periculum, quod prospicimus. Quoties igitur timor is mētem pupugerit, toties accendi nos Diuinitus existimamus ad fortitudinem amplectendam, dicamusq; cum Dauide: Si consistent aduersum me castra, non timebit cor meum, & cur timebo in die mala? vinci malis præsertim extremis, solet interdum timor, sed hæc uictoria non tam fortis animi est, quàm desperati, qualis fortassis inerat Sabinis illis mulieribus, de quibus Liuius scripsit victo malis muliebri pauore, ausas in tela se volitantia inferre. Fortis ac magni animi sine dubio factum Iudith, quæ quanquā expauit initio, Diuinitus tamen confirmata, ausa tantum facinus est, quantum ne cogitassent fortissimi quique exercitatissimiq; belli Duces. Prudentiæ & fortitudinis aduersus timorem fuit & illud, quod gestum à Iacob memorant Sacre Litere. Qui cū ualdè timeret occisum Esau fratris sui, non concidit tamen animo, sed diuisit populum qui secum erat, greges quoque in duas turmas, dicens, si uenerit Esau ad vnā turmam, & percusserit eam, alia turma quæ reliqua est, saluabitur.

Psal. 26.  
Psal. 48.

Iudith. 13.

Gen. 32.

Audaciæ propior est fortitudo, à timore longius abest. Iccirco facilius audax fortis euadit, quàm meticolosus, quanquam audaces licet initio acres sint, & feruidi, immò pertinaces, & præcipites, cum tamen res ex sententia non succedit, paulatim deficiunt, ipsiq; meticolosis timidiore etiam sunt; audacibus iccirco medemur duplici ratione: prior est, qua curatur mentis obstinatio,

natio, ac in propria voluntate obduratio, exemplo præsertim Domini. De quo S. Gregorius sic. Solent hi aspiciant, quia filius hominis cui vna cum Patre semper voluntas est, ut exemplum nobis frangendæ nostræ voluntatis præbeat, dicit: Non ueni facere voluntatem meam, sed voluntatem eius, qui misit me, Patris. Qui ut adhuc virtutis huius gratiam commendaret, seruaturum se hoc in extremo iudicio perhibet, cum ait: Ego à me ipso non possum facere quicquam, sed sicut audio, iudico. Quæ itaq; conscientia designatur homo, alienæ voluntati acquiescere, quando Dei & hominis filius cum virtutis gloriam venit ostendere, testatur se non à semetipso iudicare. Verum non aboletur propriæ voluntatis morbus, nisi per recta consilia remedium adferatur mente, quæ voluntati facem præfert, tollaturq; proprium consilium, quod quia tanquam charissimam filiam osculatur audax, præcipitat; quæ posterior ratio est sanandi audaces. Sic habet de his hominibus idem S. Gregorius: Præcipientes sæpè in malis corrunt, dum bona minimè discernunt. Qui nequaquam quid, quando, vel quomodo quæq; agunt, inspiciunt, sed plerumque acta quia ita non debuerunt agere, cognoscunt. Quibus sub auditoris specie rectè per Salomonem dicitur: Fili sine consilio nihil facias, & post factum non penitebis. Et rursus: Palpebræ tuæ præcedant gressus tuos. Palpebræ quidem gressus præcedunt, cum operatione nostram recta consilia præueniunt. Hæc S. Gregorius. Occasionem igitur exercendæ fortitudinis non exiguam præbet audacia, si cõsilijs opportunis teneatur ac refrenetur, maximè uerò ut obstat inchoanda re,

qua



qua de agitur, siquidem, quanquam periculum ab audacia imminet, forti viro etiam in progressu, plerunque tamen cum sese produnt impedimenta ac difficultates grates, quod accidit in progressu, defervescit audacia, & timor exoritur, ut non tam contra audaciam tunc, quàm contra timorem pugnandum sit, sic Aman auctor iubet parari excelsam crucem ad suffigendum in ea Mardocheum, sed cum intuetur, se interim ministrum constitui à Rege eius honoris, gloriæq; præconem publicum, domum suam lugens reuersus præq; metu ac pudore caput opertus, consilium querit à consiliarijs, & uel inuitus audit: Nō poteris ei resistere, sed cades in conspectu eius. Et qui tam audacter insana consilia secutus Roboam populo dura responderat, post serò sapiens, sibiq; suæq; salutis non nisi turpi fuga consuluit. Deniq; qui cor suum obdurat, ait Sapiēs, corruet in malum. Initium porro capiendi boni consilij est pietatis in Deum studium, cuiusq; gloriæ intentio recta, siquidem scribitur à Salomone: Qui inquirunt Dominum animaduertunt omnia.

Esther. 6.

cap. 11

Libr. 3.

Reg. c. 12.

Prou. 28.

Ibid.

Primum fortitudinis Indicium est mortificatio passionum omnium; intelligetur id ex ijs quæ scribit S. Gregorius. Alia iustorum, alia est fortitudo reproborum. Iustorum quippe fortitudo est carnem vincere, proprijs voluntatibus contraire, delectationem uitæ præsentis extinguere, huius mundi aspera pro æternis præmijs amare, prosperitatis blandimenta contemnere, aduersitatis metum in corde superare. Reproborum verò fortitudo est, transitoria sine cessatione diligere, contra flagella conditoris insensibiliter perdurare, ab amore

Libr. 7.

Mor. c. 9.

rerum

IL 40.

rerum temporalium nec aduersitate quiescere, ad inanem gloriam, etiam cum vitæ detrimento peruenire, malitiæ augmenta exquirere, bonorum uitam non solum verbis ac moribus, sed etiam gladijs impugnare, in semetipsis spem ponere, iniquitatem quotidie sine ullo desiderij defectu perpetrare. & post. Quam bene utranq; fortitudinem Isaïas complexus est? Qui confidunt in Domino mutabunt fortitudinem. Qui enim nequaquam sument, sed mutabunt, dixit, profectò patenter innotuit, aliam esse quæ proponitur, & aliam, quæ inchoatur. An non etiam reprobi fortes sunt, qui ad præsentis vitæ concupiscentiam tot laboribus currunt, periculis se audenter obijciunt, pro lucris contumelias libenter ferunt, ab appetitus sui libidine nulla virtuti contrarietate resiliunt, permissionibus durefcunt, & mala mundi tolerant pro mundo, eiusq; vt ita dixerim, gaudia quærentes, perdunt, nec tamen hæc perdendo fatigantur? Vnde bene ex humani generis uoce per

Thren. 3. Iere miam dicitur: Inebriauit absinthio. Post: At contra vir iustus ad mundi pericula pro mundo toleranda esse debilis, studet, finem suum conspicit, uita præsens quàm sit transitoria attendit, & pro ea exterius labores perpeti renuit, cuius extrinsecus delectationem vicit. Hæc S. Pater.

Lib. de ve  
ra Relig.  
cap. 47.

Alterum Christianæ fortitudinis Indicium est coniunctio cum Deo per charitatis amorem. Sic S. Augustinus: Ille verissimè atque certissimè inuictus homo est, qui cohæret Deo, non ut ab eo aliquid boni extra mereatur, sed cui nihil aliud, quàm ipsum herere Deo bonum est. Hic vir quandiu est in hac vita, utitur amico

ad

ad rependendam gratiam, vtitur inimico ad patientiā, vtitur quibus potest ad beneficentiam, vtitur omnibus ad benevolentiam. Et quanquam temporalia non diligit, ipse rectè vtitur temporalibus, & pro eorum sorte hominibus consulit; si æqualiter non potest omnibus. quare si aliquē familiarium suorum promptius, quàm quemlibet alloquitur, non cum magis diligit, sed ad eū habet maiorem fiduciam, & apertiore temporis ianuam. Tractat enim tempori deditos tantò melius, quāto minus ipse obligatus est tempori. Cum itaq; omnibus, quos pariter diligit, prodesse non possit, nisi conjunctionibus prodesse malit, iniustus est. Non ergo iste affligitur morte cuiusquam, quoniam qui toto animo Deum diligit nouit, nec sibi perire quod Deo non perit. Nec cuiusquam miseria miser est, quia nec cuiusquā iustitia iustus est. Et si aliquando forte huius periculo vel errore, vel dolore commouetur vsq; ad illius auxilium, aut correctionem, aut consolationem, non usque ad suam subuersionem ualere patitur. In omnibus autē laboribus futura quictis certa expectatione non frangitur, & post. Huic viro in tribulationibus parum est; non contristari, nisi etiam gaudeat, sciens quod tribulatio patientiam operatur Hæc ibi. Porro huius fortitudinis adeo magnæ ac prorsus inuictæ non alia radix est atque origo, quam Dei gratia & auxilium quo verè fortis vnice nititur. Hoc alibi explicat idem Pater. Multos ait, Serm. 13.  
De Ver-  
bis Domi-  
ni.  
Psal. 67. impedit à firmitate præsumptio firmitatis, nemo erit à Deo firmus, nisi qui se à seipso sentit infirmum. In Psalmo pluuiam voluntariam segregabis Deus hæreditati tuæ, infirmata est, tu uerò perfecisti eā. Agnouit se esse



infirmam, ut firma esset non in te, firmaretur, si non infirmaretur, ut abstergeretur in te perficeretur. Vide infirmitatis huius portiunculam. Paulum vide infirmatum qui dixit: Non sum idoneus uocari Apostolus, quia persecutus sum Ecclesiam Dei. Quare ergo Apostolus es? Gratia Dei sum id, quod sum. De Petro etiam cum iussus ambulat super aquas addit, præsumpsit de Domino, potuit de Domino. Psalmus loquitur: Si dicebam motus est pes meus. Quare motus? nisi quia meus. Et quid sequitur? misericordia tua Domine adiuuabit me, non virtus mea, sed misericordia tua, ubi est illud: Quis inuocauit, & desertus est ab eo? Vbi & illud: Et omnis qui inuocauerit nomen Domini, saluus erit: hæc S. Augustinus. Sed videantur hæc remotiora & communia Indicia fortitudinis.

Tertium Indicium est, Inexpectata & repentina mala constanter ferre. Id ex Philosophia accipiunt, & probant Theologi omnes tanquam proprium spectatæ ac solidæ fortitudinis signum, neque enim in ijs, quæ repente accidunt locus est consilio, aut deliberationi, nec datur spatium colligendi ac confirmandi animum in improvisis & inopinatis euentibus, in ijs igitur non consternari animo, non dimoueri loco, sed sese fortiter gerere, siue inchoando, siue prosequendo quod inchoaueras, argumentum est animi habitu fortitudinis planè conformati. Fortis uiri est ait S. Ambrosius, non dissimulare, cum aliquid imminet, sed prætereundum, & tanquam de specula quadam mentis obuiare cognitione prouida rebus futuris, ne forte dicat postea, ideo in ista incidi, quia non arbitrabar posse euenire, sed id præstat for-

tis cum suppetit tempus. Hoc si desit, ut in subitis casibus, non nisi habitu fortitudinis aut peculiari aliqua Dei ope quæ habitum æquet, iuuari potest ad fortiter agendum. Habitus igitur par est in repentinis motibus meditationi & præparationi animi, qua utitur vir fortis cum ex consilio & maturè agit, quales fuerunt pleræq; Sansonis actiones, & aliquæ etiam Iudæ Machabæi.

Quartum Indicium fortis uir nihil dolo agit, nihil fraude, virtutem qua præditus est, præsefert palam, sine arrogantia tamen & leuitate, eaq; nititur vna quare tã sæpè Græci illi qui Troiam expugnarunt apud poetam criminis insimulantur, mentia eorum furta traducuntur, ac tenebræ, quarum fiducia ad ea patranda prodibant: nullusq; finis est exagitandi & exprobrandi alui decantati illius equi, quo se condiderant ad vrbs excidium dolosè instruendum, certè Dauid quàm fortitudinè à Deo acceperit, ac secutus sit, quàmq; labis omnis ac fraudis purus fuerit, indicat, cum ait: Deus qui præcinxit me virtute, & posuit immaculatam viam meam. Psal. 17.

Sed indicauit tacto sèpissimè, præsertim aduersus Saulem, quem cum probè sciret capitis ac gloriæ suæ inimicissimum, essetque in eius potestate cum clam interficiendi, per summum animi candorem ac Heroicà fortitudinem à facinore semper abstinuit, adeo, ut etiam cum semel abscidisset oram clamydis Saulis ad faciendam fidem occasionis, quam habuerat, cum de medio tollendi, propter hoc ipsum pupugerit, ut Scriptura dicit, cor suum, sermonibusq; confregerit viros suos, ne confurgerent in Saul. Et hoc ipsum simulq; cogitationem quæ inciderat in animum occasionis, tam oppor-

Provi. 14-

tunæ non prætermittendæ eidem Sauli paulo post simpliciter aperuit. Quod quanquam ita est, non iccirco tamen vir fortis prudentiam repudiat, quin asciscit potius, eamque sequitur tanquam ueræ fortitudinis normam, nec enim candorem odit prudētia, sed informat, & regit, ideo enim illi copulatur à Domino, & Salomone auctore, Sapiens timet, & declinat à malo, & qui patiens est, hoc est fortis, multa gubernatur prudentia.

Quintum Indiciū Christianæ fortitudinis est martirij pro Christo cupiditas, cum enim martyrium actus sit fortitudinis, habitus autem ad Actum stimulet eam facultatem animi, quæ sedes eius est, quis dubitet fortitudinis perfectæ habitum non concitare voluntatem hominis quam occupat, ad principem nobilissimum, quæ eius actum, quod est martyrium?

*De propria Patientia Actione, eiusq; Excitatione. Cap. XII.*

2.2.q.136.  
art.2.ad 1.

**P**atientiæ Actio ualde propria est moderari mœrores, qui extrinsecus adferuntur animo à rebus aduersis. Sic habet S. Thomas. Qui non propterea negat patientiā uersari in cohibenda tristitia illa, quæ sponte non nunquam excitatur in animo ex naturæ ad eam propensione, ut melancholicis accidit, siquidem & ipse id alibi significat, & rationi consentaneum est, cum enim tristitia illa ex viciata in Adamo natura propagata, recti honestiq; fines faciliè transiliat, euadatq; immodica; ratio nō virtutemq; cōcercentē exigit, ut ne excreseat in uitiū.

Igitur



Igitur propriè patientia aduersus mœrorem omnem pugnat, animumq; firmat, ac munit, non solùm ad minuendum, sed ad planè proffigandum mœrorem. Omnis amaritudo tollatur à vobis ait Apostolus, de patientia loquens, vt exponit S. Gregorius, & Hebræis scribens aduersus mœrorem disciplinæ Domini monet cogitandum, seriòq; attendendum, ne quis desit gratiæ Dei, & ne quæ radix amaritudinis sursum germinâs impediât, ne quæ radix ait, ad radicem igitur securim mittendam, & vitium radicitus conuellendum suadet. Et hoc quidè facile persuadetur, non ita facilè quod persuasum est, re ipsa præstatur.

Ephes. 4.  
3. P. Pass.  
Adm. 10.  
Heb. 12.

Duabus autem rationibus potissimùm vinci mœrorem S. Chrysostomus est aucter. Pijs cogitationibus & oratione. Sic habet. Cõuenit & cum his una immò ante has orationibus, perpetuisq; precationibus has tenebras dispergere, & dissipare. Nam & Beatus David magnus ille uir, atq; mirabilis his medicamentis semper vsus est, hisq; plurimos dolores pressurarum remouit, ac repulit. Nunc quidem orans ac dicens, tribulationes cordis mei dissipatæ sunt, de necessitatibus meis erue me: nunc pijs ac religiosis cogitationibus admotis, inquiring, Quare tristis es anima meâ, & quare conturbas me? spera in Deo, quoniam adhuc confitebor illi. Rursumq; ex cogitationibus huiusmodi ad orationes conuersus: Remitte mihi ut refrigerer, priusq; abeam, & vltra iam non ero. Atq; ab orationibus ad cogitationes. Quid enim ait, mihi est in cælo, & à te quid uolui super terram? Ita & Iob vxori quæ uerba diabolica suggerebat, pijs cogitationibus reluctabatur, illamq; increpans dicebat:

In fine  
lib. 3. de  
prouid.

Psal. 24.

Psal. 42.

Psal. 38.

Psal. 72.

Iob. 2.

dicebat: Si bona suscepimus de manu Domini, mala autem quare non sustinebimus? Ad Deum verò precibus utebatur. Beatus verò Paulus utrisq; his armis eo, qui in pressuris ac tentationibus erant, iuuabat, nunc quidē  
 Heb. 12. dicēs: Si autem extra disciplinam estis, ergo adulteri, nō filij. Quis enim filius, quem non corripit pater? Nunc-  
 1. Cor. 10 que orans. Fidelis inquit Deus est, qui non patietur vos  
 2. Thef. 1. tentari supra id, quod potestis. Et rursum: Siquidem iustum apud Deum est, retribuere retributionem his, qui vos tribulant, & vobis qui tribulamini, requiem. Si igitur his armis ipse quoq; usus fueris, ac teipsum perfectè undiq; armaueris cogitationibus pijs, mœroris retundes impetum, orationibus verò tam tuis quàm aliorum te veluti uallo fortissimo muniens celeriter disciplinæ istius percipies fructus. Hæc S. Chrysostomus.

Cum igitur sese obijciunt mœrendi occasiones, mœroresq; ipsi uel concitantur, uel sese intrudunt in animum, tunc persuasum nobis sit, adesse simul occasiones exercendæ patientiæ, ac contra mœrores strenuè repugnandi. Et quidem de oratione aduersus mœrorē Deo facienda sat sint quæ S. Chrysostomus tradit, de cogitationibus aduersus illum suscipiendis paulo plura à nobis hic dicenda sunt.

Cogitationes porrò aduersus mœrorem aliquæ sunt ueluti generales & communia quasi remedia aduersus omnes quas timemus aut accipimus, calamitates: aliæ propriè pugnant contra singulas cuiusq; generis molestias & incommoda, quæ nobis adferuntur. Primi generis sunt hæc ex S. Chrysostomo.

Primò. Certum est ait, Christianum si quando tristetur,

tur, duas tantum habere mœroris causas, vel cum ipse, In fine lib. 3. de prouid. 2.  
vel cum proximus offendit Deum.

Secundò. Eos qui superna non terrena sapiunt, non solum ira & concupiscentia, cæterisq; perturbationibus, sed mœrore, etiam abstinere conuenit. Hic enim 2 Lib. 2. de prou. paulo post princip.  
longè pluribus quam perturbationes illæ, nos incommodis afficit, prorsusq; necesse est, aduersus illum nos fortissimè insurgere, nisi omninò perire uelimus.

Tertiò. Non est ita difficile mœrorem sicut alias per turbationes depellere. Et cuius hoc inquit, difficultatis amantissimè? Nam si concupiscentia esset aliqua, si corporum turpis, atq; insanus amor, si inanis gloriæ pestis, vitium profectò superatu difficillimum, aut aliquid perturbationum huiusmodi, meritò hæres, & esses de huiusmodi liberatione sollicitus. Eos enim qui his capti sunt, non quidem est impossibile, difficillimum tamen ea retia diffugere. Cur id? quia voluptas his cooperatur, atq; illa adiuvat. Ea uerò est, quæ semel captis funes plurimos innectit. Istudq; primum difficultatis est plenissimum, persuadere animo sic irretito, ut planè ac penitus uelit, ac cupiat, hisce nodis liberare, sitq; simillimū, ueluti si quis scabiem & pruriginem depositurus morbo suo delectetur, ac passione huiusmodi expositus ea liberari quærat. Ceterum ad fugandum mœrorem id parū non confert, si interim ingratè illum admittamus, nam qui re aliqua grauatur, citò illam absc excutere, & abijcere studebit.

Quartò pessimū Dæmonis instrumētū mœror, & ipso et peior dæmone. Solius ait, dæmonis nō est cōsiliū sibi uitā extorquēdi, sed et mœroris, immò uerò plus mœro- 4 Initio 2. libr. de prouid.



ris quàm dæmonis, fortasse uerò mœroris solius. Quod ex eo profectò constat, quod plurimi etiam ab dæmonis infestatione liberi, dolore solo ac mœrore agitati mortem sibi ultrò consciuerunt. Hunc igitur ex animo tuo fuga ac penitus elimina, videbis nullam vim restare dæmoni, non solum ad persuadendum ista, uerum ne ad suggerendum quidem; & post, non dæmon est, qui mœrorem mouet, sed mœror potius uires Dæmoni administrat, cogitationesq; malas suscitât. Attestatur huic rationi nostræ beatissimus Paulus, qui cum de lapsis in sceleris ruinam Corinthijs scriberet, non dæmonem aliquem metuere, sed mœroris magnitudinem timere deprehenditur, ne forte inquiring, abundantiore tristitia absorbeatur, qui talis est. Ceterum ut cōcedamus, dæmonem acius instare, pulso ex animo mœrore, quid iam erit ex hoc incommodi, vel detrimenti? Quid hic per seipsum aut paruum, aut magnum possit contra nos? at uerò mœror absente dæmone multa per se horrenda efficit, plurimosq; eorum, qui sibi vel nexuerunt laqueos, uel consciuerunt gladios, uel flammis donauerunt, uel alio quouis genere perdidere seipsos, sola doloris ac mœroris vi ad ita occumbendum impulsos reperiemus. Quod si inter eos quispiam fortassis fuerit arreptus à dæmone, huius quoque perditio non dæmoni, sed mœroris tyrannidi ac uolentiae merito imputanda erit.

5  
Initio lib.  
3. de probu.

Quintò. Cogitandum cælestis regni gaudium. Dic oro, inquit, si quis te ad regnum terrestris & imperium vocaret, atq; antè ingressum eius ciuitatis in qua coronandus esses, in stabulum diuertere necesse esset, ubi  
luti

luti ac fini plurimum, viatorumq; tumultus esset, & latronū perturbatio, summaq; pressura & angustia, num ad illa tristitia cogitatione conuertereris, an illa omnia, quasi nihil essent, gaudio & spe regni contemneres? Per quàm igitur ineptum & indignum est, terrenis mortalibusq; rebus potiturum, nihil his, quæ interim inciderint contrahi, æterni autem regni spe elatum, & erectū, atq; ad cælos accersitum, per singula quæ in diuersorio contingunt, tristitia decidere, atq; perturbari, profecto enim hoc diuersorio ac stabulo nihil præsentis vitæ status melior est, idq; cum sancti patres nostri nobis indicare cuperent, hospites ac peregrinos seipsos appellabant, his uerbis nos erudientes & lata seculi præsentis & tristitia pari mentis altitudine contemnere, atq; à terra longissimè remotos toto animo cælestia ambire, atq; ad eā totam transferre cogitationem. His dictis affert exempla sanctorum, nullumq; hætenus extitisse demōstrat, qui varijs, nullisq; afflictationibus animi corporisq; vexatus non fuerit, quas calamitates singillatim perceret, & sua illa aurea dicendi vbertate latè persequitur toto Secundo libro & Tertio de Prouidentia incipiens ab Abel, Noe, Abraham, Isaac, Iacob, Ioseph, Moysè, Iosue, Samuele, usq; ad Dauid & Prophetas omnes ueteris testamenti, quorum exemplorum certum est illustriora non inueniri ulla, ex his, quæ illis seculis edita sunt. Commemorat alibi & explicat ut par est, ad mirabilem Iob patientiā animiq; tranquillatē in medijs fluctibus ac tēpestatibus rerum omnium suarum, proprij etiam capitis. Præsertim in primam Epistolam ad Corinthios. Nec omittit noui testamenti exempla

Hom. 11.

maximè uerò Apostoli Pauli & quorundam aliorum sui  
temporis hominum perfectorum.

6 Sextò Deus in memoria semper habendus. Si inquit

Hom. 26.  
in Ep. ad  
Heb.

idem alibi, videmus mentè semper Deum, si semper in  
recordationem eius conuertimus mentem nostram,  
omnia nobis facilia apparebunt, omnia portabilia, om-  
nia leuiter sustentabimus; omnibus superiores efficie-  
mur. Si enim quisquam dilectum videt, magis autem re-  
cordatus illius, erigit animam suam, & mente sublimis  
efficitur, ut omnia faciliè toleret, delicias ex memoria  
illius, qui in mente habuerit eum, qui nos diligere verè  
dignatus est, & recordatus fuerit eius; quando poterit  
aliquam sentire tristitiam, aut terribile aliquid, aut peri-  
culosum timere? quando pusillanimitate afficiatur? nū-  
quam scilicet, omnia quippe nobis difficilia uidentur,  
quia Dei memoriam non habemus, sicut oportet habe-  
re, iuste quippe nobis dixerit, oblitus es mei, obliuiscar  
& ego tui, & duplex efficitur malum, & quia nos eius  
obliuiscimur, & ille nostri. Hæc enim duo mala sunt,  
alternis quidem complicata duo tamen sunt. Magnum  
quidem operatur memoria Dei, magnum autem etiā,  
cum & nos eius habemus memoriam, hoc quippe facit  
eligere bona, illud autem impetrare, & ad effectum per-  
ducere. Propterea dixit Propheta, recordabor tui de ter-  
ra Iordanis & Hermonij à monte paruo. Hæc populus  
in Babylonia constitutus. Et nos igitur (dicamus) ran-  
quam in Babylonia constituti.

Psal. 41.

7  
Lib. 3. de  
prou. Ver-  
sus finem.

Septimò. Mœroren ait idem Deus inseruit naturæ  
mortalium, non ut ab re & intempestiuè illo in rebus  
contrarijs utamur, neque ut nos ipsos perimamus, ve-  
rùm



verum ut ex eo maxima emolumenta consequamur. Quoniam uero modo illa consequemur, si illum in tempestiue assumamus: porro meroris tempus non tunc est, cum aliquid aduersi patimur, sed cum male operamur. At uero nos ordinem peruertimus, temporaque immutamus, qui cum innumera mala perpetremus, ne breuiter quidem dolore contrahimur, si uero quippiam quoquam patiamur mali, protinus concidimus, haeremus, turbamus, liberarique & cedere ex uita festinamus. Addit postea esse simile medicamento, quod si in tempore adhibeatur, curat egrotum, si in tempestiue, necat. Nam cum inquit austerum corrodensque medicamentum meror, atque uitiorum quae in nobis sunt quasi purgatio, si admoveatur otioso ac delicato animo, ingentique peccatorum pondere oppresso, maxima suscipiente, curisque presso, ac plurima perpesso, praeterquam quod nihil prodesse, maxime nocet, imbecilliores illum faciens, atque ad desperandum facilem. Quocirca stantibus & acriter pugnantibus Paulus cum scriberet, dicebat: Gaudete in Domino semper, iterum dico gaudete. Phil. 4. Porro dissolutis ingentemque habentibus tumorem. Et uos inquit inflati estis, & non magis fleuistis? Itaque is 1. Cor. 5. quidem qui peccatorum sagina impinguatur, extenuatur, atque siccetur hoc medicamento. Qui uero bonae habitudinis est, atque in decenti statu seipsum seruat Dei gratia, per merorem bonam suam ualitudinem non corrumpat, adeo est enim ille acer & efficax, ut etiam ope sua indigentibus si plus quam necesse est immoeretur, maximorum malorum causa sit. Quod & Beatus Paulus metuens citò illum, postquam fecerat, quod ius

1. Cor. 2. sum erat, auferri iussit, causamq; protinus adiecit eam, ne forte inquit, absorbeatur abundantiore tristitia. Hęc de comunibus remedijs quę parari debent à nobis aduersus merorem ex cogitationibus item communibus. De alijs autem cogitationibus quę suscipiendę sunt aduersus singula malorum genera, quę merorem efficiūt in animo, innumera sunt, quę dici possunt, non solum quia nullus est malorum numerus ac finis, quandiu in hac valle lachrymarum uiuimus, sed etiam quia multis millibus contra multa millia ut est in Euangelio decertandum est, & singulis malorum causis excidendis singulę quasi curationum falces adhibendę. Egregiè in hoc argumento versatus sæpè est Seneca, in primis in libro de remedijs fortuitorum ex eo pauca de libro totidemq; eius verbis hic adscribo, pauculis de nostris additis. Morieris, ista hominis natura est, non pœna (intellige tu saltem non pœna culpę voluntate mea commissę.) Morieris, hac conditione intraui, ut exirem. In hęc uerba iurauim, stultum est timere quod uitare non possis.

Sed de collaberis. Quid interest utrum cęsim moriar an punctim.

Peregrè morieris. Vndecunq; ad inferos vna via est. (dic tu ad futuram vitam.) Nulla terra est aliena mortuo. Non est grauior foris quàm domi somnus. Sed iuuenis morieris, optimum est, antequam optes, mori. Hoc unum est, quod equè ad iuuenem, quàm ad senem pertinet, non refert quę sit hominis etas, sed quę sit metas, fortasse alicui malo me subducit fortuna. (& hoc illud est Salomonis, raptus est, ne malitia mutaret intellectum.)

Insepultus morieris, facilis iactura sepulchri, cælo tegitur, qui non habet urnam. (noster Laynez in naufragij periculo mortem nihil expauisse deprehensus causam rogatus dixit. Quid interest vermiū ne, an piscium escam fieri?) Ægroto. Venit tempus, cum experimentū mei capio. Non in mari tantum, aut in prælio vir foris apparet, exhibetur etiam in lectulo virtus. Ægroto, nō potest istud toto seculo fieri. Aut ego febrem relinquam, aut ipsa me.

Malè de te loquuntur homines, sed Mali, moueretur si de me boni ista loquerentur. Nunc malis displicere laudabile est.

Exulabis. Erras, cum omnia fecerim, patriam meam transire non possum. In quancunque terram venio, in meam uenio. Patria est, ubicunq; bene est.

Dolor imminet. Si exiguus est, feramus: leuis est patientia, si grauis est, feramus: non leuis est gloria. (dic tu meritum apud Deum.)

Paupertas mihi grauis est. Immò tu paupertati. Non in paupertate vitium est, sed in paupere. Illa expedita est, hilaris, tuta. Pauper sum. Nihil decet auibus, pecora in diem viuūt feris ad alimēta solitudo sua sufficit. (hoc etiam est Euangelicum.) Accepit ille grandem pecuniā. absque dubio superbiam accepit. (hoc similiter est ijs consonum quæ de diuitibus scribit Apostolus.)

Luc. 12.

1. Tim. 6

Non sum potens, Gaude, impotens non eris, iniuriā accipere potero. Gaude, facere non poteris. Multi illum diuitem comitantur. Mel muscæ sequuntur, cadauera lupi, frumenta formicæ: Prædam sequitur ista turba, nō hominem. Pecuniam perdidi, fortasse te illa perdidisset.



set. pecuniam perdidisti, sed habuisti, pecuniam perdidisti. Sed habebis inde periculi minus. O ter felicem si cum illa auaritiam perdidisti, sed si manet illa apud te, es tamen utrumque felicior, quod tanto malo materia subducta est, perdidisti pecuniam, & illa quam multos? Eris num in uia expeditior, domi tutior. Non habebis, sed non timebis heredem.

Oculos perdidisti. Habet & nox suas uoluptates. Quam multis cupiditatibus via incisa est? quam multis rebus carebis, quas ne uideres, uel emendi erant? Non intelligis partem innocentiae esse cecitatem. Huic oculi adulterium monstrant, huic incestum, huic domum quam concupiscat, huic mala omnia certè irritamenta sunt vitiorum, ducesque scelerum.

Amisi liberos, stultus es, qui desideas mortes mortalium. Quid istud aut nouum, aut mirum est? Quam rara est sine isto casu domus? Et hic tuus fructus est, perire liberi perituri. At liberi mei. Habebant illi cuius essent magis quam tui, apud te precario morabatur. (& hoc etiam scripturis sacris est ualde consentaneum, in quibus liberaria parentibus tanquam donum Dei possidentur.)

Naufragium feci, cogita non quid perdideris, sed quod euaseris. Nudus exii, sed existis, omnia perdidisti, sed perire potuisti una cum omnibus. In latrones incidi, sed alius in accusatores, alius in fures, alius in fraudatores, plena est insidijs uia, noli conqueri quod incidaris, gaude, quod euaseris.

Inimicos graues habeo. Quomodo aduersus feras munimenta conquis, quomodo aduersus serpentes,

sic

ſici aduerſus inimicos, quibus illos aut arceas, aut compeſcas, aut quod optimū eſt places.

Amicum perdidī, iam enim te habuiſſe certum eſt, alium quære, & ibi ubi inuenire poſſis, quære inter liberales artes; inter honeſta & recta officiā, quære in laboribus, ad menſam iſta res non quæritur.

Amiſi vxorem bonam, mors effecit, ut affirmare ſine periculo poſſis, bonam amiſi. Inuenies, ſi nihil quæris niſi bonam.

Deniq; habet hanc clauſulam. Mors, exilium, luctus, dolor, non ſunt ſupplicia, ſed tributa viuendi.

P. Emanuel Sà Braccarēſis vir magnæ virtutis & doctrinæ in noſtra Societate, quique anno lubilæi 1600. ſanctiſſimè obiit Aronæ, in ditione Mediolanenſi, ad orā Verbanī lacus, in cōcionibus quas vtiliſſimas totos quadraginta annos habuit in præcipuis pleriſque urbibus Italię, in Iob prælectiones inchoaturus, ſolitus erat præfari ex illis Apoſtoli uerbis. Patientia uobis neceſſaria eſt. Audiui ego eū Mediolani anno ni fallor 1578. illam ſententiam explicantem, noua ſane ratione, quāquam non omninò ex oratoria arte. Fuit oratio eius vnus horæ, Enumeratio perpetua malorum omnium incidentium in humanam vitam, membratim interpolata applicatione patientiæ, quaſi appoſitiſſimi remedij per importunam repetitionem nominis patientiæ ad ſingula recenſita mala, tanto cum fructu animorum, ut auditor planè perſuaſus & affectus erga patientiam diſcederet, ac cogitabundus, taciturnus, prorfuſq; compunctus domum reuerteretur. Exempli cauſa pauca cōmemoro, & Paradigma concionis ob oculos pono. Inſeli-

Heb. 10.

feliciter aiebat, nauigasti, patientia, merces perdisti & lucra, patientia, nec successit àlia terrestris negotiatio, patientia. Domum reuersus ægrotaſti, patientia, ex animi ſententia nec medicamenta, nec medicus, patientia. Diu valetudinarius retentus es domi, patiētia, motiunculis adhuc tentaris, nec ex morbo recrearis, ut uelles, patientia. Bona tibi tua repetenda lite, atq; iudicio, patientia, multam tibi moleſtiam moramq; adferunt patroni & litigatores, patientia, tibi graue eſt appellari clientem, patientia, exhausta domus eſt ſumptibus & iacturis, patientia, te mordet cruciatq; paupertas, patientia, iniuria te pungit, patientia, uiam tibi munitam cernis ad miſerias, ad ſinem, obſeptam ad bona, patiētia. Tibi obſequendum hominibus contra genium, indulgendum liberis pluſquam uelles, citra culpam tamen, patientia, iniuſta tibi ferenda onera, patientia, operis negotijs ac moleſtijs implicaris, patientia, barbaries, tibi toleranda Dominorum, ciuium, aliorumque multorum, patientia, parum fraternè ac honorificè tractaris à tuis, patientia. Conſiſtere domi tuæ non potes, patientia, exturbaris bonis patrijs, patria, prouincia, patientia. Spectris uexaris, patientia. Fodicant te conſcientiæ ſtimuli, patientia, exagitaris ſuſpicionibus, laceraris animo cogitationibus futurorum euentuum, patientia, times ne abripiaris in improuiſas calamitates, patiētia. Quæ alijs bona, tibi mala uidentur, patientia, pateris motus auerſos à ratione, inimicos tranquillitati uite, patientia, te inuaſit mœror, te conficit, nec ulla tibi conſolatio dolorem leuat, patientia. Inſignem accepiſti contumeliam, patientia, nec cam à te propuſſant qui poſſunt,



sunt, & fortè debent, patientia, fallunt maximè, qui viros bonos se profitentur, patientia, impeditis ne te erigas inopia tua & inscientia, aliorum autem inconstantia, inuidia, insania, patientia. Non te corrigis, non tua emendas vitia, ut par esset, & forsitan cupis, patientia, non progredieris virtutis iter, ut debes, patientia, dummodo non indormias tempori, Deum non colis, nec amas, ut te oportere, ac decere intelligis, patientia, nec plura, nam ex his reliqua. Illud hinc efficitur maximum ac præsentissimum aduersus quæcunq; vel maxima mala remedium esse continuam nunquamq; intermissam animo memoriam ac cogitationem illius Apostolici dicti, Patientia uobis necessaria est.

Ceterum hæc eadem Apostoli sententia propriè auctore S. Chrysostomo dicitur, proponiturq; viris bonis, & quibus nihil antiquius quàm peccata auersari, virtutem sequi, Deoq; charitate coniungi, nec Emanuclis nostri alius sensus erat, rumq; patientiæ cultus magnū adfert afflictis solatium, quantacunq; in calamitate versentur, sic autem scribit S. Doctor. Patientia uobis necessaria est, ut uoluntatem Dei facientes reportetis re-promissionem. Vnum opus habetis tantum, ut perseueretis & expectetis futura, non ut iterum certetis, ad ipsam iam coronam proximi facti estis certamina cuncta sustinuitis, uincula, tribulationes, substantiæ vestræ direptæ sunt, quid ergo? nisi quia de cetero ad hoc statis, ut coronemini: hoc solum tolerate, aduentum coronæ. O quanta magnitudo exhortationis, & consolationis, ueluti si quis ad athleram hoc diceret, qui cunctos superasset, ac deiiceret, & nullum reliquum haberet, qui sibi

Hom. 20.  
in Ep. ad  
Hebræos.

concertaret, & deinde futurum, non nisi ut coronarerur, & dilationem ferre non posset, dum arbitrar certaminis adueniret, qui coronam daret: ille autem impatienter ferens uellet exire, & fugere, non tolerans sitim, & flammam aestuationis. Hoc igitur & ipse significauit dicens. Adhuc enim & modicum tempus, & qui venturus est, ueniet & non tardabit. Hæc S. Chrysostomus.

*Actio & Exercitatio Mansuetudinis.*

*Caput*

*XIII.*

**D**E Temperantia, Continentia & Castitate nihil hic addimus ad ea, quæ de disciplina perfectionis libris secundo & quarto tradita sunt. De mansuetudine & humilitate quæ à S. Thoma ad Temperantiam reuocantur, pauca subiicimus.

2.2. q. 158.  
ar. 4.

Actio Mâsuetudinis est iram moderari Huius actionis vim & potestatem explicat S. Thomas sic: Ira quam mitigat mansuetudo, propter suum impetum maximè impedit animum hominis, ne liberè iudicet ueritatem, & propter hoc mansuetudo maximè facit hominem compotem sui, ac propterea dicitur: Fili in mâsuetudine serua animam tuâ. Sed & alia ratione id assequitur mansuetudo, ut sit homo còpos sui, efficit enim ne iracundia inflammatus aduersus ueritatem pugnet: quâ

Ecccl. 10.

Lib. 2. de  
Doctrina  
Christiana.  
cap. 7.

ob causam S. Augustinus scribit: Opus est mitemscere pietate (qualiq; declarans quid sit mitemscere, subiungit) neque contradicere Diuinæ Scripturæ, siue intellectæ, si

aliqua

aliqua uicia nostra percutit, siue non intellectæ, quasi nos melius sapere, meliusq; percipere possimus: sed cogitare potius, & credere id esse melius, & verius, quod ibi scriptum est, etiam si lateat, quàm id quod per nosmetipsos sapere possumus.

Porro hæc iræ moderatio quæ mansuetudinis est propria, non ita accipitur, ut nullo modo irasci unquam liceat, ira enim aliqua utilis est interdum, & necessaria, ut scribunt Patres. explicat nobilis Theologus sic: <sup>2.2.9.158.</sup> <sup>in art. 1.</sup> <sup>Caietan.</sup> Munus passionis iræ non ministrat voluntati & rationi rectæ in actu consilij, iudicij, præcepti, aut electionis, quoniam quodlibet horum præcedere naturaliter debet iræ motum, & iræ turbatio in actibus non confert. Sed ministrat iræ motus actui executioni eius, quod electum, præceptum, iudicatum, consultumq; est, eo quod iuuat ipsam executionem ut pote à natura ad hoc ministeriū ordinatus, melius enim est, quod secundum naturæ ordinem fit. Et hinc fit, ut hi qui non sunt executiui vindictæ, sed solummodo consiliarij, iudices, seu censores, non egeant ira, & de istis verificatur Stoica sententia, quod debent esse sicut leges, quæ nulla passione commouentur, sed illi qui sunt executiui, vindictæ verbo, ita ut ipsa reprehensio sit castigatio, aut factio, egēt motu iræ subministrante uoluntati uindictam. Alioquin uoluntas remissa est. Hæc ille.

Nec desunt in Scripturis Sāctorum exempla. Refero vnum S. Paulum, de quo S. Chrysostomus sic: Si uerò <sup>Homil. 6.</sup> <sup>de laudib.</sup> <sup>Pauli.</sup> <sup>Act. 13.</sup> ut Lucas refert, Paulus Ioannem dimisit, quoniam aliqua inter ipsos facta est contentio, noli hoc delictum putare, non enim commoueri malum est, sed irrationa-



biliter, nulloq; iusto flagitante negotio commoveri.  
 Iacob. 2. Iracundia inquit, iniusta non iustificabitur, non ergo  
 Matth. 5. culpatur simplex iracundia, sed iniusta. & rursus: Qui  
 iratus fuerit fratri suo sine causa, non ergo simpliciter  
 Plal. 4. iratus. Et Propheta dicit: Irascimini, & nolite peccare.  
 Quod si omninò huiusmodi uti non oportet affectu,  
 etiam cum tempus exposuit, frustra nobis videtur in-  
 genitus; Sed profectò non frustra, quem certè prouidus  
 nobis Creator inseruit, ut dormientes animas atq; reso-  
 lutas ab inertia desidiâ suscitaret. Quasi enim gladio  
 aciem, ita menti nostræ iræ acumen imposuit, ut eo cū  
 oportet, utamur. Propterea igitur & Paulus hoc sæpè  
 est usus affectu, & modestè loquentibus erat melior ira-  
 tus, cum tempore omnia faciens opportuno, pro lucro  
 & commodo prædicandi. Neq; enim simpliciter leni-  
 tas semper est bona, sed cum illam tempus efflagitat,  
 quando uerò id non adest, etiam ista uitiosa est, sitque  
 inconstantia.

Maximè autem Paulus affectum iræ adhibuit in re-  
 prehensionibus grauium peccatorum, eorum præsertim  
 quæ in commune aliorum damnum redundabant. Lo-  
 cus est S. Chrysostomi id explicantis etiam Christi Do-  
 mini exemplo, in principio in Epistolam ad Galatas Cõ-  
 mentariorum eius, quem hic adscribo, quod res hæc  
 planius ac elegantius quàm Chrysostomi oratione de-  
 clarari minimè possit. Proœmium ait, est, multa uehemẽ-  
 tia, magnoq; spiritu plenum, nec Proœmium modò, ue-  
 rum etiam tota ut ita dicam Epistola. Etenim tum placi-  
 dè leniterq; loqui discipulis, cum opus est acrimonia,  
 non Doctoris, sed corruptoris potius fuerit, & hostis.

Hanc

Hanc ob causam & Dominus cum multa placidè mansuetèq; locutus sit discipulis, nonnunquam tamen & austeriorem adhibuit orationem, nunc quidem illos beatos prædicans, & collaudans, nunc rursus increpans & obiurgans. Itaque cum Petro dixisset: Beatus es Simon Bar lona, promississetq; futurum, ut illius fundamenta super illius professionem iaceret, haud multò post dicit eidem: Vade post me Satana, scandalum es mihi. & alibi rursus: Adhuc & uos sine intellectu estis? Tantumq; terroris illi iniecit, ut Ioannes dicat, quod videntes cum muliere Samaritana colloquentem, de cibo quidem commouerit; Ceterùm, nemo fuerit ausus dicere, quid quæris, aut quid loqueris cum ista? Hęc edoctus Paulus, ac præceptoris sui uestigia ingrediens, variè sermonem ad discipulorum utilitatem attemperat: nunc quidem urens ac secans, nunc rursus minora admouens remedia. Et Corinthijs quidem dicebat: Quid, vultis in uirga veniam ad uos? an in charitate & spiritu lenitatis? Porro Galatis ita loquitur. O stulti Galatæ, nec uerò semel duntaxat, sed bis usus est hac obiurgatione. Quin & sub finem Epistolæ taxans illos dicit: Ne quis mihi facessat negotium. Ceterùm his acerbitate denuò mitigat, cum ait: Filioli mei, quos iterùm parturio; alijsq; multis consimilibus uerbis. Ceterum, hanc Epistolam esse plenam uehementiæ, cuius perspicuum est, uel ex ipso statim lectionis ingressu, & post. Quod igitur erat peccatum, quo sic commotus erat? profectò magnum erat, quodq; illos omnes abalienabat à Christo, quemadmodum ipse in progressu, sermone declarat dicens: Ecce ego Paulus dico uobis, quod si

Matth. 16.

Ibid.

Matth. 15.

Io. 4.

1. Cor. 4.

Gal. 3.

Gal. 6.

Gal. 4.

Gal. 5.

circum-

circumcidamini, Christus nihil uobis profuturus est. Ac  
 rursum: Quicumq; in lege iustificamini, à gratia excidi-  
 stis. Et post. Proinde cum cerneret totam Galatarum  
 gentem inflammata, ac periculosum incendium ad-  
 uersus eorū Ecclesiā exortū esse, iamq; domū labefactā  
 periclitari, ne corrueret, partim ira iusta commotus, par-  
 tim immenso animi dolore correptus, ( nam & hoc de-  
 clarauit dicens, cupiebam nunc esse apud vos, & muta-  
 re vocem meam) scribit Epistolam ad vniuersos. Hæc  
 Gal. 4. ibi. Facti porrò irę documenta in Scripturis sunt Moy-  
 si plerq; res gestę, Phinees, Iosue, Dauidis, Elię, Elisęi,  
 Matthatię, ac Diui Petri contra Ananiam & Saphiram,  
 aliorumq; multorum, ex quibus intelligitur administra-  
 tionis rectę iracundiam, zelumque extitisse etiam in  
 sanctis perfectisq; hominibus.

Vniuersè autem loquendo: Vir ac præsertim præses  
 Euangelicus, humanè mansuetèq; agere cum homini-  
 bus debet, potius quàm austerè ac feruidè, nisi boni pu-  
 blici & salutis aliorum ratio ut dicebamus; secus fieri  
 quàm ferè fieri oportet, præscripsent. si quidem discite  
 à me Dominus ait, quia mitis sum. & S. Petrus non qua-  
 si dominantes in cleris. & S. Augustinus, nulla superbia  
 consulunt his, quos filios vocant. Id uerò maximè in  
 corrigendis hominibus contra actiores reprehensio-  
 nes, aliaq; ad eorum inueteratos morbos depellendos  
 adhibita uehementiora remedia, obduratis. Quos enim  
 ait S. Gregorius cruciamenta non corrigunt, nonnun-  
 quam ab iniquis actionibus lenia blandimenta compe-  
 scunt. Quia & plerunq; ægros, quos fortis pigmento-  
 rum potio curare non valuit, ad salutem pristinam te-

pens



pens aqua reuocauit, & nonnulla vulnera quę curari incisione nequeunt, fomentis olei sanantur, & durus adamas incisionem fieri minimè recepit, sed leni hircorū sanguine mollescit.

Ad excolendam autem virtutem mansuetudinis nulla opportuniore, aut magis idoneę occasionē reperiuntur, quàm iniurię. Hę enim dant occasionē mansueti, ut mansuetior euadat, & iracundo, ut abiecta ira, mansuetudinem induat, quę exercitatio planè Euangelica est, à Christo Domino primū de cælo deducta, verboq; & exemplo Christianis omnibus apprimè commendata, & in hac suadenda cum partem hanc Christianę Philosophię tractant, toti sunt Patres. Accipiam ex S. Chrysostomo quędam simulque ex scripturis.

Primū igitur exercetur mansuetudo, cum inferitur iniuria, silentio & taciturnitate, siquidem turbatus sum, & non sum locutus. Sæpè numero ait S. Chrysostomus vinci quàm uincere præstantius est, optimus profectò victorię modus. Nam siue quis rapiat, siue percutiat, siue inuideat, qui suffert, & non cominus aggreditur, ille pulcherrimus uictor est. Cur rapinam & inuidiam dico, cum etiam qui ad martyrium traditur, cæsus, laceratus, iugulatusq; hoc pacto deniq; superat. Et quidem in bellis ostensio prælij est, si miles occiderit. Hęc apud nos clarissima est victoria, nullibi certè male agentes, & ubiq; mala sufferentes superamus. Illa fulgentissima uictoria est, qua inferentem patiēdo superasti. Cumq; oppressam exteriori victorię naturam habeat, quod maxime virtutis argumentum est, à Deo esse

Psalm. 76.  
Hom. 85.  
in 25. cap.  
Matth.

se demonstratur, sic scopuli fluctibus cæsi facile ipsos dissoluunt: sic sancti omnes præclaro, præconio coronati præclara trophæa statuerunt, hanc victoriam laboris expertem consecuti. Non enim luctari te, aut laborare oportet. Deus eas tibi vires concessit, ut non confertio ne manuum, sed patientia vincas. Non excas igitur in prælium, & vicisti: non collucteris, & coronatus es. multò tu præstantior, & fortior aduersario es. Tu teipsum dedecoras, noli committere, ut ille possit dicere, uia te in prælio superatum fuisse: sed fac ut inexpugnabilem hanc uirtutem admireretur, & stupeat, prædicetque abs te sine prælio se victum fuisse. Adfert deinde exemplū Ioseph qui contumelia affectus tacet, & Christi Domini, qui idem dedit in passione sua documentum.

Gen. 39.  
Matth. 27.

Non sufficit tamen ad mansuetudinem solum silentium, nisi etiam adsit magnus animus, quo exurgens ira comprimatur, extingaturq; siquidem animi uirtus est mansuetudo & Dominus indicat, cum ait: Mitis sum & humilis corde, non solum humilis, uidelicet, sed etiam mitis corde, & hic est in hac palæstra victoriæ cumulus non exiguus, non solum quia animo suo dominatur mansuetus, sed etiam quia patientia sua & mansuetudine placat iratum & contumeliosum aduersarium. In ira inquit S. Chrysostomus, quia valde contumeliatus alium est, superasse videtur, cum re uera ipse maximè à turpi hac perturbatione victus non parum sibi ipsi nocuerit. Qui autem magno animo tulit iniuriam, hic profecto, & quidem cum laude superauit. Ille nanque nec suam quidem ægritudinem compressit, hic etiam alienam extrinxit, & ille suo morbo superatus est, hic etiam alienum

Matth. 11.

Ibid.

alienum curauit: nec solum ipse inflāmatuſ non eſt, ue-  
rū etiam ingentem alterius flammā extinxit. Quod  
ſi apparentem hanc & non veram victoriam conſequi  
uoliſſet, & ipſe victuſ iacuiſſet, & aduerſarium magis  
incendiſſet, ſic turpiter & miſerabiliter quemadmodū  
mulierculæ ab ira exagitate ambo iacent. Nunc verò &  
huius dedecoriſ expers eſt, qui philoſophatur, & præcla-  
rum tam ſibi, quā proximo de iracundia trophæum  
conſtituit.

Tertiò ad uſum manſuetudiniſ firmiter tenendum  
ac continuandum facit maximè illa cogitatio, quod nō  
tam iniuria nos afficit contumelioſuſ quā beneficio.  
Quanto plura ait idem alibi, illata tibi aduerſario incom-  
moda dixeris, tantò re ipſa benefactorum ipſum oſten-  
des, qui cauſam tibi præbuit, ut tuorum poſſiſ peccato-  
rum ſordes detergere. Ita quo maioreſ in te iniurias ille  
iaculatuſ eſt, eo maioreſ indulgentiæ tibi cauſa conſtitu-  
tuſ eſt. Nam ſi voluerimus nemo nobiſ vnquam iniu-  
riari poterit, ſed cum inimici ſint, præcipua tamen no-  
biſ inferunt lucra. Cur de hominibuſ tantum loquor,  
cum Diaboluſ quoq; ipſe quo nihil pernicioſiuſ, non  
paruaſ nobiſ approbationiſ cauſaſ adſeruat? Quam rem  
Iob ille manifeſtā omnibuſ fecit. Si ergo Diaboluſ oc-  
caſionem corone præbuit, cur alioſ inimicoſ formidaſ?  
Perſpice igitur quot & quanta lucreſiſ, ſi æquo animo  
oppreſſioneſ inimicorum tuleriſ. Primò quod maximū  
eſt, peccatorum remiſſionem. Deinde patientiam atq;  
perſeuerantiā laudabilem. Tertiò manſuetudinē, &  
humanitatem. Nam qui neſcit aduerſuſ inimicoſ irāſci,  
multò magiſ amicis erit commodior. Quartò quia pro-

Hom. 6a.  
in cap. 18.  
Marth.

Fructuſ eo  
lærantie in  
iuriarum.

1

2

3

4



cul ab ira tranquillo semper animo iuues. Cui rei quid unquam conferri poterit? Qui enim ira non capitur is iucunditatem animi consecutus est.

*Quartò* sed nec hic sistit mansuetudo perfectæ, quin æmula charitatis cuius & filia est, inimicos & iniuriam inferentes homines amore beneficijsq; prosequitur, et si aliter nō potest, saltem commiseratione, oratione, & lachrymis. Præterea ait idem: Tecum crebrò uerte; quia Christis ad crucem iturus ipse quidem gaudebat, de crucifigentibus autem lachrymabatur. Quē ita imitari debemus, ut quo magis perseverant persecutores nostri, eò largiores lachrymas pro ipsis effundamus. Innumera enim hinc bona nobis, illis aut non pauca incommoda comparamus. Sed coram in quies omnibus & verbis, & verberibus me duriter uexauit. Coram igitur omnibus dedecore & infamia se notauit, & multorum aduersus seipsum aperuit ora; tibiq; maiores subtexuit coronas, & multos præcones patientiæ, ac magnanimitatis tuæ constituit. Sed clam in quies, apud alios mihi detraxit. Et quid hoc est? huius enim rei rationem Deus, non illi qui detrahentē audierunt, petiturus est. Accedit, quod pœnas sibi multiplicauit, non de delictis suis solum, sed etiam de ijs, quæ de te oblocutus est, redditurus. Præterea, apud homines tibi detraxit, & apud Deum sibi tractum est. Quod si hæc tibi satis non sunt, quia Deo apud homines quos maximè diligebat, Diabolus detraxit, & Vnigenito filio similiter. Nam si patrem familias inquit Beelzebub vocauerūt, quid facient familiaribus eius? Nec obrectauit solum iniquissimus ille Dæmon, verum etiam fides sibi adhibita est, nec minima, sed maxima

xima ei crimina intulit, seductore & aduersarium Deo appellans. Sed magnis oppressus sum ærumnis ab eo  
 ais, qui beneficio meo conspicuus est. Ideo maximè tibi gaudendum est, quia Deo, qui tam ad probos quàm improbos solem oriri facit, similis factus es. Quod si arduum, ac ultra vires tuas imitatio Dei tibi uideatur, quàmuis studioso difficile non sit, tamen quoniam te tuo iudicio excedit, age ad seruorum eius uenias imitationē. Imitare Ioseph, qui ad seruitutem usq; fratrum iniuria traditus, beneficio suo spontè ipsos subleuauit. Imitare Moysen, qui uel post mille iniurias pro populo deprecabatur. Imitare Beatum Paulū, qui quamuis mille à Iudeis afflictionibus quotidie premeretur, anathema tamē esse pro salute ipsorum uolebat. Imitare Stephanum, qui dum peteretur lapidibus, ut hoc peccatum lapidantibus remitteretur, orabat. Hæc omnia cogitantes omne iræ incendium restinguamus. Hæc ille.

Matth. 26.  
10. 9.

Gen. 41.  
& 43.

Deut. 9.

Rom. 9.

Act. 7.

*De Actionibus Humilitatis earumque usu*  
*continuo. Cap. XIV.*

**B**oni illius quod arduum appellant Philosophi, duæ sūt rationes; una est, qua bonum illud voluntatem hominis sua bonitate ad se allicit, trahitq; altera qua eandem uoluntatem sua difficultate quasi à se auertit. Iccirco inquit S. Thomas, circa appetitum boni ardui necessaria est duplex virtus; una quidem, quæ temperet, & refrenet animum, ne immoderatè tendat in excelsa, & hoc pertinet ad virtutem humilitatis; alia uerò quæ firmet

2. 2. q. 161.  
art. 1.

animum contra desperationem, & impellat ad prosecutionem magnorum; secundum rationem rectam, quæ magnanimitas est. Igitur de sententia S. Doctoris actio humilitatis est, refrenare animum, ne immoderate appetat res magnas, & quæ sint supra vires suas, quod assecutum se David ait, cum scribit: Neq; ambulaui in magnis; neq; in mirabilibus super me. & cui consentanea est Salomonis sententia. Altiore te ne quæsieris, & fortiora te ne scrutatus fueris. Alij uertunt: Quæ vires tuas superant, hoc est, ad quæ capiendâ minus idoneus es. Ait S. Augustinus, qui explicas antedicta Psalmi uerba: Neq; ambulaui in magnis, non fui inquit, superbus, nolui quasi in mirabilibus innotescere hominibus, nec quæsiui aliquid supra vires meas; unde me apud imperitos iactarem, magna res commendatur. Quomodo Simon ille Magus in mirabilibus ingredi uolebat super se, propterea plus illum delectauit potentia Apostolorum, quàm iustitia Christianorum, & post sunt homines quos delectat miraculum facere, & ab eis qui profecerunt in ecclesia miraculum exigunt, & ipsi qui quasi profecisse sibi videntur, talia uolunt facere, & putant se ad Deum non pertinere si non fecerint. (His respondet.) Non es iustus, quia non facis miracula? possis & auri dicere, non es in corpore, quia non vides. Fac inquis & tu, sicut & Petrus fecit. Sed Petrus & mihi fecit, quia in eo corpore sum, in quo Petrus fecit, in illo quod potest possum, à quo diuisus non sum. Quod minus possum, compatitur mihi, & quod plus potest, congaudeo illi; si ergo fratres, vnusquisq; quod potest, iuste egerit, & in eo quod alius plus potest non inuiderit, sed congratulatus



latus fuerit, tanquam in uno corpore cum eo constitutus, pertinet ad eum uox ista Psalmi, Domine non est exaltatum cor meum, neq; elati sunt oculi mei, neq; in gressus sum in magnis; neq; in mirabilibus super me. Quod enim excessit vires meas, non quesiui, nec ibi me extendi, nolui ibi magnificari. Hæc S. Augustinus. S. Gregorius verò, quod adinet ad gratiam miraculorū, quiddam addit, quod etiam ad illustrandam humilitatis vim facit, quamuis ad actionem eius, quam nunc inquirimus proximè non spectet, cum .n. narrasset quem admodū Libertinus monachus ad mota Honorati magistri sui caligula homini vita functo, cum reuocauit ad uitam, ad eum modum quo Helisæus Iordanis fluij superiecto pallio Helix ad Helix appellationem portitor fuit, addit, perpendis Petre, quantum in exhibendis virtutibus humilitas ualet? Tunc exhibere magistri meritum virtutem potuit, quando magistri nomen ad memoriam reduxit. Quia enim ad humilitatem sub magistro redijt, quod magister fecerat, & ipse fecit.

Ergo humilitas refugit ea quæ supra vires sunt: subijcit præterea hominem Deo, & propter Deū hominibus, à Deo quippe se habere quicquid habet boni uir humilis intelligit, & sine Deo nihil omnino posse, & nihil esse, magisq; ab eius omnipotente bonitate perdere, quàm à corpore umbram, à sole lucem, ab animâ sensum & vitam; nec subijcit solum, sed subijcit magno cum affectu reuerentiæ erga tantum Patrem, vult enim humilis (est autem in voluntate humilitas) se esse quòd est nempe nihil esse se, & esse quod est, quicquid est boni à solo Deo, omnis boni ac pulchri fonte: sicq; affectus

ctus summa cum animi erga Deum reuerentia & submissione se totum illi tanquam rem prorsus ipsius submittit ex animo. Ob eandemq; causam etiam hominibus, quatenus dona Dei in hominibus recognoscit, quibus ipse ut se reputat inferiorem, sic inferior esse vult. utrumq; habent Sacre Litteræ. Primum quidem de subiectione ad Deum, Humiliamini sub potenti manu Dei. Secundū verò de subiectione pp Deū hominibus; Subiecti estote omni humanæ creaturæ propter Deum.

Tertiò humilitas ex se quantum potest refugit mundi & hominum laudes, studetq; magna agere quidem; sed coram Deo, ob cuiusq; unius gloriam. S. Gregorius in illa verba: Isai patris David, adhuc reliquus est, qui pascit oves, sic ait. Quid est reliquus nisi abiectus? abiectū dico à se, nō à Deo: quia à Deo per superbiam quis abiicitur, à se abiectus est, qui vilis & humilis æstimatur, uel reliquus dicitur, qui in aliorum comparatione esse aliquid non videtur. Abiectus ergo humilis dicitur, quia contemni se uidet, & tolerat, ostēdi nequaquam curat, sed oves pascit, quia cogitationes simplices in contemplatione æternæ hæreditatis nutrit, & post. Meritò paruulus iste dicitur oves pascere, quia electus quisq; humilis est, & sterilis non est, quia quotidie magna agit, sed de se magna non sentit. Meritò ergo non solum paruulus sed pastor asseritur, quia qui uerè humiles sunt, foris se deijciunt, sed per internā societate in summis & æternis pascuis immorātur. Nā scriptū est: Deus superbis resistit, humilibus autē dat gratiā. Quæ autem gratia? nisi ut summa videāt, & cognoscāt, cognoscāt, & diligāt, atq; ad ipsa dilecta quasi fortes & pingues currant. Hęc ibi.

Quartò

1. Pet. 5.

1. Pet. 2.

Lib. 6. in  
1. Reg. c.  
7. circa  
med.

1. Pet. 5.

Quartò humilitas ita animum hominis componit, & format, vt qui ea præditus est, non solum hominum laudes auerfetur, sed optet etiam uehementer, se ab hominibus uilem haberi, ad idq; industriam ac neruos intēdat ingenij. Verus humilis ait S. Bernardus, uilis uult Serm. 16.  
in Cant. reputari, non humilis prædicari, gaudet contemptu sui, hoc solo sanè superbus, quod laudes contemnit. At inquis quid faciet humilis vir cum laudatur? primū si potest, ne laudetur, efficit, si nō potest inuitus laudationes tolerat, sic habet S. Gregorius. Redemptor noster miraculum faciens & tacere iussit, & tamen taceri nō potuit, Li. 1. dial.  
cap. 9. ut uidelicet & electi eius, exempla illius sequētes, in magnis quæ faciunt, latere quidem in uoluntate habeant, sed ut prosint alijs prodatur inuiti: quatenus & magnæ humilitatis sit, quod sua opera taceri appetunt, & magnæ utilitatis sit, quod sua opera taceri non possunt. Non ergo uoluit Dominus, quicquam fieri, & minimè potuit, sed quid uelle eius membra debeant, quidue de eis etiam nolentibus fiat, doctrinæ eius magisterio exemplum dedit. Hæc S. Gregorius.

Progressus porro humilitatis ut à Deo est, sic ab eo Matth. 11. discitur, & discite ait à me. uidetur tamē ita posse breuiter comprehendere. Primò cognoscit se homo, verèq; intelligit, quis sit corā Deo & Angelis eius, nimirum quātis, quā multis peccatis obrutus, quibus miserijs ac malis obnoxius, quā indignus sit minima etiam dei gratia & miseratione, quā deniq; animo corporeq; toto planè uilis ac desplicatu dignus. Deinde quod se esse intelligit, sibi etiam planè persuadet, nec errore ullo se falli, cum se sibi met obijcit, qualē se Diuino hoc lumine illustra-



Serm. 42  
in Cant.

illustratus esse videt, faterurq; libens sibi se scēdissimū,  
miserrimum, vilissimum homūcionem esse. Tertiò lo-  
co amore ueritatis hoc est Dei inflammatus ex animo  
cupit haberi ab alijs, qualem seipse cognoscit, ac repu-  
tat, idq; prudenter quærit, & agit prout se dat occasio,  
quæ sine dubio perfectæ humilitatis est Actio. Hunc  
progressum egregiè describit S. Bernardus in hæc uer-  
ba. Est humilitas, quam nobis ueritas parit, & nō habet  
calorem: & est humilitas, quā charitas format, & inflam-  
mat. Atq; hæc quidem in affectu, illa in cognitione cō-  
sistit. Etenim tu si temetipsum intus ad lumen ueritatis,  
& sine dissimulatione inspicias, & sine palpatione diju-  
dices, non dubito, quin humilieris & tu in oculis tuis,  
factus uilior tibi ex hac vera cognitione tui, quamuis  
nec dum fortasse patiaris id esse, in oculis aliorum. Eris  
igitur humilis, sed de opere interim ueritatis, & mini-  
mè adhuc de amoris infusione. Nam si ueritatis ipsius  
quæ te tibi ueraciter atq; salubriter demonstrauit, sicut  
splēdore illuminatus ita affectus amore fuisses; uoluis-  
ses proculdubio, quod in te est, eandem de te omnes te-  
nere sententiam, qua ipsam apud te ueritatem habe-  
re cognoscis. Sane quod in te est, dixerim, quoniam ple-  
runq; non expedit; innotescere omnibus omnia, quæ  
nos scimus de nobis, atq; ipsa ueritatis charitate & cha-  
ritatis ueritate vetamur palam fieri uelle, quod noceat  
agnoscenti. Alioquin si priuato amore tui tentus deti-  
nes pariter intra te iudicium ueritatis inclusum, cui du-  
bium est, minus te ueritatem diligere, cui proprium præ-  
fers, uel commodum, uel honorem? Idem S. Pater cum  
docuisset, priorem humilitatem necessitatis esse, poste-  
riorem

riorem volūtatis, addidissetq; Christū Dominū utpote summū perfectissimumq; nullo dedecore dignū fuisse, ideoq; nulla necessitate veritatis, sed sola volūtate charitatis exinaniuisse semetipsum, ac vsq; ad mortem & ignominia crucis abiecit, subiicit, tu si iam apud te ipsum humiliatus es necessaria illa humilitate quā scrutans corda & renes ueritas sensibus ingerit animæ vigilantis, adhibe voluntatem, & fac de necessitate uirtutē, quoniam nulla est virtus sine conuiuentia voluntatis. Sic autem fiet istud, si nolis alter apparere foris, quā te iuuenis intus. alioquin time, ne de te ipso legas; Quoniam dolosē egit in conspectu eius, ut inueniatur iniquitas eius ad odium. Ponderus inquit, & ponderus abominatio est apud Deū. Quid .n. tu te depreciaris in secreto apud te ipsum veritatis trutinā ponderatus, & foris alterius pretij mentiens maioris te ponderis vendis nobis, quā ab ipsa accepisti? Time Deum, & noli hanc rem pessimam facere, ut quem humiliat ueritas, extollat uoluntas: hoc est .n. resistere ueritati, hoc pugnare contra Deum. Verū est hoc loco breuiter explicāda quæstio illa, quæ nonnunquam viros ēt valde bonos angit, quatenus homini Christianā perfectionē sectanti laborandum sit pro conseruanda, aut non amittenda fama. Et primū quidē vniuersē oībus conuenit, ac necesse est, nō solū ex virtute viuere, sed etiam cū aliorum ædificatione, ut sic luceat lux nostra corā hominibus, & quæ pacis sunt & ædificationis inuicem custodiamus. S. Bernardus cū dixisset virtutem esse florē campi relatū in Canticis, bonam verō famā lilium conualliū, erit quidem inquit, Virtus contenta candore conscientia, ubi sequi nō po-

Psal. 35.

Prou. 20.

Serm. 71.  
in cant.

terit odor famæ. Ceterum odor famæ nec excusare poterit vitiū conscientię decoloris. Prouidebit tñ semper (quod in se est) homo virtutis bona nō tantū corā Deo, sed etiam corā hominibus, ut uerè sit lilium. Hoc ille.

Lib. 22. cō  
tra Faustū  
cap. 56.  
Gen. 29.

Quod multò maximè curandū est ijs, qui negotium publicū gerunt; aut quibus aliqua animas regendi ac iu-  
uādi cogitatio cōmissa est. S. Augustinus, nil amplius ait mādragorico pomo filij Lię figurari intelligo quā bo-  
nā famā, non eam quæ confertur, cum laudant hominē pauci iusti atq; sapientes, sed illam popularē, qua ēt ma-  
ior & clarior notitia cōparatur: nō ipsa per se expetēda, sed intētionī bonorum, qua generi humano consulūt, per necessaria. Vnde dicit Apostolus, oportet etiam testi-  
monium habere bonū ac eius, qui foris sunt, qui licet parū sapiant, reddunt tñ plerūq; labori corū per quos sibi consulitur, & splendorē laudis, & odorē bonę opinionis. S. Chrysostomus addit ad hęc antistiti nō solū defendendā famam cū contaminatur mendacijs, & affi-  
ctis criminibus, sed longe ante prouidendū ne quid cū tēpore accidat, quo bona de eo opinio, exstimatione lædatur, ēt si imprudentes alioquin sint & plebei homi-

Lib. 6. de  
sacerd.  
1. Cor. 8.

nes, qui de eo obloquitur. Si n. inquit. Beatus ille Paulus, verius est ne fortè apud discipulos suspectus esset, quo nomine & alios in pecuniarū administrationē secū asūpsit, vt ne quis inquit, nos carpat in hac exuperātia quæ à nobis administratur, quomodo non oīa à nobis agenda sunt, ut malas à nobis suspiciones amoueamus, quātumuis licet falsas, iniquas, & ab ea quam habemus opinione alienas? A nullo n. peccato rātum absumus, quantū à furto aberat Paulus. Attamen tantū ille cū ab-  
esset,



esset, à prauo huiusmodi facinore, nec sic quidem negli-  
gendam sibi putauit cōmunem multorum suspicionē,  
etiam si admodum iniquam, atq; insanam, & post. Iccir-  
co radicitus eam auellit, seu ut uerius dicam, prorsus ne  
exoriri quidē eam permisit, quamobrē? procuramus. n.  
inquit, quæ honesta sunt, non modo coram Domino,  
sed etiam corā hominibus. Tantum certē oportet, imo  
uerò lōgē maius studium adhibere, ut malas opiniones  
non solum dum erumpūt, diuellamus, arceamusq;, sed  
& procul unde erumpere possint prospiciamus, atq; ad  
eo causas ipsas, è quibus enascantur, longo ante tempo-  
re interimamus: non etiam dum coalescant, & in vulgi  
ore versentur, ac diuulgentur expectemus. Tunc enim  
haud procliue fuerit eas delere, sed admodum difficile:  
fortasse ē nulla eas arte tum extinguere ualeas, neq; ue-  
rò tum res culpa careat, propterea quod hoc ipsum fiat,  
quo tempore multorum conscientiam iam lēseris. Hęc  
S. Chrysostomus. In eandem sententiā scribens S. Gre-  
gorius rei huius clarius hanc rationem adfert. Cum in-  
quit praua estimatio in quantum sine peccato ualet, ab  
intuentiū mente non tergitur cunctis mala credentibus  
per exemplum culpa propinatur. Vnde & plerunq; con-  
tingit, ut qui negligēter de se mala opinari permittūt,  
per semetipsos quidem nulla iniqua faciunt, sed tñ per  
eos, qui se imitati fuerint, multiplicius delinquūt. Hinc  
est, quod Paulus immunda quædam sine pollutione co-  
medentibus, sed imperfectis tentationis scādalum sua  
hac cōmessatione mouētibus dicit, uidete, ne forte hęc  
licētia uestra offendiculū fiat infirmis. Et rursum, & pe-  
ribit infirmus in tua conscientia frater, propter quem

3. p. Past.  
Adm. 36.

1. Cor. 8.

Leuit. 19.

Libt. 9.  
Ep. 39.

Ibid.

Christus mortuus est. Sic autem peccantes in fratres, & percutientes conscientiam eorum infirmam in Christū peccatis Hinc est, quod Moyſes cum diceret: Non maledices surdo, protinus adiunxit, nec corā cæco pones offendiculū. Surdo quippe maledicere, est absenti & nō audienti derogari. Corā cæco uerò offendiculū ponere, est discretā quidē rem agere, sed tñ ei qui lumen discretionis nō habet scandali occasionem præbere. Hęc ille. Qui alijs locis auctor est, peccatū cōmitti ab eo qui ne bonū quod ualet fieri, negligit ut fiat. Nā cū placare in sanas mētes, atq; ad salutē reducere possumus, scādalizare eas minimē debemus, sunt .n. quædā scandala, quæ omninō despicienda sunt, quædā uerò dum vitari sine culpa possunt, despicienda non sunt. Hęc S. Pater.

Ceterū ijs sic positis, sunt à Christiano cum inferūtur iniuriæ, contumeliæ etiam & conuitia æquo animo patienterq; toleranda nec multum laborandū de tuenda existimatione nostra, cū culpa omninō aliena, ac nulla nostra mordemur, carpimur, laceramur, siue clam, siue palām, siue mēdacijs res agatur, siue crimini ac vitio uertatur nobis, quod maximē laudādū esset. Hoc est .n. pati propter iustitiam. Si fuerunt ait S. Gregorius, qui malam famā Paulo imponerēt, qui hunc seductōrē vocarent, quis rogo nunc Christianus debet indignum ducere, pro Christo iniurias audire? Quantæ autem virtutis præcursor nostri Redēptoris fuit, nouimus, qui per sacrum eloquium non solum plusquam Propheta, sed etiam Angelus vocatur: & tamē sicut mortis eius historia testatur, post mortem à persecutoribus corpus eius incēsum est, sed quid ista de sãctis hominibus dicimus?

de

de ipso Sancto Sanctorum id est de Deo, qui pro nobis homo factus est, loquamur, qui ante mortem iniuriam, quia Dæmonium haberet audiuit. Post mortem uerò à suis persecutoribus seductor appellatus est. Quanta ergo nos peccatores à lingua & à manibus iniquorum hominum portare necesse est, qui in aduentu æterni iudicis iudicandi sumus, si & ipse tanta tam antè, quàm post mortem pertulit, qui & iudex venit? Hæc ibi.

Verum vir perfectus non solum fert patienter iniurias & probra pro Christo, sed optat et percupidè, nec si sine aliorum culpa fieri posset, ijs carere vult, quibus oneratum ne dicam ornatum cernit Dominum ac parentem suum Christum? Certè de S. Paulo Apostolo scribit S. Chrysostomus, ad confusionem & iniurias, quas ob predicandi studium sustinebat, magis quàm ad bonorum oblectamenta properabat, & post, perfrui charitate Christi hoc illi uita, hoc mundus, hoc angelus, hoc presentia, hoc futura, hoc regnum, hoc promissio, hoc bona videbantur innumera: præter hæc uerò nihil in tristium parte ponebat. Horum. n. qui hic habentur nihil asperum, nihil et suaue reputabat, sed despiciebat uniuersa, quæ cernimus, ut solet herba iam putrefacta contemni, mortem uerò & cruciamenta, & mille supplicia, quasi ludum putabat esse puerorum, dummodo pro Christo aliquid sustineret. Tunc. n. tunc & amplectebatur libenter, & decorabatur uinctus catena magis, quàm diademate coronatus. Hæc S. Chrysostomus, qui de Christo Domino tantæ huius humillitatis duce & magistro scribit, lætus & absque ulla suspicionis formidinis moriturus ibat, & nostra peccata in illa cruce portabat, de eo sanè Apostolus. Etenim Christus

Homil. 2.  
de laudib.  
Pauli.

Serm. 4. in  
feria 5. pas-  
sionis.

non



Rom. 15. non sibi placuit, sed sicut scriptum est, impropria im-  
 2. Cor. 12. properantium tibi ceciderunt super me. Et de se; Placeo  
 mihi in infirmitatibus meis, in contumelijs, in necessita-  
 tibus, in persecutionibus, in angustijs pro Christo.

Occasiones porrò humilitatis exercendę quis nume-  
 ret: breuiter, aut peccatores, aut probabiliter saltē conij-  
 cis, ac opinaris te Dei gratia donatū esse. Si peccator es,  
 nullā aliā humilitatis occasionē queras, quā hoc ipsū,

Luc. 18. esse peccatorem: ac publicano similis te ipsum intuens

Luc. 15. nec oculos ad cælū tollas: aut uelut alter prodigus filius  
 ad te reuersus, dicas patri misericordiarum: Pater pec-  
 caui in cælum & corā te, iā nō sum dignus vocari filius

1. Cor. 4. tuus. Sin autē pia coniectura te Dei amicum per gratiā  
 eius arbitaris, quid habes, quod non accepisti? & si acce-  
 pisti, quid gloriaris, quasi nō acceperis? hac de re præcla-

Ser. 2. de  
 Verbis  
 Apostoli. rē Patres. S. Augustinus in primis, ex quo hæc. Primūm  
 uocatio ad fidem occasio humilitatis est maxima. Prædi-

cato Christo crucifixo, audiunt duo, unus contemnit,  
 alter ascendit. Qui contemnit, imputet sibi, qui

ascendit, non arroget sibi, audiuit enim à ueraci ma-  
 gistro: Nemo uenit ad me, nisi datum fuerit ei à Pa-

tre. Gaudent quia datum est, gratias agat danti cor-  
 de humili; nō arroganti, ne quod humilis meruit, super-

bus amittat. Deinde pergere in uirtute occasio est hu-  
 militatis. Nā ait idē, et qui iam in ipsa uia iusti ambulāt,

Philip. 2. si sibi eā tribuerint, & uiribus suis, pereunt de illa, ideo  
 humilitatē docēs nos Sancta Scriptura per Apostolum  
 dicit, cū timore & tremore uestrā ipsoꝝ salutē opera-  
 mini, & ne sibi aliquid inde darent, quia dixit: Operami-  
 ni, continuo subiunxit, Deus .n. est, qui operatur in uo-

bis

bis & uelle & operari pro bona uoluntate. Quod si di-  
 cas habeo liberum arbitrium, quis me ab ista uia separa-  
 bit? Si legas diligenter inuenies, quendam in sua quadā  
 abundantia, quā tñ acceperat, extollere se cepisse, Domi-  
 nū aut misericordē, ut doceret humilitatē, qđ Dei est ab-  
 stulisse, illū uerò subito inopē remansisse, & misericor-  
 diā Dei recordatione confolsū dixisse: Ego dixi in abun-  
 dantia mea, nō mouebor in eternū, sed ego dixi homo, Psal. 29.  
 omnis homo mendax. Auertisti faciem tuam à me, & fa- Psal. 115.  
 ctus sū conturbatus, ostēdisti mihi, quia illud quo abū-  
 dabam de tuo erat. Tertiò si recurrant in animum me-  
 rita nostra, uera n. merita sunt actiones bonæ hominis  
 in gratia Dei positi, & propter Deum susceptæ. Audi ait  
 Deus quid dicat. Qui coronat te in misericordia & mi- Psal. 102.  
 seratione, & si tua merita præcesserūt, discute bona me-  
 rita tua & uidebis, quod dona sūt mea. Quartò si te dele-  
 ctat ipsa virtutis actio, caue etiam superbiam. S. Grego-  
 rius Virtus ait, cum uitijs renititur, quadam delectatio-  
 ne eius sibimetipsi animus blanditur, fitq; ut bene agē-  
 tis mens metum suæ circumspeditionis abiiciat, atq; in  
 sui confidētia secura requiescat, &c. Hinc animę super-  
 bienti dicitur: Quo pulchrior es, descende, & dormi cū Ezech. 31.  
 incircuncisis, ac si apertē diceretur, quia ex uirtutum de-  
 core te eleuas, ipsa tua pulchritudine impelleris, ut ca-  
 das. & plura ibidem S. Gregorius. Quintò si te ipsum al-  
 teri compares, ait Apostolus in humilitate superiores Philip. 2.  
 inuicem arbitrantes, & honore inuicem præuenientes,  
 & huiusmodi humilitatis occasione præclara est & ob-  
 seruanda S. Augustini regula: Magis cogitare debetis, De Verbo  
Domini  
Serm. 53.  
 quid uobis desit, quàm quid uobis adsit. Quod habes,

caue

Serm. in  
Cant. 42.


Math. 3.

Li. 2. in 1.  
Reg. c. 4.

caue ne perdas, quod nondū habes, supplica, ut habeas. In quātis sis minor, tibi cogitandum est, non in quantis sis maior. Si .n. cogitas quantum præcessisti alterum, time tumorem, si uerò cogitas, quātum tibi deest, adhuc ingemiscis, & cum ingemiscis, curaris, humilis eris, tuior ambulabis, non præcipitaris, non inflaberis. Denique in nostrimet comparatione cum alijs memoranda continuo est interrogatio mystica illa, tu quis es? nec in ea de excellentia cogitandum, sed de submissione ac de pressione. Parum est ait S. Bernardus esse subiectum Deo, nisi sis, & omni humanæ creaturę propter Deum, siue Abbati tanquam præcellēti, siue Prioribus, tanquā ab eo constitutis. Ego plus dico, subdere paribus, subdere & minoribus, sic enim decet nos inquit, omnem implere iustitiā. Vade & tu ad minorē, si uis in iustitia esse perfectus, defer inferiori, minori te inclinato. Hæc ille.

Ad alia alibi commemorata Humilitatis Indicia addatur illud ex S. Gregorio. Vera Humilitas esse cognoscitur, quæ bonum obedientiæ in Majoris imperia consequenda comitatur. Verè itaq; (Heli) esset humilis, si sese ad emendationem culpæ, pro qua arguebatur, obtulisset; sed & fortasse uerius esset humilis, si reprehensus nequaquam responderet, sed neglectam correptionem scelestis filijs adhiberet, si uel tunc pastoralis zelo insisteret, & flagitiosorum sacerdotum scelera digna ultione vindicaret. Hæc ille. & hæc nos ex illo & ex alijs Sanctis patribus ad utilitatem meam & aliorum, ad unam Dei Opt. Max. Gloriam.





# INDEX EARVM RERVM quæ duobus Libris de Virtutis Actionibus continentur.



- Abnegatio necessaria, et frequentanda ; & cur. pag. 18*  
*Abnegatio crucifixio. ibi. militia, bellum, ib. expropriatio. 63*  
*Actio ex virtute. pag. 1*  
*Actio bona, fructus virtutis. 3*  
*Tributum. 4*  
*Actio debita virtuti. 4*  
*Actio virtutis tria habet ex Seneca. 7*  
*Actio virtutis qualis. 6*  
*Actio humana. ibid.*  
*Actio nutrit laborem. 5*  
*Actio virtutis crescit quotidie magis. 6.8*  
*Actio humana quæ. 6*  
*Actio virtutis feruens. 9*  
*Actio virtutis quomodo mereatur augmentum. ibid.*  
*Actio remissa quomodo exercenda ib.*  
*Actio virtutis frequentanda, interna magis, externa simul. 10*  
*Actio externa internam perficit. 10.11.*  
*Actio quomodo habitu refertur in Deum. pag. 15*  
*Actio virtutis examinanda, & quomodo. pag. 32*  
*Actio virtutis vera, falsa. pag. 33. seq. pag. 36. seq.*  
*Actio summa præceptionum Christi. 81*  
*Actio virtutis ex Deo. 85. seq.*  
*Actio uide fides, spes, amor, charitas, prudentia religio, &c.*  
*Actionis initium in Deum diligendū. 16*  
*Actionis nouæ noua intentio. 17.*  
*Actionis diuturnæ intentio renouata. 17*  
*Actionis exitu quid agendum. ibid.*  
*Actione trahit Deus. 85*  
*Actiones virtutum frequentanda, & quomodo. 30. seq.*  
*Actio-*

# I N D E X

*Actiōnum numeratio ad fructum spiritus capiendum.* 55  
*Actiōnum ordo ex Dei voluntate non ex nostra, & ubi potiora præcedunt inde inchoandum ex S. Augustino.* 241  
*Actiōsa virtus.* 3  
*Actiōis quid, & cur vitanda.* pag. 31.  
*37 Prudentia tollitur.* 276. seq. 280  
*Adoptio filiorum Dei maximum donum pag.* 198  
*Adoratio ex religione, quid sit, quotuplex.* pag. 323. seq. *Eius occasiōis p.* 325. seq. *quomodo ex fide & alijs originibus quinque.* 326. seqq.  
*Adorationis externæ occasiō* 329. seqq.  
*S. Adriani mira spes.* 183. seq.  
*Aduersa res virtutis occasiō.* 81. seqq.  
*Ab electis expetitur tanquam Dei beneficium.* ibid.  
*Aduersæ res cur à Deo.* 176. *Quomodo tollerande.* 179. 182  
*Affectiō deprauata fons malarum cogitationum.* 75  
*Affectibus trahit Deus.* pag. 85. *Quomodo.* 88. seq.  
*Alphonſi primi Lusitanie Regis fides, & pietas.* 150  
*Alphonſi secundi Ferraria Ducis dictum ex repentino timore.* 160  
*Amare potius quam amari.* 256. seq.  
*Amicitia cum Deo qua.* 209  
*Amor summus quis.* 186. seq. *Non casualis quis, gratuitus quis.* pag. 186. seq.  
*Amor Dei mercenarius bonus.* 206  
*Amor gratuitus quibus rationibus conciliatur.* ibid.  
*Amor in Deum cum prudentia.* 274  
*Amor in Christum amoris Dei signum.* pag. 219. seq.  
*Amor desiderij.* 189  
*Amor proprius Reſtori formidandus.* pag. 285. seq.

*Amoris duplex cum Deo coniunctiō.* 185  
*Amoris modus.* ibid. seq. & 274. seq.  
*Amoris Dei nullus finis.* 189  
*Amoris Dei occasiōis.* 189. seqq.  
*Amoris testimoniū testamentum nouum, & quomodo.* 193. seqq.  
*Amoris diuini inditia.* 210. seqq.  
*Ex Amore Dei obliuio ſui.* 216. seq.  
*Anihilatiō terminus à quo timoris Dei.* pag. 276  
*Anima ad ima relabitur, nisi ad summam conetur.* 268  
*Animæ quies indicium præſentiæ spiritus.* 279  
*Angeli præ Dei amore non cogniti à sanctis, & quasi neglecti.* 117. seq.  
*Auctoritas diuina fidei robur.* 103. seqq.  
*Audacia occasiō fortitudinis.* 389. *corrigitur fortitudine.* ibid. seq.  
*Audire sapientes inditium prudentiæ, compendium ad eandem.* 318. seq.  
*Auditor Christiænæ doctrinæ quomodo iuuandus.* 123. 126. seq.  
*S. Augustinus quomodo ex creaturis ferebatur in Deum.* 61. seq. & ex eo gradus sex huius ascensionis. ibid.

## B

**B**aptismus quale Dei beneficium. *ſi dei occasiō.* 132. seq. 138  
*Beneficia Dei amoris diuini occasiones, & notæ.* 189. seqq.  
*Beneficia Dei quotidie recolenda, peculiaria etiam.* 190. *Quæ sint ibid. quomodo examinanda.* 191.  
*Beneficia Dei, quæ communia, quæ propria, & quomodo amorem exciunt.* pag. 200. seq. q.  
*Beneficia occulta.* 201  
*Beneficia Angelica.* 202  
*Beneficia interna.* ibid. seq.  
*Benef.*

# I N D E X

Beneficia Dei in inimicos & amicos. pag. 203. seq.  
Beneficia creaturarum. 193. seq.

C

**C**aroli Card. Borromai fortitudo & charitas aduersus peste laborantes. 384  
Caroli Manni ex Regia Stirpe Monachi obedientie exemplum. 373  
Catechizandi ratio duplex. 121. seq. Eius nobilitas. 123. seq.  
Cautio quæ uirtus. 263  
Charitas quid. 185  
Charitas quomodo se demittit. 236. seq. quomodo patienter urget. 237. seq. quomodo condolet. 239. quomodo gaudet, etiam in labore inutili. & omittit opera delectabilia & utilia propter proximum. 240. seq. quomodo superat fastidium eadem repetendi. 241. quomodo matris in morem congruit paruulis. p. 242. seq. quomodo leuat nos nostro fastidio, nostri peccati onere. 243. quomodo operatur etiam contra spem fructus. 244. seq. quomodo se habeat contra tentationū alienarū molestias. seq. varijs hominibus variè aptet. 245  
Charitas collata martyrio 246. seq.  
Charitas commiseratur. pag. 257. seq. con donat crimina. pag. 258. seq. est cum prudentia. pag. 281. seqq. communia proprijs anteponit. 315  
Charitatis actio propriissima. 185  
Charitatis in proximum actiones. 224  
Charitatis actionis explicatio ex Patribus. 225. seqq.  
Charitatis in proximum actionis diuisio ex S. Augustino in Medicinam & disciplinam, & huius in coercionem, & instructionem ex eodem. 227. seq.

Charitatis occasiones. 228. seqq.  
Charitate vincuntur difficultates instituendi proximi. 235. seq.  
Christus Dominus exemplar perfectissimum uirtutis, recte actionis norma, mensura, rectitudo, disciplina, perpendiculum, lex, ratio regia & animata. pag. 36. exemplar etiam Angelorum. ibid. seq. charitatis maximè & humilitatis. 373. 19.  
Christus est in rebus omnibus querendus. pag. 66. & seq. exemplo S. S. Pauli, Bernardi, Francisci. ibid. 68  
Christus amoris nostri norma. 211. seq.  
Christus imitandus. 166. seq.  
Christus similis Galling cur. 171. seq.  
Christus vocat ad timorem filiorum. 164.  
Christi beneficia ex Basilio 56  
Christi beneficia uirtutis occasio. 88. seq.  
Christi cognitio fidei fructus. 98  
Christi amor qualis. 210. seqq.  
Christi charitatis signa, & magnitudo. pag. 259. seq.  
Christi uitæ meditatio fidei ductu fit. pag. 136  
Christo nil nos magis astringit, quam eius passio. 221  
Christo affici diuini amoris inditium maximum. 219. seq.  
Christo passo affici signum deuotionis. pag. 349  
A Christo spei firmitas. 170  
S. Chrysostomi deploratio Concionatorum uana sectantium. 299. seq.  
Circumspectio quæ uirtus. 263  
S. Clementis Romani firmitas in fide. 152  
Clericorum Regularium ministrantium infirmis institutum, tempore pestis quale. 384  
Coercitio quid, quæ maiorum, quæ equalium. 228  
Cogitatio quotuplex. 49



# I N D E X

Cogitatio secularis vitanda quomodo, & quibus. 51. seq.  
 Cogitatio de rebus indifferentibus, de bonis. 57. seq.  
 Cogitationes bonae ex meditatione. 70  
 Cogitationes bonae Mundanorum. 59  
 Cogitationes aduersus merorem. 308. seq.  
 Cogitationum mundanarum quis fructus. 49  
 Cogitationum malarum duplex origo. pag. 75. genera vndecim. ibid.  
 Cogitandi bene magister vsus. 69  
 Commiseratio propria charitatis. 257. seq.  
 Concionatori necessaria prudētia: praesertim in verbis p. 298. seqq. scopus eius, & docendi ratio. 301. seq.  
 Condonat crimina charitas. 258. seq.  
 Confessio fidei. 118. seq.  
 Confessionis sacramentalis audiendae difficultates a confessario superanda quae, quomodo. 235. seq.  
 Consistens ne nimium confessorio adhaerescat. 247  
 Conscientia plusquam prudentia Deo placet. 281  
 Conscientia bona spei inditium. 181. seq.  
 Conscientia quomodo lenetur. 199  
 Conscientiae stimuli a timore. 163  
 Continuatio quale beneficium Dei. 192  
 Consilium Patris spiritualis ad exercitationem virtutis adhibendum, maxime ad examen cogitationum, etiam a perfectis. 70  
 Consilij donum prudentiae Christianae. pag. 269. seq.  
 Consilia sanant audaciam. 390  
 Constantia comes prudentiae. 316. seq.  
 Constantini magni obseruantia in sacerdotibus, lex. 354  
 Contemptum mundi fides parit. pag. 152. eundem spes. pag. 173. Amor Dei. 222

Correctio Maiorum qualis. pag. 228. seqq. aequalium qualis. 219. seqq.  
 Correctionis omisae excusationes vanae. p. 219. seqq. Eius occasiones 231. seqq.  
 Correctionis modus. ibid.  
 Corrumpere Pastoris est, quomodo. pag. 228. seqq. lenitate potius quam severitate. pag. 291  
 Creatio quale beneficium Dei. 191  
 Creatura quid clament. pag. 77. 78. an. orem. 193. seq. 316.  
 Curiositas fidei contraria pag. 104. Eius abdicatio. 147  
 Custodia mentis deuotionis inditium. 348

## D

Decor virtutis in vsu. pag. 86. describitur. 2. seq.  
 Desperatio quomodo vincenda. 176. seq.  
 Deuotio quid pag. 324. Eius occasiones. pag. 336. seq. Ratio eam acquirenda. p. 338. seqq. Eius inditium. 348. seqq.  
 Deus vt quareatur, iubet. 54  
 Deus auctor doni exercendae virtutis. pag. 85. seqq.  
 Deus ostensione virtutis nominatur. ibid.  
 Quibus auxilijs inuenit ad virtutem. pag. 86. quibus rationibus sit auctor actionis virtutis. ibid. seqq.  
 Deus magister hominis. pag. 105. neminem excludit a fide. 93.  
 Deus trahit. pag. 83. quomodo. 58. seq.  
 Deus se nobis accommodat, nos illi vicissim. 114  
 Deus bonorum summa. pag. 186. nil eo melius. 187  
 Deus pater amoris, occasio. 199  
 Dei inueniendi ratio duplex. 54. seqq.  
 Dei beneficia quos affectus excitent. 55. seqq.  
 Dei lux emicat in nobis, & lateet. Eius inditium. 64. seqq.  
 Dei

# I N D E X

Dei charitas in inuando homine ad fidem.  
pag. 110  
Dei providentia amoris occasio. 191. seq.  
Dei proprietates & attributa absoluta.  
accedunt amorē gratuitum. 207. seqq.  
Dei gratuita amicitia. 209  
Dei memoria aduersus merorē. 402. seqq.  
Dei veneratio, & cultus. 96  
Difficultates proximum instituendi quot.  
& quomodo superentur. 235. seqq.  
Discretio, & cognitio amoris Dei proprie-  
tas. pag. 203. quanti sit momenti. pag.  
273. seq. quæ pastoris propria. 283  
Disciplina Christiana non est Stoica. 291  
Dissentio impiorum procuranda. 301  
Dissimulanda nonnumquam errata subie-  
ctorum. 288  
Dilectio quæ Virtus. 263  
Doctrina fidei quot modis tradatur. pag.  
121. quam nobilis actio sit docere ru-  
des. p. 123. seqq. In hoc munere quæ  
molestiæ exoribenda. 126. seqq.  
S. Dominici orandi ratio. pag. 218. seq.  
Vigilantia. 312  
Durities cordis quæ, & vnde. 114

## E

**E**cclēsia Catholica interpres consilij  
Dei. pag. 106. Erga Ecclesiam debita  
quinque. 107. seq.  
Ecclesie fidei fidei cessor. 106. seq.  
Elemosina cum fide. 138  
Examen conscientie pag. 72. formula eius  
a B. P. Ignatio. Res est antiqua. quantū  
valeat ad bonas cogitationes. ibid. seq.  
Expropriatio quid, etiam ex S. Augusti-  
no. 63. seq.

## F

**F**ama bona, & quomodo pro ea labo-  
randum viro perfecto. 425. seqq.

Filius accedens ad Baptismum aut con-  
fessionem quomodo inuandus. 235. seq.  
Fidelitas cum prudentia. 281  
Fides anchora sacra. 129  
Fides in persecutione prædicanda 300  
Fides cognitio supernaturalis nobilissima.  
pag. 91. seq. Dei donum. fundamentum  
omnium bonorum, & quorum. 94. seq.  
Fides Virgo integerrima. pag. 102. ab He-  
reticis stuprata. 149  
Fidei beneficia. pag. 91. seqq. p. 100. seqq.  
Occasio. pag. 93. seqq. p. 130. seqq. pag.  
141. seqq. 143. 145.  
Fidei certitudo auctoritas diuina. 103. seq.  
Fidei motina. 111  
Fidei effectus. pag. 115. fidei laudes. ibid.  
effectuum fidei ordo. 116  
Fidei materia quomodo honores diuinitie,  
voluptates. 134  
Fidei necessitas. 138. seq.  
Fidei ex beneficiis qui fructus. pag. 100.  
seqq. 104. seq.  
Fidei indicia. 147  
Fidei robur ex Romana Cathedra. pag.  
155. & seq.  
Ex fide adoratio. 326. seq.  
Fortitudo quæ Heroica antiquis. pag. 180.  
Quæ Patribus. p. 381. Quæ Christia-  
nis. 382  
Fortitudo bellica etiam in priuato bello  
aut congressione pro fide ac virtute.  
pag. 382. Aduersus peste laborantes  
& alia pericula suscepta pro salute  
proximi. pag. 384. Exempla etiam no-  
strorum hominum, ib. seq. aduersus vi-  
te illecebras magna fortitudo. 387  
Fortitudo donum Dei. pag. 394. maxime  
elucet in repentinis malis. ibid.  
Fortitudo inimica fraudis. 395  
Fortitudinis occasiones p. 387. seqq. In-  
dicia. 390. seq.  
P. Franciscus Borgia secularis quomodo

# I N D E X

ex creaturis in Deū exurgeret. **57. seq.**  
**S.** Franciscus quā totus in Christo pag. **68.**  
 Eius orandi **ratio** pag. **218. seq.** **Pauper**  
**tas** pag. **223.** **Zelus** animarum p. **248.**  
 de concōnibus. **sententia** pag. **300.** **Ob-**  
**servantia** in sacerdotis. **355.**  
**B.** Francisci Xaverij, Martyrij cupidi-  
**tas** pag. **294.** **salutis** animarum stu-  
**dium**, & **regula** eius. **314.**

danis. **ibid.** **seqq.** **Episcopis**, **Pastoribus**,  
**Regularibus**, **Comingatis**. **52. & 53.**  
**Honoris** partes quę. **333. seq.**  
**Humilitas** se prudentie committit. pag.  
**302. seq. p. 316.** **Eius actio** p. **419. seqq.**  
**424.** **subijcit** Deo, & hominibus. **419.**  
**Refugit laudes** p. **422. seq.** **gaudet** con-  
**temptu** p. **423.** **Eius progressus** **ibid.**  
**seq.** **occasionēs** p. **324. seq.** **430. seqq.**

## G

**Gaudet** fortis in tribulatione. **393.**  
**Gaudium** celestis regni contra merorem.  
 pag. **400.**  
**Gaudium** lucri lenit dolorem damni. **243.**  
**Gaudium** spiritus fructus spei. **180. seq.**  
**Gradus** altior cur non desiciat. **5.**  
**Gradus** sex Deum opere attingendi & co-  
 gnoscendi **S. Augustino** qui **61. seq.**  
**Per Gradus** sex pronunciare **S. Gregorio**  
**quid**. **8.**  
**S. Gregorij** diuitie, cur paupertati here-  
 mitarum prelata. pag. **222. seq.** **eius**  
**prudentia**, & **fortitudo**. **283. seq.**

## H

**H**abitatus finis est actio. **2.**  
**Habitatus** est id quo agimus. **ibid.**  
**Habitatus** operans virtus. pag. **3.**  
**Habitatus** voluntatis iuuans ad fidem quis.  
 pag. **110.**  
**Hereticis** ne syllaba quidem concedenda  
 in rebus fidei. **102.**  
**Heretici** auersandi. **ibid. seq.**  
**Heretici** quomodo dignoscantur. **141.**  
**Homo** se quisq; consideret ut Deum amet,  
 & quomodo. **190. seq.**  
**Hominum** status multi pag. **49. seq.** **Idio-**  
**tis** bonis quid conueniat, **Idiotis** item  
**ingeniosis**, hominibus religiosis, mun-

## I

**I**eiunium obedientia minus. **375.**  
**I**esvs omnia bona. **197.**  
**I.** Ignatius Loyola quomodo ex creatu-  
 ris ferretur in Deum. p. **60. seq.** **Eius**  
**animarum zelus** p. **255.** **prudentia**.  
 pag. **288.** **Vigilantia** pag. **312.** **obe-**  
**dientia**. **375.**  
**Imitatio** **S. S.** pag. **37. seq.** non difficilis  
 gnauis p. **319. seq.** **Exempla**. **ibid.**  
**Impetus** spiritus & carnis qui. **47.**  
**Impij** diuidendi. **301.**  
**Industria** ad uirtutem necessaria. **89.**  
**Infernus** peccato preferendus quomodo.  
 pag. **166.**  
**Inimici** virtutis occasio. **83.**  
**Iniurie** occasio mansuetudinis, & quomo-  
 do. pag. **415. seq.** **Earum** auctor bene-  
 ficiū confert. pag. **417.** **Quid** cogitan-  
 dum dum inferuntur p. **418.** **ferendę** in  
 iniurie p. **418.** **Optandę** etiam. **429.**  
**Institutio** fidei ad quos pertineat. p. **120.**  
**seq.** **Quę** sit lac paruulorū. pag. **121.**  
 quot eius genera, **ibid.** quā nobilis  
 actio. pag. **123. seqq.** **234. seqq.**  
**Institutio** per confessiones & catechismū  
 quas difficultates habet, quā uilis  
 actio charitatis. p. **235. seqq.** **finis** eius  
 & scopus. **246.**  
**Intelligentia** quę virtus. **263.**  
**Intentio** oculus. p. **12.** **Quis** actus sit, quid  
 Sancto



# I N D E X

Sancto Augustino, S. Bernardo, quæ  
eius genera. *ibid.* & pag. 13.  
Intentio proficientium & perfectorum  
qualis, p. 14. Quatenus frequentanda. 15.  
Intentio habitualis magis meritoria. *ibi.*  
Intentio noua in nouis actionibus. 17  
Intentio renouanda in actione diuturna. *ibi.*  
Intentio boni in virtutis actione præci-  
pua. 35  
Intentio deprauata fons malarum cogita-  
tionum. 75  
Intentionis frequentatæ utilitas. 17  
S. Ioannis Chrysostomi charitas in pro-  
ximum. 254  
S. Ioannis Gualberti exemplum chari-  
tatis. 261  
Ira quæ bona, & cui parti virtutis ser-  
uiat. 411. seq.  
Ire moderatio ex mansuetudine. *ibid.*  
Iusiurandum cum Reuerentia. 329

## L

**L**atria. p. 96. quid sit. quibus debetur.  
pag. 324. seq.  
Laus propria an liceat. p. 310. 425. quo-  
modo fugienda. 422  
Leuitia cordis potius quam tristitia deuo-  
tionis signum, & cur. 349  
Lectio sacra, eius vsus, utilitas. 75. seq.  
Lingue custodia ex prudentia. 317  
Literarum gentilium tractatio qualis, &  
quam utilis p. 341. seqq. quo referenda  
pag. 343. seqq.  
Loquendum de nobis quatenus. 305. seqq.  
Lux diuina emicat, & latet. p. 64. Eius  
inditia. *ibid.* seq.

## M

**M**iores à nobis quanti fieri uelit  
Deus. p. 351. Vide correctio

Homo, Pastor, Obedientia, Observantia.  
Mansuetudo, & eius actio. p. 410. Quo  
modo versatur circa iram. p. 411. propria  
Pastoris. pag. 414. seq. Eius occasio ex  
iniurijs. 415. seq.  
Mansuetudo est animi virtus non solo con-  
tenta silentio. pag. 416. seq. charitatis  
emula. 410  
S. Marini mira spes, & patientia. 182  
S. Martini fidei exercitatio. 154. seq.  
Martyrii cupiditas in Sanctis. pag. 294.  
ad id stimulat fortitudo. pag. 396. ex  
martyriorum nuncijs allatis qui fru-  
ctus. 180  
Martyrium fides. pag. 153. Ex ea meror,  
leuitia. *ibid.* seq.  
Martyrium spes. pag. 183. Amor. pag.  
217. 221.  
Meditatio rerum diuinarum ad cogitatio-  
nes bonas quid faciat. pag. 70. quibus  
de rebus instituenda *ibid.* seq. Quo-  
plex, quæ deuotionem instruat. 340  
Meditatio vite Christi. 136  
Memoria quæ virtus. 163  
Meritum ex remissis etiam actionibus.  
pag. 9.  
Meritum postulat, ut actio referatur in  
Deum, & quomodo. 15  
Meriti radix charitas. *ibid.*  
Meritoria magis ætualis intentio. 16  
Milites ad deuotionem etiam informan-  
tur. 348  
Miracula postponenda scientiæ Diuinæ.  
pag. 271  
Miraculorum fides. 147  
Misericordia opera cum fide. 138  
Meror quomodo vincitur. pag. 397. & q.  
quam malus, Dæmonè peior Chrysosto-  
mo, pag. 399. seqq. quando salutaris.  
pag. 402. seqq.  
Morcs quantopere iuuent fidem. 108. seq.  
Mortificatio necessaria, & frequentanda.  
pag.

# I N D E X

pag. 18. Cur. pag. 19. Eius inditium. 10  
 Mortificatio quando precepta. pag. 21.  
 Eius occasio arripienda. ibid.  
 Mortificatio virtutis cognoscenda ratio.  
 pag. 34. Que perfecta. pag. 172. Inditium deuotionis. pag. 348. Fortitudinis. 391. seq.  
 Mortificas, si non consentis. 21  
 Morio Dei qua bona producat. pag. 112.  
 Quomodo moueat Deus voluntate. ibid.  
 Mundanus timor cur malus. 157  
 Mundani initiati mysterijs perfectionis.  
 pag. 51. Ut possint ex creaturis insurgere in Deum. 58  
 Mundanorum cogitationes indifferentes in bonas conuertendę. pag. 49.  
 Mundanis monita que danda. 50. seq.

## N

**N**atalis sanctę spes. 183  
 Nobilium, & diuitem virtus clarior. 79. 80  
 Notę amoris diuina beneficia. 189. seqq.

## O

**O**bedientia cum fide. pag. 138. fidei insigne pag. 148. erga Deū que, & eius actio. pag. 361. erga homines que, & eius actio. 362. seq.  
 Obedientia charitatis que pag. 371. maior ieiunio. 375  
 Obedientia in incundis quomodo, in molestis quomodo. 368. seq.  
 Obedientia non segnior propter inordinatum animum precipientis. 367  
 Obedientię precipue proprietates due. pag. 364. seq.  
 Obedientię comes utilitas, Deus Patronus. 368. seq.  
 Obedientię occasiones, ibid. Inditia. pag.

371. seqq.  
 Ab Obedientia Maiorum vult Deus, vt pendeant ipsa etiam eius imperia. pag. 363. seq.  
 Oblitio sui ex amore Dei. 216. seq.  
 Obseruantia cum prudentia pag. 295. seq. que virtus. pag. 350. eius actio. ibid. seq.  
 Occasio quasi initium virtutis. 77. seq.  
 Occasio virtutis quomodo sit que libet res creata. ibid. seq.  
 Occasio maximum momentum ad virtutem. 85  
 Occasionem peccati arceat Deus. 87  
 Occasiones fidei. 130. seqq.  
 Occasiones timoris Dei. 160. seq.  
 Occasiones spei. 176. seqq.  
 Occasiones amoris Dei. 189. seqq.  
 Occasiones quattuor amandi Deum propter se. 206. seq.  
 Occasiones charitatis in proximum. pag. 228. seqq.  
 Occasiones fraternę correctionis. 231  
 Occasiones prudentię. 273. seqq.  
 Occasiones adorationis. p. 325. seqq. vide etiam Deuotio, Obedientia, Obseruantia, Simplicitas, Fortitudo, Mansuetudo, Humilitas, Patientia.  
 Occupationibus in medijs quomodo te coligas. 53  
 Oculi quas occasiones prębeant Deum amandi 194. seq.  
 Oratio magis diffipat. p. 397. quomodo frequentanda. 22  
 Oratio perpetua, crebra, que Patribus. pag. 24. seq.  
 Oratio perpetua contemplatio est. 26  
 Oratio crebra uite actiuosę. ibid.  
 Oratio statis horis. pag. 29. Prudentia di rigitur. pag. 277. Virtutis cognoscendę ratio. 34  
 Oratio ex fide. p. 97. ex spe. p. 176. ex amore Dei. 218. seq.  
 Ora;

# I N D E X

Orationis præceptum est Theologis. 23  
 Orationis proferendæ ratio & causa. pag.  
 27. seq.  
 Orationis iaculatricis comparandæ ratio.  
 pag. 29  
 Orationis mutua vir. 54  
 Oratines S. S. 171. seq.  
 Orationibus certandum pro adeptione vir  
 tuis. 89

P

**P**atentia ex spe. 172. 184. Proprie-  
 tas amoris Dei. 213. 215  
 Patientia ætio. p. 396. seq. aduersus me-  
 rorem ibid. seq. Occasiones eius ibid.  
 404. Vfus ibid. 407  
 S. Paulus magnus vir in Christo. 186.  
 seq. 214. seq. 219. seq.  
 Paulus totus in Christo. 67. 98. seq.  
 Paulus quam cupidus salutis animarum.  
 248. seq. Quomodo se habuerit in-  
 lexis ceremonijs. p. 302. De se quomodo  
 loqueretur. 205. seqq.  
 Pauli charitatis explicatio mira ex S.  
 Chrysostomo. 249. seqq. 256. prudentia.  
 283. 303. Studium placendi. 285. præ-  
 cepta diuersa. 289. Obedientia. 365.  
 Regula 314. Ira & seueritas cum man-  
 suetudine & charitate. 411. seqq.  
 S. Paphnutij spes. 182  
 Pastor Christianus prudens. 281. seqq. in  
 humilitate presertim. 282. quatenus  
 amari se possit optare. 285. quomodo si-  
 bi hominum amorem conciliet. 286.  
 fugiat onerosa negotia. p. 287. seq. qua-  
 tenus curat terrena. p. 295. corrigit &  
 quomodo. 288. seqq.  
 Pastoris duo præcipua munera. 293  
 Pastoris munus potius leniter agere, quàm  
 inste irasci. 414. seq. 291  
 Pastori propriè vigilandū. 293. 309. seq.

Pauperes non contemnendi. 31. seq. fidei  
 id efficit. ibid. & p. 179  
 Pax ex prudentia. 317  
 Pax interior ex presentia spiritus. 279  
 Peccandi occasiones arcet Deus. 87. pecca-  
 tum iniuria fidei 118. Inferno dete-  
 rius. 116  
 Peccati fuga timoris Dei fructus. 159  
 Peccati recognitio colendi Deum occasio.  
 pag. 328. seq.  
 Perfectorum & proficientium intentio. p.  
 14. cogitationes. p. 51. orandi modus  
 pag. 25  
 Peste laborantibus subuenit fortitudo &  
 charitas. 384  
 Peste consumpti propter charitatis offi-  
 cium ex Soc. Iesu qui. ibid. & seq.  
 S. Petri prudentia. 283. humilitas. pag.  
 302. seq.  
 Placere hominibus quatenus liceat. 283  
 Philosophia quam sine fide imbecillis. p.  
 135. seq.  
 Principia, seu motiua fidei. 111  
 Principes sunt timori. 163  
 Professio fidei. 339. seq.  
 Profectus nouam intentionem postulat in  
 nouis actionibus bonis. 17  
 Profectum retardat Deus interdum, ex S.  
 Gregorio. & cur. 46  
 Proficienti ratio profectus habenda. p. 16.  
 ætio perneccessaria mortificatio. p. 18.  
 Eius cogitationes quales. 52. seq.  
 Proficere etiam paulatim virtus est. pag.  
 184. seq.  
 Proprietates actionis studiose. 6. seq.  
 Providentia Dei amorem excitat. p. 192.  
 Eius explicatio. 282  
 Providentia quæ virtus sit in homine. 263  
 Providenti a lucerna virtutum. 40. Quo-  
 tplex. 269. Christiana nobilior mora  
 li, & cur. 269. seqq. Mensura æquans  
 actiones. 273. seq. Designat tempora  
 amandi

K K K



# I N D E X

amandi Deum. 276. orationem diligit.  
 277. quomodo se habeat cum internis  
 motionis spiritus. 279. seq.  
 Prudentia pastoralis quæ. 281. seq. regit  
 obseruantiam subiectorum. p. 295. seq.  
 Humilitatem. 302. Temperantiam, ie-  
 iunia, corporis vexationes. 307. seq.  
 Concionēs. 298. seq.  
 Prudentia ingeniosa. 312. non obliuione  
 amittitur sed corruptione appetitus.  
 pag. 315  
 Prudentia plurima S. Gregorio superbia.  
 pag. 316  
 Prudentia actio precipua. 262. seq. Comi-  
 tes. p. 263. procreatio & proocasio, &  
 progressus. 264. consiliarij. 269. Occa-  
 siones. p. 273. Mensura ex alijs virtutibus.  
 315  
 Psallendum qua reuerentia. 337. seq.  
 Psalmi centesimi decimi quinti paraphra-  
 sis. pag. 326. seq.  
 Psalmorum vsus, utilitas. 71. seq.  
 Puritas cordis effectus fidei. 116. seq.  
 Pueri ad actum fidei inducendi, & quo-  
 modo. 139  
 Q Vies animæ inditium præsentia spi-  
 ritus. 279  
 R Actio quæ virtus. 163  
 Reflexio nimia, nitiosa, & nitanda.  
 pag. 31. 69.  
 Religio quæ virtus. pag. 321. seqq. Eius  
 actio. ibid.  
 Revelationes postponendæ fidei. 149. seq.  
 Prudentia dirigende. 271. seq.  
 Romana cathedra aedunda. 156. in qui-  
 bus maxime. ibid.

Rosa quomodo mundi contemptum exci-  
 tet ex S. Basilio. 57. seq.

S Acramentorum, usus cum reueren-  
 tia. 330  
 Sacerdotes quanti fieri velit Deus. p. 351.  
 seq. Exempla obseruantia à regibus.  
 354. eorum defensio aduersus laicos.  
 356. seqq. iisdem quam sancti è viu-  
 dum. 360  
 Sacrificium misse quanta reuerentia spe-  
 ctandum. 330. seqq.  
 Sacrificium quotuplex. 332. seq.  
 Sanctorum virorum virtutes imitanda,  
 præsertim noui testamenti. 37. seq.  
 Sanctorum fides. 153. seq. fiducia unde. 171.  
 Sanctorum imitatio non difficilis volen-  
 tibus. 319. seq.  
 Sapientia religione prior. 97  
 Scriptores profani vtiliter leguntur. 141. &  
 Sanctus, quomodo. 341. seqq. 344. seqq.  
 Securitas animæ, est præsentia spiritus. 279.  
 Scientie donum quid. 120  
 Silentium laudabile cum iniuria afficeris.  
 pag. 2415  
 Simplicitas virtus. adiumenta eius, pro-  
 prietates. 375. seq. Inditium. 378. seqq.  
 Simulatio inuidig filia. 378. inimica for-  
 titudinis. 395  
 Solertia quæ virtus. 263.  
 Sollicitudo rellè ambulandi coram Deo ex  
 Dei timore. p. 160. Inditium pruden-  
 tia. 309. seq.  
 Somni tempus, non pugna tempus. eo vi-  
 tijs etiam resiliimus. Meditatur suo  
 modo, & qua ex causa. 20  
 Somni perniciēs quotuplex. 310  
 Somnia postponenda scientia diuina. 273  
 Spes quo comparata in Euangelio. p. 173  
 seq. aurea catina. 179  
 Spei

# I N D E X

**S**pei actio. 168. seqq. firmitas. 170. Inditit. 179. seqq.  
**S**piritus it, & credit, prout vult, semper utiliter. pag. 278. presentie eius inditia duo. 279. Divini & Diabolici differentia. 279. seq.  
**S**tudiositas inuat ad fidem. 110. quid exigit a nobis. 112. seq.  
**S**tudij profani utilitas. 341. seqq.  
**S**tudij sacri fructus. 113  
**S**uauietas spiritualis bona seductilis. pag. 211. Proprietas amoris Dei optabilis cum abest. ibid. seq. Postponitur patientie propter Deum. 214  
**S**ubiecti non querant que Maiorum sunt. 295. seq. quomodo se gerant cum eorum culpe patent. ibid.  
**S**. Symphorose spes. 183

## T

**T**heodosii in Sacerdotes observantia. pag. 354. seq.  
**T**emperantia Prudentia regenda. 307. seqq.  
**T**empestates, tonitrua, fulgura, timorem Dei excitant. 161. seq.  
**T**entatio contra fidem quomodo superada. pag. 140. 155.  
**T**entatio desperationis quomodo vincitur. pag. 136. seq.  
**T**entatio Diaboli est occupare quem superare non potest. 31  
**T**entationis tempore quid agendum, si ad est periculum peccati. 21. Quomodo ad sit Deus iustus. 204. seq. Timentibus Deum. 166  
**T**entationes a mundanis cauende. 50  
**T**esta menta duo Dei testimonium nouum amoris, uetus timoris. 195  
**T**imiditas occasio fortitudinis, & quomodo. 383  
**T**imor Dei seruilis effectus fidei. 116. 157  
**T**imor Dei uirtutis effectus donum Dei. ib.

**T**imor castus. 165  
**T**imor mundanus malus. 257  
**T**imoris gradus ibid. Effectus. 159. Occasiones. 160. seq. Inditia. 164. seq.  
**T**rahit Deus. 85 quomodo. 88. seq.  
**T**ribulationes cur immitat Deus. p. 176. quomodo sustinende. 179. 182.

## V

**V**eritatis amoris nihil preferendum. pag. 285. seq.  
**V**gonis Linconiensis Episcopi fides. 151  
**V**igilia somnum diligit. 21  
**V**igilantia maxime propria presidii animarum. 293. Inditium prudentie. pag. 309. seq.  
**V**igilandum ad spiritus aduentum. 278.  
**V**inci interdum prestantius quam uincere. 415  
**V**irtus rectissima affectio animi. p. 187. in actione consistit p. 1. nil magis regium virtute. 2. fons bonae actionis. ib. Infructuosa esse non potest. 4  
**V**irtus otiosa lyra tacens. ibid. plumbea lancea. 5  
**V**irtus cur habitus actiuosus. 3. 4. crescit. p. 8. etiam Theologica. p. 6. signum electionis. 8  
**V**irtus peregrina, & quomodo. p. 9. etiam in somnis exercetur. 20  
**V**irtus uera Christo conformis sanctorum imitatrix. 36. 37  
**V**irtus quomodo actibus acquiratur. pag. 86. seq.  
**V**irtus communis, Heroica. 90  
**V**irtus omnis foras spectat. 120  
**V**irtutis officia duo. 2  
**V**irtutis actiones frequentande. 30  
**V**irtutis in itinere duo consideranda. 32  
**V**irtutis officium maximum se uincere. 34

# I N D E X

*Virtutis principia & fontes.* 42. 48. 77.  
*p. 85. seq. Conceptio, partus.* 44  
*Virtutis actio ex Deo.* 85. seq.  
*Virtutis Christi charitas, humilitas.* 47  
*Virtutes vere à falsis quomodo distinguen-*  
*tur.* p. 33. seq. 36. seq.  
*Virtutes ementis in Ecclesia damnata.*  
*pag.* 39  
*Virtutes cum prudentia iunguntur.* p. 40.  
*simul colligate.* 41  
*Virtutes quomodo mensura prudentie.*  
*pag.* 315  
*Virtutis augeantur modicum modico ap-*  
*posito.* 70  
*Vita eterna quantum amanda, quanti na-*  
*leat.* 175. seq.  
*Vitia multa. Vno extincto insurgit al-*  
*terum.* 19  
*Vitia minuuntur, & extinguuntur.* p. 20.  
*non expugnantur somno, quamvis im-*  
*pugnentur.* ibid.  
*Virtutis occasio vitia.* 83. seq.  
*Vitia non dissimulanda pastori.* pag. 228.

309. seq.  
*Vitia minuta acius insequenda.* 311  
*Unitas bonorum procuranda.* 301  
*Voluntas bona ad virtutem necessaria.* p.  
*42. seq. quanti estimetur à Deo.* 43.  
*quomodo concipit & parit virtutem.*  
*p. 44. Donum Dei.* 45. quomodo. 88. in  
*termittenda nunquam.* p. 46. feruiscit,  
*& quomodo.* ibid.  
*Voluntas Dei querenda.* semper. 160. 168  
*Voluntatis bone inditia.* 47. seq.  
*Voluntatem ut iuvet Deus ad fidei ascen-*  
*sum.* 110. seqq.  
*Votum cum reuerentia.* 329. seq.  
*Vsus bene cogitandi quantum valeat.* 69  
*Vsus Sacramentorum cum reuerentia.*  
*pag.* 330

## Z

**Z**elus salutis animarum inditium  
*charitatis.* p. 148. quomodo inge-  
*niosus & prudens.* 312. & seqq.

# F I N I S.



In Erratis prior numerus paginam alter lineam paginæ indicat, priora  
verba erroris, alia correctionis sunt.

Fratribus lege Patribus pag. 1. linea 8. In margine 5. 1. De uita Moysis reponatur lin. 10. & quod est lin. 16. lib. de similibus reponatur lin. 2. Actiones; ex sese lege Actiones ex sese 15. 5. Deum non consentis. Dum non consentis 20. 9. Vitales; delicæ; Vitales delicæ; 28. 2. Peramanentes. peramantes. 49. 8. Laudabili laudabili ibid. linea vltima. primat. 52. 18. Vobis. nobis. 53. 25. Eum hominibus. cum hominibus 55. 22. Descendit. descendit 67. 27. Obstitit obstitit 73. 4. Inuidiose. impie. inuidiose; impie. & 76. 1. Duoq; ex Diuoisq; ex ibid. quopiam similit. quopiam similit. 93. 19. Cum hominibus. cum hominem 96. 23. Vel absconditi. Dei absconditi 98. 28. Diuitiatis Ciuitatis 103. 19. patre. pater. 105. 11. Appetens. appetens 117. 15. portecibus. portecibus 124. 15. ita aut. ita ut 124. 18. lauaturn. lauaturn 135. 10. fidei. ergo fidei ergo ibid. lin. 25. sponsione. sponsionem. 133. 11. Et hæc sunt. Ante alia & hæc sunt. antea 133. 18. & 170. Religiorum Religiorum 138. 32. Audiuit. audiuit 136. 12. Petri Petri 156. 4. liniamus leniamus 179. 9. tantus amor tantus amor 191. 12. Sicut hac. sicut hac. ibid. lin. 25. produit. producit 193. 2. Celum? Celi? 194. 9. Assumam Assumam 196. 24. Omnia omni 208. 12. ut amat. ut amet. 209. 12. inquam. vquam 210. 3. temporem. teporem. 211. 2. veti bilem seductibilem. 211. 22. quiquam. quicquam. 212. 28. es sublimis. & sublimis. 215. 5. prolabitur. prolabitur. 216. 14. Diuinissimum. Diuinissimum? 221. 6. xempla exempla. 222. 22. Petrem. Petre me. 226. 6. discipulus disciplina. 229. 7. Leuitas lenitas. ibid. quod hoc. quo hoc 230. lin. penultima. & vnum. & vnde 231. 18. minime. maxime. 232. 8. fieri. fieri. 232. linea penultima. instituto. Vocacionis. Instituto uocationis. 234. 13. præclare. præclare 235. 12. letandum letandum. 239. 2. ne tamen. me tamen 239. 11. qui à quia. 241. 3. luti. lutiis. 245. 13. accidius. audius. 247. 6. mixum. mirum. 249. 18. quid à quid ad. 251. 7. homieth humiliet. 251. 16. Velleni. Vellem. 254. 11. Implere. Implete pag. ead. 260. Apostolicus Apostolicis 255. 7. ut. ut 264. 15. Porro nec. Porro hæc pag. ead. lin. 24. Salomon qui sapiens. Salomon. qui sapiens 265. 6. visiones excitat. visiones. excitat. 266. 14. discernunt. qui nequaquam. discernunt. qui nequaquam. 267. 18. nequaquam. nequaquam. 268. 8. inconstantiam. inconstantia 268. lin. vltima maturæ. mature. 268. 1. morali moralis 272. 13. equalites aequalitates 273. 25. grauito gratuito 274. linea vltima. denignat denigrare 276. 16. obllinauonem obllinauorem 284. 17. coripere. corripere 285. lin. penult. & vltima. præferant præferent 286. 22. infudatur infundatur 292. 17. hæc illi hæc ibi 300. 27. potius quæ potius quam 302. 3. virtutibus virtutibus. 318. 10. maui Marci. 321. 2. glorificabum glorificabunt. 324. 1. beati beatis 325. 15. prophazia propheta. 326. 8. Dei David. Dei. David 327. 17. igne igne 331. 20. huc illi hæc ille 332. 1. Ethicis Ethicis 333. 18. sole soli 334. 27. infirmantur informantur 335. 12. proficere proficere 338. 4. saninas sarcinas 344. 10. Quotidie quotidie 347. 22. fonte forte 349. 14. Omittuntur illud Omittuntur. illud 354. lin. penult. Verbis verbis 356. lin. vltima. vt suam vt sciam 357. 18. ipse ipse 357. 22. artem autem 361. 26. amare amare 360. 2. minit minuit 369. 8. aliquid aliquid 369. 13. sic eum sic eum 370. 14. voluntate voluptate 370. 26. perfecta. perfecta 371. 4. secundum secundum 373. 6. exprobare exprobare 374. 16. aggreditur. maxime aggreditur. maxime 380. 20. Com cum ibid. lin. 24. domini domine 381. 6. mo nea ibid. lin. 7. ma gisq; magis quam 388. lin. 11. in barum in barum ibid. virtutibus virtutibus 390. 12. mentia mentita. 395. 12. Eo. s. eos 398. 3. immiceretur immoretur 401. lin. ante penult. emendi erudi 404. 10. liberam liberi ibid. lin. 21. exiitis exiiti ibid. 24. comouerit commouerit 413. 12. recepit recepit 415. 4. perfecta perfecta 418. 4. Christus Christus ibid. 9. es. ait es ait 420. lin. 10. & 11. Helicis Helicis 421. 13. fluuij fluuius ibid. 14. ac eius ab eis 406. 14. qui quæ 426. 20. humillitatis humilitatis 426. 27. confossum confossum 431. linea 7.

# REGISTRVM

• ABCDEFGHIKLMNOPQRSTUVWXYZ,  
Aa Bb Cc Dd Ee Ff Gg Hh Ii Kk Ll  
Mm Nn Oo Pp Qq Rr Ss Tt Vv  
Xx Yy Zz,  
Aaa Bbb Ccc Ddd Eee Fff Ggg Hhh  
Iii Kkk.

Omnes sunt Duernlones.



---

VENETIIS,  
Apud Io: Baptistam Ciottum.  
M. DC III.

1872

Received of the  
Hon. Secy of the  
Treasury  
the sum of \$1000  
for the purchase of  
land in the  
State of Texas

Witness my hand and seal  
this 1st day of March 1872

Very truly  
yours  
John G. Thompson  
Secy of the Treasury



THE UNIVERSITY OF CHICAGO

PHYSICS DEPARTMENT  
CHICAGO, ILL.  
JANUARY 1900

TO THE EDITOR OF THE PHYSICAL REVIEW

SIR,

I have the honor to acknowledge the receipt of your letter of the 10th inst. in relation to the article on the "Theory of the Photoelectric Effect" published in the 1st issue of the 1st volume of the Physical Review.

Very respectfully,  
J. H. P. J.

JOHN H. P. J.

PHYSICS DEPARTMENT

CHICAGO, ILL.

